



M

Ex Bibliotheca
majori Coll. Rom.
Societ. Jesu

IV. 13. c



coll. Ann. Soc. Ven. cat. iur. Bibl. Marc. *

M. ANTONII MVRETI

AD LEONARDVM MO.

CENICVM, PATRICIVM

VENETVM, ORATIONVM

Ciceronis in Catilinam

EXPLICATIO,

*post Venetam editionem multis locis ab auctore
ipso aucta et emendata.*

VIRTUTE DVCE.



COMITE FORTVNA.

VENETIIS,
IOAN. GRYPHVS EXCVDEBAT,
M D LVII.



M. ANTONIVS MV.

RETVS LEONARDO MOCE.


nico, Antonii Procuratoris F. Patricio

Veneto, S. P. D.



VOD, me sæpe in quotidiano sermone, LEONARDE MOCENI CE, deplorantem audire potuisti; magna inest in ueterum scriptis & deprauatio, & difficultas. quarum utranque qui pro sua uirili parte tollere moliuntur; operamq; ad eam rem studiosis hominibus proficuntur suam; ij mihi & labores suos collocare fructuosius, & ad extruendam sibi nominis immortalitatem firmiora, & solidiora fundamenta iacere uidentur, quàm qui hunc emendandi, ac des

† ij



clarandi laborem, tanquam & plenior
rem molestiarum, & abiectiorem quor
dammodo, atque humiliorem refugien
tes, scribendis latina, græcâ uel lingua
orationibus, aut poëmatibus, eiusdemq;
generis alijs, sua nomina posteritati com
mendare malunt. Primum enim cum e
ueterum monumentis, tanquam ex opi
mis, & pinguibus pascuis, quæ ad sa
turandos humanitate animos pertinent,
omnia colligantur: profecto qui & eucl
lere noxias herbas, quæ in eis, cultor
um negligentia, pullularunt, & excisis,
si quæ iter impediunt, sentibus, aditum
ad ea faciliorem efficere nituntur, ne
gari non potest, quin præclare omnino
de humano genere mereantur. siquidem
ut qui aut parum puris, aut ad conficien
dum difficilibus utuntur cibis, integri
tatem ualetudinis firmitatemq; uirium

adipisci uix queunt: ita qui aut parum
emendatos libros, aut parum ad intellis-
gendum faciles uersare coguntur; nec
illi ualde bono ingenio sint oportet, si
aut ullum sermonis leporem, aut ullam
exquisitioris doctrinæ elegantiam con-
sequuntur. Quam multa barbara uo-
cabula, quam multa uitiosa genera lo-
quendi, propter librorum corruptionem,
usurparunt ij, qui se nostra, patrumq;
memoria Ciceronianos dici uolebant?
quantularum rerum ignoratio quantas
tenebras sæpe in omne disciplinarum ge-
nus inuexit? magna enim Mocenice
fecunditas erroris est: & ut morbi qui-
dam a pusillis principijs profecti, pau-
latim per corpus omne serpunt: ita par-
ua interdum macula erroris, paulatim
progressa longius, integra optimorum
scriptorum monumenta contaminat.

Deinde non est sane expectandum, ut
omisso Cicerone, Virgilio, ceterisque
ueteribus, legantur ij, qui temporibus
nostris aliquid eadem lingua in eodem
genere scripserint. qui si aliquid affe-
runt non haustum à ueterum fontibus,
prope reprehenduntur: si improbo la-
bore hoc consecuti sunt, ut in scriptis
suis nihil non è priscis illis imitatum; &
effictum appareat; nemo tamen est, qui
non illos potius ipsos priscos euoluere,
sibiq; proponere ad imitandum uelit. ita
que eiusmodi scripta, tanquam uina le-
uia, quamdiu mustea sunt, ipso nouita-
tis sapore paulisper placent; iterum autē
sæpius gustata, fastidiuntur. in prom-
ptu exempla sunt. Bembii, Nauagerii,
Molsæ, Lampridii aut uersus, aut
orationes, quotusquisque hodie legit?
& tamen aut illi nostra ætate proxime

antiquorum gloriam accesserunt, aut ne-
mo unquam accessurus est. at contra si-
qua idem ad illustrandos ueterum li-
bros pertinentia literis prodiderūt; qua-
lia non nulla Bembus elegantissime scri-
psit, ea plus, plusq; in dies studioso-
rum hominum manibus conteruntur. sed
quid de his loquor? possum nominare
non nullos, qui abhinc sexaginta fere ui-
xere annos, quorum poemata, oratio-
nes, epistolas, cum propter peruersum,
& inepta affectatione corruptum lo-
quendi genus, quod ætas illa extulerat,
sine risu hodie nemo legat: eorundem ta-
men scripta quædam, quibus lux aliqua
ueteris scriptoribus affertur, omnibus
uigent, denique, quem sola sermonis ele-
gantia suauitasq; commendat, is ætatem
ferre liber non potest: at ex quo fructus
aliquid, utilitatisq; percipitur,

Hic meret æra liber Sossus, hic
mare transit;

Et longum noto scriptori prorogatus
æuum.

Ego autem Mocenice, quæ cupiditas
in optimo quoque maxime uiget, nar-
uandi studium suum utilitati publicæ,
et nominis sui ad posteros propagandi,
ab ea nunquam me abhorruisse confiteor,
quam ad rem cum illud mihi, de
quo ante dixi, quasi compendiarium esse
iter uiderem, progressus sum in eo
quoad potui, et progredi porro, si uita
suppeditauerit, cogito. ergo alia alias:
nuper autem quatuor Ciceronis in Catilinam
orationes tum uindicaui à multis
mendis, quæ in eis librariorum uitio in-
federant; tum, addita breui declaratio-
ne, faciliores ad intelligendum effeci.
hunc paruum laboris mei fructum uenit.

re in hominum manus ornatum commenda-
tione tui nominis uolui . primum, quod
ipsi libro, parum ex me auctoritatis has-
bituro, multum ex te accessurum dignita-
tis ac gratiae intelligebam: in quo,
quæcunque aut ad amplitudinem nomi-
nis, aut ad deuinciendas amicitia homi-
num uoluntates ualent, summa esse oma-
nia animaduerto. nam siue generis claris-
tatem requirimus; cui tandem, qui Vene-
tæ imperij nomen audiuerit, Mocen-
tæ gentis splendor ignotus est? quæ qui-
dem gens, ut ne annalium memoriam re-
plicem, neque eos commemorem, quos
domi forisq; spectata uirtus, concordia-
bus suffragiis, ad huius reip. fastigium
euexit; illud integritatis, illud iustitiæ,
illud incorruptæ seueritatis exemplar,
Aloisium Mocenicum, equitem, tuum
Leonarde animum protulit: quo uiro ne

mo unquam in hac ciuitate, qui, cum
pauciora peteret, plura consequeretur
honoris insignia, inuentus est. ipsa pro
eo prensabat uirtus, ipsa ei uiam ad om
nes honoris gradus, non appellandis,
non rogandis, non officiose salutandis
ciuibus; sed gloriosis, admirandis, immor
talitate dignis edendis operibus munie
bat. neque uero passa resp. est, tantum
lumen exteris principibus incognitum
latere: sed quanquam fidelissimis illius,
sapientissimisq; consiliis nixa, non liben
ter ab amplexu cum suo dimitteret: man
dandis tamen ei plurimis, honorificentis
simisq; legationibus, facultatem dedit,
famæ suæ per omnes terrarum oras dis
seminandæ. qui cum omnes in eam opi
nionem adduxisset, ut quicquid ipsi, non
dicam denegatum, sed non ultro delatum
fuiſſet, idem uirtuti denegatum uideret

tur; filio suo, patri tuo Leonarde, ijs-
dem uirtutibus prædito, facile atque
expeditum iter ad procuratoriam, id
est, ad eam qua nulla summæ propior
est, dignitatem reliquit. siue igitur ge-
neris claritatem requirimus, ea tibi lon-
ge maxima diuinitus contigit: siue te ip-
sum, nulla ratione generis habita, intue-
mur, ea uidemus in te, quæ uel abiectam,
obscuramq; familiam erigere, atque il-
lustrare possent. non enim te aut gentis tuæ
nobilitas tumidum, aut opum affluen-
tia insolentem facit: sed illam quidem in-
citamentum, hanc uero instrumentum
exercendæ uirtutis esse ducens, ita te
geris, ut dignitate par summis, humani-
tate, & affabilitate nihilo superior in-
fimis esse uidearis. quo fit, ut tota urbe
nemo sit, qui non omnia tibi successa cu-
piat, qui te non amet, non in sinu, non

in oculis ferat: qui non & optet, & aus-
guretur fore, ut te eodem plane, quo
auus olim, itinere gradientem, iisdem
resp. quibus illum prosecuta est, honori-
bus prosequatur. primum igitur è tuo, ut
dixi, nomine auctoritatem libro meo qua-
rere aliquam uolui. deinde, cum pluri-
mis, manifestissimisq; indicijs, me tibi
nō uulgariter carum esse cognoscerem;
uolui ego quoque uicissim, qualemcunque
poteram, animi erga te mei significatio-
nem dare. Vale. Venetijs, a. d.
VI. id. Octob. M. D. LVI.

1 IDEM LECTORI.

*Siqua in ipsis Ciceronis uerbis emen-
data reperies ; quorum in explicatione
mentio facta non sit ; ea è uetustis exem-
plaribus emendata esse scito.*

M. ANTONII MURETI

AD LEONARDVM MOCE

nicum P. V. primæ orationis in

Catilinam explicatio



AE PE iam M. Tullius, antequam hancce orationem haberet, uerba in senatu de Catilinæ coniuratione fecerat: ut uel ex eo perspicuum est, quod duodeuiginti diebus ante, consulibus Resp. senatusconsulto permissa erat, quod ego ipsum admonere superuacaneum putassem; (est enim sanequam apertum) nisi animaduertiissem, multos magnosq; uiros, non è recentioribus modo, sed etiam ex antiquis, quod, quid quoque tempore actum fuisset, non satis attente considerassent, in errores quosdam minime, ut arbitror, negligendos, in harum rerum explicacione incidisse. Mihi quidem ita uidetur: Ciceroni imprimis ipsi maximam esse hisce in rebus habendam fidem: ut; sicubi ab eo ceteri dissenserint; homines eos fuisse, iccircoq; labi potuisse, arbitremur: secundum Ciceronem autem Sallustio, qui iisdem temporibus fuit, tum Asconio, qui ab eorum ætate non ita multum abfuit: Græcos autem, Plutarchum, Appianum, Dionem magno esse adhibito iudicio legendos. Nam, ut hinc ordiamur, cum coniurati, Catilinæ denunciacione, in M. Porcij Leccæ domum conuenissent, repertiq; essent duo, qui se Ciceronem in lectulo suo interfekturos pola

dicentur; tum demum ait Sallustius, rem ad senatum
à Cicerone relatum, senatumq; decreuisse, ut darent
operam consulēs, ne quid resp. detrimenti caperet. at
id manifesto falsum est. siquidem, quæ nox consecuta
est posterum diem nonarum Nouemb. ea nocte coitio-
nem illam in M. Porcij domum factam esse, constat ex
oratione pro Sylla. iam autem sedecim, minimum, dies
erant, cum illa senatus auctoritas intercesserat, ut ex hac
ipsa oratione liquido cognosci potest. Illud quoque non
minus falsum est, quod idem Sallustius prodidit, cum aut
hanc orationem Cicero, aut aliam quampiam habuisset,
certe quidem aliquot diebus post commissam consuli-
bus temp. Catilinam in eam uocem denique erupisse, ut
diceret, si quod incendium in fortunas suas excitatum
esset: id se non aqua, sed ruina restincturum. id enim
iam pridem, id est, aliquot diebus ante comitia consu-
laria, Catoni iudicium minitanti ac denunciati Catili-
na responderat. quod ipse Cicero in oratione pro
Murena testatum reliquit. Quod si Sallustium ipsum,
& accuratum cum primis hominem, & illorum tem-
porum equalem, tamen alicubi lapsus uidemus: ex-
cuenda profecto nobis ingenij acies est: neque ut quic-
que à quoque ueterum proditum fuerit, ita protinus
recipiendum est: sed conferenda alia cum alijs, & ad
Ciceronis precipue auctoritatem, tanquam ad Lydium
lapidem, singula diligenter examinanda. Nunc ad
rem. Dicta est hæc oratio à Cicerone consule, senatum
habente in templo Iouis Statoris, V l id. Nouemb. ut in-
fra probabitur. qua quidem oratione ostendit patrefacta

iam esse omnibus scelerata Catilinæ aduersus remp. cō-
silia: ipsiq; suadet, uel potius imperat, ut ex urbe ex-
eat, quo & ciuitatem liberet metu, & ipse se liberius
hostem P. R. profiteri queat. Genus igitur causæ iudicia-
le non est, ut falso Cœlius Curio putat. non enim in se-
natus iudicia exercebantur, sed ne deliberatiuum qui-
dem est. quid ita? quia enim non deliberat Cicero, ne-
que sententiam dicit, neque aut suadet quicquam sena-
tui, aut dissuadet: sed Catilinam increpat, obiurgat,
exagitat: iubet denique, ut cum reip. salute, sua uero
peste ac perniciæ ex urbe proficiscatur. Quid igitur? fa-
tendum profecto est, non omnes Ciceronis orationes,
nedum omnia quæ ab oratore tractantur, ad tria illa
peruulgata causarum genera posse reuocari. Ipse autē
orationis χαρακτήρ plenus est δεινότητος, γρηγόρη-
τος, σφοδρότητος, μεγαλοπρεπείας. itaq; quæ
cunque de illo genere à ueteribus prodita sunt, ea
hic mirabiliter obseruata reperiemus.



1
M. TVLLII CICERONIS IN L.
CATILINAM, IN SENATV,
ORATIO PRIMA.

Vousque tandem abutere Ca-
tilina patientia nostra? quan-
diu nos etiam furor iste tuus
eludet? quem ad finem sese
effrenata iactabit audacia? ni-
hil ne te nocturnum praesidium Palatii, ni-
hil urbis uigiliae, nihil timor populi, nihil
consensus bonorum omnium, nihil hic
munitissimus habendi senatus locus, nihil
horum ora, uultusque mouerunt? patere
tua consilia non sentis? constrictam iam
omnium horum conscientia teneri coniu-
rationem tuam non uides? quid proxima,
quid superiore nocte egeris, ubi fueris,
quos conuocaueris, quid consilii ceperis,
quem nostrum ignorare arbitraris? o tem-
pora, o mores. senatus hoc intelligit, consul
uidet; hic tamen uiuit. uiuit? immo uero
etiam in senatum uenit: fit publici consilii
particeps: notat & designat oculis ad ca-
dem unumquenque nostrum. nos autem
uiri fortes satisfacere reip. uidemur, si istius
furorem ac tela uitemus.



QVOVSQVE TANDEM. Non putarat, ut uidetur, Cicero, Catilinam eo die in senatu affuturum. sed cum eum, praeter spem, adesse uidisset, subita indignatione commotus, in haec uerba prorupit.

QVOVSQVE TANDEM. Sapienter admodum considerat hanc partem Quintilianus libro nono, cuius haec uerba sunt. Simplex est, sic rogare:

Sed uos qui tandem, quibus aut uenistis ab oris? Figuratum autem, quoties non sciscitandi gratia assumitur, sed instandi. Quid enim tuus ille Tubero districtus in acie Pharsalica gladius agebat? σ , Quousque tandem abutere Catilina patientia nostra? σ , Patere tua consilia non sentis? σ totus denique hic locus quanto magis ardet, quam, si diceretur: Diu abuteris patientia nostra: σ , Patent tua consilia. Hermogenes quoque apostrophem, σ interrogationem aduersarij, πρὸς τὸ σφοδρότητα ualde commendat. σχῆμα δὲ σφοδρὸν, inquit, τὸ κατ' ἀποστροφὴν. οἶον, παρὰ σοι κατέλυον Αἰσχίνην, καὶ σὺ πρὸς ἐμὲ αὐτῶν. καὶ ἡ ἐρώτησις δὲ ἢ τῆς ὑποκειμένης πρὸς τῶν ἀποστροφῆς, καὶ ἔχει πρὸς τῇ σφοδρότητι καὶ ἐλεγκτικόν τι. Idem ille, quem supra nominavi, Quintilianus libro VIII. congeriem uerborum ac sententiarum idem significantium ad amplificationem pertinere ait. eius autem uix usquam pulchrius aut illustrius exemplum reperias. neque non illud ad granditatem ac uehementiam pertinet, quod ἀπλοῦς fere πῶλον, aut etiam incisus, quæ Græci κόμματα nominant, utitur. sed σ numerum si quis consideret, uidebit, nullum adhiberi potuisse aptiorem. Atq;

id, discentiū gratia, in aliquot membris minutatim con-
sideremus. QVOVS, QVE TAN, D'ABV: iam
bi tres sunt: qui pes quantopere sit ad insectationem ac-
commodatus, uel nomen ipsum indicio fuerit. sequuntur
duo pæones πεονες τετραπυλοι, TERE CATI, LI-
NAPATI: quem pedem, totumq; adeo pæonicum dia-
cendi genus Aristoteles, Demetrius, Hermogenes, ceteri
q; dicendi magistri summo opere commendant. eos exci-
pit finis choliambi, ENTIA NOSTRA: qua clau-
sula sepe etiam in inferioribus usus est: ut, horum o-
mnium ora, VVLTVS Q. MOVERVNT: &
HIC TAMEN VIVIT: &, TELAVITEA
MV S. pæones autem tum πεονες τετραπυλοι, tum υγ-
τα-
λαπυλοι, tum dactyli, tum dochimi ita sparsi sunt per
totam orationem, ut sublimem quendam, & plenum di-
gnitatis efficiant sonum. Sed iam ad alia ueniamus.

ABVTERE. abutitur aliena patientia, qui ea,
non ad deponendam, sed ad confirmandam audaciam
utitur.

PATIENTIA NOSTRA. & senatus, & con-
sulum: sed consulum magis. Sed tamen senatus quoque
nimiam patientiam notat: quod non satis seuerè decre-
uisset, nihilq; aliud, quàm committendam consulibus
remp. censuisset. qua de re ita ipse in Murenæ defen-
sione: Congemuit senatus frequens: neque tamen satis seue-
re pro rei indignitate decreuit. nam partim ideo fortes
indecernendo non erant, quia nihil timebant: partim,
quia timebant.

ELVDET. quasi afflictis, prostratisq; nobis insula

tabit. Verbum gladiatorium. illud quoque annotandum, quòd de furore & audacia, quasi de re quapiam animata, locutus est. recte enim admonet Fabius, miram ex eo sublimitatem oriri, cum rebus sensu carentibus actum quendam & animos damus.

QVEM AD FINEM. Similis prope est exclamatio Thesei apud Euripidem in Hippolyto:

Φῶ, τῆς βροτείας, πῶ πρὸς ἑσέα; φρέν.

Τὶ τέρεμα τόλμης, καὶ θράσους γυνήσῃ;

SESE EFFRAENATA. in uno libro uetere, effrenata sese: sed illud magis placet. illam enim ipsam κακῶφωσίαν, quæ fit ἐκ τῆς τῶν φωνιστῶν συγκρούσεως, ad uehementiam pertinere, Demetrius, & alii prodiderunt. eodem etiam pertinet tralatum illud epitheton, effrenata.

EFFRAENATA IACTABIT AVDACIA. Vide, ut literam A, quæ, ut ait præter ceteros Halicarnasseus in libro de compositione, plurimum habet soni, iccircoq; grandem admodum orationem efficit, crebram adhibeat. & ut huius loci sublimitatem magis intelligas; conferto eos, in quibus orationis sonum Cicero ipse de industria deprimit: qualis est paulo post: Cupio P. C. me esse clementem: cupio in tantis reip. periculis non dissolutum uideri. illa uero etiam subtiliora, ac tenuiora: Paruum atque lactentem, uberibus lupinis inhiantem fuisse meministis.

IACTABIT AVDACIA. Spondeus, & dochimus. Vltima enim pro longa habetur. Miror autem, qua ratione motus Petrus Ramus, homo & ingeniosus,

Et eruditus, dixerit, disputari hoc loco caput deliberationis de morte Catiline, eamq; sententiam fuisse Catoanis, Luculli, & quorundam aliorum optimatum. nunquam enim profecto ad senatum de interficiendo Catilina relatum est: ac ne de alijs quidem coniuratis, nisi cum iam Catilina ex urbe profectus esset.

NIHIL NE TE. hanc orationis conformationem Demetrius epanaphoran uocat, cum ab eadem uoce plura seu membra, seu incisa incipiunt. congerit autem M. Tullius ea omnia, quæ Catilinam commouere debuerant: quibus cum nihil commotum esse miratur. In ueteribus libris, sublata particula, ne, legitur, Nihil te nocturnum &c.

NOCTURNVM PRÆSIDIVM PALATII. Periculosis temporibus præsidium palatio imponi solebat: quòd illud qui occupasset, urbem facile in potestate habiturus uidebatur.

NIHIL VRBIS VIGILIAE. Decreuerat enim senatus, ut per totam urbem uigiliæ haberentur, ijsq; minores magistratus præessent. Sallustius.

NIHIL TIMOR POPVLINAM & tumultum senatus decreuerat, ut est apud Dionem, & Cicero ipse, ut Plutarchus, Appianus, Dio, ipsemet denique in Murenae defensione narrat, ad indicandam periculi magnitudinem, comitiorum die, loricatorum in campum descenderat.

NIHIL CONSENSVS. ita legit Quintilianus. in duobus tamen ueteribus libris scriptum uideo, consensus.

NIHIL HIC MVNITISSIMVS. *templum Iouis Statoris dicit.*

NIHIL HORVM OMNIVM. *ORA.* Cum omnes te ingredientem auersati, eam partem subselliorum, ad quam tu accesseras, reliquerunt.

PATERE TVA CONSILIA. enumerauit signa omnia, quibus id facile colligi posset. subest autem uis argumenti à consequentibus, hoc modo:

Nisi tua consilia paterent omnibus, non impositum esset palatio praesidium, non haberentur per totam urbem uigiliae, non conspirarent omnes boni, non hi te omnes, tanquam hostem, auersarentur:

Fiunt autem haec omnia:

Tua igitur consilia omnibus patent.

CONSTRIC TAM TENERI. quasi de immani quadam, & rabiosa fera locutus est.

QVID PROXIMA, QVID SUPERIORE. ἀνὰ δὲ πλάσις, καὶ σὺ δὲ τὸν, et in uerbis ὁμοιοπλάτῳ τὸν.

QVOS CONVOC AVERIS. eorum nomina è Sallustio peti possunt. sed decreui hoc loco congerere, & sub uno aspectu ponere nomina eorum omnium, quos ego quidem ab antiquis scriptoribus repererim, tanquam coniurationis participes, nominatos. Sunt autem bi. I. L. Sergius Catilina, praetorius. I. I. C. Manlius. III. M. Porcius Lecca, senator. I. III. I. C. Marcellus. V. P. Cornelius Lentulus Sura, praetor. VI. P. Autronius. VII. P. Cornelius Ser. F. Sylla: quem tamen Cicero integra oratione purgat. V. III. Ser. Sylla, Publij, quem modo

nominauimus, frater. I X. L. Calpurnius Bestia, trib. pl. Scio, hūc ab Appiano L. Sestii uocari, ita enim scribit: Λόκιον δὲ Σίστιον τὸν δῆμαρχον ἐκκλησίαν δι' οὗτος ἔπειθε κέρει σωάγειν, καὶ κατηγορεῖν τῷ Κικέρωνος, ὡς αἱ δειλῶ, καὶ πελεμποισῶ, καὶ τῷ πόλιν εἰ εἰδένι δένω διατραπέοντες. ac ne quis alium quempiam esse suspicetur, Sallustij in eandem sententiā uerba apponā. L. Bestia trib. pl. concione habita, quereretur de actionibus Ciceronis, belliq; grauissimi inuidiam optimo cōsuli imponeret. Sed cū, Bestia, Calpurniorū cognōmē fuerit, puto, mutatis duobus literulis, corrigendū esse Appiani locum, ut pro, Σίστιον, legatur, Βηστῶν. X. C. Cornelius, eques R. cuius filius postea P. Syllam accusauit. X I. L. Vargunteius, senator. X I I. Q. Annius, senator. X I I I. M. Fuluius Nobilior. X I I I I. Q. Curius, homo questorius, alcator notissimus, in quem est ille uersaculus, Et talis Curius pereruditus. Asconius. apud Appianum corrupte legitur, Κοῖντος Σπέρσι, pro, Κοῖντος Κέρσι. Hic rem detexit Fulvia: Fulvia Ciceroni. Sallustius. Quapropter ipsi Curio constituta erant indicij prēmia: sed Cæsar, ne ei darentur, effecit. Suetonius. Quod autem Sallustius numerat cum inter illos, qui erāt ordinis senatorij: alij, ut Appianus, narrant, eum, ob uitæ turpitudinem, à censoribus senatu motum fuisse. X V. M. Claudius Marcellus. X V I. C. Cornelius Cethegus, quem Appianus prætorem fuisse dicit, sed falso, ut puto. X V I I. L. Caspius Longinus, senator. X V I I I. M. siue, ut Sallustius cum uocat, Q. Cæparius Tarracinēsis. X I X. A. Fuluius senator. hic uel à patre suo, uel. certe

ipsius iussu, interfectus est. Sallustius, Dio, Valerius.
 XX.T. Vulturcius Crotoniensis. huic, & legatis Allobrogum data sunt indicii præmia. Sallustius. XXI.Q.
 Manlius Chilo. XXII.P. Vmbrenus, homo libertinus.
 XXIII. Tongillus, siue, ut est in ueteribus libris, Tongilius. XXIV. Publicius. XXV. Munatius. XXVI.
 P. Gabinius Capito. XXVII.L. Statilius. XXVIII.
 P. Furius. XXIX. P. Silius Nucerinus. XXX. C. Flamininus. XXXI. Septimius Camerinus. XXXII. Marcius quendam Plutarchus nominat. XXXIII. L. Vectius, qui multos indicauit, & impune habuit. Dio.
 XXXIV. C. Iulius, qui à Catilina in Apuliam missus est. Sallustius. XXXV. Sempronia, scelerata mulier, D. Bruti uxor. XXXVI. M. Aulanius, tribunus militum C. Antonii. Cicerone pro Sextio. XXXVII. C. Antonius, consul suspectus fuit. XXXVIII. M. Licinius Crassus suspectus fuit. XXXIX. C. Iulius Caesar suspectus fuit. Suetonius, Plutarchus, Appianus. XL. Cn. Calpurnius Piso prioris tantum coniurationis particeps fuit. nam antequam iniretur posterior, ipse interfectus fuerat in Hispania. Sallustius, Asconius, Suetonius.

SENATVS HOC INTELLIGIT. omnes ueteres libri, Senatus hæc intelligit. atque ita emendandum est. Illud autem maiori animaduersione dignum, esse hic integrum senarium iambicum,

Senatus hæc intelligit: consul uidet:
 et quidem aliquanto meliorem eo, quem ex oratione in
 Pisonem annotauit Fabius:

Pro di immortales, hic quis illuxit dies?

At iambicos quidem uel sexcentos ē Ciceronis scriptis
 possit aliquis minimo negotio colligere. neque fortasse
 mirandum magnam enim partem, ut ipse ait, ex iambis
 nostra constat oratio. ὁ δὲ ἰαμβός, ait Demetrius, τῇ
 τῶν πολλῶν λέξει ὁμοίος. πολλοὶ γὰρ μέτρα ἰαμβί-
 κῃ λαλῶσιν, ὅν ἐῖδοτες. Aristoteles autem libro tertio
 de arte dicendi, ὁ ἰαμβός, inquit, αὐτῇ ἐστὶν ἡ λέξις ἡ
 τῶν πολλῶν. διὸ μέλιστα πάντων τῶν μέτρων ἰαμ-
 βεῖα φεγγοντα λέγοντες. idem etiam confirmat ἐν
 τῷ ποδὶ ποιητικῇ. ideoq; Flaccus uocat iambum Altera
 nis aptum sermonibus. Quid quod heroicos quoque non
 paucos in Cicerone, aliisq; antiquis scriptoribus repe-
 rias? atque adeo haud ab re fuerit, aliquot indicare, ne
 cui forte hoc audentius, quàm uerius, protulisse uideamur.
 Orationis pro Archia principium est: Si quid est
 in me ingenij iudices, quod sentio quàm sit exiguum: aut
 si qua exercitatio dicendi,

In qua me non inficior mediocriter esse

Versatum. nonne uidetur poëtam poëtice uelle de-
 fendere?

at hic quidem, quòd in media periodo est, minus fortasse
 se sentiatur. quid hic ex oratione ad Quirites post redi-
 tum? Denique omnes, qui uestris maximis beneficijs, ho-
 noribusq; sunt ornati, producti ad uos ab eodem, non so-
 lum ad me conseruandum uos cohortati sunt, sed etiam
 rerum mearum gestarum

Auctores, testes, laudatoresq; fuerunt.

Et pro Plancio: Victoriæ nostræ graues aduersarios pa-
 ratos:

Interitus nullos ultores esse uidebam.

Et libro primo Academicarum questionum: *que*
Cum sunt dicta, in conspectu consedimus omnes.

Et quarto Tusculanarum: Illud animorum, corporūq;
dissimile est, quod animi ualentes

Morbo tentari non possunt: corpora possunt.

Et quinto: Hoc loco multa ab Epicureis disputantur:

+ 1^o de
oratore
Omnes ad
te ciues
ex tabulis
ueniunt.

Haec; uoluptates singillatim extenuantur. +
Sed nihil admirabilius, quam integrum distichon, quod
libro tertio de Oratore annotaui. Ita enim loquitur
Crassus: Ac mihi quidem ueteres illi maius quiddam
animo

Complexi, plus multo etiam uidisse uidentur,

Quam quantum nostrorum ingeniorum acies
intueri potest. Et cet. ponam etiam aliquot exempla ex
alijs scriptoribus: ne quis eos hac in parte Cicerone fuis-
se diligentiores putet. Sallustius.

Alij autem equites illos,

Cnaei Pompeij ueteres, fidosq; clientes,
uoluntate eius Pisonem aggressos. Liuius lib. VII.
Pugnatum haud procul

Porta Collina est, totius uiribus urbis.

Idem eodem libro: Ipse, ubi illuxit, in radicibus mon-
tium extendere aciem coepit

Sedulo, ut aduersus montes consisteret hostis.
at hoc quidem rarum in Liuius non est. Quid plura? M.
Cato, cum oratione simplicissima de agris iudicium fa-
ceret, heroicum effugere non potuit. eius uerba sunt:
Vinea est prima, si uino multo siet. secundo loco hortus

irriguus: tertio salictum: quarto oleatum: quinto pratum: sexto cāpus frumētarius: septimo silua cædua:

Octauo arbutum: nono glandaria silua.

Vereor, ne paulo quā pro re, longior fuerim. sed tamen, quod omnes artis rhetoricæ magistri tantopere clamant, uitiosissimum esse, uersum in oratione soluta facere, semel mihi faciendum putauī, ut prolatis exemplis ostenderem, ne ipsos quidem qui hoc præcipiunt, perpetuo id præstare potuissē.

HIC TAMEN VIVIT. proponit hæc tanquam repugnantia: senatui, & consulibus aperta esse nefaria Catilinæ consilia, & ipsum tamen uiuere. Siquidē oportebat, cum à senatu hostem iudicari, deinde à consule comprehenditum more maiorum de eo supplicium sumi. at orator, omīssis ijs, quæ in medio erant, μάλα αἰθυσμηματικῶς, à primo ad ultimum transiliit.

VIVIT? reprehendit seipsum, quod non satis dixerit; qui uiuere modo cum dixerit. itaq; addit alia graviora.

IN SENATVM VENIT. erat enim prætorius. **FIT PVBLICI CONSILII PARTICEPS.** quid autem uel indignius, uel exitiosius, quā consilia quæ capiuntur ad conseruandam remp. cum ijs ipsis, qui de ea opprimenda cogitant, communicari? **NOTAT, ET DESIGNAT OCVLIS.** uidet hic multos improbos, & sibi consiliorum societate coniunctos. uidet multis partibus plures bonos, ac fortes ciues, & amātes reip. distinguit igitur alios ab alijs obtutu: & nostrū, qui remp. saluam cupimus, unumquemque

que oculis designat ad eadem: non secus atq; ij, qui sacri-
ficare cogitant, designare oculis solent è toto grege pec-
cudes ad sacrificia destinatas.

NOS AVTEM VIRI FORTES. εἰσὶν οὖν
non enim in cautione, sed in animi magnitudine, ac prae-
sentia posita est fortitudo.

C I C E R O

Ad mortem te Catilina duci iussu consulis
iam pridem oportebat: in te cōferri pestem
istam, quam tu in nos omnes iamdiu ma-
chinaris. an uero uir amplissimū P. Scipio
pontifex maximus Ti. Gracchum, medio-
criter labefactantem statum reip. priuatus
interfecit: Catilinam orbem terræ cæde, atq;
incendiis uastare cupientem nos consules

T. Quintio Ca-
pitoline, Agri-
pa. Menenio
Lanato cos.
L. Quintio Cin-
cinato, et L. Manlio
Tor.

perferemus? nam illa nimis antiqua prae-
terit, quod ^{et} S. Seruilius Ahala Sp. Maelium,
^{consilia de regno agitantem} nouis rebus studenter, manu sua occidit.
fuit, fuit ista quondam in hac rep. uirtus, ut
uiri fortes acrioribus suppliciis ciuem per-
niciosum, quam acerbissimum hostem, co-
ercerent. habemus enim S. C. in te Catilinā
uehemens, & graue: nō deest reip. consiliū,
neque auctoritas huius ordinis: nos, nos, di-
co aperte, consules desumus. decreuit quon-
dam senatus, ut L. Opimius consul uideret,
<sup>quo uno uisum est, ut armati consules prae-
sentes, etiam nullis armis</sup> ne quid reip. detrimenti caperet. nox nulla

duob.
Cic. pro
Milo.

intercescit: interfectus est propter quasdam
 seditionum suspensiones C. Gracchus, claris-
 simo patre ~~natus~~, auis, maioribus: occisus
 cum liberis M. Fuluius consularis. simili
 S. C. C. Mario & L. Valerio consulibus per-
 missa est resp. num unum diem postea L.
 Saturninum trib. pl. & C. Seruilius mors
 à reip. pœna remorata est: at nos uicesimū
 iam diem patimur hebescere aciem horum
 auctoritatis. habemus enim huiusmodi S.
 C. ueruntamen inclusum in tabulis, tanquā
 gladium in uagina recōditum. quo ex S. C.
 confestim interfectum te esse Catilina con-
 uenit. uiuis: & uiuis non ad deponendā, sed
 ad confirmandam audaciam.

M V R E T V S.

AD MORTEM TE. Proponit id, quod probare
 uult: oportuisse uidelicet, iam pridem, consulis iussu, in-
 terfectum esse Catilinam, tum explicat exempla, quibus
 id efficitur. postremo ad propositum se refert, atque con-
 cludit: idq; ijs uerbis: Quo ex S. C. cōfestim interfectum
 esse te Catilina conuenit.

DUCI. hoc uerbo proprie utebantur in condemnatis,
 in addictis, in ijs, quibus à magistratu manus iniecta es-
 set. Terentius: Ducent damnatum domum. Cicero in Rul-
 lum: Ego is consul, qui concionem metuum? qui trib. ple.
 perhorrescam? sepe & sine causa tumultuer? qui timeā,
 ne mihi in carcere habitandum sit, si trib. pl. duci iussis-

Seneca lib.

1. de tran.

quallitate

vitt. ne

forte inq.

spe tibi dan

diary, duc

te iussi. Curtius lib. 8. Nos iube duci: ut quod ex tu
 morte fecieramus, consequamur ex nostra.

set? Et in XII tabulis: Aſt qui ei endo iure in addicit, ſe cum ducito. & notum eſt uerbum illud uſitatum in auſtationibus, Ducas licet. Sic libro ſecundo accuſationis: Si petit, ducas. non enim approbo ſententiam Hotomani, qui exponit hoc de in ius ducēdo. nam id exagitat in Verre Cicero, quòd cum debitores, qui ſolucendo non erant, à creditoribus domum duci ſolerent: Verris iuſſu interdum petitores à debitoribus ducerentur. quin & genus illud loquendi, quo uxorem domum ducere aliquis dicitur, à coëmpcione ortum puto.

IVSSV CONSVLIS. Sed poterat'ne conſul imperare, ut quiſquam ad mortem duceretur? poterat, ubi ei S.C. commiſſa erat reſp.

IAMPRIDEM. Statim ut S.C. illud factum eſt.

MACHINARIS. nulla hic, quod quidam aiunt, eſt metaphora ab architectis. imo uero hæc ipſa eſt propria ſignificatio uerbi μηχανᾶς.

AN VERO VIR AMPLISSIMVS. argumentum à minore: in quo, ut erudite annotat Fabius, non ſolum totum toti, ſed etiam partes partibus comparantur. Nam Catilina Graccho, ſtatus reip. orbi terrarum, mediocris labefactatio cædi, & iucendijs, & uaſtationi, priuatus conſulibus cōparatur. Hiſtoriam autem diſcuſe narrant Velleius, Plutarchus, Appianus.

P. SCIPIO. P. Cornelius Scipio Naſica Serapio, eius, qui optimus uir à ſenatu iudicatus erat, nepos, eius, qui cenſor porticus in Capitolio fecerat, filius; pronepos autem Cn. Scipionis, celeberrimi uiri, P. Africani patrui, ipſius autem Tiberij conſobrinus. Paterculus.

PONTIFEX MAXIMVS. primus omnium, uirtutis causa, absens pontifex M. factus.

PRIVATVS. uideo, interpretes conturbari, quòd idem & pontifex M. & priuatus esse dicatur. in eo autē nulla repugnantia est. pontificatus enim magistratus nō est. quare nihil prohibet, eundem & pontificem maximū esse, & priuatum. nisi forte quis putet, omnes honores, qui à populo mandantur, esse magistratus. quod longe abest à uero. nam pontificatum, magistratum nō esse, uel hinc licet intelligas, quòd, nisi morte, non finiebatur. at magistratus nullus erat huiusmodi. nam in Sylla, & Cæsare, dictatoribus perpetuis, alia quædam ratio est. Item duos magistratus simul gerere poterat nemo. at nihil ue tabat, qui pontifex maximus esset, cum uel prætorem, uel consulem fieri, uel alium eiusmodi honorem capere. Ræmus aliter hoc explicare conatus est. ita enim scribit:

Priuatum esse, & cum imperio esse, contraria sunt: at sacerdotes tum imperium non habuere. Primum, quod ait, sacerdotes tum nō habuisse imperium: cur illud, tum, addiderit, nescio. nunquam enim sacerdotes imperium habuerunt. nisi forte respexit ad religionis nostræ pontifices: quod non puto. Deinde quòd illa, tanquam cōtraria, opponit, priuatum esse, & cum imperio esse; mea quidē sententia, fallitur. ualdeq; miror, etiam Fr. Hotomanum, Iuriconsultum, in explicatione prioris actionis in Verrem idē tradidisse. Ego uero multos reperio, & qui priuati, essent tamen cum imperio, & qui imperium non haberent, neque tamen essent priuati. Cn. Pompeius, quo tē pore contra Sertorium missus est, priuatus erat: ut Ci-

cero aperte testatur undecima Philippica, & tamen cū imperio consulari. at contra censores priuati, opinor, non erant; qui tamen imperium nō habebant. ne tribuni plebis quidem. itaque non pro imperio summoncebant populum, sed blande, hoc modo: Si uobis uideretur, decedite Quirites. Verius igitur erat illud, priuatos esse, quicumque magistratum non gerunt.

NAM ILLA. figuram hanc preteritionem uocant. historia ex Liuiο petenda est. *libro III.*

Q. SERUILIVS. C. Seruilius, ē Liuiο, & uetus libris.

NOVIS REBUS STUDENTEM. quod Greci uno uerbo dicunt, νεωτερίζοντα.

MANVSVA. εἰμφοτικῶς. ut, Vocemq; his auribus hausi.

OCCIDIT. uetus liber, interfecit.

EVIT, EVIT. ἀναδίπλωσις. ut, Occidi, occidi, iudices. & Nos, nos, dico aperte. & Demosthenes, ἐν ἔστιν, ἐν ἔστιν ὅπως ἡμᾶρ τε περὶ αὐτοὺς ἀθηναῖοι.

HABEMVS ENIM S. C. IN TE. suspicabar, particulam, enim, delendam esse. nunc eā uideo abesse à ueteribus libris. Quae autem esset huius S. C. uis, Sallustius docet.

DECREVIT QVONDAM. aliud exemplum: quod pete ex ijs, quos supra nominaui, Velleio, Plutarcho, Appiano. etiam ex Cicerone VIII Philippica.

QVONDAM. undecim annis post interfectum Ti. Gracchum.

L. OPIMIVS. à quo uina Opimiana dicta sunt. Plinius.

nus. Velleius erat autē priuatim inimicus C. Graccho: unde factum illius minor secuta est auctoritas. ipse autem S. C. quo de hic agitur, uerba in V I I I aduersus Antonium scripta sunt. Quod L. Opimius consul uerba fecit de rep. D. E. R. I. C. ut L. Opimius consul remp. defenderet.

SEDITIONVM SVSPICIONES. artificiosa extenuatio: non enim erant suspiciones: sed plane seditiones, & quidem turbulentissimæ. Sic supra de Tiberio. statum reip. mediocriter labefactare cupientem. M. FVLVIVS. M. Fuluius Flaccus, quem C. Gracchus in locum Tiberij fratris I I I uirum nominauerat, sociumq; regalis potentie assumpserat.

CVM LIBERIS. quorum alter dimicans cecidit, alter in carcere interfectus est.

SIMILI S. C. C. MARIO. historiam narrant Cicero pro Rabirio perductionis reo, & octaua in Antonio, Liuius lib. LXIX. Velleius posteriori uolumine, Plutarchus in Mario, Appianus libro I. Alij.

ad hoc est
in hoc fide
dicitur Liuius

L. SATVRNINVM TRIB. PL. ET C. SERUILIVM MORS A REIP. POENA REMORATA EST? locus hic sine dubio corruptus est. ideoq; ut fit, aliter ab alijs citatur. Budeus in pandectis legit, Mors, ac reip. poena remorata est? in quodam libro uetere scriptum est, Morsta reip. que me scriptura in eam opinionem adduxerat, ut putarem legendum, monstra reip. ac sortassis ne nunc quidem eam coniecturam rejicerem, nisi alia se postea, que mihi uisa est firmior, obtulisset. De tribus antiquis libris, qui

olim Dominici Grimani Cardinalis fuisse, nunc in hac
 ciuitate, una cum multis alijs optimis & pulcherrimis
 libris, à collegio sodalium diui Antonij, honestissimorū,
 atque omni humanitate præditorum hominum, ad
 publicam utilitatem expositi, studiose asseruantur: de
 tribus igitur illis in eo, qui optimus est, locus hic ita
 legitur: Num unum diem postea L. Saturninum trib. pl.
 & C. Seruiliū prætor. reip. pœna remorata est? quod
 ego ut uidi, qui Seruiliū illis temporibus prætorem
 fuisse meminissē, uideremq; etiam, ad nomen Satur-
 nini additum esse nomen magistratus, in quo ille tum
 fuisset: dubium non habui, quin illud, prætorē, om-
 nino recipiendum foret. Recordabar loci ex octaua
 Philippica, qui me magis etiam in sententia confirma-
 bat. ita enim ibi scribitur: C. Mario L. Valerio con-
 sulibus senatus remp. defendendam dedit. L. Saturninus
 trib. pl. Glaucia prætor est occisus. Quoniam antē scio,
 sæpe commissum esse à librarijs ucteribus, ut has notas
 R. P. & P. R. quarum altera remp. altera populum
 Romanum indicabant, inter se confunderent, earumq;
 alteram pro altera ponerent: plane statui, totum hunc
 locum ita legi debere: Num unum diem postea L. Satur-
 ninum. trib. pl. & C. Seruiliū, prætorē populi Ro-
 mani, pœna remorata est? Vocem, mors, additam puto
 ab aliquo, qui declarare uellet, quod pœnæ genus il-
 los consecutum fuisset. Vt autem prætor reip. nun-
 quam, ita prætor populi R. sæpe à Ciccone dicitur:
 ut in illo nobili loco è quinto accusationis: Stetit solea-
 tus prætor populi R. cum pallio purpureo, tunicaq; ta-

lani, muliercula nixus, in littore. Hac tamen de mea
 opinione cruditorum, & ingeniosorum hominum iudici-
 um facio. nam non iniuria forte suspicetur aliquis,
 simpliciter legendum, C. Seruilium prætorem: ut sine
 causa literas P. R. à librarijs geminatas fuisse opinemur
 hoc modo, P. R. P. R. Ille quoque locus est Rabiriana: Om-
 nes tribunos pl. præter Saturninum, præter Glauciam:
 ita emendandus uidetur. Omnes tribunos pl. præter Sa-
 turninum, præter Glauciam: ut iampridem ad-
 monuit, qui nuper, magno studiosorum mœrore, Bo-
 nonia excessit è uita, uir optimus, & de literis optime
 meritis, Sebastianus Corradus.

AT NOS. idem ille, quem dixi, perbonus liber, At
 uero nos. quod plenius, & sonantius uidetur.

VICESIMUM IAM DIEM. Rotundare nu-
 merum uoluit. erat enim hic tantum duodeuicesimus dies
 post factum S. C. ut notat Asconius. Sic in Pisonem pro
 triginta sex annis, quadraginta dixit. sic centumuiui de-
 cebantur, cum essent centum & quinque. sic Euripi-
 des, & Virgilius, Grecos mille nauibus ad oppugnan-
 dam Troiam uenisse dicunt, quas Homerus CIOCL-
 XXXVI. DIO CIOCC, scholiastes Euripidis, mille cœ-
 tum & septuaginta fuisse affirmat.

HEBESCERE ACIBM. quasi de gladio dixit:
 est autem metaphora.

HVIVSMODI. ueteres libri, eiusmodi.

VERVM TAMEN INCLVSVM. idem, ue-
 riam inclusum. utrumque melius.

TANQVAM GLADIVM IN VAGINA

RECONDITVM. hæc iam non metaphora est, sed ἐν αἰσῇ. In ueteribus libris non est uox, gladium: neque dubium est, quin ab aliquo inepto inculcata fuerit. itaque deleatur.

CONFESTIM. ijdem libri, statim. at hoc parui refert.

INTERFECTVM ESSE TE CATILINA CONVENIT. Vereor, ne aliquid in his uerbis insit uitij. primum, quod, seu uerbum, conuenit, media correpta legas, non conuenient tempora; quod etiam Siluius uidit: seu producta, ut ipse uult, quæram, ecquis unquam, qui aliquem modo latine lingue sensum haberet, ita locutus fuerit, ut diceret, conuenit statim id fecisse, pro eo quod est, statim id fecisse oportuit. Ego uero, ἀρξεναι ἐπεὶ, utrouis modo, nedū indignum Cicerone, sed etiam plane barbarum esse loquendi genus censeo. ut si quis dicat, Multum laborem capere conuenit eos, qui de gloria comparanda cogitant: quiduis eum facere potius, quam latine loqui putem. meus quidem hic sensus est, si qui alter opinabuntur, i si, prolatis exemplis, erroris me coarguerint; non committam, ut etiam pertinacia coarguere possint. Est omnino quidam locus apud Terentium in heauton timorumenno, qui fallere homines minus perficaces querat. ibi enim senex ille seipsum puniens ita loquitur: Nō conuenit, qui illum ad laborem impulerim, Nunc me ipsum fugere. Sed ibi alia ratio est. comparantur enim duo ibi inter se, hæc impulisse filium ad laborem, & ipsum laborem fugere: quorum alterum alteri conue-

nire, atque esse confectaneum negat. Moueor etiam, quòd in uno libro uetere pro, conuenit, scriptum uideo, cum uenit. qua de scriptura quam cōiecturam fecerim, dicam: non quòd ea mihi plane probetur: sed ut alius quispiam, ea reprehensa, meliorem aliquam proferat. uenit igitur mihi in mentem cogitare, si forte ita legendum sit: Quod quidem senatusconsultum confestim interfectum te esse Catilina cū uelit, uiuis: & uiuis, non ad deponendam, sed ad confirmandam audaciam.

VIVIS: ET VIVIS, NON AD DEPONENDAM. Et repetitione uerbi, uiuis, quasi amē tata ualidius contorquetur oratio: & illud quoque ad uehementiam aptissimum, quòd statim uerbum par pari, contrarium contrario reddidit.

C I C E R O

Cupio P.C. me esse clementem, cupio in tātis reip. periculis non dissolutum uideri: sed iam me ipsam inertia nequitiaq̃ condemnno. castra sunt in Italia contra rēp. in Etruriæ faucibus collocata: crescit in dies singulos hostium numerus: eorum autem imperatorem castrorum, ducemq̃ hostiū intra mœnia, atque adeo in senatu uidemus, intestinam aliquam quotidie perniciem reip. molientem. si te iam Catilina comprehendī, si interfici iussero: credo, erit uerendum mihi, ne non hoc potius omnes boni serius à me, quàm quisquam

crudelius, factum esse dicant. uerum ego hoc, quod iampridem factum esse oportuit, certa de causa nondum adducor ut faciam. tum denique interficiam te, cum iam nemo tam improbus, tam perditus, tam tui similis inueniri poterit, qui id non iure factum esse fateatur. quoadiu quisquam erit, qui te defendere audeat, uiues, & uiues ita, ut nunc uiuis, multis meis & firmis praesidiis obsessus, ne commouere te contrarium possis: multorum te etiam oculi, & aures non sentientem, sicut adhuc fecerunt, speculabuntur atque custodient. etenim quid est Catilina, quod iam amplius expectes, si neque nox tenebris obscurare coetus nefarios, nec priuata domus parietibus continere uocem coniurationis tuae potest? si illustrantur, si erumpunt omnia? muta iam istam mentem, mihi crede: obliuiscere caedis, atque incendiorum: teneris undique luce sunt clariora nobis tua consilia omnia: quae etiam mecum licet recognoscas.

CVPIO P. C. *Nunc demum ad patres orationem conuertit. ideoque multo leniore, ac remissione dicendi genere utitur.*

CVPIO P. C. ME ESSE CLEMENTEM.

hoc dicit ad deprecandam, amoliendamq; à se opinionem crudelitatis, ad quam superior oratio uergeret uidebatur.

CUPIO P. C. ME ESSE CLEMENTEM.

Cupio, inquit, eam moderationem tenere, ut neque crudelitatis famam subeam, (quod fieret, si statim ad extrema remedia decurrerem) neque rursus in tanto, ac tam atroci reip. periculo dissolutus, ac negligens habear. sed plane, dum, crudelitatis opinionem refugiens, diem ex die duco, neque me satis pro rei magnitudine seuererogero, fit, ut ipsi mihi mea hæc non iam clementia, sed inertia prorsus, ac nequitia uideatur.

INERTIAE; NEQUITIAE Q. Hæc duo coniunxit etiam inferius. Non est uehementius seueritatis ac fortitudinis inuidia, quam inertiae, ac nequitiae, per timescenda. Inertia autem hic, non stultitiam significat, ut quidam exponit, sed dissolutionem ac remissionem animi, αἰδῶς καὶ ἡρώος ἡτοὶ ἡσυχίας. Iners enim est, qui nihil agit, qui non mouetur. Ouidius: Nec quicquam, nisi pondus iners. itaque in sequenti oratione, inertissimos homines fortissimis uiris opposuit. Atque idem propemodum, hoc quidem loco, ualet nequitia. est enim nequam, qui nulli rei utilis est: & eiusmodi habitus, nequitia. neque ulla hic metaphora est à libidine, quod quidam putarunt.

IN ETRURIAE FAUCIBVS. Fesulis. fauces autem dicit ingressum: ut alibi, fauces macelli.

IN SENATV VIDEMVS. alij, uidetis: atque ita in ueteribus libris legitur.

SI TE IAM CATILINA COMPREHEN

DI. uersus Phaleucius.

SI TE IAM. Hoc dicit. Si te iam interfecero; nō est, cur uerear, ne quisquam me ob eam rem crudelitatis accuset. nondum tamen id faciam: sed expectabo, dum scelus tuum ita omnibus cognitum, patefactumq; sit; ut ne tui quidem similitum, qui te defendere audeat, quisquam reperiatur.

CREDO. ironie nota.

NE NON HOC. ueteres libri, ne hoc. sed particula, in qua est negandi uis, & a Quintiliano citante hunc locum ponitur, & ad sententiam necessaria uidetur.

FACTVM ESSE DICANT. dicat, ex ueteribus libris, & ex Fabio.

VERVM EGO HOC. libri uet. Veruntamen ego hoc.

CERTA DE CAUSA. eam causam copiose explicat in oratione, quæ proxime hanc sequitur.

CVM IAM NEMO. uitauit obscenitatem soni, de qua in Oratore præcipit, interposita uocula, iā.

ETENIM QUID EST. προπαρρησιαν ad enarranda ea, quæ de Catilina compererat.

SI ILLUSTRANTVR, SI ERVM PUNT. Illustrantur, ad noctis tenebras retulit: erūpunt, ad priuate domus parietes.

MUTA IAM ISTAM MENTEM. non cohortatur eum ad sanitatem: quod se frustra facturum sentiebat: sed ait, nihil esse, quod in urbe manens, de cæde atque incendijs cogitet: quare aliud ei consilium

esse capiendum, & in Manliana castra excundum.

LVCE SVNT CLARIORA. ὑπερβολή.

QVAE ETIAM MECVM. quidam ucteres libri, quæ iam mecum.

C I C E R O

Meministi ne, me ante diem XII. cal. Nou. dicere in senatu, fore in armis, certo die, qui dies futurus esset ante diē VIII. cal. Nou. C. Manlium audaciæ satellitem atque administrum tuæ? num me fefellit Catilina non modo res tanta, tam atrox, tam incredibilis, uerum, id, quod multo magis est admirandum, dies? dixi ego idem in senatu, eadem te optimatum contulisse in ante diē V. cal. Nou. tum cum multi principes ciuitatis Roma, non tam sui conseruādi, quam tuorum consiliorum reprimendorum causa profugerunt. num inficiari potes, te illo ipso die meis præsidiis, mea diligentia circuncclusum, commouere te contra remp. non potuisse? cum tu, discessu ceterorum, nostra tamen, qui remansissemus, cæde contentum te esse dicebas. quid, cum tu te Præneſte cal. ipsis Nou. occupaturum nocturno impetu esse confideres? sensisti ne illam coloniam meo iussu, meis præsidiis, custodiis, uigiliis esse munitam? nihil agis, nihil

VI.

Lippin

cas 3.

lib. 3.

Citatur hanc verba
Donatus in Andrian
M V R E T V S 49.
moliris, nihil cogitas, quod ego non mo-
do audiam, sed etiam uideam, planeq; sen-
tiam. recognosce tandem mecum noctem
illam superiorem: iam intelliges multo
me uigilare acrius ad salutem, quam te ad
perniciem reip. Dico te priori nocte uenisse
inter falcarios (non agam obscure) in M.
Leccæ domum: conuenisse eodem complu-
res eiusdem amentiae scelerisq; socios. num
negare audes? quid taces? conuincam, si
negas: uideo enim esse hic in senatu quos-
dam, qui tecum una fuere. o dii immorta-
les, ubinam gentium sumus? quam rep.
habemus? in qua urbe uiuimus? hic, hic
sunt nostro in numero P.C. in hoc orbis ter-
ra sanctissimo grauissimoq; consilio, qui
de meo, nostrumq; omnium interitu, qui
de huius urbis, atque adeo orbis terrarum
exitio cogitent. hosce ego uideo consul, &
de rep. sententiam rogo, &, quos ferro tru-
cidari oportebat, eos nondū uoce uulnero.

M V R E T V S
MEMINISTINE, ME ANTE DIEM
XII. KAL. NOUEMB. *ante diem XII. cal. No-*
nemb. & XII. cal. Nouemb. utraque oratione idem dies
indicatur. idemq; in ceteris perpetuo tenendum.
ANTE DIEM XII. KAL. NOV. Magnam

nobis lucem hic locus afferet ad hanc historiam subtiliter intelligendam : quam profecto & Sallustius , & ceteri mirabiliter confuderunt . Ac primum sciendum est , in hunc diem primo edicta fuisse comitia consularia . sed cum pridie eius dici Cicero Catilinæ consilia ad senatum detulisset : factum est S.C. ne postero die comitia haberentur : ut de ijs rebus in senatu agi posset . nam aliter comitali die senatus haberi non poterat . postridie igitur , id est , ut ait Plutarchus , ipso comitiorum die , Cicero frequenti senatu Catilinam excitauit , atque cum de ijs rebus iussit , si quid uellet , quæ ad se allatæ essent , dicere . tum ille dixit , duo corpora esse reip. unum debile infirmo capite ; alterum firmum sine capite : huic , cum ita meritum esset , caput se uiuo non defuturum . His auditis , decreuit senatus , ut uiderent consules , ne quid resp. detrimenti caperet . Hæc sumpta sunt c. Mureniana . Iam igitur , cum Asconius dicat , diem , quo hæc habitata oratio est , à commissa consulibus rep. duodeuicesimum fuisse : profecto si quis rationem dierum incat , uidebit , eam , ut nos diximus , habitam VI. id. Nouemb. hæc autem in parte aliorum errata persequi piget .

FORE IN ARMIS . collecto in Etruria exercitu .
DIXI EGO IDEM . aliquot , ut opinor , diebus interiectis .

IN ANTE DIEM V. KAL. NOV. in quem diem , ut conijcio , dilata fuerant comitia .

CUM MVLTII PRINCIPES CIVITATIS . unum ex ijs fuisse suspicor M. Crassum . cum enim Catilina , misissis literis admonuerat , ut ex urbe discederent

ret: magnam enim eadem fore. quas literas, una cum aliis eodem argumento ad alios scriptis, Crassus M. Marcello, & scipione Metello comitatus, intempesta iam nocte ad Ciceronem attulit: ut & illum admoneret instantis periculi, & se suspicione exolueret, in quam propter Catilinæ familiaritatem uenerat. Eas omnes Cicerone postridie in senatu recitauit. Auctor Plutarchus: qui in eo fallitur, quod tum demum mandatam consiliabus remp. putat.

NON TAM SVI CONSERVANDI. non tam propter suam, quam propter reip. salutem.

QVID CVM TE PRAENESTE. hac de re nihil, quod quidē meminere, ab historicis proditum est.

NIHIL AGIS, NIHIL MOLIRIS, NIHIL COGITAS. quasi per gradus hæc ad id, quod summum est, progreditur oratio. magnum est enim, quicquid agat Catilina, scire Ciceronem: maius, quicquid molitur: longe maximum uero, quicquid cogitet.

QVOD EGO NON MODO AVDIAM, SED ETIAM VIDEAM. pro eo quod est: Nihil agis, non modo quod ego non audiam, sed quod non etiam uideam. sic pro Cælio: Hæc genera uirtutum non solum in moribus nostris, sed uix iam in libris reperiuntur. & pro Roscio Amerino: Qui tantum facinus commiserunt, non modo sine cura quiescere, sed ne spirare quidem sine metu possunt.

NOCTEM ILLAM SVPERIOREM. non ita, ut opinor, locutus esset, si proximam noctem indicare uoluisset.

adde
buc
2. de 04

DICO TE PRIORI NOCTE. *annota genus loquendi usitatum iis, qui ad senatum aliquid deferrent. Sic & in oratione in toga candida: Dico P. C. superiore nocte cuiusdam hominis nobilis, & ualde in hoc largitionis questu noti & cogniti domum Catilinam & Antonium cum sequestribus suis conuenisse.*

INTER FALCARIOS. *alii quomodo exponat, obscurum non est. ego uicini fuisse urbis puto; qui hoc nomine diceretur: in quo M. Leccæ domus sita esset. huic autem loco germanissimus est alius in oratione pro Sylia. obseruandus interim ordo Ciceronis: qui primo rem, ut est, proponit: deinde confirmat, ex Catilinæ silentio: tum demum ad amplificationem progreditur. artificiose. amplificatio enim, nisi explicata, & confirmata re, locum habere non potest.*

SI NEGAS. *ueteres libri, si negabis. & paulo post, qui tecum una fuerunt.*

QVAM REM P. *in libris ueteribus, contrario ordine: In qua urbe uiuimus? quam remp. habemus?*

QVI DE ME O. *iidem libri, qui de nostrum omnium interitu.*

VRBIS ATQVE ADEO ORBIS. *πατρι-
χης.*

C I C E R O

Fuisti igitur apud Leccam illa nocte Catilina: distribuisti partes Italiae: statuisti, quò quenque proficisci placeret: delegisti, quos Romæ relinqueres, quos tecum educeres:

descripsisti urbis partes ad incendia: confir-
 masti, te ipsum iam esse exiturum: dixisti,
 paululum tibi esse etiam tum moræ, quòd
 ego uiuerem. reperti sunt duo equites R.
 qui te ista cura liberarent, & sese illa ipsa
 nocte paulo ante lucem me in meo lectulo
 interfekturos pollicerentur. hæc ego om-
 nia, uix dum etiam cœtu uestro dimisso,
 comperi: domum meam maioribus præ-
 sidiis muniui, atque firmaui: exclusi eos,
 quos tu mane ad me salutatum miseras,
 cum illi ipsi uenissent, quos ego iam multis
 uiris ad me uenturos id temporis esse præ-
 dixeram. quæ cum ita sint Catilina, perge
 quòd cœpisti, egredere aliquando ex urbē:
 patent portæ, proficiscere: nimium diu te
 imperatorem illa tua Manliana castra desi-
 derant: educ tecum etiam omnes tuos; si
 minus, quamplurimos: purga urbem. ma-
 gno me metu liberabis, dummodo inter-
 me atque te murus intersit. nobiscum uer-
 sari iam diutius non potes: non feram, non
 patiar, non sinam. magna diis immortali-
 bus habenda gratia est, atque huic ipsi Io-
 ui Statori, antiquissimo custodi huius ur-
 bis, quòd hanc tam tetram, tam horribi-
 lem, tamq̃ infestam reip. pestem toties iam

effugimus. non est sapius in uno homine
salus summa periclitanda reip.

M V R E T V S

FVISTI IGITVR. Hæc omnia subtilius cogno-
sci possunt è Sallustio, & ex oratione pro Sylla.

REPERTI SVNT DVO EQVITES R.
Magna in his duobus nominandis scrip orum dissensio.
Sallustius C. Cornelium, equitem R. & L. Vargunteium
senatorem nominat: in quo dissentit à Cicerone, qui
utrunque equitem fuisse ait. nam de C. quidem Corne-
lio omnis dubitatio tollitur ex oratione pro Sylla. Dio
duos dicit: sed neutrum nomine appellat. Plutarchus
Marcium, & Cethegum uocat: de quorum priore ni-
hil alibi reperio: sed Plutarchum falli cõstat: cum aper-
te Cicero C. Cornelium unum ex ijs fuisse affirmet. quã
quam enim Cethego quoque idem & prænomen, & no-
men fuit: tamen hunc C. Cornelium, quo de hic agitur,
facile probari potest, nõ esse C. Cornelium Cethegum.
Quid ita? quòd Cethegus quidem in carcere strangula-
tus est. At hic adhuc uiuebat, quo tempore Cicero P. Syl-
lam ipsius filio accusante, defendit. Omnium autem
fœdisime labitur Appianus: tribus enim manifestis er-
roribus, in hac re tradenda, seipsum inuoluit. primũ in
tempore: ait enim hoc consilium iniitum esse, cum iam
Catilina ex urbe discessisset. deinde in his duobus nomi-
nandis: ait enim fuisse P. Lentulum, & Cethegum. nõ di-
xisset autem Cicero duos equites, si ex ijs unus P. Len-
tulus prætor fuisset. illud uero palmarium, quòd Cethe-
gum quoque prætorem fuisse tradit, ut, si hunc sequa-

re, neuter eorum eques R. fuerit: ne dum uterque, ut Cicerone dicit. non fuisse autem Cethegum prætorem, ex eo intelligitur, quod quæ religio seruata est in Lentulo, ut magistratu cogeretur abdicare se, antequam ei ceruicæ frangerentur, eandem profecto senatus in Cethego retinisset. quod ubi lectum, aut cui unquam uel fando auditum est? ac uereor interdum, ne mea in eiusmodi scriptoribus reprehendendis ab aliquo culpetur audacia. Quod si id obtruncandi studio facerem, egometipse me temeritatis impudentiæq; damnarem. nunc cum inuestiganda, atque eruenda ueritatis desiderio incensus faciam, pro qua summus philosophorum, non aliena tantum, sed sua etiam cuique, si res ferat, euertenda esse placita pronunciauit: neminem puto æquum rerum æstimatorem fore, qui mihi non id laudi potius, quam uitio, ascribat. etenim siue eos merito accuso: quis me propterea uituperandum duxerit? siue iniuria: prodeat aliquis, qui eadem opera & culpa illos, & errore me liberet. nam quemadmodum ait Aeschines, priuatorum inimicis multa in rep. corrigi: ita in literis quoque plurima, literatorum hominum, non inimicis quidem, sed modestis, & ab omni contumelia remotis dissensionibus corriguntur.

VIXDVM ETIAM COETV VESTRO DIMISSO. Fulvia enim media nocte ipsamet ad Ciceronem profecta, hoc ei indicauit. Plutarchus. Salustius.

EXCLUSI EOS. illi autem exclusi ita clamauerunt pro foribus, ut rem prope proderent. Plutarchus.

QVAE CVM ITA SINT. Argumētationis summa est. Si omnia tua consilia nota sunt, exire debes. Sunt autem nota. tibi igitur est exeundum, annota autē, ut haec tota pars tum breuibus membris, tum incisis, tū etiam ijs, quæ incisis breuiora sunt, contineatur: quod dicendi genus ad imperandum, & ad perterrefaciendū aptum esse, tradit Demetrius.

MAGNA DIIS IMMORTALIBVS. Hoc & ad pietatis significationem iniecit, & ad quādam orationis dignitatem.

ATQVE HVIC IPSI IOVI. non quòd hic ipse Iupiter non sit in numero deorum immortalium: sed eum à ceteris, honoris causa, separat. Sic apud Aristophanem, ὦ Ζεῦ καὶ Δεσπότῃ. & apud Homerum, ἦ ἄγε νῦν ἔκτορα νῦν οἱ πέλασσε. & apud Virgilium, Reliquias Danaum, atque immitis Achilli.

STATORI. Huius appellationis causam ē Liuius & Plutarcho petes.

NON EST SAEPIVS IN VNO HOMINE. non Ciceronem, sed Catilinam significari puto. SALVS SVMMA. Harum dictionum utramlibet sustuleris, orationem, meo quidem animo, elegantiorē effeceris. sunt tamen ambæ in veteribus libris.

CICERO

Quandiu mihi consuli designato Catilina insidiatus es, non publico me præsidio, sed priuata diligentia defendi. cum proximis comitiis consularibus me consulem in campo, & competitores tuos interficere uo

Iuisti, compressi tuos nefarios conatus ami-
 corum præsidio, & copiis, nullo tumultu
 publice concitato: denique quotiescunque
 me petisti, per me tibi obstiti: quanquam
 uidebam, perniciem meam cum magna ca-
 lamitate reip. esse coniunctam. nunc iam
 aperte remp. uniuersam petis: templa deo-
 rum immortalium, tecta urbis, uitam om-
 nium ciuium, Italiam denique totam ad
 exitium, ac uastitatem uocas. quare, quo-
 niam id quod primum, atque huius im-
 perii, disciplinaque maiorum proprium
 est, facere non audeo: faciam id, quod
 est ad seueritatem lenius, ad communem
 salutem utilius. nam si te interfici iussero,
 residebit in rep. reliqua cōiuratorum ma-
 nus: sin tu, quod te iandudum hortor, exie-
 ris, exhaurietur ex urbe tuorum comitum
 magna, & perniciosa sentina reip. quid est
 Catilina? num dubitas id me imperante
 facere, quod iam tua sponte faciebas? exire
 ex urbe consul hostem iubet: interrogas
 me, num in exilium? non iubeo: sed, si
 me consulis, suadeo. quid est enim Catili-
 na, quod te iam in hac urbe delectare pos-
 sit, in qua nemo est extra istam coniuratio-
 nem perditorum hominum, qui te non

metuat; nemo, qui te non oderit? quæ nota domestica turpitudinis non inusta uitæ tuæ est? quod priuatarum rerum dedecus non hæret infamiae? quæ libido ab oculis, quod facinus à manibus unquam tuis, quod flagitium à toto corpore abfuit? cui tu adolescentulo, quem corruptelarum illecebris irretisses, non aut ad audaciam ferrum, aut ad libidinem facem prætulisti? quid uero nuper? cū morte superioris uxoris nouis nuptiis domum uacuam fecisses, non ne etiam alio incredibile scelere hoc scelus cumulaſti? quod ego prætermitto, & facile patior sileri: ne in hac ciuitate tanti facinoris immanitas aut extitisse, aut non uindicata esse uideatur.

M V R E T V S

QVAMDIU MIHI. Dissimilia pericula dissimile præsidium requirunt. quamdiu me priuatim petisti, insidias tuas à meo capite priuato præsidio depulsi. nunc aperte uniuersam remp. petis. quare alia ratione coercendus es.

CONSVLI DESIGNATO. Cal. enim Ian. in interficere me meditabare.

PROXIMIS COMITIIS. habitis à me: quibus designati sunt Silanius, & Murena.

ET COMPETITORES TVOS. quòd, te reiecto, incubuisse ad eos populi uoluntatem uidebas.

INTERFICERE. lib. uet. occidere.

AMICORVM PRAESIDIO. descendi, inquit, in campum cum firmissimo praesidio fortissimorum uiro-
rum, & cum illa lata, insigniq; lorica, non quae me te-
geret: (etenim sciebam Catilinam non latus aut uen-
trem, sed caput, & collum solere petere) uerum ut om-
nes boni animaduernerent, & cum in metu, & peri-
culo consulem uiderent, id quod est factum, ad opem,
praesidiumq; meum concurrerent. Idem narrant Dio, &
Plutarchus.

PETISTI. uerbum gladiatorium. unde illud, Non
te peto, piscem peto.

REMP. VNIVERSAM PETIS. Duae sunt
amplificandi rationes contrariae. una, cum posita re qua
piam tota, partes illius enumerando persequimur: ut
hic, cum remp. dixisset, addidit templa deorum immor-
talium, tecta uirbis; & cetera: cui simillimus locus est
principio orationis tertiae: altera, cum à partibus ad
totum progredimur: ut in Pisonem: Oculi, supercilia,
frons, uultus denique totus.

QVARE QVONIAM ID. locus hic in libris
manuscriptis, paulo aliter quam in impressis legitur.
nempe hoc modo: Quare, quoniam id quod est primum,
quod huius imperij, disciplineq; maiorum proprium
est, facere nondum audeo. utra lectio melior sit, alij
iudicent.

ID QVOD EST PRIMVM. ut te interfici iu-
beam. est enim hoc primum, id est, potissimum & pre-
sentiissimum remedium.

EXHAURIETVR. *metaphora à naui. est autem exhauriendi uerbum ualde proprium in sentina; ut è secunda agraria constat.*

EXHAURIETVR EX VRBE TVORVM COMITVM. *ueteres libri hoc amplius: Exhauriatur ex urbe, tuo discessu, tuorum comitum & cet. quæ uerba cur repudianda sint, non uideo.*

CONSUL HOSTEM. *ubi res tantum narranda est, propria nomina aptiora sunt: ut, Discedit à Melino Cluentia. at, ubi permouendi animi, tunc ac commodatiora sunt ea, quæ apponuntur ad nomen: ut, Nubit genero socrus, quanto uehementius, quàm si diceretur, Nubit Melino Saffia: & Exire ex urbe consul hostem iubet, quanto fortius, quàm si diceretur, Exire ex urbe Cicero Catilinam iubet?*

NON IUBEØ. *ne poterat quidem. nulla enim lex erat apud ueteres Romanos, quæ ullum maleficium exilio multaret, sed in exilium ibant, qui legis multam sufferre in ciuitate nolebant. Cicero pro Cæcina.*

QVID EST ENIM CATILINA. *Quasi deposita consulis persona, suasoris personam suscipit: ut (quod postea dicet) uideatur, non odio, sed misericordia Catilinæ commoueri. suadet igitur, ut ex urbe exeat: quòd uita ei suauis esse non possit, ubi oderit omnes, odio sit omnibus, ubi infamia flagret, ubi ære alieno sit obrutus, ubi nefaria ipsius de dispenditione reip. consilia omnibus nota sint. at hæc simulata suasio longe amarissimam Catilinæ insectationem continet.*

QUI NON ODERIT. *Est enim, ut dicitur, pa*

rens odij metus .

QV AE N O T A . patet , metaphoram esse ab ijs notis , quæ pecudibus , aut mancipijs inuruntur . in ueteribus tamen libris legitur , Quæ nota domesticæ turpitudinis in ista uita tua non inest ?

A B O C V L I S . illi enim ad libidinem duces sunt : ut alibi diximus . Catiline autem flagitia ita nota sunt omnibus , ut explicanda non sint .

A D L I B I D I N E M F A C E M P R A E T V L I S T I . facem quidam exponit scorta . inepte . facem enim proprie dicit : quòd noctu ire ad amicas solerent . unde est diuinum illud epigramma Valerij Aeditui ad puerum , qui eunti ad amicam , præferebat facem .

Quid faculam præfers Phileros , qua nil opu' nobis ?

Ibimus . hæc lucet pectore flamma satis .

Istam nam potis est uis seuæ extinguere uenti ,

Aut imber cælo candidu' præcipitans :

At contra hunc ignem Veneris , si non Venus ipsa ,

Nulla est , quæ possit uis alia opprimere .

Valerius de seruo Antonij : Quòd ab eo , cum ad stuprũ iret , laternam prælatam contenderent .

D O M V M V A C V A M F E C I S S E S . suspicio se significat , eam ab ipso necatam .

A L I O I N C R E D I B I L I S C E L E R E . uel quòd filium occiderit ; ut est apud Sallustium : uel quòd filiam suam , ex adulterio susceptam , in matrimonium duxerit : quod ei obijcit Cicero in oratione , quam habuit in toga candida . Plutarchus eum , præter parricidium fratris , ait , filie sue uirgini uitium obtulisse .

Prætermitto ruinas fortunarum tuarū,
quas omnes impendere tibi proximis idi-
bus senties. ad illa uenio, quæ non ad pri-
uatam ignominiam uitiorum tuorum, nō
ad domesticam tuam difficultatem ac tur-
pitudinem, sed ad summam reip. atque ad
omnium nostrum uitam salutemq̃ perti-
nent. potestne tibi huius uitæ hæc lux Ca-
tilina, aut huius cœli spiritus esse iucun-
dus, cum scias horum esse neminem, qui
nesciat te pridie Cal. Ian. Lepido & Tul-
lo consulibus stetisse in comitio cum telo?
manum, consulum & principum ciuitatis
interficiendorum causa, parauisse? sceleri
ac furori tuo non mentem aliquam, aut ti-
morem tuum, sed fortunam reip. obstitif-
se? ac iam illa omitto: neque enim sunt
aut obscura, aut non multo post commis-
sa. quoties tu me designatum, quoties me
consulē interficere uoluisti? quot ego tuas
petitiones ita coniectas, ut uitari posse nō
uiderentur, parua quadam declinatione,
& ut aiunt, corpore effugi? nihil agis, ni-
hil assequeris, nihil moliris, quod mihi
latere ualeat in tempore: neque tamen co-
nari ac uelle desistis. quoties iam, quoties

Conatus

iam tibi extorta est sic ista de manibus?
 quoties uero excidit casu aliquo & elapsa
 est? tamen ea carere diutius non potes: quæ
 quidem quibus abs te initiata sacris ac de-
 uota sit, nescio, quod eam necesse putas
 consulis in corpore defigere. nunc uero
 quæ tua est ista uita? sic enim iam tecum
 loquar, non ut odio permotus esse uidear,
 quo debeo: sed ut misericordia, quæ tibi
 nulla debetur.

M V R E T V S

PROXIMIS IDIBVS. Cur tandem idibus?
 Intelligendum est, quo tempore facta hæc coniuratio
 est, magnum in urbe æs alienum fuisse. cum igitur Ca-
 tilina tabulas nouas polliceretur, multi hac spe ducti
 ad coniurationem sese adiungebant. huic malo Cicero
 singulari quadam prouidentia occurrit. proposuit enim
 tabulas auctionarias: id est, quibus eorum qui ære alio
 no obruti erant, bona uenalia proscriberentur; ut, si
 dissoluere ipsi, quæ debebant, nollent, ex auctione con-
 fieretur, unde creditoribus fieret satis. ita fraudandi
 spe sublata, soluendi necessitas consecuta est. has tabu-
 las significat se propositurum idibus Nouem. ideoq; tunc
 sensurum Catilinam, sibi fortunarum suarum ruinam
 imminere. tantum enim æris alieni contraxerat, ut cum
 fortunis omnibus exui necesse esset.

DIFFICULTATEM. ἀπορία, ἀμύχαια.
 POTESTNE TIBI HVIVS VITAE:

HAEC LVX. Multo melius in antiquis libris: quorum alij habent, Potest'ne tibi huius uitæ lux: alij, Potest'ne tibi hæc lux Catilina, aut huius cœli &c.

PRIDIE KAL. IAN. M. Aimilio Lepido, L. Volcatio Tullo cos. cum P. Autronius, & P. Cornelius Sylla cos. designati, ambitus poenas dedissent; inq; illorum locum L. Aurelius Cotta, L. Manlius Torquatus suffecti essent: Catilina, qui, repetundarum reus à P. Clodio Pulchro factus, consulatum petere prohibitus esset, indignatione, & odio in remp. accensus, cum Autronio & Sylla, (certe quidem cum Autronio) alijsq; nobilibus uiris, consilium iniit interficiendi ad Cal. Ian. nouos consules, restituendiq; consulatus ijs, qui abdicare coacti erant, occupatamq; remp. pro sua libidine moderandi. id consilium initum est circa nonas Decemb. eius rei causa, pridie Cal. Ian. Catilinam Cicero ait in Comitio stetisse cum telo: tum, ut opinor, cum abeuntes magistratu consules; ad populum, è Rostris, ex more, uerba facerent. Postridie, cum M. Crassus, qui & ipse coniurauerat, mutato, ut creditur, consilio, non affuisset: ideoq; C. Iulius Cæsar, ipse quoque eius coniurationis particeps, signum, quod conuenerat, non dedisset, (erat autem signum, ut togam de humero dedijceret) res ulterius progressa non est: sed dilata in nonas Febr. Tum quoque aliquod amicum P. R. numen effecit, ut Catilina, priusquam armati conuenissent signum daret. id P. R. saluti fuit. Hæc è Sallustio, Asconio, Suetonioq; collegi.

IN COMITIO. Comitium, locus erat propter sca-

natum, quò coire equitibus & populo R. licebat. Asconius.

*Dicitur tam
et fortuna
reip. ut
pro Milone*

*119 et vide
in Philippiis
193. et 217*

FORTVNAM REIP. Libri ueteres, fortunam P. R. idq; uerius uidetur. ita enim Cicero sepiissime locutus est. Fortunam ueteres, ut puto, nihil aliud quam diuinam uoluntatem uocabant. Signum autem eius rei est, quòd Alcman eam Iustitiæ sororem, Prouidentie autem filiam esse dixit, etsi hoc aliò transferri posse uideo: ut dicamus, iustis ac prouidis hominibus omnia prospere succedere. Sed profecto non ea, quæ ratione ac consilio prouisa, administrataq; essent, ad fortunam referebant. imo ea potius, quorum causæ ignorarentur, quæq; quasi diuinitus cecidisse uiderentur. quod & ab Aristotele, libro secundo de principijs, tradita fortunæ definitio ostendit. itaque rationem poëtæ, id est humanam prudentiam, fortunæ opponunt Horatius: = Ut ne mo quam sibi sortem seu ratio dederit, seu fors obiecerit. itidemq; deo. Ouidius: At tu seu ratio te nostris appulit oris, Siue deus, regni cōmoda carpe mei. cumq; daemōnis nomen apud ueteres Græcos idem ualeret, quod dei: ita ut Plato supremum illum deum, qui hanc uniuersitatem rerum architectatus est, daemona appellet: eodem iidem nomine fortunam intelligebant: unde fortunatos eudemonas, infortunatos cacodemonas nominabant. Fortunam igitur, & perfectam sapientiam, & mentem, atque animum mundi, & fatum, & deum cum dicerent, hominibus modo uariatis, unam eandemq; rem indicabant. de sapientibus loquor. uulgarium enim, & stultorum scio longe aliam fuisse sententiam. itaque

recte apud Homerum δῖος βῆλῃ, id est, Iouis consilium, exponitur fatum, & recte hæc duo à Virgilio coniuncta sunt,

Fortuna omnipotens, & ineluctabile fatum.

Atque hæc de re ita uir eruditissimus M. Varro apud Ciceronem loquens inducitur. Partes autem mundi esse omnia, quæ insint in eo: quæ Natura sentiente teneantur, in qua ratio perfecta insit, quæ sit eadem sempiterna. nihil enim ualentius esse, à quo intreat. Quam uim Animum esse dicunt mundi, eandemque esse Mentem, Sapientiamque perfectam: quem DEVM appellant, omniumque rerum, quæ sunt ei subiectæ, quasi Prouidentiam quandam, procurantem cœlestia maxime; deinde in terris ea quæ pertinent ad homines: quam interdum Necessitatem appellant: quia nihil aliter possit, atque ab ea constitutum sit, interuenire: quasi fatalem & immutabilem continuationem ordinis sempiterni. nonnunquam quidem eandem Fortunam, quod efficiat multa improuisa, nec opinata nobis, propter obscuritatem, ignoranceque causarum. Hæc non tantum eruditissima, sed etiam sanctissima uerba Varronis si quis attente considerauerit, facile perspiciet, sapientum hominum, qui antiquis temporibus floruerunt, eam, quam dixi, de fortuna fuisse sententiam. Ergo ita pingebant eam, ut globum pedibus ipsius subiicerent: quo significarent, totam hanc globosam mundi molem deo subiectam esse. in eiusdem altera manu gubernaculum ponebant, in altera Copiæ cornu: quod à Pindaro acceptum, Plutarchus, Dio Chrysostomus, & Lactantius prodiderunt: nimirum indicant

tes, omnium esse rerum gubernatorem deum, eundemq;
honorum omnium largitorem; ut Hesiodus loquitur,
δωτηρ ἑξίων. Atque hoc sensu recte dictū uideri potest
à Sallustio; Fortunam in omni re dominari: recte à Cice-
rone, magnam Fortune esse uim in utranque partem nos
enim, & cum prospero flatu eius utimur, ad optatos exi-
tus peruenire; & cum illa reflauit, affligi. neque uero
ita hæc intellexisse aut Ciceronem, aut Sallustium existi-
mo: sed, ut sepe fit, sapientius, quàm sentiebant, lo-
cutos. Demosthenes autem, non orator modo summus,
uerum etiam philosophus, omnem prorsus rerum huma-
narum rectionem ac gubernationem Fortune tribuit:
Μεγάλη γὰρ ῥόπη, μᾶλλον δὲ ὄλον ἢ τύχη παρὰ
παντ' ἐστὶ τὰ τῶν ἀνθρώπων. Quid autem Fortune no-
mine intelligat, ipse paulo post docet. cum enim dixisset,
si quis sibi optionem daret, malle se Atheniensium fortu-
nam, quàm Philippi: causam subiiciens, cur eo sit ani-
mo, ait plura uidere se in Atheniensibus, quæ ad concilia-
ndam deorum beneuolentiam ualeant, quàm in Philip-
po: πολὺ γὰρ πλεονέω ἀφορμὰς εἰς τὸ τιῶν παρὰ τῶν
θεῶν δύναιεν ἔχειν ὁρῶ ὑμῖν ἐνέσσω, ἢ ἐκείνῳ. Ecquid ui-
detur aperte profiteri, se fortune prosperitatem in di-
uina beneuolentia ponere? Quod si quisquis est qui uerè
siculum illum fecit, τύχη τὰ θνητῶν πράγματα, ὅν
δὲ βελία, quem Cicero ita interpretatus est, Vitam
regit Fortune, non sapientia; eum, inquam, quicum-
que fecit, si ita intellexit, ut ego intelligo, ne merito
illum Theophrastus in Callisthene commendauit: ip-
sumq; Theophrastum iniuria & Plutarchus, & alii in-

cessendum eo nomine, atque exagitandum putarunt. hoc enim dicere uoluit, res humanas non humana, sed diuina prouidentia, gubernari: omnesq; hominum deliberationes inanes esse atque irritas, nisi eis uoluntas diuina committetur. Quid enim? nonne quotidie uidemus, quæ sapientissime cogitata uiderentur, pessime cedere? quòd si callidissima exercitatisimorum hominum consilia euentus plerunque deserit: tamen ne pertinaces erimus, & in humana prudentia momenti aliquid positum esse dicemus? commouere nos deberet uel illa sepulchralis sapientissime Cypriorum reginæ inscriptio,

399.

Σοφὴ μὲν ἦμην, ἀλλὰ πάντ' ἐν ὀτυχίῃς.

Sapientem se fuisse prædicat, sed infortunatam. filie enim turpitudinem, & filiorum mortem acerbissimam uiderat: ipsaq; se, malis uicta, inusitato mortis genere peremerat. Timotheum Atheniensem (quem alij Cononis filium, Vlpianus rhetor Cononis patrem facit) & multis uictorijs, & statua in foro posita insignem, pictor quidam effinxerat dormientem, & retia tenentem manu. astabat dormienti fortuna, quæ castella, urbesq; plurimas in ea retia dmitteret. egre tulisse picturam illam Timotheus fertur, & gloriatus esse, illas uictorias, non fortunæ beneficio, sed sua sibi uirtute partas. queris, quid consecutum sit? ne unam quidem est, postea quam illam uocem edidit, uictoriam consecutus. Voluit uidelicet deus hominis arrogantiam compefcere: & ostendere eiusmodi res à sua munificentia, non ab humana uirtute, sapientiaue proficisci. nam & ob hoc ipsum quæ Fortuna, eadem alio uocabulo Nemesiſ dicitur. Vi-

deo autem, quæri posse, si fortuna, ut nos dicimus, eadem
 et diuina prouidentia est, qui factum sit, ut eam
 multi omnibus conuicijs insecuti sint, et cæcam, iniu-
 stam, inconstantem, ac uolubilem uocauerint. cui quæ-
 stioni non difficiliter occurri potest. Etenim nemo est,
 qui nesciat, optimis plerunque uiris maximas in uita dif-
 ficultates ac molestias obijci: exilia, uincula, egesta-
 tem, morbos, orbitatem, contemptum, odia, illorum
 proprium quasi patrimonium esse. at contra improbi-
 simos ac nefarios homines sæpenumero affluere diuitiis,
 florere honoribus, abundare ijs omnibus quæ suauem ui-
 tam efficiunt, inter clientum adulatorumq; turmas, sine
 ullo prope molestiæ morsu, totum uite spatium consi-
 cere uidemus. hinc illæ in fortunam querelæ hominum
 nescientium ea omnia diuino consilio fieri, et habere
 uerissimas causas partim subtiliter explicatas à theolo-
 gis, partim etiam in arcanis diuinitatis abditas ac retru-
 sas. non igitur cæca fortuna: dei enim oculus, ut dici-
 tur, uidet omnia: sed cæci potius ipsi, qui non uide-
 rent, dum datam à se bonis, ac fortibus uiris nolle
 ociosam desiderare uirtutem, ideoq; dare ei ubi se exer-
 ceat. Quid enim attinuerat munire fide, armare for-
 titudine, ac patientia Regulum, si in uiola ei, aut in ro-
 sa moriendum fuisset? Quorsus Herculi inuictum il-
 lud corporis et animi robur, si in umbra ei fuisset, at-
 que in ocio consenscendum? Mollia, planaq; itinera
 dedignatur uirtus; ardua, salebrosa, atque aspera con-
 cupiscit. Exerceri suos deus omni acerbis generis
 uult, ut habeat, quod in eis remuneretur, neque enim

esse aut premium sine uictoria, aut uictoria sine certamine, aut certamen sine aduersario potest. malis autem interdum opes, honores, imperia permittit, ut hoc ipso argumento intelligant boni, non esse in his rebus positam uirtutis mercedem: longeque præstantiora esse ab illo suis laboribus præmia constituta. Quod autem inconstantem eam, & uolubilem dicunt: magis etiam indicat, eam nihil aliud, quam dei uoluntatem, esse: quæ non ipsa quidem mutabilis est: sed assidue rerum humanarum mutatione, ac uicissitudine condocet nos, ne quid in eis firmum, aut stabile putemus.

Πῆα μὲν γὰρ βριάζει, ἥ ἐα δὲ τελαίουται χαλῆππαι,

Πῆα δ' ἀρὶ ζήλον μινύθει, καὶ ἄδηνον αἰέξει

Ζῆς ὑπὲρ βρεμέτης, ὅς ὑπὲρ ταῖα δῶμα ταῖα νοαίει.

Video, plus hac de re uerborum factum esse, quam in scitute scriptionis ratio postulabat. sed me paulo prouectum à portu longius, in altum postea subitus quidam disputationis æstus abduxit. quòd si hoc quasi diuerticulum lectoribus non inamœnum fuerit, cur excusare me debeam, non est. cui minus placere à principio cœperit, ei liberum erit paginas aliquot transilire. Omnino, scribenti ad te, LEONARDE MOCENICE, exurgendum aliquando altius, & ex illo philosophiæ, cuius tu præcipue studio caperis, locupletissimo penu splendidius aliquid depromendum fuit.

FORTVNAM P. R. de qua extat perelegans Plutarchi libellus.

AUT NON MVLTQ POST COMMIS-
SA. libri ueteres, aut non multa postea commissa: at-

que ita emendandum est. duabus enim de causis illa omit-
tere se dicit; quòd & nota sint, & multa alia postea
Catilina commiserit.

QVOTIES TV ME DESIGNATVM. li-
bri ueteres, Quoties tu me designatum, quoties consu-
lem interficere conatus es? melius omnino, quàm quomo-
do impressum est.

PETITIONES. ἐμβολὰς uerbum gladiatorium,
ut ante dixi.

CORPORE EFFUGI. Duobus modis uitare pe-
titionem aduersarij licet: ut aut obiectu & oppositu ali-
cuius rei, ictum repellas, aut declinatione corporis, ir-
ritum reddas. hoc posterius uocabant, corpore effugere.

NIHIL AGIS, NIHIL ASSEQVERIS.
assequi est ὑδιτυχεῖν, quod plane hoc loco non conue-
nit, itaque legendum suspicor, Nihil agis, nihil seque-
ris, nihil moliris. est autem, nihil sequeris, nihil tibi
proponis.

QVOTIES IAM, QVOTIES IAM TI-
BI EXTORTA EST. elegantius uidetur, quo-
modo scriptum est in antiquis libris: Quoties tibi iam,
quoties iam extorta est sica ista de manibus? ut sit si-
milis repetitio illi Demosthenica, ὅς γὰρ ἐστὶν, ἔν ἐστιν ὃ
αὐδ' ἔσθ' αὖ δ' ἐστὶν αὖ δ' ἐστὶν, & cet.

INITIATA SACRIS. Sententia est. ita te ge-
ris, ut uouisse uidearis alicui deo, te sicam illam in con-
sulis corpore defixurum. hac enim Cottam primo, &
Torquatam, deinde me consulem saepe iam è medio tol-
lere conatus es.

Venisti

+ Virgilium
in V. Corpo-
re tela mo-
do atque
oculis vigi-
lantibus exit.
Curtius lib.
VI. alia h-
la clypeo
excipiebat,
corpore alia
vitabat.

Venisti paulo ante in senatum: quis te ex hac tanta frequentia tot ex tuis amicis ac necessariis salutauit? si hoc post hominum memoriam contigit nemini, uocis expectas contumeliam, cum sis grauissimo iudicio taciturnitatis oppressus? quid, quòd aduentu tuo ista subsellia uacua facta sunt? quid, quòd omnes consulares, qui tibi persaepe ad eadem constituti fuerunt, simul atque assedisti, partem istam subselliorum nudam atque inanem reliquerunt? quo tandem animo hoc tibi ferendum putas? serui mehercle mei si me isto pacto metuerent, ut te metuunt omnes ciues tui; domum meam relinquendam putarem: tu tibi urbem non arbitraris? & si me meis ciuibus iniuria suspectum tam grauitè, atque offensum uiderem; carere me aspectu ciuium, quàm infestis omnium oculis conspici, mallem: tu cum conscientia scelerum tuorum agnoscas odium omnium iustum, & iandiu tibi debitum, dubitas, quorum mentes, sensusq; uulneras, eorum aspectum praesentiamq; uitare? si te parentes timerent, atque odissent tui, neque eos ulla ratione placare posses: ut opinor, ab eo

rum oculis aliquò concederes : nunc te patria, quæ communis est omnium nostrum parens, odit, ac metuit, & iandiu te nihil iudicat nisi de parricidio suo cogitare. huius tu neque auctoritatem uerebere, neque iudicium sequere, neque uim pertimesces? quæ tecum Catilina sic agit, & quodam modo tacita loquitur. Nullum iam tot annos facinus extitit nisi per te, nullum flagitium sine te: tibi uni multorum ciuium necesse, tibi uexatio, direptioque sociorum impunita fuit ac libera: tu non solum ad negligendas leges & quæstiones, uerum etiam ad euertendas, perfringendasque ualuidisti. superiora illa, quanquam ferenda non fuerunt, tamen, ut potui, tuli: nunc uero, me totum esse in metu propter te unum; quidquid increpauerit, Catilinam timeri; nullum uideri contra me consilium iniri posse, quod à tuo scelere abhorreat; non est ferendum. quamobrem discede, atque hunc mihi timorem eripe; si uerus, ne opprimar: sin falsus; ut tandem aliquando timere desinam.

M V R E T V S

VENISTI PAVLO ANTE IN SENATVM. uenisse eum in senatum, ait Sallustius, aut dis-

stimulandi causa, aut sui expurgandi, sicuti iurgio lace-
cessitus foret. quibus in uerbis, sepe cogitavi, quid si-
bi uellet illa uox, iurgio. nunc in libro manu scripto,
quem mihi Franciscus Capellius, patricius Venetus, ho-
nestissimus adolescens, dono dedit, non ualde illo qui-
dem bono, sed tamen, cuiuimodi est, in eo scriptum
uideo: Sicut iurio lacecessitus foret: unde conijcio, pro,
iurgio, legendum, iniuria.

QVID, QVOD OMNES CONSULARES,
particula, quid, in ueteribus libris hoc loco non repe-
titur. neque sane repeti debet. tale quiddam infra quo-
que notabimus.

SERVI ME HERCULE MEI. Magnum atque
excellens huius loci artificium est. confert enim se cum
Catilina, ita ut se quidem ingenue cuiusdam humani-
tatis, Catilinam uero superba cuiusdam, & non tole-
randæ plenum crudelitatis ostendat. deinde quod seruos
cum ciuibus comparat, profiteturq; pluris à se seruos
suos fieri, quàm à Catilina ciues, mirifice ad struendū
odium ualet. necesse est enim, ut exardescat auditor,
& in eum indignatione incitatus seratur, à quo se mi-
noris fieri audit, quàm ab alio seruos. neque non illud,
DOMVM MEAM, magna cum uehementia di-
ctum est. Domum, inquit, eam, cuius ipse dominus sum;
in quam non modo seruis, sed nulli omnino homini, ex-
tra me unum, quicquam iuris est; seruorum causa re-
linquerem: tu urbem, quo ciuium animos expleas, re-
linquendam non putabis?

SERVI ME HERCULE MEI. argumentum ex

minori, id est, ex minus uerisimili. uix enim credibile est, quenquam tantum tribuere seruis suis, ut propter eos suam sibi domum relinquendam putet. quod tamen hic tanquam uerum ponitur. Si igitur id quod minus credibile uidetur, est: deberet esse & id, quod maiori probabilitate nititur.

SI ME ISTO PACTO METVERENT. libri ueteres, metuerent atque odissent: & paulo post: Tu tibi urbem relinquendam non arbitraris? de quo alij iudicent.

ET SI ME MEIS CIVIBVS. alterum argumentum indidem ductum, unde superius: Ego, inquit, si uel iniuria odio me esse ciuibus scirem, urbem relinquere. quid te facere oportet, qui iustissimum in te omnium odium agnoscis?

ATQVE OFFENSVM. libri ueteres, atque insensum. neque dubium est, quin ita scribi debeat.

sed, offensum
melius.

SI TE PARENTES. Hoc à pari ductum uideri potest. Par ratio est parentum & patriæ. At si te parentes metuerent atque odissent, secederes. idem igitur facere debes, cum te metuat, atque oderit patria.

QVAE TECVM CATILINA. Longe pulcherrimum exemplum πρῶτον τοῦ ποιοῦτος, quam uel conformationem, uel personæ fictionem latine uocare possumus. Porro & hoc, & alterum, quod in hac ipsa oratione reperiemus, & illud Appij Cæci in oratione pro Cælio, puto ad imitationem Platonis efficta esse, qui hoc modo leges in Critone, ueteres Athenienses pro patria mortuos, in Menexeno loquentes introduxerat.

NULLVM IAM TOT ANNOS. quòd duo membra ab eadem uoce incipiunt, anaphora est. quòd totidem in eandem uocem desinunt, epanaphora. quòd uariatur casibus oratio, per te, sine te, tibi uni, tu nò solum, polypoton. in illis autem, negligendas, euerendas, perfringendas, homœoptoton. hæc annoto suba inuitus, ut ijs satisfaciam, qui, explicare artificium, nihil putant esse aliud, quàm figuras indicare. atque hæc semel attigisse satis est: si enim quoties aliqua figura occurrit, toties eam nominare uelimus, nihil aliud agendum fuerit.

MULTORVM CIVIVM NECES. Multos admodum ciues Syllanis temporibus Catilina interfecerat: ut testatur Dio libro XXXVII. & Asconius exponens orationem in toga candida. ubi ex eis nominat Q. Cæcilium, M. Volumnium, L. Tantañum: M. etiam Marij Gratidiani, summe popularis hominis, qui ob id bis prætor fuit, caput abscissum, per urbem sua manu tulerat. sed præstat, his de rebus omnibus, Q. Ciceronis in commentario de petitione consulatus uerba recitare. Hunc negliges quidem, (de Catilina loquitur) natum in patris egestate, educatum in sororis stupris; corroboratũ in cede ciuium: cuius primus ad remp. aditus in equitibus R. occidendis fuit. nam illis, quos meminimus, Gallis, qui tum Titinniorum, ac Vanniorum, ac Tanusiorum capita demebant, Sylla unum Catilinam præfecerat. in quibus ille hominem optimum, Q. Cæcilium, sororis suæ uirum, equitem R. nullarum partium, cum semper natura, tum etiam ætate iam quietum, suis

manibus occidit. Quid ego nunc dicam, petere eum tecum consulatum, qui hominem carissimum populo R. M. Marium inspectante populo R. uirgis per totam urbem ceciderit, ad bustum egerit, ibi omni cruciatu lacerarit, uiuo, stanti, collum gladio sua dextera secuerit, cum sinistra capillum eius à uertice teneret: caput sua manu tulerit, cum inter digitos eius riui sanguinis fluerent? qui postea cum histrionibus, & cum gladiatoribus ita uixit, ut alteros libidinis, alteros facinoris adiutores haberet: qui nullum in locum tam sanctum, & tam religiosum accessit, in quo non, etsi in alijs culpa non esset, tamen ex sua nequitia dedecoris suspicionem relinqueret: qui ex curia Curios, & Annios, ab atrijs Sapa-las, & Caruilios, ex equestri ordine Pompilios, & *Cneos sibi amicissimos cōpararit: qui tantum habet audaciæ, tantum nequitiae, tantum denique in libidine ar-tis, & efficacitatis, ut parentum prope in gremijs prætex-tatos liberos cōstuprarit. Hæc, & alia multa Quintus. Fratrem etiam interfecit, ut ait Plutarchus. interfecit quoque filium, ut antea diximus.

Sed quæ de horrendo supplicij genere, quo Marius Gra-tidianus peremptus est, apud Iulium Firmicum leguntur, ea, quando non ita peruulgata sunt, haud ab re fuerit apponere. Prætorio, ait Firmicus, uiro, minori scilicet Mario, qui iudicio omnium benemeritus de rep. uidebatur, Syllana iussione, elisa sunt prius crura: deinde deiecta de statu corporis brachia, humerum tenuis dissoluta ceciderunt: tertio amputata lingua uocem reliquit in faucibus. ad postremum, omni corporis parte

mutilata, oculi, qui fuerunt spectatores & superstites, egeruntur: & in tam angusto corpore, à nefario patriæ carnifice, tot sunt inuenta supplicia: & uix anima tantis uulneribus erogata est: cum hinc inde membris fluentibus, minutatim spiritus carperetur.

TIBI VEXATIO, DIREPTIOQ. SOCIORVM. *Africam dicit: quam Catilina miseris modis diuexauerat. uide Asconium.*

TV NON SOLVM AD NEGLIGENDAS. *negligit leges, ac quæstiones, qui earum metu à peccando non continetur. easdem perfringit, qui cum in iudicium adductus, manifesto teneatur, aliqua tamen uia elabitur. Catilina autem primum accusatus fuerat repetundarum, Lepido, & Tullo cos. atque absolutus per præuarcationem accusatoris P. Clodii: deinde etiam cædis, consulibus Cæsare, & Figulo, ut est apud Dionem, & tunc quoque absolutus. Hoc quoque ipso tempore interrogatus erat lege Plautia ab L. Paulo. Sallustius.*

EVERTENDAS. *ueteres libri, euincendas.*

SI VERVUS, NE OPPRIMAR. *Hoc orationis genus Hermogenes ἡμῶν δὴ λήμματα τὸν uocat.*

C I C E R O

Hæc si tecum, ut dixi, patria loquatur, non'ne impetrare debeat, etiam si uim adhibere non possit? quid, quòd tu te ipse in custodiam dedisti? quid, quòd uitandæ suspicionis causa apud M. Lepidum te habitare uelle dixisti? à quo non receptus, etiam

ad me uenire ausus es, atque, ut domi meæ te asseruarem, rogasti. cum à me quoque id responsum tulisses, me nullo modo posse iisdem parietibus tuto esse tecum, qui magno in periculo essem, quòd iisdem mœnibus containeremur: ad Q. Metellum prætorem uenisti. à quo repudiatus, ad sodalem tuum, uirum optimum, M. Marcellum demigraſti: quem tu uidelicet & ad custodiendum te diligentissimum, & ad suspicandum sagacissimum, & ad uindictam fortissimum fore putasti. sed quàm longe uidetur à carcere atque à uinculis abesse debere, qui se ipsum iam dignum custodia iudicauerit? quæ cum ita sint Catilina, dubitas, si hic morari æquo animo non potes, abire in aliquas terras, & uitam istam, multis suppliciis iustis debitisq; ereptam, fugæ solitudiniq; mandare? refer, inquis, ad senatum: id enim postulas, &, si hic ordo sibi placere decreuerit, te ire in exilium, obtemperaturum te esse dicis. non referam id, quod abhorret à meis moribus: sed tamen faciam, ut intelligas, quid hi de te sentiant. egredere ex urbe Catilina: libera remp, metu: in exilium, si hanc uocem expectas, proficiscere, quid est Catilina?

ecquid attendis, ecquid animaduertis horum silentium? patiuntur, tacent. quid expectas auctoritatem loquentium, quorum uoluntatem tacitorum perspicias?

M. V. R. E. T. V. S.

QVOD TV TE IPSE IN CVSTODIAM. Hac de re ita Dio libro XXXVII. καὶ ὅς Κικέρωνι αὐτῷ πρὲν ἑαυτὸν, ὥπως δὴ μὴ φύγει πρὸς παρεσθίδου, μὴ πρὸς δεξαμένης δὲ ἐκείνης τῆς φρουρᾶς αὐτῆς, παρὰ ὅς Μετέλλω ὅς στρατηγῶ τῶν διαυτῶν ἐκδοσίας ἐποιεῖτο, ἵν' ὥς ἡκιστα ὑποπῆλυθῇ νεωπεύωντι, μέχρις αὖ καὶ ἐν τῶν αὐτόθεν σωωμένων ἰσχυρόντι πρὸς λάβῃ. Hæc Dio: quem errare, ex hoc loco aperte cognoscitur: non enim apud Metellum prætorem, sed apud Marcellum diuersatus est Catilina.

APVD M. LEPIDVM. qui consulatum cum Volcatio gesserat.

ID RESPONSVM. libri ueteres, id responsi.

AD Q. METELLVM PRAETOREM.

Q. Cæcilium Metellum Celerem dicit: qui, biennio de more interiecto, consulatum postea cum L. Afranio gessit.

VIRVM OPTIMVM. ironiam esse, annotat Fabius libro IX. & sane, quomodo idem Catilinæ sodalis, & uir optimus esse potuisset?

M. MARCELLVM. constat, non esse eundem, quem paulo post, uirum fortissimum uocat: id est cum,

pro quo extat oratio ad Cæsarem. opinor, hunc M. Marcellum illius C. Marcelli, quo de in Sextiana defensione mentio est, patrem fuisse. quam in sententiam, aut potius coniecturam, adduxit me Paulus Orosius, qui libro sexto historiarum ita scribit: Motus etiam in Pelignis ortus à Marcellis patre & filio, per L. Vettium proditus, patefacta Catilinæ coniuratione, quasi succisa radice, compressus est: & de utroque, per Bibulum in Pelignis, per Ciceronem in Brutis uindicatum est.

QVEM TV VIDELICET. hæc omnia ei quæ uis accipienda sunt.

ET SI HIC ORDO SIBI PLACERE DECREVERIT. ueteres libri, Et si hic ordo placere decreuerit: quæ mihi est M. Marcellus nescio quo modo uenustior uidetur. Verbum autem, placere, usitatissimum erat in senatusconsultis. Quæ de re si quis ambigit, legat Senatusconsulta illa, quæ sunt in epistolis Cælij ad Ciceronem.

NON REFERAM. & ex hoc, & ex alijs, sed ex hoc potissimum loco colligo, uerum non esse, quod ait Dio, senatusconsulto ex urbe abire iussum esse Catilinam. senatusconsultum enim, nisi referente Cicero, fieri non potuit. at is aperte, se relaturum, negat.

C I C E R O.

At si hoc idem huic adolescenti optimo P. Sextio, si fortissimo uiro M. Marcello dixissem, iam mihi consuli hoc ipso in templo iure optimo senatus uim, & manus in-

tulisset. de te autem Catilina, cum quiescunt, probant; cum patiuntur, decernunt; cum tacent, clamant: neque hi solum, quorum tibi auctoritas est uidelicet cara, uita uilissima: sed etiam illi equites R. honestissimi atque optimi uiri, ceterique fortissimi ciues, qui circumstant senatum, quorum tu & frequentiam uidere, & studia perspicere, & uoces paulo ante exaudire potuisti. quorum ego uix abs te iamdiu manus ac tela contineo, eosdem facile adducam, ut te hæc, quæ iam pridem ualtare studes, relinquentem, usque ad portas prosequantur. quanquam quid loquor? te ut ulla res frangat? tu ut unquam te corrigas? tu ullam fugam meditere? tu ullum ut exilium cogites? utinam tibi istam mentem dii immortales donarent. tametsi uideo, si mea uoce perterritus ire in exilium animum induxeris, quanta tempestas inuidiæ nobis, si minus in præsens tempus, recenti memoria scelerum tuorum, at in posteritatem impendeat. sed ~~non est~~ ^{non} tibi tanti, dummodo ista ~~non~~ priuata sit calamitas, & à reip. periculis seiungatur. sed tu ut uitæ tuis commoueare, ut legum pœnas pertimescas, ut temporibus reip. concedas, non est

postulandum. neque enim Catilina is es,
 ut te aut pudor à turpitudine, aut metus
 à periculo, aut ratio à furore reuocarit.
 quamobrem, ut sæpe iam dixi, proficisce-
 re: ac si mihi inimico, ut prædicas, tuo con-
 flare uis inuidiam, recta perge in exilium.
 uix feram sermones hominum, si id fece-
 ris: uix molem istius inuidiæ, si in exilium
 ieris iussu consulis, sustinebo. sin autem
 seruire meæ laudi & gloriæ mauis, egrede-
 re cum importuna sceleratorum manu, cō-
 fer te ad Manlium, concita perditos ciues,
 fecerne te à bonis, infer patriæ bellum, exul-
 ta impio latrocinio: ut à me non eiectus ad
 alienos, sed inuitatus ad tuos isse uidearis.
 quanquam quid ego te inuitem, à quò iā
 sciam, esse præmissos, qui tibi ad forum
 Aurelium præstolarentur armati? sciam pa-
 ctam & constitutam esse cum Manlio diē?
 à quò etiam Aquilam illam argenteam,
 quam tibi ac tuis omnibus perniciosam
 esse confido & functam futuram, cui do-
 mi tuæ sacrarium scelerum tuorum consti-
 tutum fuit, sciam esse præmissam. tu ut il-
 la diutius carere possis? quam uenerari ad
 eadem proficiscens solebas: à cuius altari-
 bus sæpe istam dextram impiam ad necem

ciuium tranſtulisti. ibis tandem aliquando, quò te iam pridem tua ista cupiditas effrænata ac furiosa rapiebat. neque enim tibi hæc res affert dolorem, sed quandam incredibilem uoluptatem. ad hanc te amētiā natura peperit, uoluntas exercuit, fortuna seruauit. nunquam tu non modo ocium, sed ne bellum quidem, nisi nefarium, concupisti.

M V R E T V S

ADOLESCENTI OPTIMO, P. SEXTIO. P. Sextio Gallo, questori C. Antonij consulis, pro quo extat Ciceronis oratio.

M. MARCELLO. hic ille est, ut ante dixi, quem postea apud Cæsarem defendit Cicero.

CVM TACENT, CLAMANT. tale est illud è diuinatione, etiam si tacent, satis dicunt. Et illud Catulli, Nequicquam tacitum cubile clamat.

NEQVE HI SOLVM. non solū senatores, sed et equites, ceteriq; ciues, qui circumstant senatum. silentio significant, placere, ut tu in exilium proficiscaris.

VSQVE AD PORTAS PROSEQVAN-
TVR. mos antiquus erat, prosequendi eos, qui in exilium abirent. Sic in oratione, que proximè hanc sequitur: Vel eiecimus, uel emisimus, uel ipsum, egredientem urbe, prosecuti sumus. Sic apud Euripidem Hippolytus,

Ἰτ' ὦ νεοί μοι τῆσδε γῆς ὁμήλιμες,
 Προσείπαθ' ἡμᾶς, καὶ πέμψατε χθονός.

QVANQVAM QVID LOQVOR. *reprehendit seipsum, quòd tam multis uerbis cohortatus fuerit Catilinam, ut in exilium proficisceretur. ait enim, id nullo modo ab eo expectari oportere.*

VTINAM TIBI ISTAM MENTEM DII IMMORTALES. *Cupiditates, quæ in hominum mentibus enascuntur, itemq; consilia quæ capiuntur, à dijs immitti, multi ueterum crediderunt. Hinc in poetarum scriptis uidemus, heroas omnia de consilio alicuius dei facere: Agamemnona Iunoni, Achillem, Aiace, Diomedem, Vlyxem, Iasonem Palladi, Paridem Veneri; alios denique alijs deis obtèperare. etiamq; ut quisque deus cuique homini bene aut male consultum cuperet, ita putabatur bonum, aut malum consilium ei dare: profuturas aut nocituras cupiditates in animum illius immittere. cuius rei exempla ab ijsdem poetis innumera petè possunt. Et ex hac sententia dictum est à Virgilio,*

Hic mihi nescio quod trepido male numen amicum
 Confusam eripuit mentem.

Et à Catullo, Quis deus tibi non bene aduocatus
 Vxorcem parat excitare rixam?

Et à Cicerone in Miloniana, Hic dij immortales, ut supra dixi, mentē dederunt illi perduto, ac furioso, ut huic faceret insidias. Alij contra, ipsas cupiditates, ceterasq; affectiones animi deos esse autumarunt. quæ utraq; dogmata Virgilius his uersibus complexus est;

Di'ne hunc ardorem mentibus addunt

Euryale, an sua cuique deus sit dira cupido?

Cum enim animum ipsum, aut deum, aut partem quamdam dei putarent esse (id quod postea Pythagorici comprobauerunt) quicquid in deo esset, deum esse credebant. neque uero, quod quasdam cupiditates malas esse atque exitiosas uiderent, ideo de sententia dimouebantur: nam deos quoque alios bonos faciebant, alios malos. ex hac opinione amor in deos relatus est: ex hac spei, timori, impudentie consecrata sunt fana: ex hac Euripides *Θύλαξ*, id est, cautionem, utilissimam deam; *Φιλολογία* uero, id est, ambitionem, deam perniciosissimam, & *Φθόρον*, id est, inuidentiam deum iniustissimum nominauit. At harum quidem opinionum utranque falsam esse constat. Vera autem, & quoniam, ut ait Aristoteles, uerum uero pugnare non potest, religioni nostrae consentanea est Plotini, grauissimi, ac sanctissimi philosophi, sententia: omnes honestas & laudabiles cupiditates, omnia recta, & honesta consilia immitti diuinitus in animos nostros: uitiosa autem quae sunt, ea ex naturae nostrae corruptione, ac deprauatione proficisci. In hanc me disputationem deduxerunt uerba illa Ciceronis, Utinam tibi istam mentem dii immortales donarent. uere autem ut dicam, libenter facio, ut excurram in huiusmodi locos, quo rerum minutiorum tedium, admista grauiorum, & maioris momenti argumentorum tractatione minuatur.

DONARENT. plane assentior Petro Victorio, qui, darent, non, donarent, hoc loco legendum putat. praecipuo cum hanc emendationem etiam ueterum libro-

rum auctoritas comprobet . hoc enim ipsi affirmanti facile credo : etsi in ijs omnibus , quos mihi uidere contigit , eadem hoc loco scriptura est , quæ in impressis .

SED NON EST MIHI TANTI . locus aperte corruptus : qui quidem è uetustis libris ita restituendus est . Sed est tanti : dummodo ista & cet . hanc autem sententiam continet . tanti publice interesse duco , te ex urbe exire , ut , dum id fiat , non recussem omnem inuidiæ tempestatem subire . sic locutus est etiam in oratione ea , quæ proxime sequitur : Est mihi tanti Quirites , huius inuidiæ falsæ atque iniquæ tempestatem subire , dummodo à uobis huius horribilis belli ac nefarij periculum depellatur . & libro tertio accusationis . Metuisti , ne æs alienum tibi cresceret , si HS V I millibus I 7 tibi constarent ea , quæ tu facile posses uendere HS C C millibus ? fuit tanti : mihi crede . haberes , quòd defenderes . hoc enim significat : Vsque cò tua intererat id facere , ut recusandum tibi non fuerit , quominus id in tabulas referres , uel cum eo periculo , ne tibi æris alieni paululum accresceret . nam si fecisses , haberes saltem nunc quomodo te defenderes . & in eodem libro : Iactabit se , & in his equitabit equuleis : Emi , pecuniam solui . credo , etiam tabule proferretur . est tanti . cedo tabulas . dilue sane crimen hoc Calidianū , dū ego tabulas aspicere possim . hoc enim dicit : Tam ualde arbitror , ad causæ meæ commodum pertinere , ut tu tabulas proferas : ut non recussem , quominus , ijs prolatis , crimen hoc diluas : dummodo ego eas aspicere possim . Nam quòd Hotomanus , homo & probus , & insigniter eruditus putat , priore illo loco ,
tale

tale aliquid aut deesse, aut subaudiendum esse: Si mehercule hæc duo uerba scribi iussisses, FVIT TANTI, mihi crede, haberes, quod defenderes: hoc autem posteriore exponit, EST TANTI, tanti sunt uenditi, hoc precium est, quo empti sunt: neminem puto esse, qui non uideat, quanto opere utraque harum declarationum & falsa, & absurda sit.

DUMMODO ISTA TVA PRIVATA SIT CALAMITAS. puto, uocem, tua, expungendam esse, non enim de calamitate Catiline loquitur, sed de ea, quam sibi impendere auguratur, si Catilina ipsius iussu in exilium ierit. ut sit sensus: dummodo ista calamitas, quam ego accipiam ex inuidia, quæ mihi constabitur, si tu meo iussu in exiliū ieris, priuata sit, & à reip. periculis sciuncta, non recuso, quominus eam subeam, hac conditione, ut tu in exilium eas. huiusmodi autem sententiæ multum & ad beneuolentiam, & ad comparandam auctoritatem ualent: quæ indicant animum de publica tantum utilitate sollicitum, & dum reip. consulat, nihil de suo priuato periculo laborantē.

NEQVE ENIM CATILINA IS ES. Qui cunque sese à flagitijs abstinēt, uel iudicio id faciunt, uel affectu. iudicio ij, in quibus ratio, id est, superior illa pars animi, furentem uincit, ac domat cupiditatem. horum duplex ratio est. partim enim, cum oblatas sibi nequiter agendi occasiones uident, relinquunt eas, uel gaudentes hoc ipso, uel certe sine ulla molestia: atq; ij ex habitu id faciunt. alij rationi quidem obtemperant: sed tamen retorquent, ut dicitur, oculos ad ea, quæ omittunt.

tunt, & relinquunt ea, ut Horæus loquitur, ἀχρὺς
 μὲν οἱ τῶν ἁπλῶν Ἀριστοτέλης ἐγὼ παλαιός, latini continen-
 tes vocant. Eorum quoque, quos affectus quidam in
 officio continet, bipertita itidem diuisio est. alij enim
 pudore ac uerecundia sibi moderantur: ut ingenui, ac li-
 beraliter educati adolescentes, qui cum sæpe tententur
 uehementissimis cupiditatibus, incitantibus, atque exti-
 mulantibus ipsos ad carpēdas omnis generis uoluptates,
 non illi quidem, quod adhuc temperantes sint; (siqui-
 dem neque prudentia in iuuenilem ætatem cadit: & si-
 ne prudentia, earum, quæ in agendo cernuntur, uirtu-
 tum nulla consistit) sed cum sibi proponant eam turpi-
 tudinem, eamq; infamiam, quæ à dissolutione, ac ne-
 quitia existit, & renituntur cupiditati suæ, & si quan-
 do uincantur, deprehensi erubescunt. ideo dictum est à
 ueteribus, uerecundiam esse optimam custodem adole-
 scentie. alij contra, seruili homines ingenio, metu tan-
 tum mali abstinere à malefaciendo: ut serui in comædijs,
 ut ij qui eo tantum non peccant, quod horrent acerbis-
 sime suppliciorum, quæ sunt legibus in facinorosos ho-
 mines constituta. sub quod genus includendi sunt etiam
 ij, qui, tantum ne in morbos incidant, scortari, hel-
 luari ue parcunt. Cum igitur, ut à principio repetens,
 summatim dicam, tria sint in animo, quæ peccare pro-
 hibeant, pudor, metus, & ratio: nullum horum trium
 Cicero quicquam unquam in Catilina ualuisse ait. ele-
 ganter autem turpitudinem pudori, periculum metui, fir-
 rorem rationi, singula singulis opposuit: post ad unum
 uerbum omnia reuocauit.

AC SI MIHI INIMICO. hoc quoque orationis $\chi\epsilon\mu\alpha$ διακῆμα τὸν ὄντι. siue mihi constare inuidiam, siue laudi meæ seruire uis, egredi debes.

CONFLARE. metaphora ducta à metallis.

SERMONES HOMINVM. fere in malam partem sumitur. Cicero in epistola ad Varronem: Da binus sermonem iis, qui nesciunt, nobis, quocunque in loco sinus, eundem cultum, eundem uictum esse. quid refert? tamen in sermonem incidemus. Idem libro quareto accusationis: In sermonem hominum, atque in tantam uituperationem ueniret. Idem pro Flacco: Ne Leilius ex his rebus, quas suscepit gloriæ causa, putet aliquid oratione mea sermonis in sese, aut inuidiæ esse quesitum. sed & apud Græcos eodem modo: ut Pindarus dicit, sermones esse inuidis pro cibo. ὄφον δὲ λόγῳ φθονεῖσιν.

QUANQVAM QUID EGO TE INUITEM. Vnus liber uetus, Quinquam quid eò te inuitem. unde dubium non habeo, quin totus locus ita legi debeat. Quinquam quid eò te inuitem, quò iam sciam esse præmissos, qui tibi ad Forum Aurelium præstolarentur armati? sciam, pactam & constitutam esse cum Manlio diem: quò etiam Aquilam illam argenteam, &c. Eò, in castra Manlij. eò enim suorum multitudinem Catilina præmiserat. ac temperare mihi non possum, quin Sallustij uerbis, quibus hoc ipsum exponitur, leuiter ut opinor, deprauatis, opem ferre studeam. sunt autem hæc: Postremo, ubi multa agitati nihil procedit, rursus in tempesta nocte coniurationis principes conuocant.

cat per M. Porcium Leccam : ibiq; multa de ignauia eorum questus, docet, se Manlium præmississe ad eam multitudinem, quam ad capiendâ arma parauerat. Hæc postrema uerba ita legi debere censeo : Docet, se ad Manlium præmississe eam multitudinem, quam ad capiendâ arma parauerat. Non enim Manlium ad multitudinem, sed contra, multitudinem ad Manlium præmiserat.

ESSE PRAEMISSOS. ipse enim, sperans Ciceronem ea nocte interfectum iri, proxima nocte ex urbe exiturum esse se confirmauerat.

AD FORVM AVRELIVM. qui forum Aurelium exponunt tribunal Aurelium, labi puto. Potius crediderim, ut Forum Iulium, Forum Cornelium, Forum Sempronium, Forum Appii, ita Forum Aurelium oppidum fuisse haud procul ab urbe : quod uel illa uerba è sequenti oratione demonstrant. Aurelia uia profectus est. si accelerare uolent, ad uesperâ consequentur. DIEM. ad quam in castris esse deberes.

QVO' ETIAM AQVILAM ILLAM ARGENTEAM. Romanarum legionum proprium signum fuisse aquilam, constat. cum autem legio diuideretur in decem cohortes; prima cuiusque legionis cohors semper suscipiebat aquilam: ut est apud Vegetium. erat autem aquila paruum sacellum, siue, ut Cicero hic loquitur, sacrarium : in quo inerat aquilæ effigies, uel argentea, ut hic uidemus, uel aurea. id sacellum hastæ impositum ex inferiori parte acutæ, quo in terram defigi posset, portabat is, qui aquilifer dicebatur. narrat Dio libro quadragesimo: aquilas autem illas diuino

cultu affici solitas esse, & ea quæ modo recitavi, indicant, & Ciceronis hoc loco uerba confirmant.

AQVILAM ILLAM. *quam bello Cimbrico C. Marius in exercitu habuisse dicebatur. Sallustius.*

A CVIVS ALTARIBVS. *hic inter calamo notatos, & formis excusos libros parua quedam discrepantia est. illi enim habent: A cuius altaribus sæpe istam impiam dexteram ad cædem ciuium transtulisti.*

C I C E R O

Nactus es ex perditis, atque ab omni non modo fortuna, uerum etiam spe derelictis conflata improborum manum. hic tu qua lætitia perfruere, quibus gaudiis exultabis, quanta in uoluptate bacchabere, cum in tanto numero tuorum neque audies uirum bonum quenquam, neque uidebis? ad huius uitæ studium meditati sunt illi, qui feruntur, labores tui; iacere humi non modo ad obsidendum stuprum, uerum etiam ad facinus obeundum; uigilare non solum ad insidiandum somno maritorum, uerum etiam bonis ociosorum. habes, ubi ostentes illam præclaram tuam patientiam famis, frigoris, inopiæ rerum omnium, quibus te breui tempore confectum esse senties. tantum profeci tum, cum te à consulatione repuli, ut exul potius tentare, quam

consul vexare reimp. posses : atque ut id ,
 quod esset à te scelerate susceptum, latroci-
 nium potius, quàm bellum, nominaretur.
 Nunc ut à me P.C. quandam prope iustam
 patriæ querimoniam detester, ac deprecet,
 percipite quæso diligenter quæ dicam, &
 ea penitus animis uestris mentibusq; man-
 date. etenim si mecum patria, quæ mihi ui-
 ta mea multo est carior, si cuncta Italia, si
 omnis resp. loquatur, M. Tulli quid agis?
 tu ne eum, quem esse hostem comperisti,
 quem ducem belli futurum uides, quem
 expectari imperatorem in castra hostium
 sentis, auctorem sceleris, principem cõiu-
 rationis, euocatorem seruorum & ciuium
 perditorum, exire patieris, ut abs te non
 emissus ex urbe, sed immissus in urbem es-
 se uideatur? non ne hunc in uincula duci,
 non ad mortem rapi, non summo suppli-
 cio mactari imperabis? quid tandem im-
 pedit te? mos ne maiorum? at persæpe
 etiam priuati in hac rep. perniciosos ciues
 morte multarunt. an leges, quæ de ciuium
 R. supplicio rogatæ sunt? at nunquam in
 hac urbe ii, qui à rep. defecerunt, ciuium
 iura tenuerunt. an inuidiam posteritatis
 times? præclaram uero populo R. refers

gratiam, qui te hominem per te cognitum,
 nulla commendatione maiorum, tam ma-
 ture ad summum imperium per omnes
 honorum gradus extulit, si propter inui-
 diam, aut alicuius periculi metum, salu-
 tem civium tuorum negligis. sed si quis est
 invidiæ metus, non est uehementius feue-
 ritatis, ac fortitudinis inuidia, quàm iner-
 tiæ, ac nequitia pertimescenda. an, cum
 bello uastabitur Italia, uexabuntur urbes,
 testa ardebunt, tum te non existimas inui-
 diæ incendio conflagraturum?

NON ENIM M. V. R. E. T. V. S.

IMPROBORVM MANVM. *libri ueteres,*
impiorum manum.

NEQVE AVDIES VIRVM BONVM.
amare dictum. quasi nihil ei sit bonorum uirorum aspe-
ctu, alloqui uel molestius.

LABORES TVI. De Catiline patientia, uidenda
 sunt ea, quæ Sallustius narrat.

IACERE HUMI. & qui de nocte grassantur, &
 qui furtiuos sequuntur concubitus, sæpe iacere humi,
 & sub dio pernoctare coguntur. Ouidius de amante,
 & milite:

Peruigilant ambo: terra requiescit uterque:

Ille fores domine seruat, at ille ducis.

Vtriusque igitur rei causa, ad ponendum humi corpus,
 exercitatum dicit esse Catilinam.

SOMNO MARITORVM. Ouidius:

Nempe maritorum somnis utuntur amantes,

Et sua, sopitis hostibus, arma mouent.

A CONSVLATV REPVLI. patefacto am-
bitu, quo tu ad me deijciendum utebare.

LATROCINIVM POTIVS, QVAM BEL-
LVM. in ipso enim belli nomine uidetur auctoritatis
aliquid inesse: uix ut bellum dici debeat, quod à priua-
to, aut ab exule infertur. Bellum tamen dictum est, quod
Spartacus fecit: & bellum quoque intulisse patriæ dici-
tur Coriolanus. Sed hic de proprietate uocabuli Cicero
loquitur. nam ipsemet paulo post bellum uocat.

NVNC VT A ME. explicaturus, cur Catilinam
eijcere potius, quàm interficere malit, nouo quodam
quasi principio utitur.

PERCIPITE QV AESO. unus liber uetus, Per-
cipite quæ dicam; & ea penitus animis uestris, ratio-
nibusq; mandate.

QV AE MIHI VITA MEA. huiusmodi senten-
tiæ sunt, quæ orationem moratam efficiunt. talis est in-
fra: Hoc animo semper fui, ut inuidiam uirtute par-
tam & cet.

EVOCATOREM. Quæ uis huius uocabuli sit, alijs
è Seruio grammatico retulerunt.

SERVORVM. seruos tamen postea reiiciebat Ca-
tilina: eòq; nomine à Lentulo apud Sallustium repre-
henditur.

MACTARI. Vsum quendam huius uerbi, paucis,
ut arbitror, notum, quem ante hos decem annos anno-

taui, & publice docui, cum etiam tum adolescentulus, Limini, quod Pictonum oppidum est & humaniorum literarum, & iuris civilis studiis florentissimum, Amphitruonem Plautinam enarrarem; tradere hoc loco institui: simulq; locum Plautinum, à quibusdam, qui cum non intelligebant, corruptum, declarare. Mactare igitur hostiam alicui deo, usitate dicimus: ut,

Coelicolum regi mactabam in littore taurum.

At mactare deum quempiam aliqua hostia, minus sepe usitatum illud quidem, sed tamen à ueteribus dictum esse constat. atque inde iocandi occasionem arripuit Plautus: apud quem Mercurius, assumpta Sosie forma, cum Amphitruonem aduenientem ludificaretur, & à foribus repelleret; multis ultro citroq; iactis conuicijs, ad postremum ita cum alloquitur: Sacrifico ego tibi. cumq; miratus Amphitruo subiunxisset, Qui? respondet ille: Quia enim te macto infortunio. ubi iocus est, ut dixi, è uocabuli ambiguitate quesitus. nam cum mactare aliquem, interdum sit, ei sacrificare; ad hanc uerbi notionem Mercurius respiciens, ei se sacrificaturum pollicetur. at postea illudens, pro hostiæ nomine, ponit uocem, infortunio. quid autem sit, mactare aliquem infortunio, nemo nescit. Hoc qui non intelligebant, corruerunt & uersum, & sententiam, adiectis duabus uoculis, hoc modo: Sacrifico ego hunc tibi Iupiter. Eiusdem autem locutionis exemplum est in interrogatione in Vatinius: Cum inaudita, ac nefaria sacra susceperis, cum inferorum animas elicere, cum puerorum extis deos manes mactare soleas, at extra hos duos locos,

Arnobius
ad. gust. haud scio, an ullum praeterea illius exemplum in ueterum scriptis reperiatur.

250. QUID TANDEM IMPEDIT TE? argumentum ab enumeratione partium per remotionem, hoc modo. Quod Catilinam non interficis; oportet te aut more maiorum, aut legibus, aut inuidiae metu impediri. at neque mos maiorum, neque lex ulla, neque inuidiae metus impedire te debet. nihil igitur cause est, cur cum non interficias potius, quam emittas. Propositio tanquam certa, & confessa ponitur. assumptionis, quae tripartita est, singule partes adhibitis rationibus confirmantur. itaque procederet argumentatio; nisi Cicero postea ostenderet, praeter has tres, aliam quandam subesse causam, cur Catilinam emittendum sibi potius, quam e medio tollendum putet.

AT PERSAEPÉ. confirmat primam partem assumptionis, per locum à minore, hoc modo: Quod priuatos homines in hac rep. nō ueritum est facere, id multo animosius facere debet is, cui commissa resp. est. at saepe etiam priuati perniciosos ciues morte multarunt: multo magis igitur idem tibi faciendum est. licet autem annotare oratoris artificium, qui cum & in hac oratione, & in quibuscunque alijs in hanc sententiam disputauit, unum modo nominauerit Scipionem Nasicam, qui priuatus (si modo unquam sapiens priuatus est) seditiosum ciuem interfecerit: hoc loco tamen, augendi atque amplificandi causa, persaepe id à priuatis hominibus factum esse dicit.

AN LEGES. Confirmatio secundae partis. Hostes

ciuium iura tenere non debent. Catilina hostis est. non igitur debet frui beneficio earum legum, quæ de ciuibus R. late sunt. Leges autem Valerias, Porcias, & Sempronias dicit.

AN INVIDIAM. Tertia pars assumptionis duabus rationibus confirmatur: quarum prior est: *Qui summi populi beneficijs usus est, is, ubi populi salus agitur, nullam recusare inuidiam, nullum subterfugere periculum debet. tu à populo, quæ maxima expectari beneficia poterant, consecutus es. non est igitur, cur in illius salute conseruanda ullam inuidiam, aut ullum periculum extimescas.*

PRAECLARAM VERO. ironia.

PER TE COGNITVM. nouum.

NULLA COMMENDATIONE. nullis imaginibus.

TAM MATVRE. omnes enim honores suo anno consecutus est: quod, ante ipsum, nouo homini contigerat nulli.

AD SVMMVM IMPERIVM. Consulatum. quamuis enim prætores collegæ cōsulum erant, ijsdemq; auspicijs creabantur: tamen prætores minus imperium habebant; maius consules.

PER OMNES HONORVM GRADVS. questuram, ædilitatem maiorem, præturam.

SED SI QVIS EST. secunda ratio. Si, inuidiæ metu, Catiline parcis: nihil agis. in eandem enim inuidiam, aut etiam maiorem, ex inertia, atque ex fortitudine uocaberis.

CVM BELLO VASTABITVR. *amplificatio per enumerationem consequentium belli.*

INVIDIAE INCENDIO. *primum sine ulla figura dixerat, arsurum tecta: deinde quod in illis proprie dixerat, figurate ad seipsum transtulit.*

C I C E R O

hoc

His ergo sanctissimis reip. uocibus, & eorum hominum, qui idē sentiunt, mentibus pauca respondebo. Ego, si hoc optimum factu iudicarem P.C. Catilinam morte multari, unius usuram horæ gladiatori isti ad uiuendum non dedissem. etenim si summi uiri, & clarissimi ciues, Saturnini, & Gracchorum, & Flacci, & superiorum complurium sanguine non modo se non cōtaminarunt, sed etiam honestarunt: uerendum certe mihi non erat, ne quid, hoc parricida ciuium interfecto, inuidiæ mihi in posteritatem redundaret. quòd si ea maxime impenderet, tamen hoc animo senper fui, ut inuidiam uirtute partam, gloriam, non inuidiam putarem. quanquam nōnulli sunt in hoc ordine, qui aut ea, quæ imminet, non uideant; aut ea, quæ uident, dissimulent; qui spem Catilinæ molibus sententiis aluerunt, cōiurationemq; nascentem nō credendo corroborauerunt:

quorum auctoritatem secuti multi non solum improbi, uerum etiam imperiti, si in hunc animaduertissem, crudeliter & regie factum esse dicerent. nunc intelligo, si ille, quò intendit, in Manliana castra peruenerit, neminem tam stultum fore, qui non uideat coniurationem esse factam; neminē tam improbum, qui non fateatur. hoc autem uno interfecto, intelligo hanc reip. pe item paulisper reprimi, nō in perpetuum cōprimi posse. quòd si se eiecerit, secumq; suos eduxerit, & eodem ceteros undique collectos naufragos aggregauerit: extinguetur atque delebitur nō modo hæc tam adulta reip. pestis, uerum etiam stirps, ac semē malorum omnium. etenim diu iam P.C. in his periculis cōiurationis, insidiisq; uersamur: sed nescio quo pacto omnium scelerum, ac ueteris furoris, & audaciæ maturitas in nostri consulatus tempus erupit. quòd si ex tanto latrocinio iste unus tollatur, uidebimur fortasse ad breue quoddā tempus cura, & metu esse releuati; periculum autē residebit, & erit inclusum penitus in uenis, atque in uisceribus reip. Ut saepe homines ægri, morbo graui, cū æstu febrīq; iactantur, si aquam gelidam bibe-

rint, primo releuari uidentur, deinde multo grauius uehementiusq; affliguntur: sic hic morbus, qui est in republica, releuatus istius poena, uehementius uiuis aliis ingrauescet.

HIS ERGO. emendandum est ex ueteribus libris, His ego. ita enim recte continuatur, & coheret cum superioribus, hoc modo, Si mecum ita resp. loquatur; ego his sanctissimis ipsius uocibus pauca respondebo. alioqui esset ἀνακόλαστον, non illud quidem uitiosum, neque Ciceroni inusitatum: sed praestat, ueterum librorum auctoritatem sequi.

QUI IDEM SENTIUNT. libri ueteres, Qui hoc idem sentiunt. & ita emendandum uidetur.

EGO, SI HOC OPTIMUM. Dissolutio propositae argumentationis: quae quidem propositionibus duabus, earumq; rationibus continetur. prior propositio. Ego, si id e rep. fore iudicassem, Catilinam, nulla interiecta mora, morte multassem. Ratio. non enim metuerem, ne uila tam pulchrum facinus inuidia sequeretur: quod si aliter caderet; tamen gloriam eam potius, quam inuidiam ducerem. Altera propositio. Sed satius esse duco, ut emittatur. Ratio. Quoniam, eo interfecto, uideo fore, ut hoc malum reprimatur tantum paulisper: cuncto autem, & profligato cum suis, ut in perpetuum comprimatur.

IN VILIAM VIRTUTE PARTAM. Pos

test ne uirtus inuidiam parere? atqui si inuidia aut odiū
est, aut quoddam odium: uirtutem autem etiam uitiosā
amant: (qua de re à nobis alio in libro disputatum est)
quomodo e uirtute potest inuidia existere? Sed tamē
Pindarus alicubi queritur, & exempla docent, & com
munis omnium uox (quam ego quidem pro oraculo ha
bendam esse duco) clamat, pulcherrimis factis inuidiā
plerunque comitari. Demus igitur nos aliquantisper
huic cogitationi: est enim res digna cognitu. huiusce
modi autem disputationes qui non amant, prætereant.
ego, quando hic, ut poëtae loquuntur, menti calor inci
dit, sequar eum, quocunque ducet: & uel mihi, ut di
citur, canam, & Musis, uel ijs, quibus paulo Philoso
Φιλωσοφία ingenium est, seruiam: queramq; quæ sit
origo inuidiæ, quæ natura: qui, quibus, & quas
ob res inuideant: tum quæ sint ea, quæ quasi cur
sum inuidiæ sistant. atque hinc ordior. Omnes af
fectus ab ingenito cuique sui ipsius amore profici
scuntur. hic unus quasi fons ceterorum omnium est.
quia enim amat se quisque, iecirco quæ sibi bene esse,
uel scit, uel putat, ea & absentia desiderat, & obie
cta persequitur, eorumq; tum adeptione, conseruatione
ne, amplificatione gaudet, tum contrarijs rebus offen
ditur. Malorum autem contraria ratio est. Atque hoc
quidem principium disputationis ponatur à nobis, su
maturq; hoc loco, quasi concessum. longiorē enim ora
tionem requirit. Cum igitur sibi quisque carissimus sit,
fit, ut se omnibus bonis ornatum, ac florentem uidere
cupiat: ægreq; ferat, si quid eius generis in aliis uideat,

quod in se desideret. Hæc origo, quasiq; radix inuidiæ est. Dolent autem, aut quòd ipsi careant eo, quod alius habeat; aut quòd alius habeat id, quo ipsi careant. inter estq; inter hæc: nam qui dolet, quòd ipse careat; dolet malo suo: qui, quòd alius habeat; alieno bono.

Itaque ea demum inuidia est, non quòd tu careas: sed, quòd alius habeat, dolere. Quòd si progressiatur affectus hic etiam longius, ut doleas, id boni esse alij, quod tibi quoque sit; hæc iam non inuidia est, sed illa, quam Græci Ζηλοτυπία, Cicero obrectationem uocat. Non igitur inuidus est, qui alium formosum, ualentem, opulentum, eruditum, πολύφρον uidens, dolet, se quoque talem non esse: hac enim ratione omnes inuidi essemus: sed cui hoc ipsum per se ægre est, quòd hæc in alio sint, is demum est inuidere censendus. neque uero proprie inuidia odium est: sed est tamen quiddam odio affine. Nam & odisse homines sceleratos dicimur, quibus non inuidemus: & odium uel ex metu, uel ex iniuria accepta, opinata, expectata, uel ex opinione aliqua prauitatis, & sceleris nascitur: cum inuidia longe alios habeat fontes: & odium interdum laudabile est; inuidia nunquam: & qui odit, male esse uult: qui inuidet, non male omnino, sed aliquanto minus bene. ut si domus in uicino posita ædium tuarum luminibus officiat, non eam quidem funditus excisam, sed illam tantum partem, quæ tibi molesta est, sublatam uelis. quanquam in hac similitudine hoc dissimile est: quòd inuidus ijs, quæ nihil ipsi officiunt, alienis prosperitatibus affligitur. inuidiā tamen odium quod
dam

dam plerunque comitatur . ideoq; ipsum inuidiæ nomen interdum pro odio ponitur . ac quoniam imminutio boni , malum quodammodo est , alienis malis gaudere inuidus dicitur : unde illud poetæ ,

Risus abest , nisi quem uisi fecere dolores .

Eleganterq; Bio, quendā , qui hoc morbo laborabat, ridentem conspicatus, Huiccine, inquit, boni quid contigisse dicam, an alij cuiuspiam aliquid mali? optimus tamen & dicendi, & sentiendi magister Aristoteles ista distinguit, ut aliud φθόρου uocet, aliud ὀδύνης καὶ λύπης. Cum autem inuidia dolor quidam sit, & dolor omnis fodicet, atque excedat eum in quo est; merito dicitur, ipsam inuidiam esse supplicium sibi. Nunc qui, quibus, & propter quæ fere inuideant, strictim explicemus. Inuident igitur, non qui sua sorte cōtenti sunt: (nam etiam poetæ, in quorum scriptis longe uerissima omnium affectuum expressio est, cum amoribus suis se cure fruuntur, negant se uel Ioui inuidere) sed qui semper maius aliquid requirunt; quales præcipue sunt ambitiosi, atque auari. illi enim, quicquid ad gloriam, hi quicquid ad opes accedit alienas, sibi quodammodo detrahi credunt. inuident etiam fere inferiores superioribus: unde dictum est, Summa petit lior. non tamen ijs, qui longo interuallo superiores sunt: ut dijs, aut regibus. neque procul remotis, ut Scythæ Persis. sed & eiusdem artificij homines inter se. unde est apud Hesiodum, Figulus figulo: quod tamen ita intelligendum est, si gloriam ex eo studio, aut pecuniam aucupentur. alioqui enim similitudo studiorum amoris potius causa

est . nonnunquam etiā superiores inferioribus : ut Cras-
sus & ceteri nobiles crescenti adhuc Ciceronis gloria
inuidebant . & nouis potius , quā nobilebus : iuueni-
bus potius , quā etate prouectis . ut enim ignis exori-
ens plurimum fumum , ita maximam inuidiam gloria
exoriens excitat . quod pertinet Themistoclis dictum , qui
adolescens dicebat , ex eo se intelligere , nihilum à se
splendide gestum , quod nondum inuidiæ dente petere-
tur . magnam etiam inuidiam facit ostentatio sui : ue-
req; scripsit Euripides , τὸ ἑμὸν εἶναι omnibus odiosum .
& æquales æqualibus , & nobiles nobilebus ; omninoq;
pares paribus ideo facile inuident , quia aut anteuerte-
re ipsi alijs uolunt , aut , ne alij sibi anteuertant , ti-
ment . & ijs , qui tradita sibi potentia immodice utun-
tur . cuiusmodi inuidiam in Catiline causa Cicero me-
tuebatur . Omnino autem inuident aut felicitatē , aut para-
tem aliquam felicitatis . quocirca sapienter Pindarus ,
ἡρέτων οἷν τιμῶν Φθόρος . uereq; uulgo dici solet , tri-
bus ex optimis rebus tres pessimas oriri : ē ueritate odiū ,
ē familiaritate contemptū , ē felicitate inuidiā . inuident
aut non tam uirtutē , quā premia uirtutis , ut opes , ho-
nores , imperia . nemo enim suam fortitudinem inuidit
Regulo , aut Decijs : at Ciceronis consulatus maximam
inuidiam habuit . Ac tum maxime accenditur inuidia ,
cum genere , aut eiusmodi re aliqua superiori gloria ab
inferiore præripitur . itaque hæc interdum uel exitij
causa est , ut Gobiæ filio contigit . non igitur ἀμείων
inuidiam parit uirtus : sed uirtus gloriam , inuidiam
gloria . Vitatur autem inuidia , si te modeste & æqua

biliter cum alijs geras, nunquam te illis, ut ait Comicus, anteponeas. minuitur etiam, si non omnia tibi uno quasi tenore procedant. egre ferunt enim homines, aut unum præ ceteris excellere, aut uni, quasi fortune filio, omnia prospere succedere. Sæpèq; sapientes uiri in secundis rebus aliquid sibi euenire incommodi optarunt. hoc est enim, quod dicitur, inuidiæ sanguinem mittere. Terminatur autem sine dubio quidem morte: unde illa, Pascitur in uiuis lior: post fata quiescit.

Et e diram qui contudit Hydram,

Comperit inuidiam supremo sine domari.

Sed et confirmata iam, et ad summum perducta gloria inuidiam extinguit. Sic enim et aucto iam igne fumus euanescit: et Sol ad summum cœli euectus minimam umbram efficit. Quamlibet multa, aut innumera potius possem in hoc argumento dicere. sed, hæc ipsa, uereor, ne nimium multa sint. quæ tamen quoquo modo accipiuntur à lectoribus, iuuat, ut ait poëta, indulgisse furori. nunc ad Ciceronis uerba redeamus.

CRUELITER, ET REGIE. regum crudelitas, et superbia apud Romanos prope in prouerbiū abierat. Cicero pro Rabirio Postumo: Regum autem sunt hæc imperia, Animaduerte, et dicto pare: et, Præter rogatum si querare: et illæ minæ,

Si te secundo lumine hic offendero,

Morieret. qui uersus, ut hoc, quasi præteriens, admonem, ex Euripidis Medea conuersus est: quod ante me nemo annotauit. Idem secunda in Rullum: Non priuatorum insaniam, sed intolerantiam regum esse dicere

tis. & in eadem: Hoc quantum iudicium, quàm intolerandum, quàm regium sit, quem præterit?

MALORVM OMNIVM. *quidam libri ueteres, malorum hominum. quod etsi à non nullis reiici uideo, mihi tamen non displicet.*

DIVIAM. *totum triennium.*

EX TANTO LATROCINIO. *unus liber uetus, naufragio.*

IN VENIS ATQVE IN VISCERIBVS. *allegoria, quam statim adhibita pulcherrima similitudine explicat, & exornat. qua quidem in similitudine, resp. corpori, coniuratio feбри, Catilinæ supplicium potui aque gelidæ comparatur.*

CICERO.

Quare P.C. secedant improbi, secernant se à bonis, unum in locum congregentur, muro denique, id quod sæpe iam dixi, secernantur à nobis. desinant insidiari domi suæ consuli, circumstare tribunal prætoris urbani, obsidere cum gladiis curiam, maleolos & faces ad incendendam urbem cōparare: sit denique inscriptum in fronte uniuscuiusque ciuis, quid de rep. sentiat. Polliceor hoc uobis P. C. tantam in nobis consulibus fore diligentiam, tantam in uobis auctoritatem, tantam in equitibus R. uirtutem, tantam in omnibus bonis consensionem, ut Catilinæ profectioe omnia

patefacta, illustrata, oppressa, uindicta esse uideatis. Hisce ominibus Catilina cum summa reip. salute, & cum tua peste, ac pernicië, cumq; eorum exitio, qui se tecum omni scelere, parricidioq; iunxerunt, proficiscere ad impium bellum, ac nefarium. tum tu Iupiter, qui iisdem, quibus hæc urbs auspiciis à Romulo es constitutus, quem Statorem huius urbis, atque imperii uere nominamus; hunc, & huius socios à tuis aris, ceterisque templis, à tectis urbis, ac mœnibus, à uita, fortunisque ciuium omnium arcebis; & omnes inimicos bonorum, hostes patriæ, latrones Italiæ, scelerum fœdere inter se, ac nefaria societate coniunctos, æternis suppliciis uiuos, mortuosq; mactabis.

M V R E T V S

QVARE P.C. conclusio est.

PRAETORIS VRBANI. L. Valerij Flacci. erant autem hoc anno praetores, hic ipse, quem dixi, L. Valerius Flaccus, Q. Pompeius Rufus, Q. Cæcilius Metellus Celer, C. Pontinius, C. Sulpicius, C. Cosconius, P. Cornelius Lentulus Sura. Octaui nomen nondum reperi. nam, quod Appianus Cethegum nominat, dixi antea, cur mihi minus uerisimile uideatur.

MALLEOLOS. uide Vegetium.

M V R E T V S

GVM SVM MA REIP. SALVTE. *quidam
ueteres libri, Cū reip. salute, quod multo melius uidetur.
TVM TV . particula, tum , in comprecationibus
utebantur. Plautus,*

*Quid si falles? Tum Mercurius Sosie iratus fiet. Idē,
Id ego si fallo, tum te summe Iupiter*

Quæso, Amphitruoni ut semper iratus fies.

*Et in iureiurando, Si sciens fallo, tum me Diespiter
salua urbe, arceq; et cet. Et in fœderibus, Tum tu Die-
spiter populum R. sic ferito, ut ego hunc porcum ho-
die feriam.*

M. ANTONII MURETI AD LEONARDVM MOCENICVM, P. V.

secundæ orationis in Catilinam explicatio.

VM multa sunt alia, quæ in ueteribus dicendi magistris admirari, & libere ut loquar, non satis probare solco, Leonardè Mocenice: tum illud imprimis, quòd iidem homines & multo longius, quàm par erat, fines oratoris facultatis protulerunt, & eandem postea multo breuiore, multoq; angustiore, quàm ipsius natura fert, ambitu, quasiq; gyro concludere, ac constringere uoluerunt. nam cum ita late pateat oratoris officium tradidissent, ut ex omni artium numero nullam relinquerent, quæ non instructum esse eum, atque ornatum oportere dicerent, neque præclarum illud nomen eloquentis cuiquam tribuendum putarent, nisi qui idem & grammaticus esset, & dialecticus, & earum rerum quæ in naturæ obscuritate posite sunt, intelligens, & gubernandæ reip. & gerendi belli peritus: eundemq; esse uellent & musicum, & geometren, & arithmeticum, & astrologum, & medicum, & architectum: nulla ut res esset cælo, terra, mari, de qua non ille copiosissime disputare, atque ornatissime posset: iidem postea, tanquam illius tantæ liberalitatis suæ pernitentes, quasi angustissimo quodam ergasculo, ita tribus causarum generibus totam illius tam late patentem, diffusamq; uim coercuerunt. in quibus illud primum est, quod admirer: si quis Euclidis, Ptolemæiue scripta

nunquam legisset, cui tandem impedimento id ei ad dicendum putarint fore: aut qui minus eloquentem futurum, si qui nunquam neque cantare, neque saltare didicisset. nam si quod aliquando accidit, ut C. Sulpicius, de lunæ defectione differens, exercitum L. Paulli confirmaret, iccirco astrorum rationem oratori esse necessariam dicimus: & quia de faciendis portubus, architectum; quia de liuoribus, & tumoribus in corpore interdum aliquid dicit, medicum esse eum uolumus: eadem ratione dicamus sane, debere eum bonum coquum esse, bonumq; sutorem: quod in tanta rerum uarietate accidere aliquando possit, ut de cibis ei sit aliquid calæceamentisq; dicendum. Magnum uero oratori negotium imponimus: si ut ei aliquid in sermone de huius aut illius artis instrumentis, operibusue, aut de ipsa etiam efficiendi ratione occurreret: ita eum mittemus ad magistros, & nisi quam artem didicerit, nunquam de ea uerbum unum facere patiemur. ac profecto si ista omnia in oratore sunt, mirum est, cur non ad canendum tibijs, ad obliganda uulnera, ad ædificanda naualia, disertī homines adhibeantur, & cur non oratoribus resp. tanquam Delphicis gladijs, ad omnia, quæ sunt in ciuitate necessaria, utatur. Est autē operæ præcium cognoscere, quo potissimū argumento istud gloriosum dogma confirmet. De omnibus, inquit, rebus dicere, oratoris officiū est. non potest autē quisquā ea dicendo tractare, quæ cognita perspectaq; non habeat. omnī igitur artiū scientiam animo comprehēderit, oportet, is qui oratoris munus sustinere meditetur. O plumbeum, ut dicitur,

pugionem. quis enim hoc tibi concesserit, nisi quem ista magnorum nominum infatuauerit auctoritas, omnibus de rebus oratoris esse officium dicere? sophistarum hoc fuit, ponere iubere quod quisque uellet: quod nemo unquam, qui orator haberetur, factitauit. Quando autem potest accidere, ut orator dicere debeat, quadrari possit circulus, nec ne possit, aut ecquid ullam habeat quadrati latus cum diametro proportionem? At hæc ipsa si tractanda susceperit, multo tractabit ornatiùs, quàm ipsi artifices solent. Sane uero. mortuos, credo, excitabit, & mutis rebus sermonem dabit, & similiter cadentibus ac similiter desinentibus canoram numerosamq; efficiet orationem: facileq; si id facere uoluerit, effugiet & risus hominum, & insanie famam. Consputaretur mehercule, ut opinor, & saxis, lutoq; peteretur, si quis in corona tractandis eiusmodi rebus ornatum ullum adhibere oratorium uellet. De iustis, iniustis, utilibus, inutilibus, honestis, turpibus, dicere oratoris officium est: non de quadratis, & circulis, de conis, & pyramidibus disputare. Itaque præclare Aristoteles, ut solet, Rhetoricen in ijs modo uersari ait, τὸ δὲ ὧν τέχνας μὴ ἔχουσιν, καὶ πρὸς ὧν βελούμεθα: ijs uidelicet in rebus, quæ sunt in communi quadam intelligentia posite: & de quibus, nemo est, qui non, natura duce, utcunque iudicare se posse confidat. hoc enim plane mihi quidē inuenire uidetur, cum ait, illam esse τὸ δὲ τοιούτων πινῶν, ἃ καὶ ἡ ῥόπον πινὰ ἃ πάντων ἐστὶ γνωρίζειν. Deinde, si maxime oratori accidere interdum posse fateamur, uti ijs de rebus uerborum aliquid faciat, quæ ad alias facul

tates, aut scientias pertinent: non tamen ex eo efficietur, ut ad oratoris nomen tuendum necessaria sit omnium artium cognitio. Ac mihi cogitanti, quæ tandem istius erroris origo esse potuerit; ut aliarum multarum stultissimarum opinionum, ita huius quoque uidentur Stoici principes, quasiq; procreatores fuisse. qualem enim illi suum sapientem esse dixerant, qui solus formosus esset, solus liber, solus rex, solus dialecticus, solus eloquens, solus denique omnia, ut etiam, quamuis nunquam soleas fecisset, sutor tamen esset imprimis bonus: talem prope isti præclarum illum suum è Platonis rep. oratorem effinxere. quam uanitatem secutus Vitruuius, multo ille quidem modestius, sed tamē aut talē, aut certe nō multo alium architectum informauit, atque illi oratorem fecerant. quod idem non tantum in poeta, aut in imperatore facile probari queat: uerum etiam si ad istud exemplum progredi, & omnes artes paulatim commiscere libeat, eò tandem, dijs iuuantibus, ueniamus, ut bonum musicum esse oporteat, qui bonus cerdo euadere cogitet. Sed ut mittamus cetera; illud certe conuenire nullo modo potest, ut & omnibus de rebus dicere sit oratoris; & totum illius officium contineatur tribus causarum generibus, demonstratiuo, deliberatiuo, & iudiciali. neque uero mihi quisquam Aristotelis hoc loco auctoritatem obijciat: nam ille primum non, ut isti, omnia quæ in rerum natura sint, oratori ad dicendum subiecta esse uoluit: deinde multo uerus, multoq; sapientius locutus est: non enim tria genera causarum, aut controuersiarum, sed τρία εἶδη τῆς ἐντολεμῆς,

αὐτὸς τρεῖς γαίῃ τῶν λόγων τῶν ἐντορικῶν dixit. quod si
 quis putat idem cum illo altero esse, longe errat. ego
 autem, si quis querat ex me, quo in genere causæ, aut
 controuersie sit ea oratio, qua quotannis olim eos, qui
 pro patria occubuerant, Athenis laudari mos erat: pla-
 ne respondebo, in nullo. nulla enim ibi neque causa, ne-
 que controuersia est: neque quicquam de quo quisquam
 controuersetur. & tamen è Platonis Aristotelisq; do-
 ctrina uere dici potest, esse γαίῃ ἐπιδεικτικὴν ἐντορ-
 κὴν λόγον. Tu uero qui oratorem Hippia quendam πᾶντο
 δαῖν facis, quero ex te, cum ille de corporum cælestium
 moribus, de fulguribus, de terremotibus disputabit: (quã-
 do hæc quoq; ad munus illius pertinere uis) in quo isto-
 rum trium generum cum uersari dices? neque enim tum
 laudabit, neque uituperabit: neque suadebit, neque
 dissuadebit: neque accusabit, neque defendet. ac ne lon-
 gius exempla repetamus: (tempus est enim, ut, his omisa-
 tis, ad ea ueniamus, quæ instituto nostro adiunctiora
 sunt) hæc in Catilinam orationes, præter postremam,
 quæ sane deliberatiua dicatur, sub nullum ex illis tri-
 bus generibus includi queunt. non sub iudiciale: neque
 enim habentur in iudicio. non sub demonstratiuum:
 nam in demonstratiuo sola audientium uoluptas quæri-
 tur: totumq; illud genus ad pompam, & ad ostentatio-
 nem comparatur. non sub deliberatiuum: in priore enim
 ut uidimus, nulla deliberatio est: quin id tantum age-
 bat Cicero, ut exiret Catilina, quo ipse postea cum se-
 natu deliberare de rep. posset. neque enim præsentē eo
 deliberare, aut decernere utile fuisse. hac aut, quam

nunc explicare aggredimur, itemq; tertia, nihil aliud agit, quàm ut exponat populo ea, quæ gesta sunt, eumq; confirmet, ac bene sperare iubeat. ne queramus igitur, hæ orationes quo in causæ genere sint, aut in quo statu: sed ista relinquamus ijs, qui eò progressi sunt stultitiæ, ut, editis libris, non tantum in epistolis Ciceronis, uerumetiam in comædijs Terentij & genus causæ, & statum requirant. Nunc Ciceronem ipsum audiamus.

M. TVLLII CICERONIS IN L.
CATILINAM, AD QUIRITES,
ORATIO II.

Andem aliquando Quirites
L. Catilinam, furem aucto-
ritatem patriæ nefarie molientem,
uobis, atque huic urbi ferrum
flammamq; minitantem, ex urbe uel eiecimus,
uel emisimus, uel ipsum egredientem urbe
prosecuti sumus. abiit, excessit, euasit, erupit.
nulla iam perniciēs à monstro illo, atque prodigio
mœnibus ipsis intra mœnia comparabitur. atque hunc
quidem unum huius belli domestici ducem sine
controuersia uicimus: non enim iam in

ter latera nostra sic illa uersabitur : non in campo , non in foro , non in curia , non denique intra domesticos parietes pertimescemus . loco ille motus est , cum est ex urbe depulsus : palam iam cum hoste , nullo impediēte , bellum iustum geremus . sine dubio perdidimus hominem , magnificeq̃ uicimus , cum illum ex occultis insidiis in apertum latrocinium coniecimus . quòd uero non cruentum mucronem , ut uoluit , extulit ; quòd uiuis nobis egressus est ; quòd ei ferrum de manibus extorsimus ; quòd incolumēs ciues , quòd stantem urbem reliquit ; quanto tandem illum mœrore afflictum esse , & profligatum putatis ? iacet ille nunc prostratus Quirites , & se perculsum , atque abiectum esse sentit , & retorquet oculos profecto sæpe ad hanc urbem , quam ex suis faucibus creptam esse luet . quæ quidem lætari mihi uidetur , quòd tantam pestem euomuerit , forasq̃ proiecerit .

M V R E T V S

TANDEM ALIQUANDO . Perterrefactus superiori oratione Catilina , ex urbe sese , intempesta nocte , cum paucis , ut ait Sallustius ; cum trecentis , ut ait Plutarchus , coniuratis eduxerat . postridie Cicero , cum senatum habiturus esset , interim dum senatores cō-

uenirent, hanc orationem ad populum ē Rostris habuit.
TANDEM ALIQUANDO. Et ad tarditatem, Et ad difficultatem indicandam ualet. Cur autem hinc potissimum Cicero exorsus est? primum, quia nullo pacto facilius poterat, statim à principio, populi beneuolentiam sibi adiungere, quàm modesta sui, Et preclari, Et recentis beneficij cōmemoratione. omnes enim, qui oppressi aliquo metu fuerunt, amant eos, quorum opera se metu ac periculo leuatos intelligunt. ac si ij, qui suauem aliquem nuncium afferunt, etiam si ipsi nihil ad ea, quæ nunciant, contulerunt, tamen ita grati solent esse, ut eos plerunque euangelijjs prosequamur: quàm accepta eius oratio esse debet, qui Et ea nunciat, quæ maxime cupimus, Et eis conficiendis ipsemet præfuit? primum igitur, ut dixi, hoc principio beneuolentiam quesituit sibi. deinde fuit etiam alia causa, cur eo uteretur. nam cum essent, qui Catilinam non eiici, sed interfici debuisse contenderent: ipseq; consilij sui causas publice reddere pararet: merito, qua de re in prima orationis parte disputaturus erat, eam sibi rem initio proponendam putauit.

FVRENTM AVDACIA. annota ordinem dicendi plane mirabilem. Audacia immoderata, Et proiecta furiosos quodammodo eos, in quibus est, efficit. quibus autem quasi conceptus in uisceribus aestuat furor, ij crebro spiritum ducere, atque anhelare consueuerunt. itaque apud Virgilium, sibyllæ sacro furore correpte = non uultus, non color unus,

Non comptæ mansere comæ: sed pectus anhelum,

Et rabie fera corda tument.

Quocirca præclare Cicero, cum dixisset, Catilinam furentem audacia; subiunxit, scelus anhelantem. Qui autem ad scelus tanta auiditate properat, ut anhelet: hunc nunquam conquirere, sed aliquid perpetuo machinari necesse est. ergo addidit, Pestem patriæ nefarie molientem. postremo, ut ostenderet, Catilinam inibi fuisse, ut iam iamq; exequeretur sua scelera a consilia, addidit, Vobis, atque huic urbi ferrum, flammamq; minitantem.

VEL EIECIMVS. quia pro imperio, minis, conuicijs, oblationibus usi sumus.

VEL EMISIMVS. quia non nolentem: imo ipsum suapte sponte exire meditantem.

VEL IPSVM EGREDIENTEM. eijcitur nolentes, emittimur uolentes: sed utrumque ab alio. egredimur autem ipsi per nos. eiectus igitur Catilina. nolebat enim exire, donec Ciceronem oppressisset. uel potius emissus. qui enim sua omnia consilia crui è tenebris, & è priuata domus parietibus in lucem erumpere uideret, in urbe tuto esse posse se non putabat. Vel potius neque eiectus, neque emissus est, sed per se egressus. nihil enim erat ei longius, quàm ut esset in Manlij castris.

PROSECVTI SVMVS. qua de consuetudine à nobis superius dictum est. non tamen ita hoc dicit, quasi reuera Catilinam persecutus fuerit: sed tantum hoc genere loquendi significat, nullam excunti ei uim adhibitam fuisse.

ABIIT, EXCESSIT, EVASIT, ERVPIT. non est congeries idem significantium: sed cre-
scit ueluti per gradus oratio.

EXCESSIT. plus est, quàm abiit. ut,

Omnibus idem animus scelerata excedere terra.

EVASIT. tanquam eo ex loco, in quo iam sine pericu-
lo uersari nequiret.

ERVPIT. cum impetu quodam, & alacritate ani-
mi gestientis peruenire in Manlij castra.

MOENIBVS IPSIS INTRA MOENIA.
quod periculum longe grauißimum est: ubi mali uis in-
tus inclusa grassatur. &, cum à muniendo mœnia dicta
sint; muniti esse mœnibus aduersus eos, qui intra mœ-
nia sunt, non possumus.

HVIVS BELLI DOMESTICI. uox, huius,
& à quibusdam alijs ueteribus libris abest, & ab illo,
quem ante dixi, optimo.

SINE CONTROVERSIA. non est, ut qui-
dam exponit, ne ipso quidem Catilina repugnante.
Sed idem ualet, quod paulo post, sine dubio: & infra:
sine dubitatione. ἀτρεκέως.

NON ENIM IAM INTER LATERA. de-
le illud, enim. nam neque est in uetustis libris, & cora-
rumpit orationis dignitatem.

NON IAM INTER LATERA. ut magis
intelligatur depulsi à ceruicibus ciuium periculi ma-
gnitudo; breuiter reuocat in memoriam aliquot auda-
cia facinora Catiline.

INTER LATERA. ut pridie Kal. Ian. Lepido
& Tullo

¶ Tullo cos. cum ille in Conitio cum telo fuit.
NON IN CAMPO. ut quo die ego mihi ab illo metuens, loricatus in campum descendi.
NON IN FORO, NON IN CVRIA. cum, illo præsente, neque iudicia tuto exerceri, neque senatus tuto haberi posset.
NON DENIQUE INTRA DOMESTICOS PARIETES. ut nuper, cum ille duos misisset, qui me in lecto meo interficerent.
LOCO ILLE MOTVS EST. id est, de statu deiectus. quem enim locum sibi quisque ad dimicandum cepit, is & à Grecis *στῆσις*, & à Latinis status dicitur: unde Cicero in controuersis forensibus status uocatur, in quo primum insistit quasi ad repugnandum congressa defensio. Quanta autem cum in omnibus rebus, tum præcipue in re militari uis sit ordinis, nemo nescit. sæpe enim parue, sed ordinatæ copię magnas, sed confusas, incompositasq; uicerunt: at ordo in exercitu seruari non potest, nisi quisque locum suum teneat, neque eo se moueri patiatur: ideo olim capitis pœna constituta erat in *ἀεποταξίῃς*. nam qui prior loco mouetur, magnam spem uictoriæ aduersario præbet. quemadmodum igitur, ubi loco motus est hostis, certa propemodum, & explorata uictoria est: ita ait Cicero, Catilina ex urbe depulso, ciuibus iam non amplius de uictoria esse dubitandum. libet autem recitare duos ueterum scriptorum locos, quibus intelligatur, magno & intrepido milites animo mori malle, quam ut se loco moueri sinant. eorum unus est Sallustij, sub

finem libri de coniuratione Catilinaria, his uerbis:
Sed confecto praelio, tum uero cerneret, quanta audacia,
quantaq; uis animi fuisset in exercitu Catiline.
nam fere quem quisque uiuus pugnandi locum ceperat,
cum, amissa anima, corpore tegebat. Alter est
Plauti ex Amphitruone,

Hostes crebri cadunt: nostri contra ingruunt.

Vicinu' ui feroces.

Sed in fugam se nemo tamen conuertitur:

Neque recedit loco, quin statim rem gerat.

Animam amittunt prius, quam demigrent loco.

Iacet, ubi steterat, quisque, atque ordinem obtinet.
atque hi uersus aliquanto aliter leguntur in Plautinis
libris: sed male. expressum autem esse à Plauto Sallu-
stij locum, haud iniuria fortasse aliquis suspicetur.

BELLVM IVSTVM. quod uere, ac proprie
belli nomine censi possit.

PERDIDIMVS. ἀπαλέσμεν.

QVOD VERO NON CRVENTVM. quod
me non interfecit, interficiendum uē curauit.

VIVIS NOBIS. me uiuo.

QVOD EI FERRVM. allegoria. significat
enim, Quod ei, ne cadem in urbe faceret, restitimus.

QVOD INCOLVMES CIVES. quorum
sanguinem cogitatione iam exorbuerat.

QVOD STANTEM VRBEM. de cuius euer-
sione, ac disperditione cogitabat.

AFFLICTVM. quasi ad humum deiectum.

PERCVLSVM. Percellere est euertere, & ad

terram deijcere. unde prouerbum rusticorum, quo plaustrum perculisse dicuntur, qui negotium aliquod euerterunt, ac perturbarunt. meminit Donatus in Eunu-
chum. & eo usus est Plautus in Epidico: = perij
plaustrum perculi. quo loco Erasmus ineptissime legit,
Astrum perculi.

ET RETORQVET OCVLOS. expressit
gestum eorum, qui inuiti aliquid relinquunt. itaque
hominem auri minime cupidum ita expressit Horatius;

Quisquis ingentes oculo irretorto

Spestat acervos.

EX SVIS FAUCIBVS. metaphora est ab im-
manibus feris.

QVAE QVIDEM LAETARI MIHI VIDE-
TVR. liber uetus, Quæ quidem letari cernimus
uidetur. est autem ualde frequens Cicero in ea figura,
ut sensum tribuat rebus inanimatis. Sic pro Marcello,
Parietes ipsi. Sic pro Plancio: Quorum honoribus
agri, prope dicam, ipsi, montesq; fauerunt. & in
agrarijs: Testa atque agri.

EVOMVERIT. metaphora ab agrotis, qui sepe
uomitū recreari, ac releuari solent.

C I C E R O

At si quis est talis, quales esse omnes
oportebat, qui in hoc ipso, in quo exul-
tat, & triumphat oratio mea, me uehe-
menter accuset, quòd tam capitale[m] ho-
stem non comprehenderim potius, quàm

emiserim : non est ista mea culpa. Quirites, sed temporum. interemptum esse L. Catilinam, & grauisimo supplicio affectum iampridem oportebat; idem à me & mos maiorum, & huius imperii seueritas, & resp. postulabat : sed quàm multos fuisse putatis, qui, quæ ego deferrem, non crederent? quàm multos, qui propter stultitiam non putarent? quàm multos, qui etiam defenderent? quàm multos, qui propter improbitatem fauerent? ac si sublato illo depelli à uobis omne periculum iudicarem, iampridem ego L. Catilinam non modo inuidiæ meæ, uerum etiam uitæ periculo sustulissem. sed cum uiderem, ne uobis quidem omnibus re etiam probata, si illum, ut erat meritus, morte multassem, fore, ut eius socios inuidia oppressus persequi non possem; rem huc deduxi, ut tum palam pugnare possetis, cum hostem aperte uideretis. quæ quidem ego hostem, Quirites, quàm uehementer foris esse timendum putem, licet hinc intelligatis, quòd illud etiam moleste fero, quòd ex urbe parum comitatus exierit. utinam ille omnes secum suas copias eduxisset. Tongillum mihi eduxit, quem

* amare in prætexta ~~calumnia~~ coeperat; Publicium, & Munatium, quorum æs alienum contractum in popinâ nullum reip. motum afferre poterat: reliquit, quos viros, quanto alieno ære, quàm ualentes, quàm nobiles ~~uos uidetis~~.

M V R E T V S

AT SI QVIS EST TALIS. Nunc ingreditur ad declarandam rationem consilij sui: cur non interficiendum potius, quàm emittendum, esse Catilinam duxerit. artificiose autem facit, ut non modo non improbet, sed magnopere etiam laudet eorum sententiam, qui eum interfici debuisse dicebant; & tamen ab omni reprehensione se liberet. Tale enim dilemma affertur aduersus Ciceronem poterat. Aut coniurauit. Catilina, aut non coniurauit. Si coniurauit, interficiendus fuit. si non coniurauit, ne eiiciendus quidem. huic ita respondet, ut illum interfici debuisse fateatur: sed ostendat tamen, magis è rep. fuisse, ut emitteretur.

QVALES ESSE OMNES OPORTEBAT: nam, si omnes tales essent, tum demum, Catilinam interficere, nihil periculi fuisset.

EXULTAT, ET TRIUMPHAT. ostendat, iactatq; se, & quodammodo magnifice se infert. Triumphat, autem, quasi communi omnium hoste deuicto.

NON COMPREHENDERIM. in uincula duci non iusserim.

INTEREMPTVM. libri ueteres, interfectum. aliquis nihil interesse dixerit. mihi hoc, quod est in ueteribus, longe melius uidetur.

SED QVAM MVLTOS. Tria hominum genera ponit, in quorum inuidiam incursum erat, si Catilinam interfecisset. unum eorum, qui, ipsum Catilinam inimicum esse, propterea quod cum in consulatu acerbum competitorem habuerat, putabant. ideoque, quae ab ipso deferrentur non credebant, quod ab odio proficisci existimarent. alterum eorum, qui ita stulti erant, ut non putarent, aut etiam ut defenderent. tertium denique improborum hominum, qui Catilinae conatibus, & inceptionsibus fauebant.

AC SI SVBLATO ILLO. Quamuis, inquit, uidebam, quanta mihi impenderet inuidia, si Catilinam morte multassem: tamen si iudicassem fore, ut respublica morte illius omni periculo defungeretur; facile contempsissem omne non inuidiae modo, uerumetiam uitae periculum.

LVDICAREM. pro, iudicassem. enallage temporum.

INUIDIAE MEAE, qua mihi inuideretur, non qua ego alijs inuiderem. Sic infra: Inuidiae meae laudande causa. Vtroque autem modo dici inuidiam, ipsa se docuit quarto Tusculanarum. ego uero uideo, multa quoque alia nomina à ueteribus eo modo usurpata esse. Utilitas enim mea saepe quidem est ea, quam ego percipio: sed interdum ea quoque, quae ex me percipitur. Terentius Eunuchus:

ratis libris: neque tamen dubium est, quin ea uox aut omnino redundet, aut aliquo modo corrupta sit: ego certi nihil pronunciare audeo.

PUBLICIVM, ET MVNATIVM. ita-
rum repetendum est uerbum, eduxit.

RELIQVIT, QVOS VIROS. ita emen-
dandus est locus hic è ueteribus libris. Reliquit quos ui-
ros? quanto alieno ære? quàm ualentes? quàm nobiles?
illa autem duo uerba, Vos uidetis, neque in uetustis
exemplaribus leguntur, & sine dubio, addita sunt ab
aliquo inepto, qui, deesse quippiam, errore ductus,
opinaretur.

C I C E R O

Itaque ego illum exercitum **ex** Gallica-
nis legionibus, & ~~eum~~ hoc delectu, quem
et in agro Piceno, & Gallico Q. Metellus ha-
buit, **ex** his copiis quæ à nobis quotidie
comparantur, magnopere contemno, col-
lectum ex senibus desperatis, ex agresti lu-
xuria, ex rusticis mendiculis, & decocto-
ribus, ex iis, qui uadimonia deferere,
quàm illum exercitum, maluerunt: qui-
bus ego non modo si aciem exercitus no-
stri, uerum etiam si edictum prætoris
ostendero, concident. hos, quos uideo
uolitare in foro, quos stare ad curiam,
quos etiam in senatum uenire, qui nitent

unguentis , qui fulgent purpura , mallem secum suos milites eduxisset : qui si hic permanent , mementote non tam exercitum illum esse nobis , quàm hos , qui exercitum deseruerunt , pertimescendos . atque etiam hoc magis sunt timendi , quòd , quid cogitent , me scire sentiunt , neque tamen permouentur . uideo , cui Apulia sit attributa , qui habeat Etruriam , qui agrum Picenum , qui Gallicum , qui sibi has urbanas insidias cædis , atque incendiolorum depoposcerit . omnia superioris noctis consilia ad me perlata esse sentiunt : patefeci in senatu hesterno die : Catilina ipse pertimuit , profugit : hi quid expectant ? nã illi uehementer errant , si illam meam priusnam lenitatem perpetuam sperant futuram . quod expectaui , iam sum affectus . ut uos omnes factam esse aperte coniurationem contra remp. uideretis . nisi uero si quis est , qui Catilinæ similes cum Catilina sentire non putet . non est iam lenitati locus : seueritatem res ipsa flagitat . unum etiam nunc concedam : exeant , proficiantur , ne patiantur desiderio sui Catilinam miserum tabescere : demonstrabo iter : Aurelia uia profectus est : si accelera-

re uolent, ad uesperam consequentur. o fortunatam remp. si quidem hanc sententiam huius urbis eiecerit. uno mehercule Catilina exhausto, releuata mihi, & recreata resp. uidetur.

M V R E T V S

ITAQVE EGO ILLVM. locum hunc deprauiatum esse constat. ego autem partim ueterum librorum auxilio, partim etiam coniectura nixus, confido fore, ut eum & corrigam, & declarem. Sententia igitur Ciceronis hæc est. Magnopere contemno eos omnes, qui cum Catilina exierunt, totumq; adeo Catilina exercitum: sed, qui è socijs eius in hac urbe manserunt, eos demum metuendos esse duco. Cur exercitum contemniam, in causa sunt primum legiones Gallicanae, in quibus magnum est populo R. praesidium constitutum. deinde hic delectus, quem habuit Metellus in agro Piceno, & Gallico. præterea copiae, quæ quotidie à nobis comparantur. magnos etiam mihi animos illud facit, quod totum Catilinæ exercitum uideo è teterrimorum hominum colluione esse conflatum. Sed hos demum, qui manent in urbe, cum tamen sint nefaria illa societate implicati, nobis esse arbitror pertimescendos. Hæc, nisi me uehementer fallit animus, Ciceronis sententia est. quod magis patebit, ubi sublata erunt aliquot menda, quæ adhuc huic loco tenebras offuderunt.

EX GALLICANIS LEGIONIBVS.

emenda è libro uetere, Et Gallicanis legionibus. non enim dicit, exercitum Catilinæ esse ex Gallicanis legionibus; sed contemnere se Catilinæ copias, legionibus Gallicanis, id est, propter legiones Gallicanas, seu fretum auxilio legionum Gallicanarum. Gallicanas autem dicit, ut opinor, quæ in Gallia, in hibernis dispositæ essent.

ET CVM HOC DELECTV. dele particulam, cum. abest enim à ueteribus libris, & sensum corrumpit.

Q. METELLVS. Misit sunt prætores, Q. Pompeius Rufus Capuam, Q. Metellus Celer in agrum Picenum: hisq; permissum, uti pro tempore, atque periculo exercitum compararent. Hæc Sallustius. è quibus constat de delectu, quem habuit Metellus in Piceno. de Gallico autem, è Dione cognoscitur: qui narrat, cum senatus prouincias decreuisset consulibus Macedoniam, & Galliam: Ciceroniq; Macedonia, quæ lucrosior erat, obtigisset: Ciceronem sponte eam concessisse C. Antonio, ut hominem magno ære alieno, ob idq; non alienum à suspitione coniurationis, oblata lucri spe, ad bonas partes adduceret. ac ne ipsum quidem in Galliam iuisse, sed, cum sibi sumpsisset urbis custodiam, eò Q. Metellum misisse. Atque hoc est, quod Cicero tam sepe à se prouinciam reip. causa prætermisam fuisse, iactat.

EX HIS COPIIS. ita etiam in ueteribus legitur. neque tamen dubito, quin legi debeat, Et his copijs.

QVAE A NOBIS. Decreuerat enim senatus, uti

consules delectum haberent. Sallustius.

EX AGRESTI LVXVRIA. id est, ex agrestibus luxuriosis. metonymia.

EX RVSTICIS MENDICVLIS, ET DECOCTORIBVS. uocem, mendiculis, in nullo uetere libro reperio: quin omnes, quos mihi quidem uidere contigerit, nihil habent hoc loco aliud, nisi, Ex rusticis decoctoribus.

DECOCTORIBVS. de huius uerbi ut copiose disseruit Budeus in Pandectas.

VADIMONIA DESERERE. καταλιπεῖν τὰς δίκας. Vadimonium deserere, est, quem in diem tu alium, alius uel te uadatus fuerit, cum diem non obire. in desertores autem uadimonij, poena infamiae constituta erat: & in eorum bona creditores à praetore mittebantur.

EDICTVM PRAETORIS. ex eo enim cognoscent omnium fortunarum suarum ruinam, ob deserta uadimonia. est autem argumentum à minori.

QVI FVLGENT PURPVRA. significat senatores esse. soli enim senatores purpuream tunicam lato clauo insignem ferebant.

VIDEO, CUI APVLIA. C. Iulium in Apuliam Catilina miserat, ut est apud Sallustium. Sed hic locus de eo intelligi non potest. constat enim, Cicero nem loqui de quibusdam, qui adhuc in urbe erant.

ATTRIBVTA. à Catilina, tanquam imperatore, assignata.

QVI HABEAT ETRVRIAM. non Man-

lium dicit, (ille enim iampridem ab urbe profectus fuerat) sed alium quempiam nobis ignotum.

QVI AGRVM PICENVM. *ne hic quidem Septimius Camers intelligi potest.*

QVI SIBI HAS VRBANAS. *Cethegum, Statilium, Cassium, Gabinium, ceteros.*

SVPERIORIS NOCTIS. *non intelligit eam noctem, quæ proxime antecesserat. neque enim conueneret, quod statim subiungit, Patefeci in senatu, hesterno die.*

VNO MEHERCVLE. *complexio à minori.*

C I C E R O

Quid enim mali aut sceleris fingi aut excogitari potest, quod non ille conceperit? quis tota Italia ueneficus, quis gladiator, quis latro, quis sicarius, quis parricida, quis testamentorum subiecto, quis circumscriptor, quis ganeo, quis nepos, quis adulter, quæ mulier infamis, quis corruptor iuventutis, quis corruptus, quis perditus inueniri potest, qui se cum Catilina non familiarissime uixisse fateatur? quæ cædes per hosce annos sine illo facta est? quod nefarium stuprum non per illum? iam uero quæ tanta in ullo unquam homine iuventutis illecebra fuit, quanta in illo? qui alios ipse amabat turpissime, alio-

rum amorī flagitiosissime seruiebat: aliis fructum libidinum, aliis mortem parentum non modo impellendo, uerum etiam adiuuando pollicebatur. nunc uero quā subito non solum ex urbe, uerum etiam ex agris ingentem numerum perditorum hominum collegerat? nemo non modo Romæ, sed nec ullo in angulo totius Italiæ oppressus ære alieno fuit, quem non ad hoc incredibile sceleris fœdus ascuerit. atque ut eius diuersa studia in dissimili ratione perspicere possitis; nemo est in ludo gladiatorio paulo ad facinus audacior, qui se non intimum Catilinæ esse fateatur; nemo in scena leuior, & nequior, qui se non eiusdem prope sodalem fuisse commemoret. atque idem tamen, stuprorum, & scelerum exercitatione, assuefactus frigore, & fame, & siti, ac uigiliis perferendis, fortis ab his istis suis sociis prædicabatur, cum industriæ subsidia, atque instrumenta uirtutis, in libidine, audaciâq; consumeretur.

M V R E T V S

QVID ENIM MALI. *generalis propositio, quam postea enumeratione partium amplificat.*
 TESTAMENTORVM SVBIECTOR. *ut*

Græcis ὑποβλάλει, ita latinis, subijcere, & interdum, falsum, & adulterinum quippiam veri de germani loco supponere. inde testamentorum subiectores, qui & testamentarij, dicuntur, qui quasi artes quendam facitiant supponendi falsa testamenta pro veri, ad quod exemplum, arbitror librarios istos, qui, lucelli sui causa, ut lectorem inducant hiantem, ineptissimis libris ueterum scriptorum nomina præponere non uerentur, librorum subiectores eleganter uocari posse.

CIRCUMSCRIPTOR. qui inducendi, ac circumueniendi homines quasi artificium quoddam tenet. hoc quoque à Græcis sumptum, quibus περιγρησκειν interdum ualeat, decipere.

NEPOS. Cur nepotes uocabant nequam & dissolutos homines? opinor, quod qui pueri, patre mortuo, in aui tutelam ueniunt, tales euadere consueuerint nani & indulgentiores patribus fere sunt aui: & si seueri esse uelint, facile propter ætatis imbecillitatem à pueris patrio metu solutis contemnuntur.

QVÆ CAEDES. de cædibus, deq; stupris à Catillina factis superiore commentario diximus. exponuntur autem à Q. Cicerone in libello de petitione consularatus, à Sallustio, ab Asconio.

ALIOS IPSE AMABAT. Q. Tullius ait, cum tantum habuisse in libidine artis, & efficacitatis: ut parentum prope in gremijs pretextatos liberos constuprarit.

VERVM ETIAM EX AGRIS. hoc est, quod supra, agrestem luxuriam, & decoctores rusticos dicit.

ATQVE VT EIVS DIVERSA STV-
DIA. Duo dissimilia vitia in Catilina esse dicit, gla-
diatoriam in tractandis armis, obcundisq; facinoribus
audaciam, & scenicam in omni libidine leuitatem, ac
nequitiam. quod admirabile uideri queat. Mollitiam
enim, & infractionem animi affert libido, qua nihil
est armorum tractationis, & audacie magis alienum.
ideoq; Venerem admonet Homericus Iupiter, ne inter-
ponat se in res bellicas: sed Marti, & Palladi earum
procuracionem relinquat.

Οὐτοι τέκνον ἐμὸν δέδοται πολεμικὰ ἔργα.

Ἀλλὰ σύ γ' ἱμδρόεντα μετόρχειο ἔργα γάμοιο.

Τῶτα δ' Ἀρεῖ δοῶ, καὶ Αθηνῇ πάντα μελήσει.

Omnino tamen compertum est, homines bellicosos, &
armorum studio addictos in Venerem procliuēs esse:
quod significare uoluerunt poëte, cum finxerunt, de-
ditum esse Veneri Martem, & sepe se in illius gre-
mium Reijcere, aeterno, ut ait Lucretius, deuictum uol-
nere amoris. qua de re ita Aristoteles libro secundo de
rep. εἰνε γὰρ ὁ μὲν θολογήσας πρῶτος, εἰ αὐτὸς
συζεῖται τὸν ἄρην πρὸς τὴν ἀφροδίτην. ἢ γὰρ πρὸς
τὴν τῆς ἀρετῆς ὁμιλίαν, ἢ πρὸς τὴν τῆς γυναικῶν
φαίνονται καὶ τακῶχοι πάντες οἱ τοῖστοι. atque ea
fortassis causa fuit cur armatam Venerem Spartani co-
lerent: quod Pausanias libro tertio prodidit. Herculem,
quem unum longe bellicosissimum fuisse accepimus, eun-
dem, traditum est, longe salacissimum fuisse, ut una
nocte quinquaginta uirginum mellitam, ut Pindarus
loquitur, herbam totonderit. isq; ad duodecim notos
decimus=

decimus tertius additur illius labor,

Τὸ τεῖσκα καὶ δὲ καὶ τὸν τῶιον λυγρὸν ἔχει ἅεθλον.

Μουνονον χὶ τιντίκον τα ξυνελέξατο κέραις.

Eius autem rei causa facile reddi potest. nam quæ roboris efficientia sunt, integritas partium corporis, copia sanguinis, spirituum, innati caloris; eadem omnia ad mouendam Veneris appetentiam ualent. Porro quod hic Cicero de diuersis Catilinæ studiis dicit, id uel optime ex oratione pro Cælio, quale sit, intelligi potest.

ATQVE IDEM. Catilina, inquit quamuis omnes scenicos leuitate, nequitiaq; superaret, fortis tamen habebatur à suis, propterea quòd diuturna stuprorum ac scelerum exercitatione ad ferendos labores occupauerat. Sed immeritissimo laus illa ei tribuebatur: cum instrumenta uirtutis in scelere ac nequitia consummeret.

ASSVEFACTVS FRIGORE, ET FAME. uide, num rectius legatur, frigori, & fami.

AB HIS ISTIS SVIS SOCIIS. maculant hunc locum barbari illi, ac sordidi magistri, qui, patrum memoria glossas in scholis ad singula uerba dictare soliti erant. in duobus ueteribus libris legitur, Fortis ab istis prædicabatur: quomodo sine dubitatione corrigendum est.

INDVSTRIÆ SVBSIDIA, ATQVE INSTRVMENTA VIRTVTIS. Omnibus bonis male uti possumus, præterquam uirtute: ait Aristoteles libro primo de arte dicendi. quod tamen adhibita aliqua moderatione intelligendum est, etenim se-

licitas neque uirtus est, & est bonum: neque tamen quisquā felicitate aut bene, aut male uti potest. utimur enim non ipso fine: sed ijs, quæ ad finem dirigunt, idest, ijs, quæ ὁ γένεσις nominantur. cuiusmodi sunt opes, diuitiæ, imperia, integritas uirium, forma, ceteraq; Stoicorum πρὸς γένεσιν. cuiusmodi bona in Catilina erant firmitas corporis, patientia algoris, inedia, sitis, insomnia: quibus ille omnibus ad scelus, & ad libidinem abutebatur.

IN LIBIDINE, AUDACIA Q. refert ad illam, quam supra dixerat, stuprorum, & scelerum exercitationem.

CONSUMERENTVR. libri ueteres, consumere-
ret. & ita emendandum est.

C I C E R O.

Hunc uero si sui fuerint comites secuti, si ex urbe exierint, desperatorum hominum flagitiosi greges: o nos beatos, o remp. fortunatam, o præclaram laudem consulatus mei. non enim iam sunt mediocres hominum libidines, non humana, ac toleranda audaciæ: nihil cogitant, nisi cædes, nisi incendia, nisi rapinas. patrimonia sua profuderunt: fortunas suas obligurierunt: res eos iam pridem, fides deficere nuper cœpit: eadem tamen illa, quæ erat in abundantia, libido permanet. quòd si in uino, & alea comessationes so-

lum, & scorta quærent, essent illi quidem desperandi, sed tamen essent ferendi: hoc uero quis ferre possit, inertes homines fortissimis uiris insidiari, stultissimos prudentissimis, ebrios ~~sobriis~~ sobriis, dormientes uigilantibus? qui mihi accubantes in conuiuiis, complexi mulieres impudicas, uino languidi, confecti cibo, fertis redimiti, unguentis obliti, debilitati stupris, eructant sermonibus suis eadem bonorum, atque urbis incendia. quibus ego confido impendere fatum aliquod, & pœnas iam diu improbitati, nequitiae, sceleri, libidini debitas aut instare iam plane, aut certe iam appropinquare. quos si meus consulatus, quoniam sanare non potest, sustulerit: non breue nescio quod tempus, sed multa sæcula propagarit reip. nulla est enim natio, quam pertimescamus; nullus rex, qui bellum populo R. inferre possit: omnia sunt externa unius uirtute terra, mariq; pacata: domesticum bellum manet: intus insidiæ sunt: intus inclusum periculum est: intus est hostis: cum luxuria nobis, cum amentia, cum scelere certandum est. huic ego me bello ducem profiteor Quirites: suscipio inimicitias homi-

num perditorum . quæ sanari poterunt ,
 quacunque ratione sanabo : quæ rescanda
 erunt , non patiar ad perniciem ciuitatis
 manare . proinde aut exeant , aut quiescant ,
 aut , si & in urbe , & in eadem mente per-
 manent , ea , quæ merentur , expectent .

M V R E T V S

HVNC VERO . Sententia est . Si ceteri coniura-
 ti , ducem suum secuti , ex urbe exierint , beati erimus ,
 fortunata erit resp . præclara erit laus consulatus mei .
 Sed animaduerte , quàm eleganter figurauerit hanc se-
 cundam partem : & quanto eam pulchriorem , repeti-
 tis exclamationibus , reddiderit .

SI SVI FVERINT COMITES SECV-
 TI . duo libri ueteres , Si secuti erunt sui comites . qui
 numerus mihi quidem magis probatur .

NISI CAEDES , NISI INCENDIA . scri-
 be , ijsdem libris auctoribus , Nisi cædem , nisi incen-
 dia . Cædes enim unum est ex illis nominibus , quæ prio-
 re numero , multitudinis significationem habent . ὁδγοί-
 σιν ἄ , ut meminisse uideor , grammatici uocant . Sic
 igitur locutus est & alijs locis , & paulo infra : Erue-
 rant sermonibus suis cædem bonorum , atque urbis
 incendia .

OBLIGVRIERVNT . unus è ueteribus libris ,
 abligurierunt . idq ; fortasse uerius est . nam obligurien-
 di uerbum non memini alibi legere .

IN VINO . peracto iam conuiuio , sublatiq ; epu-

lis, pocula tamen relinquebantur, quibus mutuo inter se certantes conuiuere, aut iocis hilarabant animum, aut aleam ludebant, aut aliquid faciebant eiusmodi. id itaque tempus indicatur his loquendi generibus, in uino; in ioco, atque uino; in uino, atque alea. Terentius, = uel here in uino quàm immodestus Fuiſti. Catullus, Marrucine Asini, manu sinistra Non belle uteris in ioco, atque uino.

COMESSATIONES. uetus liber, comessatores. placet.

ESSENT ILLI QUIDEM DESPERANDI. nihil enim ab aleatoribus, scortatoribus, comessatoribus neque priuatim, neque publice utile sperari potest.

SED TAMEN ESSENT FERENDI. domestica enim illa turpitudine & infamia saltem reip. non attingeret.

EBRIOSOS. omnes ad unum libri ueteres, Ebrios. quod ualde probo. ut enim dormiens uigilanti, ita ebrius sobrio opponitur.

QVI MIHI ACCVBANTES. praeclarum exemplum ὑποταγῆς, siue subiectionis.

VINO LANGVIDI: nam, ut ait poeta, ut Venus enervat uires, sic copia uini.

CONFECTI CIBO. placet omnino mihi haec scriptura. sed tamen in quodam libro uetere est, Confecti cibo. quod ne ipsum quidem displicet.

SERTIS REDIMITI. Coronatos, & unguentis odoratis perfusos coenitasse olim eos, qui luxurio-

fius epulabantur, docuimus in commentario Catulliano.
 NULLA EST ENIM NATIO. sic ad finem
 primæ agrariæ. Nullum externum periculum est: non
 rex, non gens ulla, non natio pertimescenda est. inclu-
 sum malum, intestinum, ac domesticum est.

INFERRE POSSIT. libri ueteres; Ecce
 re possit.

VNIUS VIRTUTE. Cn. Pompeium Magnum
 intelligit: de cuius uirtute lege orationem pro lege
 Manilia.

INTVS INSIDIAE SVNT. Sic in defen-
 sione Murene. Intus, intus est, inquam, equus Tro-
 ianus: à quo nunquam, me consule, dormientes op-
 primemini.

QVAE SANARI POTERVNT. unde al-
 legoria ducta sit, constat. huc autem pertinent uer-
 sus Nasonis:

Cuncta prius tentanda. sed immedicabile uulnus
 Ense recidendum est: ne pars sincera trahatur. &
 ille locus ex octaua Philippica: In corpore si quid eius-
 modi est, quod reliquo corpori noceat, uri; secariq;
 patimur, ut aliquid membrorum potius, quàm totum
 corpus intereat. sic in reip. corpore, ut totum saluum
 sit, quicquid est pestiferum, amputetur.

EA QVAE MERENTVR. ultimum supplicium.

C I C E R O.

At etiam sunt Quirites, qui dicant à me
 in exilium eiectum esse Catilinam. quod

ego si uerbo assequi possem, istos ipsos eicerem, qui hæc loquuntur: homo enim uidelicet timidus & permodestus uocem consulis ferre non potuit: simul atque ire in exilium iussus est, paruit, *quid, quod* *quieuit.* hesterno die, cum domi meæ pene interfectus essem, senatum in ædem Iouis Statōris uocaui, rem omnem ad patres conscriptos detuli, quò cum Catilina uenisset, quis eum senator appellauit? quis salutauit? quis denique ita aspexit ut perditum ciuem, ac non potius ut importunissimum hostem? quin etiam principes eius ordinis partem illam subselliorum, ad quam illè accesserat, nudam, atque inanem reliquerunt. hic ego uehemens ille consul, quì uerbo ciues in exilium eiicio, quæsiui à Catilina, an in nocturno conuentu apud M. Leccā fuisset, nec ne. cum ille, homo audacissimus, conscientia conuictus, primo reticuisset, patefeci cetera: quid ea nocte egisset, ubi fuisset, quid in proximā constituisset, quemadmodum esset ei ratio totius belli descripta, docui. cum hæsitaret, cum *cun-* *teneretur,* *staretur,* quæsiui, quid dubitaret proficisci eò, quò iam pridem pararat, cum arma, cum secures, cum fascēs, cum tubas, cum

signa militaria, cum Aquilam illam argenteam, cui ille etiam sacrarium scelerum domi suæ fecerat, scirem esse præmissam. in exilium eiiciebam, quem iam ingressum esse in bellum uidebam?

AT ETIAM. non deerant, qui inuidiam Ciceroni conflare cupientes, quærentur de nimia illius potentia, quod ciuem R. claris ortum maloribus; magnis in rep. honoribus functum, ui & minis in exilium misisset. eam nunc à se multis rationibus amouere conatur. PARVIT. QUID QVOD HESTERNO DIE. Iampridem animum meum tenuis quedam suspicio pupugerat, uitij aliquid in his uerbis subesse. uix enim satis dispicere poteram, quorsus hæc interrogatio pertineret. ergo dum impressos libros cum manu scriptis accurate, atque attente conféro; reperi in eo, quem iam antea dilaudaui, omnium, quorum ego quidam copiam habuerim, longe optimo libro eam scripturam, quæ omnem mihi scrupulum exemit, planeque uisa est omni mendo uacare. Sic igitur in eo totus hic legitur locus: Simul atque ire in exilium iussus est, paruit, quicuit. Hesternò die, cum domi meæ pene interfectus essem, senatum in eadem Iouis Statoris conuocaui: rem omnem ad patres conscriptos detuli. quò cum Catilina, & cetera. Iam opus esse non puto, ut eam ullis rationibus confirmem, ac constituam. Stat enim ipsa per se; neque non probari cuilibet docto & intel-

ligenti existimatori potest . aliter fortasse iudicabit
alius . ego , ut de meo sensu aperte atq; ingenue confitear ,
uel hoc uno emendato loco , uideor mihi operam nauasse
se , quòd in hac oratione purganda elaborarim .

CUM DOMI MEAE . non , hesterno die pene
interfectus : sed , hesterno die senatum conuocaui : cum
domi meae pene interfectus essem .

IN AEDEM . Senatum haberi non potuisse , nisi in
templo , notius est , quàm ut confirmari debeat .

VEHEMENS ILLE CONSVL . prædica-
tione istorum , qui Catilinam ciectum queruntur .

HOMO AUDACISSIMVS . ut admirabilius
uideatur cum reticuisse . & ut constet , id non metu , sed
conscientia effectum . Sic in Oratore : A nobis , homo
audacissimus , Catilina in senatu accusatus obmutuit .

VBI FVISSET . in optimo illo libro hæ duæ uo-
ces non leguntur . & sane , eas si quis sustulerit , nihil ,
ut opinor , neque de sententia , neque de orationis uehe-
mentia detraxerit .

QVID IN PROXIMAM CONSTITUIS-
SET . ita emendaui , ijsdem libris auctoribus : cum an-
tea legeretur , In proxima . proximam autem dicit , non
eam quæ antecesserat , ut falso credidit Siluius : sed eam
quæ proxime secutura erat , in quam constituerat Catil-
lina se exiturum .

DESCRIPTA . distributa , diuisa . ut V . in Anto-
nium : Quorum ipsorum bona , quantacunque erant ,
statim suis comitibus , compotoribusq; descripsit .

DOCVI . libri ueteres , Edocui .

CVM CVNCTARETVR. *ijdem. libri omnes ad unum, Cum teneretur.*

CVM SECVRES, CVM FASCES. Catilina enim sibi et nomen, et ornamenta dignitatis. consularis, in castra Manlij proficiscens, assumpserat, ut ait Dio. Appianus autem idem enucleatius declarat. ὁ μὲν δὴ (de Catilina loquitur) ῥ' ἄβδδς τε καὶ πολέκεας, ὥς τις αἰθὺ' πάτος; κ' ἔφως μάλ' αἰέρε πρὸ ἑαυτοῦ, καὶ ἐς τὸν Μάμμιον ἔχωρε στρατολογῶν.

CVM AQUILAM ILLAM. de qua superior re commentario diximus.

IN EXILIVM EIICIEBAM. Non est in exilium eiici dicendus, qui suapte sponte in bellum ingressus est. in bellum autem iam ingressus erat Catilina. non igitur in exilium eiectus est.

CICERO.

Etenim, credo, Manlius iste centurio, qui in agro Fesulano castra posuit, bellum populo R. suo nomine indixit; & illa castra nunc non Catilinam ducem expectant; & ille eiectus in exilium, se Masiliam, ut aiunt, non in hæc castra conferet. o conditionem miserā non modo administrandæ, verumetiam conseruandæ reip. nunc si L. Catilina consiliis, laboribus, periculis meis circumclusus, ac debilitatus subito pertimuerit, sententiam mutauerit, deseruerit suos, consilium belli faciundi abiceat.

rit, ex hoc cursu sceleris, & belli iter ad fugam atque in exilium conuerterit: non ille à me spoliatus armis audaciâ, non obstupefactus, ac perterritus mea diligentia, non de spe, conatuq; depulsus, sed indemnatus, innocens in exilium eiectus à consule ui, & minis esse dicetur: & erunt, qui illum, si hoc fecerit, non improbum, sed *timidum*; me non diligentissimum consulem, sed crudelissimum tyrannum existimari uelint. est mihi tanti Quirites huius inuidiâ falsâ, atque iniquâ tempestatem subire, dummodo à uobis huius horribilis belli, ac nefarii periculum depellatur: dicatur sane eiectus esse à me, dum modo eat in exilium: sed, mihi credite, non est iturus. nunquam ego à diis immortalibus optabo Quirites inuidiâ meâ leuandâ causa, ut L. Catilinam ducere exercitum hostium, atque in armis uolitare audiat: sed triduo tamen audietis. multoq; magis illud timeo, ne mihi sit inuidiosum aliquando, quòd illum emiserim potius, quàm quòd eiecerim.

M V R E T V S

MANLIUS ISTE CENTURIUS. *non dubiū est, quin de Manlio loquatur. Sed tamen, quòd in uno*

miserum

libro uetere scriptum uideo : Etenim , credo , iste Centurio , qui in agro Fesulano castra posuit : adductus sum in eam opinionem , ut putem , uocem , Manlius , glossema esse alicuius , qui declarare uellet , quinam ille centurio esset . eo magis , quia in Cicronis scriptis saepe hoc modo peccatum esse animaduerti . paucos proferam locos , e quibus de ceteris coniectura capiatur . Cicero pro M. Coelio Rufo : Idem , cum audiat , esse legem , quae de seditiosis conscleratisq; ciuibus , qui armati senatum obsederint , magistratibus uim attulerint , remp. oppugnarint , quotidie queri iubeat : legem non improbet , crimen , quod uersetur in iudicio , requirat . cum audiat nullum facinus , nullam audaciam , nullam uim in iudicium uocari : sed adolescentem illustri ingenio , industria , gratia , accusari ab eius filio , quem ipse in iudicium & uocet , & uocarit : oppugnari autem hunc opibus meretricijs : Atratini illius pietatem non reprehendat , muliebrem libidinem comprimendam putet , uos laboriosos existimet , quibus ociosis ne in communi quidem ocio liceat esse . hunc locum qui cogitate leget , facile uidebit , Atratini nomen delendum esse : & irrepsisse ex aliquo glossemate . item in eadem oratione : Nemo hunc M. Coelium in illo aetatis flore uidit , nisi aut cum patre , aut mecum . expungendum est Coelii nomen . & in Pisonem : Cum tamen ille , qualiscunque est , qui est ab uno te improbitate uictus , Gabinius , collegit ipse se . Gabinij nomen ex eodem fonte manauit , ex quo superiora illa fluxerunt .

MASSILIAM . hunc enim rumorem Catilina , &

qui ab eo erant disseminarant. Phocenses, quòd Cyro
seruire nollent, ut ait Eustathius Thessalonicensis, re-
liquerunt patrias sedes, cumq; in Galliam uenissent, ibi
Masiliam condiderunt. ea ciuitas à Cicerone, Liui-
o, Strabone, Valerio Maximo, Iustino, alijsq; scripto-
ribus mirifice commendatur, tanquam que omnis uir-
tutis, atque humanitatis domicilium fuerit. Athenæus
tamen libro duodecimo narrat, Masilienses impudicos,
& masculæ Veneri deditos fuisse. unde & Plautus mo-
res Masilienses eo sensu in Casina dixit. neque id ualde
absurdum uideri debet. nam & apud Cretenses, &
apud Lacedemonios, quorum utrique sanctissimis, ac
seuerissimis legibus usi putantur, puerorum tamen amo-
res probro non ducebantur. Erant autem Masilienses
ualde amici populo R. cui rei uel id indicio est, quòd
cum Annibal in Italiam exercitum duceret, petijissentq;
à Gallis Romani per legatos, ne ei per urbes suas tran-
situm darent, soli ex omnibus Masilienses eam legatio-
nem benigne audierunt. his de causis ciues R. qui in exi-
lium ibant, Masiliam fere se conferebant. Sic L. Sci-
pio Asiaticus fecit: ut est in oratione pro P. Sextio: sic
T. Annius Milo, ut est apud Dionem libro quadragesi-
mo: sic denique Catilinarij Catilinam facturum esse
aiebant.

NON IMPROBVM, SED TIMIDVM.
non improbum, sed miserum, & legit Priscianus, &
habent omnes ueteres libri: ut cogitare nequeam, quid
secuti sint, qui pro, miserum, timidum scribere ma-
luerunt. Asconius etiam, quod iustea animaduerti,
in prima littera accusationis miserum legit.

sic post-riori-
bus temporib;
Seneca.

EST MIHI TANTI. id est, si Siluium sequere, tam parui facio, ut sit ironia. sed illa declaratio ineptissima & alienissima est. hoc enim dicit Cicero, se, si res ita ferat, inuidia sua falsa atque iniqua uelle emere Catilinæ discessum. de hoc loquendi genere etiā supra aliquid diximus.

NUMQUAM EGO. Qui nobis asseueranter aliquid mali prædicunt, eos fere nobis male cupere opinamur. cum igitur pro certo affirmaturus esset Cicero, Catilinam triduo in armis fore: aliquid sibi præmuniendum, ac præfulciendum putauit, ne in hanc opinionem incideret. eo magis, quòd, illum, inuidiæ metu, optare, ut id contingeret, poterat aliquis suspicari. hanc figuram Græci rhetores περὶ φόβου uocant.

MVLTOQ. MAGIS ILLVD TIMEO. nō timeo, inquit, ne mihi inuidiosum sit, quòd Catilinam eiecerim: nam neque eieci: & si eiecissem, desperatum, ac nefarium hominem eiecissem: sed illud metuo, ne mihi inuidiæ sit, quòd eum emiserim, quem summo supplicio afficere debueram.

C I C E R O

Sed cum sint homines, qui illū, cum profectus sit, eiectum esse dicant: iidem, si interfectus esset, quid dicerent? quanquam isti, qui Catilinam Masiliam ire dictitant, non tam hoc queruntur, quàm uerentur. nemo est istorum tam misericors, qui illum non ad Manlium, quàm ad Masilien-

ses ire malit. ille autem si mehercules hoc quod agit, nunquam ante cogitasset, tamen latrocinantem se interfici mallet, quàm exulem uinere. nunc uero, cum ei nihil adhuc præter ipsius uoluntatem, cogitationemq; acciderit, nisi quòd uiuis nobis Roma profectus est: optemus potius, ut eat in exilium, quàm queramur. sed cur tamdiu de uno hoste loquimur? & de eo hoste, qui iam fatetur se esse hostem? & quem, quia, quod semper uolui, murus interest, non timeo? de iis, qui dissimulant, qui Romæ remanent, qui nobiscum sunt, nihil dicimus? quos quidem ego, si ullo modo fieri posset, non tam ulcisci studeo, quàm sanare, & ipsos placare reip. neque, id quare fieri non possit, si me audire uoluerint, intelligo. exponam enim uobis Quirites, ex quibus generibus hominum istæ copiæ comparentur: deinde singulis medicinam consilii, atque orationis meæ, si quam potero, afferam.

M V R E T V S

SED CVM SINT HOMINES. *Redit ad id, quod initio proposuerat: causam fuisse, cur Catilinam non interficeret. argumentaturq; à minori, hoc modo: Cum Catilina ex urbe profectus sit, accusor, quasi eum*

eiocerim . ergo multo magis accusarer , si cum interfe-
cissem .

Q V A N Q V A M I S T I . significat , *has querelas*
manare ab hominibus male affectis in remp. & non alic-
nis à coniuratione .

V E R E N T V R . cupiunt enim , *eum quamprimum*
cum exercitu ad urbem accedere . & metuunt , ne con-
silium mutet .

T A M M I S E R I C O R S . fingebant enim *se mise-*
rari Catilinæ casum , tanquam iniuria eiecti , & in fal-
sam invidiam uocati .

I L L E A V T E M . argumentum à minore .

S E D C V R T A M D I V . Transitio est . *satis ,*
inquit , superq; de Catilina locuti sumus . dicendum iam
est de ijs , qui magis pertimescendi sunt , qui , cum sint
nefario illo coniurationis fœdere implicati , tamen in
urbe manserunt .

E X P O N A M E N I M V O B I S . hac breui pro
positione , et benevolentiam sibi comparat , cum ostendit ,
se sanare malle , quàm ulcisci : & docilem auditorem fac-
it , exponens aperte , ac dilucide , quibus de rebus ingre-
diatur dicere . attentum ipsa necessitas , & magnitudo
periculi reddit .

C I C E R O

Vnum genus est eorum , qui magno in
are alieno maiores etiam possessiones ha-
bent: quarum amore adducti dissolui nul-
lo modo possunt. horum hominum spe-
cies

cies est honestissima: sunt enim locupletes:
 uoluntas uero & causa impudentissima.
 tu agris, tu ædificiis, tu argento, tu familia,
 tu rebus omnibus ornatus & copiosus sis;
 & dubites aliquid de possessione detrahe-
 re, ac fidem acquirere? quid enim expe-
 ctas? bellum? quid? ergo in uastatione om-
 nium tuas possessiones sacrosanctas futu-
 ras putas? an tabulas nouas? errant, qui
ista à Catilina expectant: meo beneficio
 tabulæ nouæ proferentur, uerum auctiona-
 riæ: neque enim isti, qui possessiones ha-
 bent, alia ratione ulla salui esse possunt.
 quod si maturius facere uoluissent, neque;
 id quod stultissimum est, certare cum usu-
 ris fructibus prædiorum: & locupletioribus
 iis, & melioribus ciuibus uteremur. sed ho-
 sce homines minimè puto pertimescen-
 dos, quod aut deduci de sententia possunt;
 aut, si permanebunt, magis mihi uidentur
 uota facturi contra rēp. quàm arma latu-
 ri.

ad

istas
p.

M V R E T V S

V N V M G E N V S. Sex è generibus hominum Ca-
 tilinæ copias constatas esse dicit: de quibus singulis or-
 dine uidebimus. Primi sunt, locupletes, obæcati, aman-
 tes possessionum. his id consilij dat, ut, diuendita ali-
 qua parte possessionum, dissoluant ea, quæ debent. quod

ut etiam cogantur facere, tabulas auctionarias proponere se esse profitetur.

DISSOLVI. liberari alieno ere.

SPECIES. afferunt enim diuitiæ aliquid dignitatis. & cum omnibus, tum maxime locupletibus expedire uidetur, nullos in rep. motus excitari. Cicero XIII. Philippica: Bonos ciues primum natura efficit: adiuvat deinde fortuna. omnibus enim bonis expedit, saluam esse remp. sed in ijs, qui fortunati sunt, magis id apparet.

AC FIDEM ACQVIRERE. uetus liber, Ad fidem acquirere. quod melius uidetur: ut sit, detrabere aliquid de possessione, & acquirere aliquid ad fidem. **SACROSANCTAS.** ut eas nemo uiolare, aut etiam attingere audeat.

TABVLAS NOVAS. eas enim Catilina, ut est apud Sallustium, pollicebatur.

TABVLAS NOVAS. in tabulis argentariorum perscribebatur, quid cuique quisque acceptum, expensum ue ferret. Catilina igitur, qui uideret magnum in ciuitate æs alienum esse, pollicebatur, se publice incensurum omnes argentariorum tabulas, ita ut nemo, quod æris alieni antea contraxisset, persolvere cogeretur.

Tabulas nouas Greci uocant σειςυλθεσαι, id est, ut Plutarchus exponit, χρεων ἀπεκσιπν, ut Laertius, λύσσειν σωματῶν τε καὶ κτημάτων: quam primus Athenis instituit Solo.

VERVM AVCTIONARIAE. παρὰ προσδοκίας. de tabulis autem auctionarijs superius dictum est.

cas à se proposées esse, eamq; rem reip. saluti fuisse, Cicerone libro secundo de officijs non obscure indicat.

CERTARE CVM VSVRIS FRVCTIBVS PRAEDIORVM. *Conuenerant enim cum fœneratoribus, ut eorum prædiorum, quæ pignori pro sorte & usuris acceperant, fructus pro usuris colligeret. Eueniebat autem, ut, quoniam usuræ, siue simplices, siue in sortem redactæ, longe maiores essent, quàm ut eas prædiorum fructus æquare possent, Catilinarij semper in annum elapsum debitor es manerent: ob eamq; causam è sequentis anni fructibus sumendum esset: unde fructus usuris pares esse possent, quasiq; cum ijs comparari atque contendere. quod ideo stultissimum esse affirmat, quoniam ad extremum omnes sequentium annorum fructus prioribus annis debebantur: itaq; proprietas ipsa, ære alieno onusta, creditoribus addicebatur. Vendi igitur prædia & possessiones oportebat. quod tamen Catilinarij quoniam amore possessionum tenebantur, facere nolebant. Ita locum hunc declarat Fr. Hotomanus: cuius sententiam cum mirifice probarem, uisum est etiam mihi, ut ex eius libro de usuris tantum ad uerbum describerem, quantum ad illustrandam Ciceronis sententiam necessarium iudicaret.*

VTEREMVR. *de hoc loquendi genere dixi libro primo commentariorum de finibus.*

DEDUCI DE SENTENTIA. *cum uiderint, prolatis tabulis auctionarijs, imponi sibi soluendi necessitatem.*

QVAM ARMA LATVRI. *quid ita? proa*

pterea quòd diuites non facile opponunt se in discrimen uite: cum contra ij, quibus peculij nihil est, facile adducantur ad quodlibet periculum adeundum. cui rei confirmanda aptissimum est illud, quod de quodam Luculli milite narrat Horatius libro secundo sermonum, epistola secunda.

C I C E R O

Alterum genus est eorum, qui quamquam premuntur aere alieno, dominationem tamen expectant, rerum potiri uolunt, honores, quos quieta res desperant, perturbata consequi se posse arbitrantur. quibus hoc præcipiendum uidetur, unum scilicet & idem, quod ceteris omnibus, ut desperent se id, quod conantur, consequi posse: primum omnium me ipsum uigilare, adesse, prouidere reip. deinde magnos animos esse in bonis uiris, magnam concordiam, maximam multitudinem, magnas præterea copias militum: deos denique immortales huic inuicto populo, clarissimo imperio, pulcherrimæ urbi contra tantam uim sceleris præsentis auxilium esse laturos. quòd si iam sint id, quod cum summo furore cupiunt, adepti: num illi in cinere urbis, & sanguine ciuium, quæ mente conscelerata, ac nefaria concupie-

runt, se consules, aut dictatores, aut etiam reges sperant futuros? non uident se cupere id, quod si adepti fuerint, fugitiuo alicui, aut gladiatori concedi sit necesse?

M V R E T V S

ALTERVM GENVS. In secunda quasi cohorte Catilinariae legionis ponit eos, qui cum aere alieno obriti essent, ad honores tamen, & imperia quoquo modo peruenire cupiebant. ideoq; studebant nouis rebus, quod facile cernerent, se, quicquid rep. nunquam ea, quae optabant, consecuturos. **ID, QVOD CONANTVR.** ut reip. facies immutetur.

IN VICTO POPVLO. Sic pro Plancio, populum R. uocat principem populum, & omnium gentium dominum, atque uictorem: quibus etiam uerbis utitur, VI. in Antonium.

PRAESENTIS. non est intelligendum, sceleris praesentis: sed deos ipsos praesentis, ut apud Terentium: non tu hunc habebas plane praesentem deum? & apud Virgilium, Nec tam praesentis alibi cognoscere diuos. quod etiam respexisse uidetur Horatius: Praesenti tibi maturos largimur honores. praesentis, autem pro, praesentes, antiqua scribendi ratio est.

IN CINERE VRBIS, ATQVE IN SANGVINE CIVIVM. quoniam supra saepe dixerat, eos de cede tantum & incendijs cogitare.

CONSCELERATA. idem erat, scelerata. sed

iuncta uerba grandem efficiunt orationem.

FUGITIVO ALICVI, AVT GLADIA-
TORI. Scrutorum enim, & gladiatorum magna in
exercitu Catilinæ uis fuit. ergo si ille, quod optabat,
consecutus fuisset, sine dubio tradidisset honores, man-
dassetq; imperia, non ijs qui uotis tantum ipsi fauissent,
spectatoresq; se ociosos præbuisent; sed ijs quorum in
in bello gerendo uirtutem & industriam expertus esset.
TERTIVM GENVS. Duo priora genera erant
eorum, qui fauebant quidem coniurationi, sed ita tamen
ut arma non caperent, neque ad exercitum proficiscer-
entur. hæc, quæ nunc enumerat, eorum sunt, qui in
exercitu erant.

C I C E R O.

iste est Tertium genus est ætate iam confectum,
exercitatione robustum: quo ex genere est
ipse Manlius, cui nunc Catilina successit.
hi sunt homines ex iis coloniis, quas Fes-
tus Sylla constituit: quas ego uniuersas ci-
uium esse optimorum & fortissimorum
uirorum sentio: sed tamen hi sunt coloni,
qui se insperatis repentinisq; pecuniis sum-
ptuosius insolentiusq; iactarunt. hi dum
ædificant tanquam beati, dum prædijs, le-
ticijs, familiis magnis, cōuiujs, apparatis
bus delectantur, in tantum æs alienum in-
ciderunt, ut, si salui esse uelint, Sylla sit iis

ab inferis excitandus. qui etiam non nullos agrestes, homines tenues, atque egen-tes, in eandem illam spem rapinarum ue-terum impulerunt. quos ego utrosque Quirites in eodem genere prædatorum, di-reptorumq; pono. sed eos hoc moneo, de-sinant furere, & proscriptiones, & dicta-turas cogitare: tantus enim illorum tem-porum dolor inustus est ciuitati, ut iam ista non modo homines, sed ne pecudes quidem mihi passuræ esse uideantur. Quar-tum genus est sane uarium, & mixtum, & turbulentum: qui iampridem premuntur: qui nunquam emergunt: qui partim iner-tia, partim male gerendo negotio, partim etiam sumptibus in uetere ære alieno uacil-lant: qui uadimoniis, iudiciis, proscriptio-nibus bonorū defatigati, permulti & ex ur-be, & ex agris se in illa castra cōferre dicun-tur. hosce ego nō tam milites acres, quā in-ficiatores lentos esse arbitror. qui homi-nes primū, si stare nō possunt, corruant, sed ita, ut non modo ciuitas, sed ne uicini qui-dem proximi sentiant: nam illud non in-telligo, quamobrem, si uiuere honeste non possunt, perire turpiter uelint, aut cur, mi-nore dolore perituros se cum multis, quā

si soli pereant, arbitrentur, Quintum genus est parricidarum, sicariorum, denique omnium facinorosorum: quos ego à Catilina non reuoco: nam neque diuelli ab eo possunt, & pereant sane in latrocinio, quoniam sunt ita multi, ut eos carcer capere non possit.

MVRETVS:

TERTIVM GENVS EST: totum hunc locum, ut est in ueteribus libris, proponam: multo enim magis mihi attridet, quod in eis legitur, quam quod in impressis Tertium genus est etate iam effoctum, sed tamen exercitatione robustum: quo ex genere iste est Manlius, cui nunc Catilina succedit.

EX IIS COLONIIS, QVAS FESVLIS SYLLA CONSTITVIT. Sylla uictoria potitus, milites, quorum erat auxilio usus, magnis est & muneribus, & honoribus prosecutus. nam e gregarijs etiam militibus alios senatores fecit, alios ita diuites, ut regio uictu, quod ait Sallustius, atque cultu etatem agerent: præterea in multa Italia oppida militum suorum colonias deduxit, interq; eos ciuium domos, agrosq; partitus est. De militum numero non conuenit. Is, qui scripsit epitomen Liuij, XLVII: Appianus XXIII tantum legiones ponit: quodam etiam loco, non nisi centum uiginti hominum millia. Deduxit autem non nullos eorum Fesulas, ut ex his orationibus intelligitur: alios Capuam, ut e secunda agraria constat: alios in alia

oppida . sed quod de Capua dixi , admonet me , ut coniecturam quandam meam proferam de loco Plinij , ubi hoc ipsum , ut puto , dicitur : sed deprauatio aliquot uocum impedimento est , ne intelligatur . eius uerba sunt , capite VI . libri XI V . Falernus ager à ponte Campano leua petentibus urbanam coloniam Syllanam nuper Capue contributam incipit . Quæ quidem uerba , puto ; ad hunc modum corrigenda esse . Falernus ager à ponte Campano , leua petentibus urbem à colonia per Syllam Capue constituta incipit . Ex illis igitur militibus mulati , qui , largius suo usi , in inopiam ex abundantia decidissent , ueterum rapinarum memores , nihil aliud , quàm bellum ciuile , cupiebant . ij nacti Manlium ducentem , qui ipse quoque sub Sylla strenue militauerat , Catiline partes insequabantur .

QVAS FESVLIS SYLLA CONSTITUIT . puto , uocem , Fesulis , delendam esse . non enim plures colonias Sylla Fesulis constituerat . ac suspicor , errori occasionem præbitam è similitudine , quæ est inter hunc locum , & alium quendam è sequenti oratione , ubi Cicero de P . Furio loquens , Qui , inquit , est ex ijs colonis quos Fesulas L . Sylla deduxit . imperiti enim , qui ibi Fesulas nominari uiderent , hic quoque nominandas putarunt .

INSUPERATIS REPENTINIS Q . PECUNIIS . Natura autem comparatum est , ut qui subito , & præter spem ad magnas pecunias peruenerunt , ij & iactent se ob eas insolentius , & eis intemperantius abutantur .

AEDIFICANT. Familiam magnam alere, & multum edificare, certissima est ad paupertatem uia.

DVM PRAEDIIS, LECTICIS. emenda ē libro uetere: Dum praedijs lectis, familijs magnis, conuiujs apparatis delectantur.

NONNULLOS AGRESTES. quos supra uocauit rusticos decoctores.

HOMINES TENVES. ita eleganter uocantur pauperes. Cicero pro Roscio Amerino: Quid si accedit eodem, ut tenuis antea fueris? & paulo post: Is, qui antea tenuis fuerit; an is, qui postea factus sit egentissimus. & in eadem: Occiso Sex. Roscio, primus Ameriam nunciat Manlius Glaucia quidam homo tenuis.

QVARTVM GENVS. Primum genus, oberrati, amantes possessionum. Secundum, oberrati, honorum cupidi. Tertium, Syllani milites. Quartum, urbani decoctores. Quintum, scelerati, sicarij, parricidae. Sextum, impuri, & impudici.

VADIMONIIS, IVDICIIS, PROSCRIPTIONIBVS BONORVM. praeclarus ordo. primum enim uadatur creditor debitorem. Si debitor uadimonium deseruerit, iudicium aduersus eum datur: mittiturq; creditor in possessionem. Si per triginta dies bona possessa fuerint, proscribuntur.

INFICIATORES. ad negandum ijs, quibus debent, exercitatos. mala nomina.

PRIMVM, SI STARE NON POSSVNT. cum dixerit, primum, uidebatur additurus, deinde. est igitur ἀνακόλυθον.

SI STARE NON POSSUNT, CORRUVANT, id est, si ita oppressi sunt, ut retinere statum & fortunas suas non queant; subeant infamiam, patiantur sua bona proscribi, exeant e ciuitate. sed ita, ut nullum incommodum e ruina ipsorum, non modo ad ciuitatem, sed ne ad uicinos quidem perueniat.

VIVERE HONESTE. locum & statum in ciuitate obtinere. **NE VICINI EVIDEM.**

PERIRE TURPITER. in bello contra patriam. **Sumptum à vetere quodam comico, ut ostendit Platonis illud ex Alcibiade primo: ἡμῶν δὲ τεννῶμενον, τὸ τῷ κακῶς τοῦ ὄντος, ὅς οἱ γυῖνες σφόδρα τοῦ αἰδανούλας, ὃ Ἀλκιβιάδης. Plutarchus in Elocutione de oratore**

CICERO.

Postremum autem genus est non solum numero, uerum etiam genere ipso, atque uita, quod proprium est Catilinæ, de eius delectu, immo uero de complexu eius, ac sinu, quos pexo capillo nitidos, aut imberbes, aut bene barbatos uidetis, manicatis, & talaribus, ~~actitis~~ tunicis, uelis amictos, non togis: quorum omnis indultria uitæ, & uigilandi labor in antelucanis cœnis expromitur. in his gregibus omnes aleatores, omnes adulteri, omnes impuri, impudiciq; uersantur. hi pueri tam lepidi, ac delicati, non solum amare, & amari, neque cantare, & ^{salutare} plallere, sed etiam sicas uibrare, & spargere uenena didicerunt: qui nisi exeunt, nisi pereunt; etiam si Catilina perierit, scitote hoc in rep. seminarium Catili-

Log. m. n. Διμέα δὲ, inquit, τὸ ὅτι νυμφίον ἀγόμενος, ἐμὸν μὲν, ὅτι περὶ αὐτῆς καὶ τὴν αὐτὴν μετὰ γαμουῦντος, καὶ ὁ γάμον ἡδέτερον, τοῖς δ' οἷς γάμοις καὶ βασιλεῖς καὶ δυνάστες συγχορηγεῖται. ac uersus Comicus fortasse hic fuit. ἐκείνους γαμουῦν τοὺς ὅς οἱ γάμον ἡδέτερον.

narium futurum. ueruntamen quid sibi isti
 miseri uolunt: num suas secum muliercu-
 las sunt in castra ducturi? quemadmodum
 autem illis carere poterunt, his praesertim
 iam noctibus? quo autem pacto illi Apen-
 ninum atque illas pruinas ac niues perfe-
 rent? nisi iccirco se facilius hiemem tolera-
 turos putant, quod in conuiujs nudi saltare
 didicerunt. obellum magnopere pertime-
 scendum, cum hanc sit habiturus Catilina
 scordatorum cohortem pratoriam.

M V R E T V S

POSTREMVM AVTEM. Vox, postremus,
 duplicem habet sensum. nam & id quod ultimo loco po-
 nitur, postremum dicimus; & homines dissolutos, abie-
 ctos, nequitiae ac libidini deditos, non absque elegan-
 tia, postremos homines nominamus. Cicero: Ut postre-
 mi homines alienis pecunijs locupletarentur. Idem: Ni-
 hil scitote esse posterius, nihil nequius. Hoc igitur est
 quod hoc loco dicit, genus illud hominum, quo de agit,
 non tantum numero postremum esse, uerum etiam ge-
 nere ipso, atque uita.

IMMO VERO DE COMPLEXV. non ob-
 scure inuinit, eos libidinis causa amari.

PEXO CAPILLO. molliem significat. ita
 que e contrario Horatius,

Hunc, & incompertis Curium capillis

Vtilem bello tulit, & Camillum

Saua paupertas.

AVT IMBERBES. uel *etatem*, uel *artificio*.
Pathicos.

AVT BENE BARBATOS. *compta*; & *de-*
libuta unguentis barbula. *Barbam* aluerunt Romani us-
que ad annum ab V. C. quadringentesimum quinquage-
simum quartum, quo tempore primum e Sicilia tonsor-
es in urbem adduxit R. Licinius Mena: ut est apud Pl-
nium libro octauo. ideoq; tam saepe Cicero ueteres illos
barbatos uocat. pro Murena: Apud illos barbatos. pro
Coelio: Aliquis mihi ab inferis excitandus est ex barba-
tis illis: pro Sextio: unum te aliquem ex barbatis illis.
Tunc radi coeperunt. itaque multo ante Scipionis Afri-
cani etatem, & ipsa Scipionis etate, non senes modo, ue-
rum etiam adolescentes radebantur. Ipse autem Africa-
nus (credo, propter mollietatem quandam) primus radi
quotidie instituit: ut idem Plinius auctor est. quin
etiam, cum reorum mos esset barbam promittere, ipse
tamen, die sibi a tribuno pl. ad populum dicta, radi non
desiit. Postea increbuit consuetudo, ut barbam alerent
iuuenes, raderent senes: ut cognoscitur ex A. Gellio. Ci-
cero igitur hoc loco, bene barbatos cum dicit, homines
adolescentulos significat. Sic ad Atticum: Concurfabant
barbatuli iuuenes.

MANICATIS ET TALARIBVS, quorum
utrumque mulieribus permissum, uiris uel maxime inde-
corum habebatur. Vide Gellium capite XII libri VII.
AC TRITIS. haec duae uoces absunt a non nullis ue-
teribus libris: & delendae uidentur.

VELIS. togarum laxitatem, & tenuitatem significat.
 ANTELVCANIS. à prima nocte ad auroram
 usque productis.

CANTARE ET PSALLERE. idem est can-
 tare, & psallere. Quocirca ne inepte bis idem dixerit,
 corrige, ut est in omnibus ueteribus libris; Cantare,
 & saltare.

VERVNTAMEN QUID SIBI. *οὐκ ἐπιτιμῶς.*
 HIS PRAESERTIM IAM NOCTIBVS.
 tam longis, tamq; frigidis.

IN CONVIVIIS NVDI SALTARE. Et
 saltare ipsum per se probro ducebatur apud Romanos:
 & saltare in conuiuio nudum, summae infamiae uerte-
 batur. Cicero pro Deiotaro: Quid deinde furcifer?
 quò progreditur? ait, hac letitia Deiotarum elatum;
 uino se obruisse, in conuiuioq; nudum saltauisse. que
 crux huic fugitiuo potest satis supplicij asferre? Deio-
 tarum saltantem quisquam, aut ebrium uidit unquam?
 & paulo post: Qui igitur adolescens, nondum tanta
 gloria præditus, nihil unquam nisi seuerissime & gra-
 uissime fecerit, is ea existimatione, eaq; ætate saltauit?
 imitari potius Castor aui tui mores disciplinamq; debe-
 bas, quàm optimo & clarissimo uiro fugitiui ore ma-
 ledicere. quòd si saltatorem auum habuisses, neque eū
 uirum, unde pudoris pudicitiaq; exempla peterentur:
 tamen hoc maledictum minime in illam ætatem conueni-
 ret. fieri autem potest, ut hac in parte Cicero imitatus
 fuerit locum quendam Demosthenis è secunda Olynthia
 ca; ubi cum uehementissimus ille, & tractandorum ani

morum peritissimus orator exponeret, cuiusmodi homi-
 nes in comitatu suo haberet Philippus: ostendissetq;
 nullum illic esse bonis uiris locum; addit: λοιπὸς δὲ
 πᾶσι τοῖς ἐν Λησίοις, καὶ κόλακας, καὶ τοιαύτας
 ἀνθρώπους, οἷος μεθυσθέντας ὀρχήσθαι τοιαῦτα, οἷα
 εἰπὼν ὑνὸς κνῶ πρὸς ὑμᾶς ὀνομάσκει. Δῆλον δὲ, ὅτι ταῦ-
 τ' ὄσιν ἀληθῆ. καὶ γὰρ ἔς ἐνθάδε πάντες ἀπὸ λα-
 νον, ὡς πολὺ τῇ θυματοποιῶν ἀσελγεφῆρες ὄντας *τέ*
 καλλίαι ἐκείνον τῇ δημόσιον, καὶ τοιαύτας ἀνδρά-
 πας, μίμους γελοίων, καὶ ποιητὲς αἰσχρῶν ἀσμά-
 των, ὧν εἰς τὰς σωόντας περὶ σιν εἴηα τὸ γελασθῆ-
 ναι, τὰς ἀγαπᾶ, καὶ πᾶσι τοῖς ἐχθροῖς.

SCORTATORVM. omnes ueteres libri, Scort-
 torum. quod uerius puto.

COHORTEM PRAETORIAM. quam ipse
 praetor, id est, imperator, perpetuo circa se habeat.

CICERO

Instruite nunc Quirites contra has tam
 praeclaras Catilinæ copias uestra praesidia,
 uestrosq; exercitus: & primum gladiatorum
 illi confecto, & saucio consules, imperato-
 resq; uestros opponite: deinde contra illā
 naufragorum eiectam, ac debilitatam ma-
 num florem totius Italiae, ac robur educi-
 te: iam uero urbes coloniarum, ac muni-
 cipiorum respondebunt Catilinæ tumulis
 siluestribus. neque uero ceteras copias, or-
 namenta, praesidia uestra cum illius latro-

*vires
 cumulis*

nis inopia, atque egestate debeo conferre;
 sed si, omisis his rebus omnibus, quibus
 nos suppeditamur, eget ille, senatu, equi-
 tibus R. populo, urbe, ærario, uestigali-
 bus, cuncta Italia, prouinciis omnibus,
 exteris nationibus; si, ~~inquam~~, his rebus
 omisis, ipsas causas, quæ inter se confli-
 gunt, cõtendere uelimus: ex eo ipso, quàm
 ualde illi iaceant, intelligere possumus: ex
 hac enim parte pudor pugnat, illinc petu-
 lantia; hinc pudicitia, illinc stuprum; hinc
 fides, illinc fraudatio; ~~illinc~~ pietas, illinc
 scelus; hinc constantia, illinc furor: hinc
 honestas, illinc turpitudine; hinc continen-
 tia, illinc libido; denique æquitas, tempe-
 rantia, fortitudo, prudentia, uirtutes om-
 nes certant cum iniquitate, cum luxuria,
 cum ignauia, cum temeritate, cum uitiiis
 omnibus: postremo copix cum egestate,
 bona ratio cum perdita, mens sana cum
 amentia, bona denique spes cum omniũ
 rerum desperatione confligit. in huiusmo-
 di certamine, ac prælio non ne, etiam si ho-
 minum studia deficiant, dii ipsi immorta-
 les cogent, ab his præclarissimis uirtutibus
 tot, & tanta uitia superari?

M. V. R. E. T. V. S.

TAM PRAECLARAS. *ironia.*

CONFECTO, ET SAVCIO. *apposite. haec enim uerba in gladiatoribus usitata sunt.*

NAUFRAGORVM. *euerforum fortunis omnibus. ab omni & re, & spe derelictorum.*

EIECTAM. *hoc uerbum proprie in naufragis dicitur.*

VRBES COLONIARVM, ET MVNICIPIORVM. *Nihil temere affirmare uelim: sed, quod suspicer, id considerandum alijs, iudicandumq; proponam. Urbes coloniarum, aut urbes municipiorum, latine dici non puto. neque, ut arbitror, eius locutionis ullum aliud exemplum reperietur. iccircoq; pro, urbes, legendum censeo, uires.*

TVMVLIS. *Tumulus à tumendo est. ubi enim tumet terra, ibi tumulus dicitur. Sed in quibusdam ueteribus libris hoc loco legitur, cumulis: quod fortasse uerius sit: ut cumulos siluestres uocet illam rusticorum hominum temere coaceruatam, atque accumulata manum.*

SI, INQVAM, HIS REBVS. *Vox, inquam, abest à uetustis libris.*

CONTENDERE. *conferre, comparare. Sic pro Roscio Amerino: Quicquid tu contra dixeris, id cum defensione nostra contendito.*

DENIQVE AEQVITAS. *libri ueteres, Hinc denique aequitas. atque ita emendandum est.*

Quæ cum ita sint Quirites, uos , quem admodum iam antea dixi , uestra teſta cuſtodiis , uigiliisq; defendite : mihi , ut urbi ſine ueſtro motu ac ſine ullo tumultu ſatis eſſet præſidii , conſultum ac prouiſum eſt . coloni omnes , municipesq; ueſtri certiores à me facti de hac nocturna excuſſione Catilinæ , facile urbes ſuas finesq; defendent . gladiatores , quam ſibi ille maximam manum , & certiſſimam fore putauit , quam meliore animo ſunt , quàm pars patriciorum , poteſtate tamen in ueſtra continebuntur . Q. Metellus , quem ego , proſpiciens hoc , in agrum Gallicanum Picenumq; præmiſi , aut opprimet hominem , aut omnes eius motus , conatusq; prohibebit . reliquis autem de rebus conſtituendis , maturandis , agendis iam ad ſenatum referemus , quem uocari uidetis . Nunc illos , qui in urbe remanſerunt , atque adeo qui contra urbis ſalutem omniumq; ueſtrum in urbe à Catilina relictæ ſunt , quam ſunt hoſtes , tamen , quia nati ſunt ciues , monitos etiam atque etiam uolo . mea lenitas adhuc ſi cui ſolutior uiſa eſt , hoc expectauit , ut id , quod latebat , erumperet .

quod reliquum est, iam non possum obli-
uisci, meam hanc esse patriam, me horum
esse consulem; mihi aut cum his uiuen-
dum, aut pro his esse moriendum. nullus
est portæ custos, nullus insidiator uiæ. si
qui exire uolunt, consulere sibi possunt.
qui uero in urbe se commouerit, cuius ego
non modo factum, sed inceptum ullum,
conatum uel contra patriam deprehende-
ro, sentiet in hac urbe esse consules uigilan-
tes, esse egregios magistratus, esse fortem
senatum, esse arma, esse carcerem, quem
uindicem nefariorum ac manifestorum sce-
lerum maiores nostri esse uoluerunt. atque
hæc omnia sic agentur Quirites, ut res ma-
ximæ minimo motu, pericula summa nul-
lo tumultu, bellum intestinum, ac domesti-
cum, post hominum memoriam crudelis-
simum & maximum, me uno togato du-
ce & imperatore sedetur. quod ego sic ad-
ministrabo Quirites, ut, si ullo modo fieri
poterit, ne improbus quidem quisquam
in hac urbe pœnam sui sceleris sufferat. sed
si uis manifestæ audaciæ, si impendens pa-
triæ periculum me necessario de hac ani-
mi lenitate deduxerit: illud profecto per-
ficiam, quod in tanto, & tam insidioso bel-

lo uix optandum uidetur, ut ne quis bonus intereat, paucorumq; pœna uos omnes iam salui esse possitis. quæ quidem ego, neque mea prudentia, neque humanis consiliis fretus polliceor uobis Quirites, sed multis, & non dubiis deorum immortalium significationibus: quibus ego ductus in hanc spem, sententiamq; sum ingressus: qui iam non procul, ut quondam solebant, ab extero hoste atque longinquo, sed hic præsentibus suo numine, atque auxilio sua templa, atq; urbis tecta defendunt: quos uos Quirites precari, uenerari, atque implorare debetis, ut quam urbem pulcherrimam, florentissimam, potentissimamq; esse uoluerunt, hanc, omnibus hostium copiis terra, mariq; superatis, à perditissimorum ciuium nefario scelere defendant.

M V R E T V S

QUEMADMODVM IAM ANTEA DIXI: ubi hoc antea dixit? Nusquam. itaque mihi quidem dubium non est, quin corrigendum sit ita, ut est in libro uetere: Vos, quemadmodum iam ante, uestra tecta custodijs, uigilijsq; defendite. ut intelligatur, quemadmodum iam ante fecistis. sic ad finem orationis sequentis: In uestra tecta discedite: & ea, quanquam iam pe-

riculum est depulsum, tamen æque, ac priori nocte fecistis, custodijs, uigilijsq; defendite.

MIHI, VT VRBI. *mibi consultum, ac prouisum est, pro eo, quod est, ego consului, ac prouidi. Græcum loquendi genus, quale illud è Diuinatione: Magno studio mihi à pueritia est elaboratum.*

POTESTATE TAMEN IN VESTRA. *uobis obtemperabunt: nihil aduersus uestram uoluntatem molitur, uigilantia, consilijsq; nostris circumclusi, ut se contra remp. commouere non possint. In quodam uetere libro est: Potestate tamen nostra continentur: quam scripturam. reiicio illo enim altero modo sepe locutus est Cicero: ut in Antonium: Ne prouinciam depopuletur, ne delectus habeat: sit in S. P. Q. R. potestate. facile uero huic denunciationi parebit, ut in patrum conscriptorum, atque in uestra potestate sit, qui in sua nunquam fuerit. & in eadem: Non in uestra potestate, non in senatus esse Antonium.*

Q. METELLVS. *dixi supra.*

AVT OPPRIMET. *primum est, hostem, si possis, opprimere. Si id non possis, τὸν δὲν τερον, Φασι, πλουῶν, conandum est, ut efficias, ne quid ille noceat. horum alterutrum dicit à Metello effectum iri.*

CONSTITVENDIS, MATVRANDIS, AGENDIS. *præclarus ordo. nam, ut ille ait, antequam incipias, consulto; & ubi consulueris, mature facto opus est.*

SOLVTIOR. *seuerus, & solutus siue dissolutus apud Ciceronem opponuntur.*

SENTIET. uerbum usitatum in comminando. *Tacentius: Sentiēt, qui uir sēm.*

ESSE CARCEREM, QVEM VINDICEM. Carcer igitur ad puniendos homines nefarios edificatus est. idem etiam in oratione pro Sylla: *Quis de C. Cethego, atque eius in Hispaniam profectio, ac de uulnere Q. Metelli Pij cogitat, cui non ad illius poenā carcer edificatus esse uideatur? & multo apertius, potestrema oratione in Catilinam his uerbis: Vincula uero, & ea sempiterna, certe ad singularē poenam nefarij sceleris inuenta sunt. Sed tamen Vlpianus affirmat, carcerē ad continendos, non ad puniendos homines haberi debere. quid igitur? dicendum est, aliam Ciceronis temporibus, aliam ijs, quae postea consecuta sunt, consuetudinem hac in re obseruatam fuisse.*

NULLO TVMVLTV. quidam exponit, sine ullo militum delectu. quod manifesto ineptum est. nullo igitur tumultu, nulla commotione populi, nulla concertatione, ἀταξίως.

ME VNO TOGATO. hoc est, quod postea iactauit illo inuidioso uersiculo, Cedant arma togae. porro, ut hanc quasi appendiculam adijciam, consulares uiri, etiam cum publice ibatur ad saga, togati tamen esse consueuerant. Cicero in Antonium: Equidem P.C. quanquam hoc honore usi, togati solent esse, cum est in sagis ciuitas: statui tamen, à uobis, ceterisq; ciuib; in tanta atrocitate temporis, tantaq; perturbatione populi R. non differre uestitu.

VT NE QVIS BONVS INTEREAT.

Liber uetus, ut neque bonus quisquam intereat. atque ita corrigendum est.

VOS OMNES IAM SALVI. dele particulam, iam, eodem illo libro auctore.

DEORVM IMMORTALIVM SIGNIFICATIONIBVS. Tales uidelicet quasdam significationes dicit, qualis est ea, quam ipsi datam commemorat Dio: nempe cum in Ciceronis domo uirgines Vestales sacra solennia ex more pro populi salute facerent, longissimam ex ara emicuisse flammam. Dionis uerba sunt: καὶ πρὸς τὸ δαίμονος χρηστὴν ἐλπίδα ἄμα τῇ ἐξ ἁβῶν, ὅτι ἱερῶν αὐτῇ οἰκίᾳ αὐτὴ ὑπὸ τῆς αἰσχροδένων ὑπὲρ τῆς δήμῳ προσθεῖσθαι, τὸ πῦρ ὡς μακρότατον παρὰ τὸ εἶδος ἤρθη. idē etiā, & multo quidem copiosius, narrat Plutarchus: sed uterque hoc contigisse ait, cum iam Lentulus abdicare se prætura coactus esset.

NON PROCVL, VT QVONDAM SOLEBANT. ē vulgi opinione dixit. vulgares enim putant, cœlestia numina ab alijs locis longius, ab alijs propius abesse. cum tamen neque procul, neque prope recte dicatur in deo. siquidem utraque harum uocum significatur locus. in loco autem esse nihil, nisi corpus, potest. at diuina natura expers est corporis. alioqui (quod uel cogitare sit nefas) esset aliquid simplicius deo: cum omne corpus ē materia, & forma siue effectione constet. præterea, si deus corporatus esset, non esset infinite potens. haberet enim partes. & earum partiū uel uniuscuiusque infinita esset potentia: ex quo

efficeretur, ut & partium inter se, & cuiuslibet partium cum toto eadem potentia esset: quod absurdissimum est: uel singularum partium potentia finita: quo posito, consequeretur, totius quoque potentiam esse finitam. nam è finitis infinitum constitui non potest: ut præclare disputatur in libris de motu. Non est igitur corporeus deus: ideoq; neque procul, neque prope esse dicendus est: sed ut nullo tempore, ita nullo etiam loco circumscriptus. At cicero, ut orator, magis ad popularem sententiam, quàm ad climatam philosophorum disputationibus ueritatem, orationem suam accommodauit. quod idem facere omnes oportet, qui uerba facere ad populum, & imperitæ multitudinis animos dicendo regere ac tractare meditantur.

AB EXTERO HOSTE. libri ueteres, Externo.

VENERARI. uenerari, est orare: quod & ueniam petere dicitur. Plautus:

Est deus. ueneror, ut nos ærumna ex hac miseras eximat.

Virgilius:

Multa mouens animo, nymphas uenerabar agrestes,

Gradiumq; patrem, Geticis qui præsidet aruis,

Rite secundarent uisus, omenq; leuarent.

idem etiam adorandi uerbo indicatur.

M. ANTONII MURETI AD LEONARDUM MOCENICUM, P. V.
 tertiæ in Catilinam orationis explicatio.

Admirabilis quedam, ac prope diuina
 uis est, Leonarde Mocenice, hominis
 eloquentis: meritoque sapientissimus poetæ
 scripsit Euripides, nihil esse, quod
 ferro, quin idem oratione confici pos-
 sit. Quod si unquam ullum tempus fuit, cum id manife-
 sto perspicui posset; tum profecto apertissime declaratum
 est, cum sceleratas Catiline in patriam machinationes,
 nefariaque consilia fretus eloquentiæ uiribus Cicero dissi-
 pauit. ac mihi quidem sæpenumero in summos homines,
 quos Romana olim res plurimos protulit, intuenti,
 aliorumque facta cum alijs, quam possum, accuratissime
 conferenti prorsus ita uidetur, plus uni Ciceroni urbem
 Romam, quam omnibus, quotquot bellica uirtute fines
 protulerunt imperij, debuisse. nam ut in corporibus no-
 stris externum calorem, externum uel frigus propulsare
 ac defendere facile est: ubi autem intus contractum fri-
 gus, aut in uenis ac uisceribus conclusus calor labefactæ
 eas partes, quibus uita præcipue continetur, remedium
 ei malo adhiberi, nisi ab homine perito, atque exerci-
 tato, non potest: sic in ratione gerendæ reip. debellare
 hostes externos, & quod illi mali ciuibz tuis moliebantur,
 id in ipsorum capita conuertere, si minus facile est,
 eiusmodi tamen est, ut humanis uiribus effici posse ui-
 deatur: at ubi ipsæ inter se dissident reip. partes, & qui

dem ita disſident ; ut quibus in tota ciuitate plurimum animi , atque audaciæ eſt , ij coniuncti ac conſociati inter ſe , obſtinatiſſimo animo , peſtem ceteris , atque exitium machinentur : deum proſecto Mocenice , deum quædam , non hominem , eſſe oportet , qui in tanto , tamq̃ ancipiti diſcrimine ſtatum ciuitatis integrum , atque incolumem præſtet . ea uero laus cui potius , quàm Cicero ni , tribuenda ſit , neminem uideo . unus enim latentem adhuc atque occultam coniurationem ſingulari prouidentia , uigilantiq̃ deprehendit , ac protulit : manantem , ſerpentemq̃ paulatim longius , compreſſit : fractos ac debilitatos metu propter inuſtatam periculi magnitudinem ciuium animos confirmauit : indormientem tantis rebus excitauit ſenatum : eadem uoce & ſecuritatem bonis , & terrorem improbis attulit : collegam ſuum la-be coniurationis infectum , ſponte depoſita , oblataq̃ illi provincia , ad bonas partes adduxit : & ut quæ ſanari poterant , ſummo adhibito ſtudio , ſanare conatus eſt , ita quæ inſanabilia uidebantur , ea , omni periculo , atque omni inuidia pro nihilo habita , animoſe ac fortiter amputauit . itaque earum rerum ergo , primus meritiſſimo cum honorem conſecutus eſt , ut pater patriæ diceretur . Ac ſi quis eſt , qui horum præſtantiſſimorum operum laudem ab eloquentia remouens , ad alias quaſdam uirtutes referre malit : ut ei nos illud dabimus , nunquã hominem quamlibet in dicendo copioſum , atque ornatum , hæc tam præclara effecturum fuiſſe ſine alijs plurimis , maximisq̃ uirtutibus : ita ipſe , niſi ualde iniquus ſit , nobis hoc concedat , neceſſe eſt , nunquam hæc tam

feliciter à quoquam dirigi, gubernariq; potuisse, cui, ceteris instructo animi bonis, grauiter ornatq; dicendi facultas defuisset. Hanc ego ad facultatem Moccenice uias commonstrare conor ijs, quibus in hac urbe cordi sunt honestarum artium studia. nam etsi non sum ita ne- scijs mei, ut eloquentem esse me putem: tamen, quod à prima etate dedi me studiose ad exercitationem dicen- di: & magna cum cura peruolutui eorum scripta, qui aut diserti fuisse ferebantur, aut ea praecepta libris suis complexi esse, quibus orationis copia pararetur: uideor posse, quò ipse non peruenierim, nihilominus, eò qua perueniendum sit, aliquo modo indicare. certe quidem sedulo praesto, quod possum; & quod mihi senatus au- ctoritate munus iniunctum est, ei ut ne desim, uiribus opibusq; omnibus elaboro. quoniam autem multi sepe ita mecum egerunt primarij homines, ut dicerent, se eu- pidos quidem esse cognoscendi ea, quae à me dicerentur: sed, ne ad me tam sepe, quàm uellent, uentitarent, ne- gocijs impediri: si subseciui temporis aliquid sumerem ad ea ipsa, quae quotidie traderem, mandanda literis, gratum id multis, atque optatum fore: morem illis hac quoque in parte gerere uolui: & ad meos pristinos la- bores hoc quoque scribendi onus adieci. Quod utinam tam utile sit alijs, quàm à me, solo obsequendi amicis desiderio, sine ulla ambitione susceptum est. quanquam enim non eam me sapientiam consecutum prae me fero, ut gloriam spernā: tamē ea nostris temporibus copia est uel eruditorum hominum, qui meis luminibus obstru- ant; uel maleuolorum, qui omnem iudicij laudem in uia

tuperandis alijs positam putent : ut iudicaturus sim, me-
cum præclare actum, si ita carcam gloriæ fructu, ut ne
obtectatorum quidem aculeos sentiam. Nunc, quando
de quatuor Ciceronis in Catilinam orationibus duas in-
terpretati sumus, pari duas reliquas studio persequemur.

M. TVLLII CICERONIS IN L.
CATILINAM AD QVIRITES
O R A T I O III.

Emp. Quirites, uitamq; om-
nium uestrum, bona, fortu-
nas, coniuges, liberosq; ue-
stros, atque hoc domicilium
clarissimi imperii, fortuna-
tissimam pulcherrimamq; urbem, hodie-
no die, deorum immortalium summo er-
ga uos amore, laboribus, consiliis, pericu-
lisq; meis, ex flamma, atque ferro, ac pene
ex faucibus fati ereptam, & uobis conser-
uatam, ac restitutam uidetis. & si non mi-
nus nobis iucundi, atque illustres sunt ii
dies, quibus conseruamur, quàm illi, qui-
bus nascimur; quòd salutis certa læticia est,
nascendi incerta conditio; & quòd sine sen-
su nascimur, cum uoluptate conseruamur:

*ē flamma,
ē ferro. lib.
Leon. Moc.*

profecto, quoniam illum, qui hanc urbem condidit, Romulum ad deos immortales beneuolentia, fama^q sustulimus: esse apud uos, posteros^q uelut in honore debet *debeui* ^{et} dies is, qui eandem hanc urbem conditam amplificatam^q seruauit. nam totius urbis templis, delubris, testis omnibus subiectos prope iam ignes circundatos^q restinximus; iidem^q gladios in remp. districtos retudimus, mucrones^q eorum à iugulis uestris reieccimus. quæ quoniam in senatu illustrata, patefacta, comperta sunt per me: uobis iam exponam breuiter Quirites: ut, & quanta, & quàm manifesta, & qua ratione inuestigata, & comprehensa sint, uos, qui & ignoratis, & expectatis, scire possitis.

M V R E T V S

REMP. QVIRITES. Hanc orationem alij scripserunt habitam esse non. Decemb. ipsis: qua in re, non magno negotio, manifesti erroris conuinci queunt. Etenim ea, quæ proxime hanc sequitur, habita est in senatu nonis Decemb. quod epistola prima libri secundi ad Atticum Cicero ipse testatur. Hæc autem biduo ante habita fuerat; ut indicant uerba illa è sequenti: Is & nudius tertius in custodiam ciues R. dedit, & supplicationem mihi decreuit; & indices hesternò die maximis

præmijs affectit. Constat igitur hanc habitam esse III. non. Decemb. Continetur autem quatuor præcipuis partibus. primum enim breui exordio populum & sibi conciliat, & attentum ac docilem reddit. deinde narrat, quem in modum à se patefacta atque oppressa coniuratio fuerit: quidq; super ea re decretum à senatu. hanc narrationem sequitur amplificatio, quæ constat commemoratione prodigiorum, quibus hæc coniuratio præsignificata fuerat; & comparatione illius cum ceteris ciuilibus intestinisq; bellis. Postremo breui peroratione commendat se liberosq; suos populo R. & se in suscepta defensione reip. etiam deposito magistratu, constantissimum fore pollicetur. Cetera, quæ ad argumentum pertinent, suis locis singillatim commemorabimus.

REMP. QVIRITES. uno reip. nomine cuncta quodammodo reliqua continentur. sed est hæc ratio quedam amplificandi, quam supra quoque tetigimus, ut cum totum aliquid proposueris, partes etiam enucleatius persequare.

BONA, FORTVNAS. Bonorum nomine facultates id est, τὰ ὑπὸ χοῦτα, indicantur: neque sane aliavis subest nomini fortunarum. duo igitur idem ualentia, augendi gratia posuit.

LABORIBVS, CONSILIIIS, PERICVLIS Q. MEIS. omnes libri ueteres ἀσθενέτως, laboribus, consilijs, periculis meis. sic & in superiori oratione: Nunc si L. Catilina consilijs, laboribus, periculis meis circumclusus, &c.

EX FLAMMA, ATQVE FERRO. &c.

de atque incendijs . hypallage.

EX FAUCIBVS FATI. metaphoram à feris ductam esse constat . fatum autem uocat interitum . ut infra : Neque tanto ante exitii , ac fati diem reip. denunciasset . idemq; Græcis in usu est , qui μοῖραν , & τὸν μόν , & κῆρα pro morte dicunt . etiamq; περὶ μείων . ut in illo uersiculo ,

Αὖθις τὸν ἐστὶ τὸ τῆς περὶ μείων κῆρῶν .

Quæ harum uocum usurpatio unde mihi manasse uideatur , aperiam . Fatum reuera significat consilium uoluntatemq; diuinā , qua omnia ex omni æternitate ita constituta sunt , nihil ut accidere possit , quod non deus infinito ante tēpore præsciuerit : & quidē certo ac præfinito præsciuerit . nefariæ . n. impietatis esset dicere , dei scientiā aut non omnium esse , aut incertam esse , ac fluctuantem . Quod tamen non ita accipiendum est , ut , quod quidam scelerati faciunt , malorum causas referamus in deum . nam ut medicus , qui certo prænoscit , ægrotum ex hac aut illa infirmitate periturum , non tamen ægroto mortis causam afferre dicendus est : ita deus quamuis hunc aut illum flagitiosum fore præcognoscit , minime tamen in causa est , ut ille flagitiosus euadat . cauendum est etiam diligentissime , ne Stoicorum uersaniam insequamur , aut aliorum , qui spoliatas omni libertate hominum mentes seruitute deuincire conantur , tolluntq; è rebus omnibus casum , & quicquid de rebus futuris affirmatur , negatur ue , id definite uerum , aut definite falsum esse confirmant . quod longissime abest à uero . Et enim per multa sunt , quæ antequam fiant , uel fieri , uel

non fieri possunt : estq; ita plane libera hominum uoluntas, ut nemo inuitus bonus fiat, nemo inuitus malus. alioqui enim frustra uirtutibus premia, frustra uitij supplicia constituerentur. Sed tamen & ea ipsa, quæ eam naturam habent, ut & hoc, & illo modo euenire possint, certo prænoscentur à deo : & , quamuis liberum erat Catilinæ, coniurare in patriam, uel non coniurare: deus tamen, coniuraturum illum, ex omni æternitate præsciuerat. Dei autem scientia nullam necessitatem rebus imponit. nam, ut uere, & sapienter ab hominibus eruditissimis, iisdemq; sanctissimis dictum est, modus cognitionis non immutat naturam rei cognite. Ac deus quidem uno prorsus modo prænoscit omnia: neque tamen omnia uno eodemq; modo eueniunt. nam, ut insistamus in exemplo proposito, non minus certo sciebat deus fore, ut Catilina bellum faceret patriæ; quam fore, ut aleretur, ut cresceret, ut somnum caperet, ut quotidie ad senium magis accederet. aliter tamen hæc contigerunt, & aliter illud. nam hæc, etiam ipso Catilina inuito, allatura erat nature necessitas: illud in ipsius uoluntate, atque arbitrio positum fuit. Hunc igitur rerum ordinem in mente diuina constitutum, proprie accepto fati nomine significari aio. Credebant autem ueteres, quo temporis puncto quis nasceretur, eo ipso fataliter constitui de morte atque interitu ipsius. quod indicat hic uersiculus Manlij,

Nascentes morimur : finisq; ab origine pendet.
 & illud Senecæ: = primusq; dies Dedit extremum. atque hac potissimum in re uim fati elucere arbitrabatur

tur. inde factum opinor, ut morti, atque interitui, fati nomen tribuerint. Quod autem hic annotat Siluius, fati nomen non accipi pro morte naturali, sed tantum pro morte uiolenta, ~~longe falsissimum est.~~ imo uero uiolenta mortem qui oppetunt, præcipere, aut præoccupare fata, & præter fatum mori dicuntur. & ita accipiendus est locus ille è secunda Philippica: Multa autem impendere uidentur præter naturam, præterq; fatum. & uersus ille Virgilij,

*longissim-
abhorret a
vero.*

Nam quia nec fato, merita nec morte peribat.

ET SI NON MINVS. Et si, possum uidetur pro, quod si. ut apud Terentium Phormione: Et si tibi res sit cum eo lenone. ubi Donatus, Et, inquit, modo non connexiua, sed inceptiua particula est.

ET SI NON MINVS. argumentum à pari. Paria sunt condere urbem, & conditam seruare. Is qui urbem condidit, in deorum numerum relatus est. igitur & is, qui eandem seruauit, in honore & apud uos & apud posteros esse debet.

IUCVNDI ATQVE ILLVSTRES. Illustres dies sunt sancti, atque honorati, quosq; quotannis, ob memoriam alicuius rei, celebramus, ac colimus. eorum partim sunt iucundi, ut ij quibus nati, aut à magno aliquo periculo liberati sumus: quidam etiam acerbis, ut apud Virgilium:

Iamquæ dies, ni fallor, adest, quem semper acerbum,

Semper honoratum (sic dii uoluistis) habebo.

non frustra igitur hæc duo coniunxit.

QVIBVS CONSERVAMVR. natalem suum

quisque quotannis celebrare consueuerat: etiamq; natalem eorum, quos amabat. Tibullus:

Est qui te Cherinthe dies dedit, hic mihi sanctus,

Atque inter festos semper habendus erit.

Horatius: Qui dies menscm Veneris marine

Findit Aprilem,

Iure solennis mihi, sanctiorq;

Pene natali proprio: quod ex hac

Luce Mæcenas meus affluentes

Ordinat annos.

Sed & eos dies colebant, quibus è magno aliquo discrimine erepti forent. ut Horatius Kalendas Martias: quod eo die, casu arboris, adductus quidem in periculum uitæ, sed tamen liberatus fuisset: quod ipse testatur his uersibus:

Voueram dulces epulas, & album

Libero caprum, prope funeratus

Arboris ictu.

Hic dies anno redeunte festus,

Corticem astrictum pice dimouebit

Amphoræ fumum bibere institute

Consule Tullo.

ILLVM, QVI HANC VRBEM CONDIDIT. Romulum urbis conditorem fuisse, confirmata multorum seculorum consensu opinio est. neque tamen defuerunt è uetustis scriptoribus, qui Romam multis fuisse ante Romulum ætatibus dicerent. qua de re uide Solinum capite secundo polyhistoris.

ROMVLVM. abest Romuli nomen ab uno antiquo

libro. quo fit, ut, peccatum esse hic in eodem genere
arbitrer, quo multis in alijs locis, quos supra indicavi:
ac plane censeam glossema esse.

AD DEOS IMMORTALES. Historia ē Li-
uio, & alijs nota est. Ennius:

Romulus in cælo cum dis genitalibus iuuen-

Degit. Horatius: = hac Quirinus

Martis equis Acheronta fugit. Idem:

Romulus, & Liber pater, & cum Castore Pollux,

Post ingentia facta, deorum in templa recepti.

Scipio apud Ciceronem: Desicere sol hominibus, extin-
guiq; uisus est, cum Romuli animus hæc ipsa in templa
penetrauit. ei flaminem adiecit Numa, quem Quiri-
nalem uocauit. instituta etiam festa, quæ Quirinalia
dicta sunt, aut alio nomine festa stultorum. celebraban-
tur autem XIII. Kal. Mar. ut constat ē secundo fasto-
rum Ouidij, & ē uetere Kalendario, quod uir singu-
lari quodam dei opt. max. in ætatem nostram beneficio,
ad illustrandam, & eruendam ē ueteribus monumentis
antiquitatis memoriam natus, haud ita pridem in lucem
edidit Paulus Manutius.

DEBET DIES IS. lege, ut est in ueteribus li-
bris: Esse apud uos, posterosq; uestros in honore debe-
bit is, qui eandem hanc urbem & cet. non enim de die
loquitur, sed de seipso: ac seipsum cum Romulo tunc
confert.

NAM TOTIVS VRBIS. optimus liber: Nam *item liber*
toti urbi. placet. *2. Co. Moc.*

TECTIS OMNIBVS. omnes libri ueteres hoc

amplius, Templis, delubris, tectis omnibus, ac moenibus.
REIECIMVS. ijdem omnes libri, Deiecinus.

C I C E R O

Principio, ut Catilina paucis ante diebus
erupit ex urbe, cum sceleris sui socios, &
huiusce nefarii belli acerrimos duces Ro-
mæ reliquisset; semper uigilaui, & proui-
di Quirites, quemadmodum in tantis, &
tam absconditis insidiis salui esse possemus.
nam tum, cum ex urbe Catilinam eiiciebā,
(non enim iam uereor huius uerbi inuidiā,
exierit egressus est) sed tum, cum illum exterminari uolebam, aut reliquam cōiuratorum
manum simul exituram, aut eos, qui re-
mansissent, infirmos sine illo ac debiles! fo-
re putabam. atque ego, ut uidi, quos ma-
ximo furore, ac scelere esse inflammatos
sciebam, eos esse nobiscum, & Romæ re-
mansisse; in eo omnes dies noctesq; con-
sumpsi, ut, quid agerent, quid moliren-
tur, sentirem, ac uiderem: ut, quoniam
auribus uestris propter incredibilem ma-
gnitudinem sceleris minorem fidem face-
ret oratio mea, rem ita comprehenderem,
ut tum demum animis salutis uestre proui-

deretis, cum oculis maleficium ipsum uideretis.

M V R E T V S

PRINCIPIO. *narratio est.*

PAUCI'S ANTE DIEBUS. *hic uicesimusquartus à Catilinæ profectione erat dies.*

SEMPER VIGILAVI. *narrationem credibilem fieri, rhetores docent. si non tantum quomodo quicquæ cōtigerit, uerum etiā quibus de causis ita cōtigerit, explanetur. hoc igitur mirabiliter Cicero facit. expositurus enim, quem in modū patefacta, et quasi e tenebris ac latibulis eruta coniuratio esset; prius proponit causam, quæ id effecerit; nempe singularem quandam; ac perpetuam uigilantiam, ac prouidentiam in rep. suam. Simul autem hæc modesta officii sui prædicatio, ac commendatio, non dici potest, quantum ad conciliandos auditorum animos ualeat.*

INSIDIIS. *quidam libri ueteres, periculis.*

SALVI ESSE. *annota, quod sit officium eius, cui commissa resp. est: nempe, ut, sopitis, ac quiescentibus ceteris, ipse pro salute publica uigilet, quasiq; excubias agat. Homerus:*

Οὐ γὰρ παννύχιον βεληφόρον ἀνδρα καθ΄ ὅδῃν,

ὧ λαοί τ' ἐπιτετραφικται, καὶ τῶσα μέμνηε.

Quam in sententiā multa præclara diligenter ab Erasmo in prouerbijis collecta sunt.

QVOD VIVVS EGRESSVS EST. *omnes libri ueteres, Quod uiuus exierit.*

CONIVRATORVM. ut iuratus, qui iuravit;
iniuratus, qui non iuravit; sic & coniuratus, qui con-
iuravit. similia quædam indicaui in annotationibus Te-
rentianis.

REMANSISSSENT. quidam ueteres libri, Re-
stitissent.

FVRORE AC SCELERE ESSE IN-
FLAMMATOS. Sic locutus est & libro quinto
accusationis: Ipse inflammatus scelere ac furore, in fo-
rum uenit.

PROPTER INCREDIBILEM MA-
GNITVDINEM SCELERIS. magna enim
scelera non temere credi, neque leui coniectura pendi,
solent: immo quo atrociora sunt, eo ad faciendam fi-
dem pluribus & certioribus notis coarguenda sunt: ut
præclare disputatur in oratione pro Sex. Roscio Ame-
rino.

O CVLIS. additum ad maiorem crepescens. Sic in-
fra: Ut eos pene oculis uidere possemus.

C I C E R O . 2

Itaque ut comperi legatos Allobrogum
belli transalpini, & tumultus Gallici exci-
tandi causa à P. Lentulo esse sollicitatos,
eosq; in Galliam ad suos ciues, eodem iti-
nere cum literis, mandatisq; ad Catilinam
esse missos, comitemq; iis adiunctum Vul-
turiū, atque huic datas esse ad Catili-
nam literas: facultatem mihi oblatam pu-

taui, ut, quod erat difficillimum, quodq̃
 ego semper optabam à diis immortalibus,
 tota res non solum à me, sed etiam à
 senatu, & à uobis manifeste deprehende-
 retur. itaque hesterno die L. Flaccum & C.
 Pontinium prætores, fortissimos, atque
 amantissimos reip. uiros, ad me uocaui:
 rem omnem exposui: quid fieri placeret,
 ostendi. illi autem, qui omnia de rep. præ-
 clara atque egregia sentirent, sine recusa-
 tione, ac sine ulla mora negotium susce-
 perunt, & cum aduersperalceret, occulte
 ad pontem Miluium peruenerunt, atque
 ibi in proximis uillis ita bipartito fuerunt;
 ut Tiberis inter eos & pons interesset. eo-
 dem autem & ipsi sine cuiusquam suspicio-
 ne multos fortes uiros eduxerunt: & ego
 ex præfectura Reatina complures delectos
 adolescentes, quorum opera utor assidue
 in reip. præsidio, cum gladiis emiseram.

M. V. R. E. T. V. S.

ITAQUE VT COMPERI LEGATOS
 ALLOBROGVM. *Allobryges, gens Gallie po-
 tentissima, ait Apollodorus. Polybius autem per i scri-
 bit Allobrigas. Charax uero per o Allobrogas: quæ
 scriptura Latinis usitatisima est: nam Græci quidem
 plerique omnes scribunt Allobrigas. Dicebatur eis ius*

ab iis prætoribus, quibus Gallia Narbonensis obtigerat: ut testatur Strabo libro quarto. li tum legatos Romanos miserant, questuros de auaritia magistratuum suorum: quos Lentulus per P. Umbrenum ad coniurationis societatem pertrahere molitus est. sed illi, cum simularent se ei consilio fauere, totam rem tamen ad Q. Fabium Sangam detulerunt. unde dictum est ab Horatio,

Novisq; rebus infidelis Allobrox.

Historiam fusiſſime narrant Sallustius, Plutarchus, Appianus: quorum scripta cum terantur omnium manibus; nullum esse operæ precium puto, integras paginas, quod alij fecerunt, ex eorum libris describere.

BELLI TRANSALPINI. bellum in ulteriore, tumultum in citeriore Gallia dicit. inter hæc autem uocabula quid intersit, discas è Cicerone VIII. Philipp.

AD SVOS CIVES. animaduerte, totam regionem Allobrogum, ciuitatem uocari. Sic apud Sallustium: Itaque Q. Fabio Sange, cuius patrocinio plurimum ciuitas utebatur, rem omnem, uti cognouerant, aperiant. sic & omnes Heluetii, ciuitas una. Cæsar: Apud Heluetios longe nobilissimus, & ditissimus fuit Orgetorix. Is, M. Messalla, & M. Pisone cos. regni cupiditate inductus, congregationem nobilitatis fecit, & ciuitati persuasit, ut de finibus suis cum omnibus copiis exirent.

EODEM ITINERE. redcuntes enim in Galliam, iter per Etruriam facturi erant.

VULTURCIUM. T. Vulturcium Crotoniensem.
LITERAS. quarum exemplum infra uidebimus.
HETERNO DIE. Sub noctem, opinor. ita enim in oratione pro Flacco: O nox illa, quæ pene æternas huic urbi tenebras attulisti: cum Galli ad bellum, Catilina ad urbem, coniurati ad ferrum, & flammâ uocabantur: cum ego te Flacce, cælum noctemq; contestans, flens flentem obtestabar: cum tuæ fidei optime & spectatissimæ salutem urbis & ciuium commendabam. tu, tu Flacce, prætor, communis exitij nuncios cepisti: tu inclusam in literis reip. pestem deprehendisti: tu periculorum indicia, tu salutis auxilia ad me, & ad senatum attulisti. quæ tibi tum gratiæ sunt à me actæ? quæ à senatu? quæ à bonis omnibus? quis tibi, quis C. Pontinio, fortissimo uiro, quenquam bonum putaret unquam nō salutem, uerum honorem ullum denegaturum?

ET C. PONTINIVM. Fræcisii Capellij liber, Pomptiniū: quomodo etiam in quibusdam impressis scriptum esse uideo. Sed opinor, literam, p, sine causa inculcatam à ueteribus librarijs. nam illi eodem modo sompnum pro somno, dampnum pro danino, dampnare pro damnare scribebant.

FORTISSIMOS, ATQVE AMANTISSIMOS REIP. Vtrunq; necessarium erat: alterum, ut possent exequi ea, quibus opus erat pro rep. alterum, ut uellent.

AD PONTEM MILVIVM. is est haud procul ab urbe in Etruriam tendentibus. Martialis:

. A ponte redijt Miluio .

EX P R A E F E C T V R A R E A T I N A . Italiae oppida partim coloniae erant , partim municipia , partim praefecturae . Sex . Pompeij de praefecturis uerba sunt .

Praefecturae ea appellantur in Italia , in quibus & ius dicebatur , & nundinae agebantur , & erat quaedam earum respublicae . neque tamen magistratus suos habebant : in quas legibus praefecti mittebantur quotannis , qui ius dicerent . quarum genera suere duo : alterum , in quas solebant ire praefecti * quatuor sex uirum pro populi suffragio creati erant in haec oppida Capuam , Cumas , Casilinum , Vulturnum , Puteolos , Sueffulam , Atellam , Calatiam : alterum quas praetor urbanus quotannis in quaeque loca miserat legibus : ut Fundos , Formias , Caere , Venafrum , Alicas , Priuernum , Anagninam , Frustulonem , Reate , Saturniam , Nursiam , Arpinum , aliaque complura . Haec , ut dixi , Sex . Pompeij uerba sunt , sed miserandum in modum deprauata : neque mihi quidem apparet , quomodo corrigi debeant . Tuum profecto , tuum Paule Manuti excellens ingenium , spectatamque illam , illam tuam in emendandis optimis quibusque scriptoribus iudicij acrimoniam & locus hic , & totus prope Sex . Pompeius requirit .)

Q U O R U M O P E R A . emenda e ueteribus libris : Quorum opera utor assidue in rep. praesidio : cum gladijs miseram . ut sit , miseram praesidio : non autem , in praesidio recipi .

C I C E R O .

Interim tertia fere uigilia exacta , cum

iam pontem cum magno comitatu legati Allobrogum ingredi inciperent, unaq; Vulturcius: fit in eos impetus: educuntur & ab illis gladii, & à nostris. res erat prætoribus nota solis, ignorabatur à ceteris. tū interuentu Pontinii, atque Flacci, pugna, quæ erat commissa, sedatur: literæ, quæcunque erant in eo comitatu, integris signis, prætoribus traduntur: ipsi comprehensi, ad me, cum iam dilucesceret, deducuntur. atque horum omnium scelerum improbisimorum machinatorē Cimbrū Gabinium statim ad me nihil dum suspicantem uocaui: deinde item accersitur P. Statilius, & post eum Cethegus: tardissime autem Lentulus uenit: credo, quòd in ~~literis dandis~~ præter consuetudinem proxima nocte uigilarat. cum uero summis ac clarissimis huius ciuitatis uiris, qui audita re frequentes ad me mane conuenerant, literas à me prius aperiri, quàm ad senatum referri placeret, ne, si nihil esset inuētum, temere à me tantus tumultus iniectus ciuitati uideretur: negaui me esse facturum, ut de periculo publico non ad consilium publicum rem integram deferrem. etenim Quirites etiam si ea, quæ erant ad me dela-

*literis hinc
dandis
lib. Leo. p.*

M V R E T V S

ta, reperta non essent, tamen ego non arbitrabar in tantis reip. periculis esse mihi nimiam diligentiam pertimescendam.

M V R E T V S

INTERIM TERTIA FERE VIGILIA EXACTA. *Vigiliarum*, in quas nox à ueteribus distribueretur, meminit & Iulius Pollux libro I. sed earum ratio planius explicatur à Suida, qui ait, uigiliam id est Φυλακὴν, esse quartam partem noctis. Tertia igitur uigilia fere exacta, est, quatuor fere horis antequam dilucesceret.

IMPROBISSIMORVM. omnes libri ueteres, improbisimum. idq; melius uidetur.

CIMBRVM GABINIVM. hunc infra uocat P. Gabiniun: & Sallustius quoque P. Gabinium Capitolinem, equitem R. Cimbrum autem, cognomen esse arbitror: neque enim inusitatum erat, ut unus haberet plura cognomina. Nominatur autem & M. Tullius Cimber libro XII. epistolarum, & secunda Philippica, inter Caesaris interfectores. & Caninius quidam Cimber XI. Philippica.

NIHILDVM SVSPICANTEM. quidam libri ueteres, Nihil dum tale suspicantem.

ACCERSITVR. omnes ueteres libri, Accersitus est.

P. STATILIVS. lege, L. Statilius: nam & ita est in antiquis libris, & ita uocat Sallustius, & ipse Cicero paulo infra in hac ipsa oratione.

PRAETER CONSVETVDINEM . notat
*Lentulum, ut pigrum, & somnolentum. Sic infra: Non
 mihi esse P. Lentuli somnum, nec L. Cassij adipem, &c.
 Dio quoque, ὁ Λεντῦλος, inquit, ἡνίστα σφοδρῆς ἐστι
 ἡν . itaque Catilina apud Sallustium ita loquitur: Scitis
 equidem milites, socordia atque ignauia Lentuli quan-
 tam ipsi nobisq; cladem attulerit.*

CVM VERO SVM MIS . dele particulam, uero.
temere enim, & contra ueterum librorum fidem incul-
cata est.

REFERRI . *optimus liber, Referram.*

C I C E R O.

Senatum frequentem celeriter, ut uidi-
 stis, coegi: atque interea statim, admoni-
 tu Allobrogum, C. Sulpicium præf. fortem
 uirum misi, qui ex ædibus Cethegi, si quid
 telorum esset, efferret, ex quibus ille ma-
 ximum sicarum numerum, & gladiatorum
 extulit. introduxi Vulturcium sine Gallis:
 fidem ei publicam iussu senatus dedi: hor-
 tatus sum, ut ea, quæ sciret, sine timore
 indicaret. tum ille dixit, cum uix se ex ma-
 gno timore recreasset, à P. Lentulo se habe-
 re ad Catilinam mandata, & literas, ut ser-
 uorum præsidio uteretur, & ut ad urbem
 quamprimum cum exercitu accederet: id
 autem eo consilio, ut, cum urbem omni-

dixit

Et. Nic.

bus ex partibus, quemadmodum descri-
ptum, distributumq̃ erat, incendiissent,
cademq̃ infinitam ciuium fecissent, præ-
sto esset ille, qui & fugientes exciperet, &
secum his urbanis ducibus coniungeret.
introduc̃ti autem Galli, iusiurandum sibi,
& literas à P. Lentulo, Cethego, Statilio
ad suam gentem datas esse dixerunt, atque
ita sibi ab his & à L. Cassio esse præscriptū,
ut equitatum in Italiam quāprimum mit-
terent, pedestres sibi copias non defuturas:
Lentulum autem sibi confirmasse, ex *factis*
sibyllinis, haruspicumq̃ responsis se esse *libri*
tertium illum Cornelium, ad quem regnū
huius urbis, atque imperium peruenire
esset necesse: Cinnam ante se, & Syllam fu-
isse: eundemq̃ dixisse, fatalem hunc esse
annum ad interitum huius urbis, atque
imperii, qui esset decimus annus post, uir-
ginum absolutionem, post Capitolii autē
incensionem uicelimus. hanc autem Ce-
thego cum cæteris controuersiam fuisse di-
xerunt, quòd Lentulo, & ceteris cadem
Saturnalibus fieri, atque urbem incendi
placeret, Cethego nimium id longum ui-
deretur.

Libri

*in off. cap. 19
lib. 1.*

*Vespasian
lib. 1. cap. 10.*

2. cap. 10.

3. cap. 10.

M V R E T V S.

SENATVM FREQVENTEM. in adem
Concordie.

C. SVLPICIVM. hac de re Plutarchus: Γαίῳ
δὲ Σαλπικίῳ, εἰς τῶν στρατηγῶν, ὡς δὲ τὴν οἰκίαν περι-
φθεῖς τῷ Κεδήγῳ, πολλὰ μὲν αὐτῇ βέλῃ, καὶ
ὅπλα, πλεῖστα δὲ ξήφῃ, καὶ μαχίρας ὅρε νεοθῆ-
κτος ἀπείσας.

SINE GALLIS. ut singulis seorsum interroga-
tis, cognosceretur, ecquid eorum indicia inter se concie-
nerent.

IVSSV SENATVS. aliter enim consuli fidem
publicam dandi ius non erat. ut cognoscitur e Rabia-
riana.

TVM ILLE DIXIT. optimus liber: Tum ille,
cum uix se ex magno timore recepisset, dixit, à P. Lena-
tulo &c. melius sine controuersia, quam quomodo im-
pressum est.

VT SERVORVM. Catilina enim, ut narrat
Sallustius, seruitia repudiabat. id Lentulo displicebat.
hunc autem locum Ciceronis, ne suspicari quidem pos-
sum, cur quidam deprauatum esse existimarint.

OMNIBVS EX PARTIBVS. duodecim op-
portunis urbis locis incendium excitare constituerant:
ut Sallustius auctor est: at centum, si Plutarchum se-
quare. dederant etiam negotium non nullis obsidendo-
rum aqueductuum, & interficiendorum, siqui, ut sit
ad extinguenda incendia accurrissent.

CAEDEM Q. INFINITAM. nulli omnino

ciui, præterquam Pompeij liberis, parcere decreuerat.
Lentulus. Plutarchus.

PRAESTO ESSET ILLE. Catilina
EXCIPERET. à uenatoribus sumptum.

800 eq. Heli
ac. Casar,
4000 R. 34.
loco peple-
tuz. Equi
ley ming 30
Galli. Nam
v. equi
2000 p. 1000
H. h. h. f.
Regis ap. m
et. n. 100
opulenti, q. 10
C. Ar. 4. 2000
EQUITATVM. eo enim Galli etiam hodie plu-
rimum ualent. idq; ut ueterum testimonia prætermi-
tam, confirmauit is, quo olim domestico præceptore pa-
ter tuius Leonarde, uir clarissimus, usus est, decus Græ-
cia, Marcus Musurus in elegia, quæ ante Platonem le-
gitur, his uersibus:

Χαλκιοθωρήκων Κελπίων θῆριν εἰνὼς
Ἰππας κενταύτων πρῶτον εἰδομένος.

EX FATIS SIBYLLINIS. quidam liber ue-
tus, Ex libris sibyllinis. ac infra quoque ubi legitur: Ni-
hil ne secum esset de fatis sibyllinis locutus: idem ille li-
ber habet, De libris sibyllinis. atque ita plane legendum
puto.

EX LIBRIS SIBYLLINIS. Hæc de re Sala-
lustius: Eadem Galli fatentur: ac Lentulum dissi-
mulantem coarguunt, præter literas, sermonibus, quos il-
le habere solitus erat, ex libris sibyllinis regnum Rome
tribus Cornelijs portendi: Cinnam, atque Syllam antea,
se tertium esse, cui fatum (liber manu scriptus habet,
fatatum) esset urbis potiri, præterea ab incenso Ca-
pitolio illum esse XX annum, quem sæpe ex prodigijs
haruspices respondissent bello ciuili cruetum fore. Plu-
tarchus autem, de Lentulo loquens, τῶτον, inquit, ὅν τε
τῇ φύσει τοῖς τὸν, κεκινημένον ὑπὸ τῷ Κατρίνῃ,
πρὸς διέφθεραι ἐλπίσι, καὶ αἰσῶς ἰουδομαίταις, καὶ
γόνταις

γόντες, ἔπη πεπλάσμεία καὶ χρησμούς ἄδοντες. ὡς
 ἐκ τῶν σιβυλῶν, προσηλουῦτας, εἰμαρμείας εἶναι
 τῇ Ῥώμῃ Κορινθίῳ τρεῖς μονάρχους. ἂν δύο μὲν ἦσαν
 πεπληρωμένοι τὸ χρῆμα: Κίναντες καὶ Σύλλαι: Τρίτῳ
 δὲ Λοίπῳ Κορινθίῳ ὁμείων Φῶροντα τὴν μοναρχίαν
 ἤκειν τὸν δαίμονα. Idem etiam apud Appianum legi-
 tur.

FATALEM. ut ipse ab haruspibus acceperat.
 POST VIRGINVM ABSOLUTIONEM.
 Asconij Pediani in orationem in toga candida uerba
 sunt: Fabia, uirgo Vestalis, causam incesti dixerat,
 cum ei Catilina obijceretur: eratq; absoluta. Hæc Fa-
 bia quia soror erat Terentiæ Ciceronis; ideo sic dixit,
 Etiam si culpa nulla subesset. ita & suis pepercit, &
 nihilo leuius inimico summi opprobrij turpitudinē obie-
 cit. Hæc Asconius. ac libet ostendere, quanti publico
 interfit, in ueterum scriptorum libris, ut nunc loqui-
 mur, imprimendis summam diligentiam adhiberi. hæc
 enim quæ modo recitaui, Asconij uerba, quòd in omnia
 bus impressis libris perperam distincta sunt, hunc erro-
 rem obiecerunt aliquot eruditis hominibus, ut tradea-
 rent, hanc Fabiā, quòd Terentiæ soror esset, ideo abso-
 lutam fuisse. quo quid cogitari poterat ineptius? sed, ut
 eò, unde digressi sumus, reuertamur, locum hunc de uir-
 ginum absolutione ad illam Fabiæ absolutionem refe-
 runt. de quo ut addubitem, facit, primum quòd nullo
 argumento probari potest, hunc decimum ab absoluta
 Fabia annum fuisse. deinde quòd uix uidetur uirginum

absolutionem dicturus fuisse Cicero, si de una tantum uirgine absoluta sermo esset. amplius igitur querendum, nam nunc quidem nihil satis probabile occurrit.

POST CAPITOLII AVTEM INCENSIONEM. L. Scipione & C. Norbano cos. custodum negligentia Capitolium conflagrauit; quod à Q. Catulo postea Hortensio & Metello cos. restitutum est.

SATURNALIBVS. Plutarchus: καὶ τῶν μὲν ἁγίων πρὸς τὴν ἐπιθεσίαν μὴ τῶν ὑπονομιῶν. De Saturnalibus autem præstat Macrobij uerba subijcere. Apud maiores nostros Saturnalia die uno finiebantur, qui erat A.D. X I I I. Kal. Ian. sed postquam C. Caesar huic mense duos addidit dies, sextodecimo coepta celebrari. Ea re factum est, ut, cum uulgus ignoraret certum Saturnaliorum diem, nō nulliq; à C. Cesare inserto die, & alij uetere more celebrarent, plures dies Saturnalia numerarentur. licet & apud ueteres opinio fuerit, septem diebus peragi Saturnalia: si opinio uocanda est, quæ idoneis firmatur auctoribus. Nouius enim probatissimus Attellanarum scriptor, ait,

Olim expectata ueniunt septem Saturnalia.

Mummius quoque, qui post Nouium, & Pomponium diu iacentem artem Attellaniam suscitauit, Nostri, inquit maiores uelut bene multa instituere, ita hoc optime: à frigore fecere summo dies septem Saturnalia. Sed Manlius ait, eos, qui se, ut supra diximus, Saturni nomine, & religione defenderant, per triduum festos

instituisse dies, & Saturnalia uocauisse. unde & Augustus, huius, inquit, rei opinionem secutus, in legibus iudicarijs triduo ferias seruari iussit. Masurius, & alij, uno die, id est, XIIII. Kal. Ian. fuisse Saturnalia crediderunt. Quorum sententiam Feneſtella confirmat, dicens, Aemiliam uirginem XV. Kal. Ian. esse damnatam. quo die si Saturnalia agerentur, nec causam omnino dixisset. Deinde adiecit: Sequebantur eum diem Saturnalia. mox ait: Postero autem die, qui fuit XIII. Kal. Ian. Liciniam uirginem ut causam diceret, iussam: ex quo ostendit XIII. Kal. profestum esse: Hec Macrobius. ideoque autem coniurati Saturnalia ad faciendam eadem constituerant: quoniam ciuitas tum tota uino atque hilaritati dedita facillime uidebatur opprimi posse: secundum id quod a Virgilio dictum est:

Inuadunt urbem somno uinoque sepultam.

Nullus autem dies tanta hilaritate peragebatur, quanta dies Saturnaliorum. unde lepidissimus poeta Saturnalia optimum dierum uocat.

CETHEGO NIMIVM ID LONGVM.
erat enim Cethegus precipiti admodum, ac temerario ingenio. unde & Cicero infra dicturus est, C. Cethegi furiosam temeritatem. quod his uerbis confirmat Sallustius: Inter hæc parata, atque decreta, Cethegus semper querebatur de ignavia sociorum. illos, dubitando, & dies prolatando, magnas opportunitates corrumpere. facto, non consulto, in tali periculo opus esse, sequi, si pauci adiuuarent, languentibus alijs, impetum in cu-

riam facturum. Natura ferox, uehemens, manu promptus erat. maximum bonum in celeritate putabat.

C I C E R O

Ac, ne lōgum sit Quirites, tabellas proferri iussimus, quæ à quoque dicebantur datæ. primum ostendimus Cethego: signū cognouit. nos linum incidimus, legimus. erat scriptum ipsius manu Allobrogum se natui, & populo, sese, quæ eorum legatis confirmasset, esse facturum: orare, ut item illi facerent, quæ sibi legati eorum præcepissent. tum Cethegus, qui paulo ante aliquid de gladiis, ac sicis, quæ apud ipsum erant deprehensæ, respondisset, dixissetq; se semper bonorum ferramentorum studio sum fuisse; recitatis literis, debilitatus, atque abiectus, conscientia conuictus repente conticuit. Introductus Statilius, cognouit ^{ma}manum & signum ^{ma}sum. recitatae sunt tabellæ in eandem fere sententiam: confessus est. Tum ostendi tabellas Lentulo, & quæsiui, cognosceret ne signum: annuit. est uero, inquam, signum notum, imago aui tui, uiri clarissimi, qui amauit unice patriam, & ciues suos: quæ quidem te à tanto scelere etiam muta reuocare debuit. Leguntur eadem ratione ad senatū Allobro-

tamen

est
 & manu
 lib. h. a.

gum populumq; literæ. si quid de his rebus dicere uellet, feci potestatem. atque ille quidem primo negauit: post autem aliquanto, toto iam indicio exposito atque edito, surrexit: quæsiuit à Callis, quid sibi esset cum iis, quamobrem domum suâ uenissent; itemq; à Vulturcio, qui cum illi breuiter constanterq; respondissent, per quem ad eum, quotiesq; uenissent; quæsiissentq; ab eo, nihil ne secum esset de fatis sibyllinis locutus: tum subito ille scelere demens, quanta uis conscientiæ esset, ostēdit: nam cum id posset inficiari, repente præter opinionem omnium confessus est: ita eum non modo ingenium illud, & dicendi exercitatio, qua semper ualuit, sed etiam, propter uim sceleris manifesti atque deprehensi, impudentia, qua superabat omnes, improbitasq; defecit.

M V R E T V S

TABELLAS. *in ceratis tabulis scriptitasse ueteres notum est. eas tabulas, ubi ad aliquem scripturi erant, lino obligabant, deinde annulo suo obsignabant, Plautus:*

Phœnicium Calidoro amatori suo

Per ceram, et linum, literasq; interpretes

Salutem mittit.

SIGNVM COGNOVIT. Mos ueterum erat ubi aliquem literis ab ipso scriptis premere, ac conuincere uolebant, antequam eas resignarent, iubere, ut signum cognosceret. cuius rei aliquot testimonia collegit Petrus Victorius in uariis lectionibus.

QVAE SIBI LEGATI EORVM PRAECEPISSENT. ita est & in libris ueteribus. sed nihilo secius, legendum censeo, Recepissent. recipere autem hec loco est, polliceri.

QVI PAULO ANTE ALIQUID DE GLADIIS. omnes libri ueteres, Qui paulo ante aliquid tamen de gladijs ac sicis, &c. quae scriptura sine dubio praecleara est. Illud enim, tamen, cum uim habet, ut significet, Cethegum, cum in manifesto scelere teneretur, tamen primo dixisse aliquid, purgandi, excusandiq; sui gratia: at recitatis literis, fractum, ac debilitatum animo conticuisse.

INTRODVCTVS STATILIVS, emenda, ut est in ueteribus libris: Introductus est Statilius. cognouit & signum, & manum suam. prius enim signum cognosci oportebat, deinde manum, resignatis iam literis. sic etiam infra: Perturbatus Lentulus, tamen & signum, & manum suam cognouit.

NOTVM SIGNVM. ueteres, ut nunc quoque fit, in annulis signatorijs, quas cuique libitum erat, imagines exprimendas curabant. Saepissime tamen imagine alicuius praestantis uiri in signando utebantur. Sylla dictator, traditione Iugurthae semper signauit. Inter catiensis quidam, cuius patrem Scipio Aemilianus ex

prouocatione interfecerat, cum hoc ipsum sibi glorio-
sum duceret, quòd pater suus cum tanto uiro dimicans,
interfectus fuisset, signasse postea dicitur eius pugne
effigie: uulgate Stilonis Praconini sale, quidnam fuis-
se facturum cum, si Scipio à patre eius interemptus es-
set. Scipio, superioris Africani filius imagine patris
sui, Diuus Augustus primo sphinge, mox imagine Alexan-
dri Magni, postremo sua, quam expresserat Dioscori-
des. atque hac etiam insecuti principes signare perseue-
rauerunt: Mœccenas rana nostris temporibus, Vin-
gilius Zuchennus, præstantissimus iuriconsultus, Pallas
de signant. uidi aliquot Erasmi epistolæ, quæ omnes
signate erant Termino, additis duabus uocibus, NVL-
LI CEDO: non sine suspitione arrogantie. sic hic
P. Lentulus Sura imagine aui sui, uiri clarissimi, in sta-
gnando utebatur.

IMAGO AVI TVI. de hoc plura in sequentis
orationis explicatione dicemus.

QVI AMAVIT VNICE. εὐφρατῶς. ama-
uit unice patriam, quam tu inflammare ac diripere co-
gitabas. amauit unice ciues suos, quos tu crudelissime
trucidatos in patriæ cinere sepelire uoluisti.

QVAE QUIDEM TE. propter exempli dome-
stici memoriam.

ATQVE ILLE QUIDEM PRIMO NE-
GAVIT. se uelle quicquam de his rebus dicere.

SVRREXIT. ad dicendum. stantes enim dicebant:
ut alibi notauimus.

PER QVEM. nempe per P. Umbrenum.

* Personæ reges alij sua quinquæ, alij Cyri superioris imagi-
omnes signasse dicunt. sunt etiam qui Darij equum, cuius hinc
tur regni domino conciliauerat, in corâ annulo insculpti
fuisse tradant.

Cn. Pompeius
l. com. gladiu
siveat n

præter Gallos
qui cum è pro
va natis capu
inclinant si-
gnant.

23132

QVANTA VIS CONSCIENTIAE ES-
SET. Cicero pro Milone: Magna vis est conscientiae
iudices: & magna in utranque partem: ut neque time-
ant, qui nihil commiserint: & poenam semper ante oculos
uersari putent, qui peccarint.

C I C E R O.

Vulturcius uero subito proferri literas
atque aperiri iubet, quas sibi à Lentulo ad
Catilinam datas esse dicebat. atque ibi ue-
hementissime perturbatus Lentulus, tamē
& signum & manum suā cognouit. erant
autem scriptae sine nomine, sed ita. QVIR-
SIM, EX EO, QVEM AD TE MISI,
COGNOSCES. CVRA, VT VIR SIS:
ET COGITA, QVEM IN LOCVM SIS
PROGRESSVS: ET VIDE, QVID IAM
TIBI SIT NECESSE. CVRA, VT OM-
NIVM TIBI AVXILIA ADIVNGAS,
ETIAM INFIMORVM. Gabinius dein
de introductus, cum primo impudenter
respondere coepisset, ad extremum nihil ex
iis, quae Galli insimulabant, negavit. ac mi-
hi quidem Quirites cū illa certissima sunt
uisa argumenta, atque indicia sceleris, ta-
bellae, signa, manus, denique uniuscuius-
que confessio: tum multo illa certiora, co-
lor, oculi, uultus, taciturnitas. sic enim

SCIES.

obstupuerant, sic terram intuebantur, sic furtim nonnunquam inter se aspiciebant, ut non iam ab aliis indicari, sed ~~ipsi à se ui-~~ *indicare se ipsi* derentur.

M V R E T V S.

QUI SIM, EX EO. Apud Sallustium, hoc literarum Lentuli exemplum ita relatum est. Qui sim, ex eo, quem ad te misi, cognosces. fac cogites, in quanta calamitate sis: & memineris, te esse uirum: consideres, quid tuæ rationes postulent: auxilium petas ab omnibus, etiam ab infimis.

COGNOSCES. omnes ueteres libri, Ex eo, quem ad te misi, scies.

CVRA, VT VIR SIS. ut constanter maneat in incepto: & factam tibi à senatu, qui te hostem iudicauit, iniuriam magno animo persequare.

QVEM IN LOCVM SIS PROGRESSEDVS. iam enim tibi pedem referre integrum non est.

QVID IAM TIBI SIT NECESSE. nemo pe, ut aut moriaris, aut uincas.

ETIAM INFIMORVM. seruos intelligit, quos Catilina, ut diximus, repudiabat.

AC MIHI QVIDEM. Difficile est, ait Ouidius, crimen non prodere uultu. hoc autem de genere argumentorum ita ipse in Partitionibus: Est etiam genus argumentorum aliud, quod ex facti uestigijs sumitur: ut telum, cruor, clamor editus, titubatio, permixtio coloris, oratio inconstans, tremor, & eorum ali

quid, quod sensu percipi possit.

SED IPSI A SE VIDERENTVR. *emenda-
dandum ē ueteribus libris: Vt non iam ab alijs indicari,
sed indicare se ipsi uiderentur.*

C I C E R O.

Indiciis expositis, atque editis Quirites, senatum consului, de summa reip. quid fieri placeret. dicta sunt à principibus acerrimæ ac fortissimæ sententiæ, quas senatus sine ulla uarietate est consecutus. & quoniam nondum est perscriptum S. C. ex memoria uobis Quirites, quid senatus censuerit, exponam. Primum mihi gratiæ uerbis amplissimis aguntur, quòd uirtute, cōsilio, prouidentia mea resp. periculis sit maximis liberata. deinde L. Flaccus & C. Pontinus prætores, quòd eorum opera forti fideliquē usus essem, merito ac iure laudātur. atque etiā uiro forti, collegæ meo, C. Antonio laus impertitur, quòd eos, qui huius coniurationis participes fuissent, à suis & à reip. cōsiliis remouisset. atque ita censuerunt, ut P. Lentulus, cum se prætura abdicasset, tum in custodiā traderetur; itemquē ut C. Cethegus, L. Statilius, P. Gabinius, qui omnes præsentēs erant, in custodiam traderentur: atque idem hoc decretum est

in L. Cassium, qui sibi procurationem incendendæ urbis depoposcerat; in M. Cæparium, cui ad sollicitandos pastores Apuliã esse attributam erat indicatum; in P. Furium, qui est ex iis colonis, quos Fesulas L. Sylla deduxit; in Q. Manlium Chilonẽ, qui una cum hoc Furio semper erat in hac Allobrogum sollicitatione uersatus; in P. Umbrenum, libertinum hominem, à quo primum Gallos ad Gabinium perductos esse constabat. atque ea lenitate senatus est usus Quirites, ut ex tanta coniuratione, tantæ ui ac multitudine domesticorum hostium, nouem hominum perditissimorum pœna rep. conseruata, reliquorum mentes sanari posse arbitraretur.

M V R E T V S

INDICIIS EXPOSITIS ATQVE EDITIS. *Sic supra: Toto iam indicio exposito, atque edito.*

DE SVMMA REIP. hoc loco omnes, quorum quidem ego copiam habui, libri ueteres habent: De summa reip. salute. inepte omnino. sed hoc tamen uisum est testatum relinquere, ut magis intelligeretur, non sine causa factum esse à me, quòd bis iam in hoc ipso loquendi genere, uocem, S A L V T E, à librarijs tenere adiectam suspicatus sum.

DE SVMMAREIP. oportebat enim, eum qui senatum habebat, referre aut infinite de rep. aut de singulis rebus finite. Auctor Varro.

DICTAE SVNT A PRINCIPIBVS. ab ijs, qui primi sententiam rogati sunt. de ordine autem rogandi sententias ita Varronem scripsisse, Gellius refert: Singulos debere consuli gradatim: incipiq; à consulari gradu: ex quo gradu semper quidem antea primum rogari solitum, qui princeps in senatum lectus esset. Tum autem cum hæc scriberet, nouum morem institutum refert per ambitionem, gratiamq; ut is primus rogaretur, quem rogare uellet, qui haberet senatum: dum is tamen ex gradu consulari esset. Iam qui princeps senatus legi soleret, discemus è Linio, cuius c. XXVII. *historiarum* libro uerba sunt. Senatus lectionem contentio inter censores de principe legendo tenuit. Sempronij lectio erat. Ceterum Cornelius morem traditum à patribus sequendum aiebat; ut qui primus censor ex ijs, qui uiuerent, fuisset, eum principem legerent is T. Manlius Torquatus erat. Sempronius, cui dii sortem legendi dedissent, ei ius liberum eosdem dedisse deos. se. id suo arbitrio facturum: lecturumq; Q. Fabium Maximum: quem tum principem Romanæ ciuitatis esse, uel Annibale iudice uicturus esset. Cum diu certatum esset uerbis, concedente collega: lectus à Sempronio princeps in senatu Q. Fabius Maximus consul. Hæc Linus. sed quod ait Varro, semper antea primum rogari solitum, qui princeps senatus lectus esset: id non semper uerum fuit. nam, ut alibi idem Gellius scri

amaliu

bit, Alias primus rogabatur, qui à cens. princeps in senatum lectus fuerat; alias qui designati consules erant. atque hoc posterius apud ueteres in consuetudine positum fuisse, multis testimonijs probari potest. Cicero V. in Antonium. Sed qui ordo in sententijs rogandis seruari solet, eundem tenebo in uiris fortibus honorandis. A Bruto igitur consule designato, more maiorum, capiamus exordium. Idem V l. in eundem Antonium, de Bruto ipso loquens: An ille non potuit, si Antonium consullem, si Galliam Antonii prouinciam iudicasset, legiones Antonio, & prouinciam tradere? domum redire? triumphare? primus in hoc ordine esse, quoad magistratum iniret? Sallustius: Tunc D. Iunius Silanus, primus sententiam rogatus, quod eo tempore consul designatus erat, &c. Appianus autem non modo ita fieri solere confirmat, uerum etiam cur fieri soleret, exponit. eius uerba sunt. Σιλανὸς μὲν δὴ πρῶτος ἔλεγεν, ὅς ἐς τὸ μέλλον ἔρητο ὑπατεύειν. ὥδε γὰρ Ῥωμαίοις ὁ μέλλων ὑπατεύσειν, πρῶτος εἰσφέρει γινώσκω, ὡς αὐτοῖς (οἶμαι) πολλὰ τῇ κυβερνήσει ὀργανισμῶς, καὶ ἐν τῷδε ἀνδραγαθιῶν τε, καὶ ἐν λαβείσει καὶ θυμησίσει & πᾶσι ἐνέγκει. Neque tamen Silanus, sed Q. Catulus tum princeps senatus erat.

A PRINCIPIBVS. uersus hic est octonarius iambicus longe optimus.

SINE VLLA VARIETATE. nondum igitur constitutum erat de supplicij genere: qua de re postea uarie sententiae fuerunt.

PERSCRIPTVM. perscribebantur primum Senatus

natus consultus: deinde ad aerarium deferebantur.

COLLEGAE MEO, C. ANTONIO. multi libri ueteres, Atque etiam uiro forti, collega meo, laus impertitur. unde dubium non habeo, quin illud, C. ANTONIO, glossema sit.

QVOD EOS, QVI HVIVS. C. Antonius consul, propter aeris alieni magnitudinem, & propter Catiline familiaritatem, non alienus putabatur à coniuratione. postea tamen aduersus Catilinam missus est. Vnde cum postea damnatus esset, iuissetq; in exilium, Catilinariae factionis homines, letantes, male ei enenisse, qui Catiline fidem, ut ipsi putabant, fregerat, Catiline sepulcrum ornarunt floribus, ac conuentu, epulisq; celebrarunt. Narrat Cicero in oratione pro Flacco.

P. LENTVLVS, CVM SE PRAETVRA. Quomodo praetor erat Lentulus, tam senex? intelligendum est, hanc ipsius secundam praeturam fuisse: cum autem lege Cornelia eundem magistratum capere, nisi interiecto decennio, non liceret: uerisimile est, cum primam praeturam gessisse L. Licinio Lucullo, & C. Aurelio Cotta cos. Eo magis, quod interiecto ex more biennio, consul fuit una cum Cn. Aufidio Oreste. cum igitur iam consularis, à censoribus Gellio & Lentulo, qui seuerissimam censuram egerunt, probri gratia, senatus motus esset, exacto legitimo tempore, ad recuperandam senatoriam dignitatem, denuo praeturam petierat, quantum gerebat. id memoriae prodidit Dio, cuius uerba sunt: Σωκράτην δὲ αὐτῶν τὴν μάλιστα, τὴν μὲν ἐν τῇ

Ρ' ὦμι, ὅ, τε ὑπατος, καὶ ὁ Λεντῦλος ὁ Πάπλιος, ὁ
 μετὰ τῷ ὑπατείᾳ ἐκ τῆς γενεᾶς ἐκπεσόν, ἔστρα-
 τήγει γὰρ, ὅ, παρ τῶν βαλῶν ἀναλάβη. Idem etiam
 testatum reliquit Plutarchus his uerbis: Τὸς δὲ ὑπολι-
 φθόντας εἰ τῇ πέλει, τῇ διεφθαρμένῳ ἑκτὸς τῶ
 Καπλίνῳ, σὺν ἡγε, καὶ παρεδ' ὄρῳε Κορνήλιος
 Λέντλος Στρατὸς ἐπὶ κλησιν, ἀνὴρ γαῖας μὲν εἰδόξος,
 βεβιωκὸς δὲ φάουλός, καὶ δι' αἰτέλειαν ἡλεηλαμέ-
 νος τῆς βαλῆς πρότερον. τότε δὲ ἔστρατηγὸν τὸ δέυτε-
 ρον: ὡς ἔθ' ὅτι τοῖς ἡγεμενοῖς ἀνακταμένοισι τὸ
 βαλὺν πικρὸν ἀξίωμα. atque hinc intelligendum est, quod
 ait Sallustius, eum Romae consulare imperium habuisse.

IN CVSTODIAM TRADERET V.R. Lē-
 tulus P. Lentulo Spintheri, qui tum edilis erat; Cethe-
 gus Q. Cornificio; Statilius C. Caesari, Gabinius M.
 Crasso, Caeparius, paulo ante ex fuga retractus, Cn.
 Terentio senatori traditi sunt. Sallustius.

M. CAEPARIVM. In uulgatis Sallustij codici-
 bus hic Q. Caeparius uocatur. Ita enim ibi legitur: Igi-
 tur, confirmato animo, uocari ad sese iubet Lentulum,
 Cethegum, Statilium, Gabinium, itemq; Q. Caeparium
 Tarracinensem, qui in Apuliam ad concitanda seruitia
 proficisci parabat. At enim in illo, quem mihi, ut ante
 dixi, Fr. Capellius, Bernardi F. probus ac studiosus ado-
 lescens, dono dedit, ita legitur: Vocari ad sese iubet
 Lentulum, Statilium, Gabinium, itemq; quendam Cae-
 parium Tarracinensem, &c. itaq; nulla in eo appellan-
 do inter Ciceronem & Sallustium discrepantia est.

IN Q. MANLIVM CHILONEM. mihi uer-

ro minime displicet doctissimi hominis Siluij coniectura, qui hunc Magium, non Manlium uocatum putat. **NOVEM HOMINVM POENA.** Nouem illos intelligit, quos modo nominauit: Lentulum, Cethegum, Statilium, Gabinium, Cassium, Caparium, Furium, Magium, & Umbrenum. neque tamen illi omnes postea interfecti sunt: sed tantum Lentulus, Cethegus, Statilius, Gabinus, Caparius. ceteri, ut opinor, comprehendi nequiverunt. Cicero pro Sylla: Sine delectu, sine armis, sine exercitu, quinque hominibus comprehensis, atque confosis, incensione urbem, interuicione ciues, uastitate Italiam, interitu reip. liberataui. Et paulo post: Domicilium imperii, quinque hominum amentium ac perditorum poena redemi. Idem Sallustius quoque testatur.

C I C E R O

Atque etiam supplicatio diis immortalibus pro singulari eorum merito, meo nomine decreta est Quirites: quod mihi primum post hanc urbem conditam togato contigit: & his decreta uerbis, quod urbem incendiis, caede ciues, Italiam bello liberassent, quæ supplicatio si cum ceteris conferatur Quirites, hoc intersit, quod ceteræ bene gesta, hæc una conseruata reip. constituta est. atque illud, quod faciendum primum fuit, factum atque transactum est. nam P. Lentulus, quanquam patefactus indicis,

supplicatio
mbr

dictis, & confessionibus suis iudicio senatus non modo prætoris ius, uerum etiam ciuis amiserat; tamen magistratu se abdicauit; ut, quæ religio C. Mario clarissimo uiro non fuerat, quo minus C. Glauciam, de quo nihil nominatim erat decretum, prætorem occideret, ea nos religione in priuato P. Lentulo puniendo liberaremur.

*magistratu
hic abdicauit. L. C. M.
lib.*

M V R E T V S

ATQUE ETIAM, SUPPLICATIONIO.

De hac supplicatione ita ipse loquitur Philippica I. I. L. Cotta, uir summo ingenio, summaq; prudentia, rebus ijs gestis, quas tu reprehendis; supplicationem decreuit uerbis amplissimis: eiq; illi ipsi, quos modo nominauit, consulares, senatusq; cunctus assensus est. qui hodie nos post conditam hanc urbem habitus est togato ante me nemini. Idem in epistola ad Catonem: Tu idem mihi supplicationem decreuisti togato, non, ut multis, re bene gesta; sed, ut nemini, conseruata. Idem multis alijs locis commemorat: fuit enim, ut notum est, ad modum περιωτόλογος. Quintilianus quoque libro secundo: Num igitur, inquit, negabitur deformem Pyrrhi pacem Cacus ille Appius dicendi uiribus diremisses aut non diuina M. Tullij eloquentia & contra leges agrarias popularis fuit; & Catiline fregit audaciam, & supplicationes, qui maximus honor uictoribus bello ducibus datur, in toga meruit? Putabatur autem supplicatio esse prerogatiua triumphi ut e Catonis epi-

stola cognoscitur .

SI CVM CETERIS CONFERATUR, omnes libri ueteres, si cum ceteris supplicationibus conferatur . quod ualde placet.

VT QVAE RELIGIO. Religio est, ualet, uereor, non audeo, uito aliquid, tanquam in quo sit quippiam mali ominis. Terentius :

Tum quod dem ei, recte est . nam, nihil esse, mihi religio est dicere .

VT QVAE RELIGIO. commendat senatum, ex comparatione eius, quod à C. Mario factum fuerat . C. Mario tantum commissa erat à senatu resp. nihil nominatim de Glaucia decretum erat.

At senatus non tantum mihi remp. commisit: sed etiã nominatim decreuit, ut Lentulus in custodiam traderetur, quo decreto, uidetur cum condemnasse .

Glaucia praetor erat .

Lentulus, patefactus indicijs, & confessionibus suis, non modo praetoris ius, uerumetiam ciuis amiserat.

C. tamen Mario religio non fuit, Glauciam interficere .

Nos ut ea religione liberaremur, uoluit senatus,

Lentulum praetura se abdicare .

C. GLAUCIAM. de hoc, primo commentario dictum est.

C I C E R O

Nunc, quoniam Quirites sceleratissimi periculosissimiq; belli nefarios duces ca-

ptos iam, & comprehensos tenetis, existimare debetis, omnes Catilinæ copias, omnes spes, atque opes, his depulsis urbis periculis, concidisse. quem quidem ego cum ex urbe pellebam, hoc providebam animo Quirites, remoto Catilina, non mihi esse P. Lentuli somnū, nec L. Cassii adipē, nec C. Cethegi furiosam temeritatem pertimescendam. ille erat unus timendus ex his omnibus, sed tandū, dum mœnibus urbis continebatur: omnia norat: omnium aditus tenebat: appellare, tentare, sollicitare poterat, audebat: erat ei consilium ad facinus aptū: cōsilio aut neque lingua, neque manus deerrat. iam ad ~~ceteras~~ res conficiendas certos homines delectos ac descriptos habebat: neque uero, cum aliquid mandauerat, confectum putabat. nihil erat, quod non ipse obiret, occurreret, uigilaret, laboraret: frigus, sitim, famem ferre poterat, hunc ego hominem tam acrem, tam parum, tam audacem, tam callidum, tam in scelere uigilantem, tam in perditis rebus diligentem nisi ex domesticis insidiis in castrense latrocinium compulissem; (dicam id, quod sentio, Quirites) non facile hanc tantam molem mali à ceruicibus uestris de

Cer. h. y

pulisset. non ille vobis Saturnalia constit-
 tuisset; neque tanto ante exitum, ac fati-
 diem reip. denunciasset; neque commissis-
 set, ut signum, ut literæ suæ, testes deni-
 que manifesti sceleris deprehenderentur.
 quæ nunc illo absente sic gesta sunt, ut nul-
 lum in priuata domo furtum unquam sit
 tam palam inuentum, quam hæc tanta in
 remp. coniuratio manifestò inuenta atque
 deprehensa est. quod si Catilina in urbe ad
 hanc diem remansisset: quanquam, quoad
 fuit, omnibus eius consiliis occurri, atque
 obstiti; tamen, ut leuissime dicam, dimi-
 candum nobis cum illo fuisset; neque nos
 unquam, dum ille in urbe hostis fuisset,
 tantis periculis remp. tanta pace, tãto ocio,
 tanto silentio, liberassemus.

M V R E T V S

NUNC QUONIAM QUIRITES. confirmat
 nunc, exposita tota re, animos populi: ostenditq;, quan-
 ti publice interfuerit, Catilinam ex urbe pelli: nunquam
 enim futurum fuisse, ut hæc tam facile reprimerentur,
 si ille in urbe remansisset.

SCELERATISSIMI. quoniam à ciuibus in pa-
 triam.

PERICVLOSISSIMI QVE. quoniam dome-
 sticum, ac intestinum.

SPES ATQVE OPES. *quidam libri ueteres, Spes, opesq;.*

P. LENTULI SOMNUM. *de hoc, & de Cethegi temeritate iam diximus.*

NEC L. CASSII ADIPEM. *stoliditatem in se, atque inertiam significat. qua de re Asconius: Cassium, inquit, qui iners, ac stolidus tum, magis quam improbus, uideretur, post paucos menses in coniuratione Catiline esse apparuit, ac cruentissimarum sententiarum fuisse auctorem.*

IAM AD CETERAS RES. *Iam ad certas res, omnes libri ueteres. & ita emenda.*

NEQVE VERO CVM ALIQUID MANDAUERAT. *Homines acres, atque in agendis rebus exercitati, obire ipsi potius omnia, quam mandare alijs, solent: quo nomine Philippum etiam alicubi commendat Demosthenes. notus est apologus, qui est apud Gellium, de cassita.*

EXITIVM, AC FATI DIEM. *ueteres libri, Exitij, ac fati diem. quod probo.*

IN REM P. *ijdem omnes libri, In republica. quod placet. non enim pendet à nomine, Coniuratio: sed respondet ei, quod paulo ante dictum est: In priuata domo.*

TANTO OCIO. *sic primo de officijs: Neque enim in rep. periculum fuit grauius unquam, nec maius ocium. ita enim recte emendauit hunc locum Petrus Victorius.*

Quanquam hæc omnia Quirites ita sunt à me administrata, ut deorum immortalium nutu atque consilio & gesta & prouisa esse uideantur. idq; cum coniectura consequi possumus, quòd uix uidetur humani consilii tantarum rerum gubernatio esse potuisse: tum uero ita præsentes his temporibus opem & auxilium nobis tulerunt, ut eos pene oculis uidere possemus. nam ut illa omittam, uisas nocturno tempore ab accidente faces, ardoremq; cœli, ut fulminum iactus, ut terræ motus, ceteraq; quæ tam multa nobis cōsulibus facta sunt, ut hæc, quæ nunc fiunt, canere dii immortales uiderentur: hoc certe Quirites, quod sum dicturus, neque prætermittendum, neque relinquendum est. nam profecto memoria tenetis, Cotta, & Torquato consulibus, complures in Capitolio turres de cœlo esse percussas, cum & simulacra deorum immortalium depulsa sunt, & statux veterum hominum deiectæ, & legum aræ liquefacta. tactus est etiam ille, qui hanc urbem condidit, Romulus, quem inauratum in Capitolio, paruum, atque lactentē, uberibus lupinis inhiantem, fuisse memi-

nitis. quo quidem tempore, cum haruspices ex tota Etruria conuenissent, cædes, atque incendia, & legum interitum, & bellum ciuile ac domesticum, & totius urbis ac imperii occasum appropinquare dixerunt, nisi dii immortales omni ratione placati suo numine prope fata ipsa flexissent.

M V R E T V S

Q V A N Q V A M H A E C O M N I A. Hæc πρὸς τοὺς ἀκούοντες quædam est ad explicanda ea, quæ de prodigijs, ac significationibus deorum immortalium dictus est. Harum ego, inquit, rerum omnium tantum mihi scire fui: dii immortales ipsi duces, atque auctores fuerunt. id probat duobus argumentis: primum, quod tantarum rerum gubernatio uix humani consilij esse uideatur: deinde, quod illi multis, ijsq; apertissimis signis uoluntatem suam patefecerint.

N A M, V T I L L A O M I T T A M. Cicerone consule, multa prodigia facta sunt, quibus periculum reip. portenderetur. Ea ita exponit Iulius Obsequens. M. Cicerone (in impressis libris inepte legitur, M. Cesone) C. Ant. dno Cos. Fulmine pleraque decussa. Sereho,* Var. guntius Pompeius de cælo exanimatus. Trabs ardens ab occasu ad cælum extenta. Terræ motu Spoletum totum concussum, & quædam corruerunt. Inter alia relatum biennio ante in Capitolio lupam Remi & Romuli fulmine ictam. signum Iouis cum columna disiectum, haruspicum responso in foro repostum. tabulæ legum enee,

literis liquefactis. ab his prodigijs Catiline nefaria
 conspiratio coepta. & paulo post. Lupi in urbe uisi. no-
 cturni ululatus flebiles canum auditi. simulacrum Mar-
 tis sudauit. fulmen tota urbe peruagatum pleraque deo-
 rum simulacra decussit, homines exanimauit. Et Dio:
 Ὡδὶ μὲν ἐν τούτοις ἔχαιρον οἱ Ῥωμαῖοι. τὰ δὲ δὴ τέρεα-
 τα καὶ πάνν αὐτοὺς ἐθορύβει. ὧ γὰρ τῷ Καπιτω-
 λίῳ ἀνδριάντες τε πολλοὶ ἕως κεραυνῶν συνεχώνθε-
 θησαν, καὶ ἀγάλματα ἄλλα τε, καὶ Διὸς Ὡδὶ κί-
 ον ἰδρυμένον, εἰκὼν τέ τις λυκαίνης σὺν τε τῷ Ῥώμῳ,
 καὶ σὺ τῷ Ῥωμύλῳ ἰδρυμένη ἔπιτε, πῖτε γράμμα-
 τα τῶν θεῶν, ἐς αἷς οἱ νόμοι ἐσε γράφοντο, συνεχύ-
 θη, καὶ ἀμύδρῳ ἐγένετο. τὰ τε ἐν ἄλλῃ ἰζεδύοντο,
 τοῖς μάλιστα πειθόμενοι, ὅ τῳ Διὶ ἀγάλμα μᾶζον
 πρὸς τε ταῖς ἀντολῇς, καὶ πρὸς τὴν ἀγορὰν βλέπον,
 ὅπως αἱ σιωποσύναι, ἐφ' ὧν ἐταράσσοντο, ἐκφανέσιν,
 ἰδρωθῆναι ἐβλήφισαντο. Sed ea omnia nemo melius, ne-
 mo copiosius persecutus est, quam Cicero ipse longe pul-
 cherrimis uersibus, quos recitat Quintus libro primo
 de diuinatione.

VT TERRAEMOTVS, CETERAQVE.
 omnium librorum ueterum auctoritate permotus, ita lo-
 cum hunc emendandum censeo: Vt terrae motus relinqua,
 ut omittam cetera, quae tam multa &c.

CANERE. predicere. ductum à uatibus. sic locutus
 est & in ijs, quos ante dixi, uersibus:

Hec fore, perpetuis signis, clarisq; frequentans,
 Ipse deum genitor caelo terrisq; canebat.

NEQVE PRAETERMITTENDVM, NE

QUE RELINQUENDVM. prætermittimus ea,
quæ ne attingimus quidem: relinquinus iam suscepta. fie-
ri etiam potest, ut duo idem ualentia coniunxerit: ut Te-
rentius:

Neque boni, neque liberalis functus officium' st uiri.
COTTA ET TORQUATO COS. Teneri
non possum, quin hoc loco uersus Ciceronis, quibus hæc
continentur, propter mirificam ipsorum pulchritudin-
em, ascribam.

Nunc ea, Torquato quæ quondam & consule Cotta,
Lydius ediderat Tyrrhenæ gentis haruspex,

Omnia fixa tuus glomerans determinat annus:

Nam pater altitonans, stellanti nixus olympo,

Ipsè suos quondam tumultos, ac templa petiuit,

Et Capitolinis iniicit sedibus ignes.

Tum species ex ære uetus, generosaq; Natta

Concidit, elapseq; uetusto numine leges:

Et diuum simulacra peremit fulminis ardor.

Hic siluestris erat Romani nominis altrix

Martia. quæ paruos Mauortis semine natos

Vberibus grauidis uitali rore rigabat:

Quæ tum cum pueris flammato fulminis ictu

Concidit, atque auulsa pedum uestigia liquit.

Tum quis non, artis scripta & monimenta uolutans,

Voces tristificas chartis promebat Etruscis?

Omnes ciuili generosa stirpe profectam

Vitare ingentem cladem, pestemq; monebant;

Vel legum exitium constanti uoce ferebant:

Templa deumq; adeo flammis, urbemq; iuebant

Eripere & stragem horribilem, eademq; uereri.
HARVSPICES EX TOTA ETRURIA.
 Cicero de diuinatione. Etruria autem de cœlo tacta
 scientissime animaduertit; eadem interpretatur, quid
 quibusque ostendatur monstris, atque portentis. quon-
 circa bene apud maiores nostros senatus, tum cum flo-
 rebat imperium, decreuit, ut de principum filijs sex sin-
 gulis Etruriæ populis in disciplinam traderentur: ne
 ars tanta, propter tenuitatem hominum, à religionis
 auctoritate abduceretur ad mercedem atque questum. et
 paulo post: Etrusci autem, quod: religione imbuti, stu-
 diosius, & crebrius hostias immolabant, extorum co-
 gnitioni se maxime dediderunt, quodq; propter aeris
 crassitudinem, de cœlo apud eos multa fiebant, &
 quod, ob eandem causam, multa inusitata partim ex
 cœlo, alia ex terra oriebantur; quedam etiam ex homi-
 num, pecudum uel conceptu, & satum; ostentorum exer-
 citatissimi interpretes extiterunt. Idem libro secundo
 de legibus: Prodigia, portenta, ad Etruscos, & ha-
 ruspices, si senatus iussit, deferunt. Etruriaq; princi-
 pes disciplinam doceto. ubi deleta particula, que con-
 iungendi uim habet, legendum censeo, Ad Etruscos ha-
 ruspices. Vide & Valerium Maximum capite primo li-
 bri primi.

FATA IPSA FLEXISSENT. Virgilius
 tamen negat, fata flecti posse.

Desine fata decem flecti sperare precando.
 At Seruius è libris haruspiciæ, quos composuisse dici-
 tur Tages, fata decem annis quadam ratione differri

posse: immutari penitus non posse. De hoc argumento extat dialogus Luciani, qui inscribitur, Ζῆς ἐλεγχόμενος, non infestius ille quidem; sed caute legendus, manifeste enim semina impietatis continet.

C I C E R O

Itaque illorum responsis tunc & ludi perdecem dies facti sunt, neque res ulla, quæ ad placandum deos pertineret, prætermissa est. iidemq; iusserunt simulacrum Iouis facere maius, & in excelso collocare, & contra atque ante fuerat, ad orientem conuertere: ac se sperare dixerunt, si illud signum, quod uidetis, solis ortum, & forum curiamq; cōspiceret, fore, ut ea consilia, quæ clam essent inita contra salutem urbis, atque imperii, illustrarentur, ut à senatu, populoq; R. perspicui possent. atque illud ita collocandum consules illi statuerunt: sed tanta fuit operis tarditas, ut neque à superioribus consulibus, neque à nobis ante hodiernum diem collocaretur.

M V R E T V S.

LUDI PERDECIM DIES. Bella ratio placandi deos. admirabilis profecto illorum temporum cæcitas fuit. quasi uero dii, itidem ut parui pueri, searias actiones oderint, & auersentur, ludos & spectacula diligant.

I I D E M Q. I V S S E R V N T. Hac de re Cicero

is uersus hi sunt:

Atque hæc fixa graui fato, ac fundata teneri,
 Ni post excisum ad columnen formata decore
 Sancta Iouis species claros spectaret in ortus:
 Tum fore, ut occultos populus sanctusq; senatus
 Cernere conatus posset, si solis ad ortum
 Conuersa, inde patrum sedes, populiq; uideret.
 Hæc tardata diu species multumq; morata,
 Consule te tandem celsa est in sede locata.
 Atque una fixi ac signati temporis hora
 Iupiter è celsa clarabat sceptræ columna,
 Ac clades patriæ ferro flammæq; paratæ,
 Vocibus Allobrogum, patribus, populoq; patebat.

C I C E R O.

Hic quis potest esse Quirites tam auer-
 sus à uero, tam præceps, tam mente captus,
 qui neget hæc omnia, quæ uidemus, præci-
 pueq; hanc urbem deorum immortalium
 nutu, atque potestate administrari? etenim
 cum esset ita responsum, cædes, incendia,
 interitumq; reip. comparari, & ea à perdi-
 tis ciuibus: quæ tum propter magnitudi-
 nem scelerum nonnullis incredibilia uide-
 bantur, ea non modo cogitata à nefariis ci-
 uibus, uerum etiam suscepta esse sensistis.
 illud uero nonne ita præsens est; ut nutu
 Iouis optimi maximi factum esse uidea-
 tur: ut, cum hodierno die mane per fo-

rum meo iussu & coniurati, & eorum indices in ædem Concordiæ ducerentur, eo ipso tempore signum statueretur: quo collocato, atque ad uos, senatumq; conuerso, omnia & senatus, & uos, quæ erant contra salutem omnium cogitata, illustrata & patefacta uidistis. quo etiam maiore sunt isti odio supplicioq; digni, qui non solum uestris domicilijs atque tectis, sed etiam deorum templis atque delubris sunt funestos ac nefarios ignes inferre conati. quibus ego si me restitisse dicam, nimium mihi summam, & non sim ferendus: ille, ille Iupiter restitit: ille Capitolium, ille hæc templa, ille hanc urbem, ille uos omnes saluos esse uoluit. diis ego immortalibus ducibus hanc mentem Quirites uoluntatemq; suscepi, atque ad hæc tanta indicia perueni. iam uero illa Allobrogum sollicitatio, iam à Lentulo, ceterisque domesticis hostibus, tanta res tam dementer credita & ignotis, & barbaris, commissæq; literæ nunquam essent profecto, nisi à diis immortalibus huic tantæ audaciæ consilium esset creptum. quid uero, ut homines Galli, ex ciuitate male pacata, quæ gens una restat, quæ populo R. bellum facere & posse, & non nolle

uideatur, spem imperii & rerum amplifi-
 simarum, ultro sibi à patriciis hominibus
 oblatam, negligerent, uestramq; salutem
 suis opibus anteponerent; id nonne diui-
 nitus factum esse putatis? præsertim qui
 nos non pugnando, sed tacendo superare
 potuerunt,

M V R E T V S

HIC QVIS POTEST ESSE. argumento à
 rebus effectis concludit totam hanc uuluerstatem, deo-
 rum prouidentia gubernari: eosq; Romani imperii præ-
 cipuam curam agere. huiusmodi autem sententiæ, ut doc-
 cet Hermogenes, orationem splendidam, & illustrem
 efficiunt.

ET EA A PERDITIS CIVIBVS. plures
 ueteres libri; Et ea per ciues. quod probor,

VT CVM HODIERNNO DIE. Errat igitur
 Dio, qui id contigisse ait, cum Cicero concionem hæ-
 beret. ita enim scribit: καὶ τῶν τε καὶ τῶ δῆμο
 ὁμοίως ἤρεσε, καὶ μάλιστα ἐπεὶ δὴ τῷ Κικέρωνι δὴ
 κατηγοροῦντός τι πῶδε αὐτῶν, τὸ ἄγχαλμα τὸ τῷ Διὶ
 ἐς τε τὸ Καπιτώλιον παρ' αὐτῶν. ὅτι καὶ τὸν τῆς ἐκεί-
 κλησίας ἀνδρῶν, καὶ κατὰ τὴν ὑφ' ἡγήσιν τῶν μακί-
 των, πρὸς τε τὰς ἀνάτολὰς, καὶ πρὸς τὴν ἀγορὰν
 βλέπων ἀνέτεθῃ ἐπεὶ δὴ γὰρ ἐκείνοι συνωμοσίαν
 πινὰ ἐξελεγχθῆσε, ὅτι ἐκ τῆς τῷ ἀγάλματι τῷ
 σεως ἐρήκεισαν, καὶ ἡ ἀνέκδοσις αὐτῶν τοῖς Φωρεθεῖ-
 σι συμβέβαινε, τὸ, τε θῆον ἐμεγάλυνον, καὶ τοὺς τῶν

αἰτίαν λαβόντας δι' ὧν ἡ μάχη ἐποιοῦτο.

IN AEDDEM CONCORDIAE. ubi habiturus erat senatum. auctor Plutarchus, & ipsemet cum in alijs locis, tum in oratione pro Sextio, & in secunda Philippica.

HVIC TANTAE AUDACIAE CONSILIVM ESSET EREPTVM. Diuinitus, opinor, ad conseruandam hominum inter se societatem conparatum est, ut in quibus est audacia, eos mente ac consilio carere, in quibus astutia & calliditas uiget, eis fere ad obscunda facinora audaciam, praesentiamq; animi deesse uideamus. haec enim utraque coniuncta si grassarentur, nulla profecto esset tanta uis, quae obsistere nefariorum hominum conatibus posset. atque huius rei causae etiam naturales reddi queunt. nam in quibus magna admodum est sanguinis copia, ii natura audaces sunt, & ad excipienda uulnera proiecti, sed simplices fere, & incauti: contra in quibus minus quidem sanguinis est, sed purioris ac subtilioris, ij timidiore quidem sunt, sed astutiores. itaque qui nascuntur in regionibus frigidis, propter eam, quam dixi, causam, audacia ualent, astu non ualent: ut Scythae, ut Germani, ut Heluetij. qui in calidis, timidi sunt, sed callidi: ut Afri, ut Hispani, ut magna pars Graecorum. adde, quod roboris ac confidentiae comes est audacia, debilitatis ac diffidentiae astutia. ideo & in bestiis non uulpes modo, sed & araneus leone aut elephanto multo callidior est: & in hominum genere mulieres fere astutiores uiris.

M V R E T V S
C I C E R O

Quamobrem Quirites, quoniam ad omnia puluinaria supplicatio decreta est, celebratote illos dies cum coniugibus, ac liberis uestris. nā multi sæpe honores diis immortalibus iusti habiti sunt ac debiti, sed profecto iustiores nunquam. erepti. n. ex crudelissimo ac miserrimo interitu; & erepti sine cæde, sine sanguine, sine exercitu, sine dimicatione, togati me uno togato duce & imperatore uicistis. etenim recordamini Quirites omnes ciuiles dissensiones, neque solum eas, quas audistis; sed & has, quas uosmet ipsi meministis & uidistis. L. Sylla P. Sulpicium oppressit: C. Marium, custodem huius urbis, multosq; fortes uiros partim eiecit ex ciuitate, partim interemit. Cn. Octavius consul armis ex urbe collegam suum expulit. omnis hic locus aceruis corporum, & ciuium sanguine redundauit. superauit postea Cinnacum Mario. tum uero clarissimis uiris interfectis, lumina ciuitatis extincta sunt. ultus est huius uictoriæ crudelitatem postea Sylla. ne dici quidem opus est, quanta diminutione ciuium, & quanta calamitate reip. Dissensit M. Lepidus à clarissimo; & fortissimo

11
D. Iunio & Manda
si. M. A. M. M. M.
e. C. C. C.

omnis hic locus aceruis corporum, & ciuium sanguine redundauit. superauit postea Cinnacum Mario. tum uero clarissimis uiris interfectis, lumina ciuitatis extincta sunt. ultus est huius uictoriæ crudelitatem postea Sylla. ne dici quidem opus est, quanta diminutione ciuium, & quanta calamitate reip. Dissensit M. Lepidus à clarissimo; & fortissimo

fortissimo uiro Q. Catulo . attulit nō tam
ipſius interitus reip. luctum, quā cetero-
rum . atque illæ diſſenſiones erant huius-
modi Quirites , quæ non ad delendam, ſed
ad commutandam remp. pertinerent . non
illi nullam eſſe remp. ſed in ea, quæ eſſet, ſe
eſſe principes ; neque hanc urbem conſla-
grare, ſed ſe in hac urbe florere uoluerunt.
atque illæ tamen omnes diſſenſiones, qua-
rum nulla exitium reip. quaſiuit , eiſmo-
di fuerunt , ut non reconciliatione concor-
diæ, ſed internecione ciuium diiudicatæ
ſint. in hoc autem uno poſt hominum me-
moriam maximo , crudeliſſimoq; bello,
quale bellum nulla unquā barbaria cū ſua
gēte geſſit, quo in bello lex hæc fuit à Len-
tulo, Catilina, Caſſio, Cethego cōſtituta, ut
omnes, qui ſalua urbe ſalui eſſe poſſent, in
hoſtium numero ducerentur, ita me geſſi
Quirites , ut omnes ſalui conſeruaremini .
& cum hoſtes uestri tantum ciuium ſuper
futurum putaffent, quantum infinitæ cædi
reſtitiffet ; tantum autem urbis , quantum
flamma obire non potuiſſet : & urbem , &
ciues integros incolumesq; ſeruauī.

M V R E T V S

AD OMNIA PVLVINARIA. *Supplicatione*

O

tamen or

A

nes interdum huic, aut illi deo, interdum ad omnia puluinaria, id est, omnibus dijs, constituebantur. Ibant per urbem coronati pueri, matrone, uirgines, non nunquam etiam laureā manu tenentes, canebantq; hymnos compositos in laudem deorum. ac decernebatur supplicatio uel ad auertendum aliquod malum, quod aut premeret, aut immineret: uel ob rem bene ac feliciter gestam.

AD OMNIA PULVINARIA. Sic XIIII. in Antonium. M. Cornutus, prætor urbanus, supplicationes per dies L. ad omnia puluinaria constituat. Liuius: Obscratiq; circa omnia puluinararia dij. Puluinaria autem erant lecti, qui sternebantur in templis, cum conuiuium dijs apponebatur, quod sacrificij genus lectisternium, aut epulum, unde epulones, aut dapem uocabant. Suetonius in Cesare: Ampliora etiam humano fastigio decerni sibi passus est: sedem auream in curia, & pro tribunali, tensam, & ferculum Circensi pompa, templa, aras, simulacra iuxta deos, puluinar, flaminem, lupercos, & cet. Cicero de eodem loquens: Quem is maiorem honorem consecutus erat, quā ut haberet puluinar, simulacrum, fastigium, flaminem? Domitianus, cum se deum esse significare uellet, uxore post diuortium reductam, dicebat, uocata in puluinar suum.

SUPPLICATIONO. qua de ita loquitur ipse, XIIII. in Antonium: Mihi consuli supplicatio, nullis armis sumptis, non ob cadem hostium, sed ob conseruationem ciuium, nouo & inaudito genere decreta

est. Porro senatus, decernenda hac supplicatione, Catilinam cum suis, non in ciuium, sed in hostium numero habendos iudicauit. nunquam enim in ciuili bello supplicatio decernebatur.

ILLOS DIES. multorum dierum fuisse hanc supplicationem significat. quot autem fuerit, non constat.

ET ENIM RECORDAMINI. contendit hanc coniurationem cum ijs, quæ antecesserant, dissensionibus ciuilibus: eamq; multo atrociorē ac periculosiorē fuisse demonstrat. Simulq; confirmat, quod modo dixerat, nunquam iustiores honores diis immortalibus habitos: nunquam enim remp. ē maiori periculo creptam fuisse.

EAS, QVAS AVDISTIS. ut secessiones plebis in Sacrum montem, in Auentinum.

SED ET EAS, QVAS VOS METIPSI. ut quas ipse mox commemoraturus est.

L. SYLLA. P. SVLPICIUM. Hæc historia cognosci potest ē libro LXXVII epitomes Liuiane, ē L. Floro, libri tertij cap. XXI. ex Appiani libro primo de bellis ciuilibus, ē Plutarcho in Sylla, & in Mario. sed qui eam & diffuse satis, & terse imprimis atque eleganter explicatam uidere auct, legat Velocium in posteriori uolumine.

CVSTODEM HVIVS VRBIS. hoc dicit propter bellum Cimbricum. Vide librum LXVIII. epitomes Liuiane.

CN. OCTAVIVS COS. uide eosdem, quos paulo supra citauimus.

COLLEGAM SVVM. *¶* Cornelium Cinnam.
OMNIS HIC LOCVS. forum.

CLARISSIMIS VIRIS INTERFECTIS. de quibus, præter eos, quos nominavi, uide etiam Ciceronem principio libri tertij de oratore.

SYLLA. uir, ut ait Paterculus, qui neque ad finem uictoriæ satis laudari, neque post uictoriam abunde ut tuperari potest. *¶* alibi, Sylla, inquit, adeo dissimilis fuit bellator, ac uictor, ut, dum uincit, iustissimo lenior, post uictoriam, audito fuerit crudelior. Post uictoriam, descendentem in forum Syllæ, ut auctor est Seneca, populus gladio summouebatur. de crudelitate ipsius uide Valerium Maximum libri noni capite secundo.

QUANTA DIMINVTIONE CIVIVM. Apud Sacriportum, apud Collinam LXX amplius milia Sylla concidit. bellum erat. Quatuor millia deditorum ciuium in uia publica interfici iussit. isti tot in pace, non plures sunt? Quis autem illos potest computare, quos in urbe passim, quisquis uoluit, occidit? donec, admonente Fuffidio, uiuere aliquos debere, ut essent, quibus imperaret; proposita est ingens illa tabula, *¶* ex ipso equestri ordinis flore, ac senatu, duo millia electi, qui mori iuberentur. Hæc Florus: cuius uerba uel ob id recitanda duxi, ut recte distinguerem. nam quomodo in impressis libris leguntur, intelligi non queunt. senatorum autem capita ad Seruiliū lacum appendebantur. unde Cicero pro Roscio Amerino: Multos, inquit, cæsos, non ad Thrasimenum lacum,

sed ad Seruiliū uidemus . quem locum quia interpretum alij à se non intelligi fatentur , ut Siluius ; alij inepte exponunt , ut Latomus ; alij , ut Saxoniū , Hotomanius , nihil aliud afferunt , nisi illud ex Festo , lacum Seruiliū Romæ à conditore Seruilio nominatū fuisse : opere precium puto esse , aliquid ei lucis afferre . de hoc igitur lacu , Iulij Firmici è libro primo matheseos uerba sunt : Vis ne aliquid tibi , quia in Syllanis temporibus immoramur , de lacu Seruilio referam ? in quo multorum senatorum capita , ad ostentationem inhumanissimi facinoris , sectis ceruicibus pependērunt . Seneca autem in libro singulari de diuina prouidentia : Videant , inquit , largum in foro sanguinem , & supra Seruiliū lacum (id enim proscriptionis spoliarium est) senatorum capita , & passim uagantes per urbem percussorum greges , & multa millia ciuium Romanorum uno loco post fidem , imo per ipsam fidem , trucidata . Horum locorum collatione , quantopere Ciceronis uerba illustrentur , nemo , ut opinor , non uidet .

DISSENSIT M. LEPIDVS . cum impedire , ne Sylla in campo Martio sepeliretur , (qui honos regibus tantū , ante Syllam , tributus fuerat) & acta illius rescindere conaretur . Liniū libro XC . Appianus libro primo de bellis ciuilibus . Plutarchus in Pompeio . Florus libri tertij capite ultimo .

Q. CATVLO . hic est Catulus ille , qui Cicero nem patrem patriæ nominauit : quiq; tum erat princeps senatus , atque adeo ciuitatis .

NON TAM IPSIVS INTERITVS . an ,

quòd ipse ciuis seditiosus ac reip. inutilis foret? Apud Plutarchum quidem certe Sylla eum hominem omnium nequissimum uocat. ita enim alloquitur Pompeium, cuius ille opera consul prior renunciatus erat, Πῶς γὰρ ἐχὶ ταῦτα γενναῖα, καὶ καλὰ καὶ τὰς πᾶσι τῶν ἀρίστων, λέπιδον τῶν πάντων καὶ κιστὴν ἀποδείχθῃν καὶ πρότερον ὑπ' αὐτοῦ, οὗ τὸν δῆμον ἔτω παρασκευάσαντος; ac Plutarchus ait, eum, Sylla mortuo, statim aperte cepisse insinuare se in eam ipsam potentiam, quam Sylla in ciuitate obtinuerat. sed uerba, quibus hoc Plutarchus declarat, absurdissime conuersa sunt ab illo nescio quo, qui Pompeij uitam latine interpretari uoluit. an, ut Catulo gratificetur, ita loquitur? neque enim eiusdem hominis erat, qui Catulum laudasset, dicere, Lepidi mortem reip. luctum attulisse. atque animaduerte, quàm considerate loquatur. non enim prorsus negat, Lepidi mortem luctuosam fuisse: agit enim ad populum: & Lepidus tenuiorum se propugnatorem aduersus Syllanos haberi uoluerat: sed negat eam tam luctuosam fuisse, quàm ceterorum.

ATQVE ILLAE DISSENSIONES. omnes ueteres libri: Atque illæ tamen omnes dissensiones. quod perspicue uerum est. eadem autem uerba paulo infra repetit.

COMMVTANDAM. quòd alij penes senatum, alij penes populum esse rerum summam uolebant.

ATQVE ILLAE TAMEN. duplex hic comparatio est. Superiores illæ dissensiones ad commutan-

dam tantum, hæc coniuratio ad extinguendam remp. pertinebat. Illæ diiudicatæ sunt non recõciliatione concordie, sed internecione ciuium : hæc oppressa est salua urbe, saluisq; omnibus bonis.

C I C E R O

Quibus pro tantis rebus Quirites nullum ego à uobis præmium uirtutis, nullū insigne honoris, nullum monimentū laudis postulo, præterquam huius diei memoriam sempiternam. in animis ego uestris omnes triumphos meos, omnia ornamenta honoris, monimenta gloriæ, laudis insignia condi & collocari uolo. nihil me mutum potest delectare, nihil tacitū, nihil denique huiusmodi, quod etiam minus digni assequi possint. memoria uestra Quirites nostræ res alentur, sermonibus crescent, literarum monimentis inueterascent, & corroborabuntur: eandemq; diē intelligo, quam spero æternam fore, & ad salutem urbis, & ad memoriam consulationis mei propagatam; unoq; tempore in hac rep. duos ciues excitasse, quorum alter fines uestri imperii non terræ, sed cœli regionibus terminaret, alter eiusdem imperii domicilium, sedesq; seruaret. sed quoniam earū rerū, quas ego gessi, non est eadē

fortuna, atque cōditio, quæ illorum, qui
 externa bella gesserunt; quòd mihi uiuen-
 dum est cum illis, quos uici, ac subegi; il-
 li hostes aut interfectos, aut oppressos reli-
 querunt: uestrum est Quirites, si ceteris
 sua recte facta profunt, mihi mea ne quan-
 do obsint, providere: mentes enim homi-
 num audacissimorum sceleratæ, ac nefariæ
 ne uobis nocere possent, ego providi; ne
 mihi noceant, uestrum est providere: quā-
 quam Quirites mihi quidem ipsi nihil iā
 ab istis noceri potest: magnum enim est
 in uobis præsidium, quod mihi in perpe-
 tuum comparatum est; magna in rep. di-
 gnitas, quæ me semper tacita defendet;
 magna uis est conscientiæ; quam qui ne-
 gligent, cum me uiolare uolent, se ipsi in-
 dicabunt: est etiam in nobis is animus
 Quirites, ut non modo nullius audaciæ
 cedamus, sed etiam omnes improbos ul-
 tro semper laceffamus. quòd si omnis im-
 petus domesticorum hostium, depulsus
 à uobis, se in me unum conuerterit: uo-
 bis erit providendum Quirites, qua con-
 ditione posthac eos esse uelitis, qui se pro
 salute uestra obtulerint inuidiæ pericu-
 lisq; omnibus: mihi quidem ipsi, quid est,

quod iam ad uitæ fructum possit acquiri:
 præsertim cum neque in honore uestro, ne
 que in gloria uirtutis quicquam uideam
 altius, quò quidem mihi libeat ascende-
 re. illud profecto perficiam Quirites, ut
 ea, quæ gessi in consulatu, priuatus tuear,
 atque ornem: ut, si qua est inuidia in con-
 seruanda rep. suscepta, lædat inuidos, mi-
 hi ualeat ad gloriam. denique ita me in
 rep. tractabo, ut meminerim semper co-
 rû; quæ gesserim, curemquæ ut ea uirtute,
 non casu gesta esse uideantur. Vos Qui-
 rites, quoniam iam nox est, ueneramini
 illum Iouem custodem huius urbis, ac ue-
 strum, atque in uestra tecta discedite, & ea
 quanquam iam periculum est depulsum,
 tamen æque, ac priori nocte fecistis, custo-
 diis, uigiliisquæ defendite. id ne uobis diu-
 tius faciundum sit, atque ut in perpetua
 pace esse possitis, providebo.

M V R E T V S

QVIBVS PRO TANTIS REBUS. Hæc
 peroratio est, qua ciues orat, ne huius beneficii me-
 moriam ex animis suis effluere patiantur: nullum se
 aliud ab eis premium postulare. deinde, quasi iam
 tum prospiciens eas calamitates tempestates, quibus
 ipse postea iactatus est, commendat eorum fidei salutem

M V R E T V S

suam . ad extremum , confirmat se qualis fuerit consul ,
talem etiam priuatum in tuenda rep. fore.

EANDEM QVE DIEM INTELLIGO .

Dies hic idem ualet , quod tempus : ut in Diuinatione ,
Eiduo breuiorem diem . quod autem hic dicit Cicero , ta
le est . intelligo , eandem diem , id est , idem tempus pro
pagatum esse & ad salutem urbis , & ad memoriam cō
sulatus mei : quod quidem tempus spero . eternum fore .
itaque quandiu stabit urbs , tandiu recordabuntur ho
mines , uno tempore duos in hac rep. extitisse ciues , &c.
Se autem , & Cn. Pompeium significat .

QVO' QUIDEM MIHI LIBEAT ASCEN
DERE . nam nullus est magistratus superior consula
ty , præter dictaturam . hanc autem optare , boni ciuis nō
esset . non enim fere dicebatur dictator , nisi periculosis
simis reip. temporibus .

VIRTUTE NON CASV . interdum enim etiā
prauī homines casu aliquid præclarum & memorabile
perficiunt : sed postea redeunt ad ingenium : atque hoc
ipso indicant , id uirtute gestum non esse . unde Cicero
de L. Trebellio loquens , qui cum aliquando bonus ciuis
fuiſſet , postea se ad Antonium contulerat , Quis , inquit ,
est , qui hunc non casu existimet recte fecisse ? A

QVONIAM IAM NOX EST . hanc oratio
nem habitam esse sub noctem , Plutarchus quoque ten
stat .

Reliqua sic à me aguntur et agerentur , ut non com
mittantur , ut ea quæ gerimus , fortuito gessisse uideamur .

A contra
de se in
extremo

primo ad Atticum .

M. ANTONII MURETI AD LEONARDVM MOECENICVM, P. V.

Quartæ orationis in Catilinā explicatio.

1 præmijs tantum, Moecenice, & ijs
 præmijs, in quibus præcipuam felicitatis partem vulgaris opinio constituit, ad benemerendum de humano genere præstanti homines ingenio adducere-
 tur: multos, ut opinor, & certe, ab instituto uirtutis itinere animaduersa superiorum ætatum exempla reuocarent. nam si replicare memoriam temporum, & antiquitatis monumenta excutere uelimus; deprehendemus, unaquaque in rep. eos fere, quorum plurima in eam extabant, maximaq; beneficia, omni scelere laceratos, omni crudelitate raptatos, omni acerbitatis genere diuexatos fuisse. quod quamuis ita exploratum est & tibi & ijs omnibus, qui operæ aliquid in antiquitatis cognitione posuerunt, uix ut confirmationis indigeat: tamen, ut, siqua esse potest, dubitatio eximatur, aliquot, quæ mihi nunc in mentem ueniunt, illustria eius rei exempla subiiciam. Primæ autem in hac cogitatione occurrunt illæ omnium laudandarum artium, ipsæque adeo humanitatis parentes Athenæ: quam optimis studijs deditam, refertam assidue, atque, ut ita dixerim, sætam eruditissimis hominibus ciuitatem cui unquam insigniter adiuuare, impune licuit? non illa Miltiadem, Cimonem, Themistoclem, Aristidem, Aeschinem, Demosthenem, quorum omnium summis erat usa

beneficiis, in exilium pepulit? non illud probitatis, modestiæ, integritatis, sapientiæ specimen Socratem ueneno necauit? & constituto aduersus impios, ac prauæ de rebus diuinis sentientes supplicio cum potissime affecit; qui unus ex omnibus ad ueram dei cognitionem proxime accesserat? sed Romana res. quanto ceteras omnes magnitudine uirium, atque imperij amplitudine superauit; tanto maiorem nobis, atque ampliorem huius generis exemplorum copiam subministrat. cuius in historiam quisquis ingreditur, is in ipso quasi uestibulo illum ipsum urbis parentem Romulum senatorum manibus crudelissime discerptum, ac dilaniatum uidet. quod si tam horrendi facinoris immani atrocitate spectata, intrò tamen ire perrexerit, non longe progressus, obuium habebit Collatinum, ob inanem popularis suspicionis auram, in exilium proficiscentem ea ex urbe, quam ipse magna ex parte dominatu regio liberaerat. Atque ut Coriolanum tacitus prætereat, Marcum certe Camillum, haud facile dixerim, militari ne uirtute, an fide, iustitiâq; maiorem, & mirabitur, & miserabitur eadem calamitate perculsum. Scipionem uero illum, de quo uere scripserat Ennius, nullam ei statuam, nullam columnam à populo R. erigi posse, quæ magnitudini rerum ab ipso gestarum responderet, quis est, qui cum intellexerit eò post tot tamq; insignes uictorias redactum, ut exilium sibi suapte sponte consciuerit, non debilitetur, ac concidat animo; planeq; iudicet, nullam ijs attingendam esse reip. partem, qui comamodo ac tranquillitati suæ consultum uelint? Quid iam

illos turbines, illas procellas, illas tempestates ciuiliū
dissensionum cōmemorem? quibus nō unus aut alter prae-
clarus & salutaris reip. ciuis perculsus est: sed ipsi acer-
ui, ipsa millia immortalitate dignorum hominum ne-
farijs consceleratisimorum latronum manibus truci-
da iacuerunt. O acerbū illud, & uel Romani nomi-
nis hostibus miserabile spectaculum; cum passim per-
uias immanium gladiatorum in principes ciuitatis de-
bacchabatur furor: cū qui aliquando reip. praesidio fue-
rant, eis nullum in ciuitate praesidium reperiebatur:
cum quorum eloquentia ipsis gloria, alijs admiratio-
ni, reip. saluti fuerat, eorum ex illis ipsis Rostribus, ē qui-
bus tam sepe concionati erant, incisis ceruicibus, capi-
ta sanguinolenta pendebant. sed ut haec mittamus; qui-
bus satis dolenter deplorandis, alicuius eorum, qui tunc
occubuerunt, opus esset ingenio: Ciceronis casus, to-
tiusq; uitae iactatio quem non, qui in iuuanda patria
commodum suum, aut aliquod eiusmodi praemium seque-
tur, à reip. tractatione deterreat? cuius enim unquam
hominis uel plura, uel maiora merita populus Romanus
habuit? at ille tamen, cui senatus togato supplicationem
decreuerat, quem Q. Catulus, princeps senatus, quem
M. Cato, quem multi alij parentem patriae meritisimo
uocauerant, cui L. Gellius coronam ciuicam à rep. debe-
ri dixerat, quid non postea calamitatum, indignitatum,
acerbitatum in ea, quae ipsius consilij stabat, ciuitate
perpeffus est? ipse in exilium ab homine teterrimo pul-
sus, direpta bona, uexata uxor, uexati liberi, domus
incensa: quicquid denique meruerat Clodius, Cicero per

tulit: & eas ob ipsas res pertulit, quibus nulla satis ampla præmia poterant inueniri. Quocirca si sola, ut initio dixi, præmiorum expectatione præclari uiri ad uirtutem, & ad iuuandum genus hominum adducerentur: multi sine dubio, cognitis aliorum casibus, à proposito abducerentur. Sed est profecto Mocenice, est maior quedam uis, quæ tibi, ac tui similibus persuadeat, uirtutem non modo detractis omnibus premijs, uerum etiam propositis omnibus supplicijs, esse expetendam: pulchrum esse adiuuare ciues suos, & omnes curas, omnes cogitationes, omnes uigilias in reip. salute defigere; nullum eius causa periculum, nullam inuidiam, nullam dimicationem desugere: ciues beneficijs affecti si quid præmiorum retulerint, non repudiandum: sin parum grati, parumq; memores fuerint, quid denique nos reip. non quid alij nobis debeant, cogitandum. sæpe enim ex te audiui, cum diceres, gratulari te tibi, & magnam gratiam debere omnium rerum moderatori deo, quod ea in rep. natus esses, in qua uerendum non esset, non modo ne quisquam ob uirtutem in inuidiam uocaretur, sed ne uel minimis in rep. beneficijs sua præmia denegarentur: sed tamen si uixisses illis temporibus, & optionem tibi deus tulisset, Ciceronis fortunam ab urbe conseruata exulantis, fortunæ Caesaris, in eadem oppressa dominantis, antepositurum fuisse. Ac plane ita est, ut dicam. gratuita prorsus, non mercenaria est uirtus: neque præmiorum mercedibus ad recte agendum excelsio homines ingenio, sed ipsa dignitate, atque honestate ducuntur, aut si quando de aliquo premio co-

gitant, de gloria, deq; immortalitate nominis cogitant:
cuius splendore capti & incensi, omnia que aspera,
molesta, difficilia perpeſſu, impatibilia creduntur, uel
non ſentiunt, uel deſpicatui ducunt. neque uero M. Tul-
lius, cum de coniuratis ſupplicium ſumeret, non iam
tum cogitatione præcipiebat eas tempeſtates, quibus
poſtea uexatus eſt. Sed animus & à natura præclare
conformatus, & ſapientiæ præceptis aduerſus omnes
uel fortunæ, uel hominum iniurias confirmatus, multo
pluris ducebat eam pulchritudinem, eamq; gloriam,
que in conſeruanda patria eſſet, quàm omnes acerbis-
ſimas, quas ipſi poſtea perditorum hominum inflama-
mata odio rabies obijcere poſſe uideretur. Hanc ip-
ſius rationem ac ſententiam fuiſſe, cum alia multa,
tum hæc, quam explicare ingredimur, oratio mani-
feſto declarat.

M. TVLLII CICERONIS IN L
CATILINAM IN SENATV,
ORATIO IIII.

u Ideo P.C.in me omnium ue
strum ora , atque oculos esse
conuersos : uideo uos non
solum de uestro , ac reip. ue
rum etiam , si id depulsum
sit , de meo periculo esse sollicitos. est mihi
iucunda in malis , & grata in dolore uestra
erga me uoluntas : sed eam per deos im
mortales quæso deponite , atque oblitiscamur
salutis meæ , de uobis , ac de liberis uestris
cogitate. mihi quidem si hæc conditio con
sulatus data est ; ut omnes acerbitates , om
nes dolores , cruciatusq; perferrem , feram
non solum fortiter , sed etiam libenter ,
dum modo meis laboribus uobis popu
loq; R.dignitas , salusq; pariat. ego sum
ille consul P.C.cui non forum , in quo om
nis æquitas continetur ; non campus , cõsu
laribus auspiciis consecratus ; non curia ,
summum auxilium omnium gentium , nō
domus commune perfugium ; non lectus
ad quietem datus ; non denique hæc sedes
honoris , sella curulis unquam uacua mor

tis per

tis periculo, atque insidiis fuit. ego multa tacui, multa pertuli, multa concessi. multa meo quodam dolore in uestro timore sanaui. nunc si hunc exitum consulatus mei dii immortales. esse uoluerint, ut uos P. C. populumq; R. ex eade misera, coniuges, liberosq; uestros, uirginesq; Vestales ex acerbissima uexatione, templa, atque delubra, hanc pulcherrimam patriam omnium nostrum ex fœdisima flamma, totam Italiam ex bello, & uastitate eriperem: quæcunque mihi uni proponetur fortuna subeat. etenim si P. Lentulus suum nomen inductus à uatibus fatale ad perniciem reip. fore putauit: cur ego non læter meum consulatum ad salutem reip. prope fatalem extitisse? quare P. C. consulite uobis, prospicite patriæ, conseruate uos, coniuges, liberos, fortunasq; uestras, populi R. nomen, salutemq; defendite, mihi parcere, ac de me cogitare desinite.

M V R E T V S

VIDEO P. C. Hanc orationem qui dicunt habitam esse VII. id. Decemb. eorum errorem Cicero ipse coarguit, qui, eam nonis habitam esse, libro secundo ad Atticum scribit. est autem in deliberatiuo genere. suadet enim patribus, ut fortiter atque animose de-

cernant. cumq; duæ contrariæ sententiæ sint, una D. Sili-
lani, qui coniuratos ultimo supplicio afficiendos esse
censebat; altera C. Caesaris, qui ab eis mortem remouea-
bat, ceterorum suppliciorum omnes acerbitates senten-
tia sua complectebatur: non improbat ille quidem sen-
tentiam Caesaris, sed tamen non obscure ad illam alte-
ram inclinât; eamq; senatui approbare conatur. Quo-
niam autem multi erant, qui Ciceroni ipsi metuentes,
amplexabantur mitiorem sententiam: ideo ipse sta-
tim à principio, cum maxima significatione caritatis
erga patriam suæ, orat, obtestaturq; eos, ut, omni alia
cogitatione omissa, nihil aliud, quàm salutem digni-
tatemq; publicam, sibi in decernendo proponant. **NON**
IUCVNDAM IN MALIS. hoc ideo dicit, quon-
iam in magnis malis uix quicquam est, quod proprie
iucundum dici queat.

DATA. fataliter concessa. Terentius = est istuc
datum.

Profecto mihi, grata ut sint, quæ facio, omnia.
**NON SOLVM FORTITER, SED ET-
TAM LIBENTER.** fortiter, ut Aristoteles
docet, est, sine molestia: libenter, cum uoluptate.
IN QVO OMNIS AEQVITAS. quoniam
in foro iudicia exercebantur.
CONSULARIBVS AVSPICIIS. comitia
enim, nisi auspiciato, non habebantur.
NON CVRIA. ubi habebatur senatus.
**NON DOMVS, COMMVNE PERFVG-
GIVM.** hac de re ita Caius iurisconsultus libro pri-

mo ad legem XII tabularum. Plerique putauerunt, nullum de domo sua in ius uocari licere: quia domus tutissimum, cuique refugium, atque receptaculum sit. eumque, qui inde in ius uocaret, iuri inferre uideri. Vi de et orationem pro domo sua.

HÆC SEDES HONORIS, SELLA CURULIS. in optimo illo libro, omnibus literis aperte perscriptum est: Hæc sedes honoris, id est, sella curulis: ex quo, non est obscurum, quid suspicari aliquis possit: ego tamen, hoc quidem loco, ἐπεὶ χῶ.

EGO MULTA TACVI. uidetur de multis potentibus intelligere, qui in suspicionem coniurationis uocabantur, Crasso, Casare, alijs.

ET ENIM SI P. LENTULVS. contraria hic, tanquam paria, comparantur.

CICERO

Nam primū deo sperare omnes deos, qui huic urbi præsident, pro eo mihi, ac mereor, relatuos gratiam esse. deinde, si quid obtigerit, æquo animo, paratoque moriar. neque enim turpis mors forti uiro potest accidere, neque immatura consulari: nec misera sapienti. nec tamē ego sum ille ferreus, qui fratris carissimi atque amatissimi præsentis micore nō mouear, horumque omnium lacrymis, à quibus me circumfessum uidetis: neque meam mentem

non domū saepe reuocat exanimata uxor,
 ablecta metu filia, & paruulus filius, qui
 mihi uidetur amplecti renip. tanquam ob
 fidem consulatus mei; neque ille, qui ex
 pectans huius exitum diei astat in conspe
 ctu meo, gener. moueor his rebus omni
 bus, sed in eam partem, ut salui sint no
 biscum omnes, etiam si uis aliqua me op
 presserit, potius, quàm ut illi et nos una
 reip. peste pereamus. quare P.C. incumbi
 te ad reip. salutem, circumspecte omnes
 procellas, quæ impendent, nisi provide
 tis. non Ti. Gracchus, qui iterum tribunus
 pl. fieri uoluit; non C. Gracchus, qui agrar
 ios concitare conatus est; non L. Saturni
 nus, qui C. Memmium occidit, in discrimen
 aliquod, atque in uestra seueritatis iu
 dicium adducitur; sed tenentur ii, qui ad
 urbis incendium, ad uestrum omnium cæ
 dem, ad Catilinam accipiendum Romæ
 restiterunt: tenentur literæ, signa, ma
 nus, denique uniuscuiusque confessio: so
 licitantur Allobroges: seruitia excitantur:
 Catilina accersitur: id est initum cōsiliū,
 ut, interfectis omnibus, nemo ne ad deplo
 randum quidem populi R. nomen atque
 ad lamentandam tanti imperii calamita

tem relinquatur.

do *ma* M V R E T V S

OMNES DEOS, QUI HVIC VRBI
PRAESIDENT. unaqueque urbs suos quosdam
habere putabatur deos, quorum in tutela esset. ideoque
Romani cum obsiderent aliquam urbem, iamque inibi es-
sent, ut eam caperent, prius deos illos certo, quodam
carmine euocabant: quod aut aliter urbem capi posse
non crederent, aut, etiam si posset, nefas existimarent
deos habere captiuos. eademque de causa, et deum, in
cuius tutela urbs Roma esset, et ipsius urbis latinum
nomen ignotum esse uoluerunt. Vide Macrobiū libro
tertio Saturnaliorum.

RELATVROS GRATIAM. populariter ma-
gis, et usitate, quam uere, et proprie loquitur. pri-
mum enim, refertur gratia ei, qui aliquid fecit. at
uero urbem ab eo, quod imminerebat, periculo, non Ci-
cero, sed Iupiter ipse seruauerat. ita enim scriptum est
in superiori oratione: Quibus ego si me restitisse dicā,
nimium mihi sumam, et non sim ferendus. ille, ille Iu-
piter restitit: ille Capitolium, ille haec templa, ille hanc
urbem, ille uos omnes saluos esse uoluit. deinde refert
gratiam, qui beneficium accepit. non potest autē deus
beneficium ab homine accipere, quare ne gratiam quia-
dem referre dicendus est.

SI QUID OBTIGERIT. κατ' ἀφαισισμόν.
NEQUE ENIM TVRPIS MORS. Grauis
mors, legisse uidetur hoc loco Fabius capite quarto li-

bri sexti . nisi forte , ut sit , memoria lapsus est : quod
 & puto .

TURPIS MORS FORTI VIRO . nam ea
 demum turpis est mors , quam qui oppetit , debilitatur ,
 ac frangitur animo , ignaueq; , & muliebriter se ge-
 rit . quod usuuenire uiro forti non potest . fortitudo
 enim in mortis despicientia uel maxime cernitur .

NEQVE IMMATURA CONSULARI .
 nam immatura mors ea dici solet , quæ interruptit in-
 stitutum ad gloriæ cursum . at consulatum qui adepti
 erant , ij , quem maiorem honorem optarent , non habebant . hanc autem huius sententiæ partem repetit etiã
 secunda oratione in Antonium .

NEQVE MISERA SAPIENTI . quia sapi-
 ens perpetuo beatus est . uidetur autem , si quis hanc
 orationem bene penitus introspeciat , multo de se arro-
 gantius loqui , quàm oporteret . plane enim subest hic
 syllogismus :

Neque turpis mors uiro forti potest accidere , nec
 immatura consulari , nec misera sapienti .

Ego & fortis sum , & consularis , & sapiens .

Mihi igitur neque turpis mors potest accidere , nec
 que immatura , neque misera .

FRATRIS CARISSIMI . Q . tamen Cicero ,
 si Plutarcho habenda est fides , fratrem exacuebat ad
 sumendum de coniuratis supplicium .

QVI MIHI VIDETVR AMPLECTI .
 omnes , quos mihi quidem uidere licuerit , ueteres libri
 ab impressis discrepant . ita enim in illis legitur : Quæ

mibi uidetur amplecti resp. tanquam obsidem consula-
tus mei. quam ego scripturam omnino ueram esse arbi-
tror. cur autem obsidem consulatus sui filium uocet,
hec causa est. Qui liberis carent, eos uerisimile est de
salute publica minus sollicitos esse, quàm quibus sunt li-
beri. nam hi non minus liberorum causa, quàm sua,
saluam remp. uelle debent; nisi omnem exuerint huma-
nitatis sensum, ut illam repudient σοφὴν Φυσικὴν;
que ingenerata est non hominibus modo, uerumetiam
feris. eaq; de causa, ut alibi retulimus, timuchi apud *in Catullina*
Massilienses non fiebant, nisi qui & uxorem, & libe-
ros haberent. Paruulus igitur Ciceronis filius, qui pa-
tri maxime cordi erat, quasi obses erat reip. qui con-
firmaret, patrem nihil gesturum, nisi quod uideretur
saluti fore.

GENER. C. Calpurnius Piso. hic enim tum Tulliam
in matrimonio habebat: que postea Crassipedi, deina
de Dolabellæ nupsit. Quod autem Coelius Curio hunc,
quo de hic agitur, Crassipodem esse credit, aperte
errat.

NOBISCUM. quidam libri ueteres, Vobiscum:
quod ut probem, adducor ijs uerbis, que statim subij-
cit: Etiam si uis aliqua me oppresserit.

NON TI. GRACCHVS. hæc historie quibus
ex locis peti possint, supra indicauimus.

C. MEMMIUM. magna inter scriptores in hoc
nominando uarietas. alij Nonium, alij A. Nonium, alij
Nummum, alij Mummiu uocant. quarum appella-
tionum que uerissima sit, illi sollicitius uiderint, qui,

uel quòd abundant ocio, uel quòd aliud præstare non
 queant, quasi hac uia in re omnis eruditio sita sit, ita
 nihil aliud agendum putant. mihi consilium non est in
 talibus Φλυαρίαις τε, καὶ λεπτολεσχίαις diutius
 immorari.

C I C E R O.

V
in Hæc omnia indices detulerunt, rei confes-
 si sunt, uos multis iam iudiciis iudicau-
 istis: primum, quòd mihi gratias egistis
 singularibus uerbis, & mea uirtute, atque
 diligentia, perditorum hominum patefa-
 ctam esse coniurationem decreuistis: dein-
 de, quod P. Lentulum, ut se abdicaret præ-
 tura, coegistis: tum, quòd eum, & cete-
 ros, de quibus iudicauistis, in custodiam
 dando censuistis: maximeq; quòd meo
 nomine supplicationem decreuistis; qui
 honos togato habitus ante me est nemini:
 postremo, hesterno die præmia legatis Al-
 lobrogum, Titoq; Vulturcio dedistis am-
 plissima. quæ sunt omnia eiusmodi, ut si,
 qui in custodiam nominatim dati sunt, si-
 ne ulla dubitatione à uobis damnati esse
 uideantur. sed ego institui referre ad uos
 P. C. tanquam integrum, & de facto, quid
 iudicetis; & de pœna, quid censeatis: il-
 la prædicam, quæ sunt consulis. Ego ma-

gnum in rep. uersari furorem, & noua quædam misceri, & concitari mala iam pridē uidebam: sed hanc tantam, tam exitiosam haberi coniurationem à ciuibus, nunquam putauī. nunc, quidquid est, quocunque uestræ mentes inclināt atque sententiæ, statuendum uobis ante noctem est. quantum facinus ad uos delatum sit, uidetis. huic si paucos putatis affines esse, uehementer erratis. latius opinione disseminatum est hoc malum. manauit non solum per Italiam, uerum etiam transcendit alpes, & obscure serpens multas iam prouincias occupauit. id opprimi sustentando ac prolato nullo pacto potest. quacunque ratione placet, celeriter uobis uindicandum est.

M V R E T V S

HAEC OMNIA. enumerat multa praeiudicia facta iam aduersus Catilinaros: & tamen ita refert, ut liberum esse uelit senatoribus, tanquam re integra, sententiam dicere.

STATVENDVM VOBIS ANTE NOCTEM EST. tum quia periculum erat, ne noctu aliquis tumultus excitaretur, ut per uim eriperentur ij, qui in custodiam dati erant: tum quia senatum ante noctem dimitti oportebat. Varro enim apud Gellium, docet, senatusconsultum ante exortum, aut post occa-

sum solem factum, ratum non fuisse: opus etiam censurum fecisse existimatos, per quos eo tempore senatusconsultum factum esset. Seneca autem libro primo de tranquillitate uitae: Maiores, inquit, nostri nouam relationem post horam decimam in senatu fieri uetabant. ideo Cicero alicubi nocturna Antonij senatusconsulta exagitat. In hac tamen florentissima Venetorum rep. senatus in multam noctem plerunque producit.

C I C E R O

Video duas adhuc esse sententias; unam D. Silani, qui censet eos, qui hæc delere conati sunt, morte esse multandos: alteram C. Cæsaris, qui mortis pœnam remouet, ceterorum suppliciorum omnes acerbitates amplectitur. uterque & pro sua dignitate, & pro rerum magnitudine in summa seueritate uersatur. alter eos, qui nos omnes, qui populum R. uita priuare conati sunt, qui delere imperium, qui populi R. nomē extinguere, punctum temporis frui uita, & hoc communi spiritu non putat oportere: atque hoc genus pœnæ saepe in improbos ciues in hac rep. esse usurpatum recordatur. alter intelligit, mortem à diis immortalibus non esse supplicii causa constitutam, sed aut necessitatem naturæ, aut laborum, ac miseriarum quietem esse: ita

que eam sapientes nunquam inuiti, fortes
 etiam sæpe libenter oppetiuerunt, uincu-
 la uero, & ea sempiterna, certe ad singula
 rem pœnam nefarii sceleris inuenta sunt:
 municipiis dispertiri iubet. habere uide-
 tur ista res iniquitatem, si imperare uelis;
 difficultatem, si rogare: decernatur tamen
 si placet: ego enim suscipiam, &, ut spero,
 reperiam, qui id, quod salutis omnium
 causa statueritis, non putet esse suæ digni-
 tatis recusare. adiungit grauem pœnam
 municipibus, si quis eorum uincula rupe-
 rit: horribiles custodias circumdat: & di-
 gnas scelere hominum perditorum. sancit
 ne quis eorum pœnam, quos condemnat,
 aut per senatum, aut per populum leuare
 possit: eripit etiam spem, quæ sola homi-
 nem in miseriis consolari solet: bona præ-
 terea publicari iubet: uitam solam relin-
 quit nefariis hominibus: quam si eripui-
 set, multas uno dolore animi, ac corporis,
 & omnes scelerum pœnas ademisset. ita-
 que, ut aliqua in uita formido improbis
 esset posita, apud inferos eiusmodi quæ-
 dam illi antiqui supplicia impiis constitu-
 ta esse uoluerunt; quod uidelicet intellige-
 bant, his remotis, non esse mortem insan-

qui, id est, quæ
 rationem.

putent

de municipibus
 autem legibus.

M V R E T V S
perti mescendam.

M V R E T V S

VIDEO DVAS ADHVC. D. Iunius Silanus, primus sententiam rogatus, quoniam, ut diximus, consul designatus erat, in eos, qui in custodiam traditi essent, & præterea in L. Cassium, P. Furium, P. Umbrenum, Q. Annum, si deprehensi forent, ultimum supplicium decreuerat. ei omnes assensi sunt, usque ad Ti. Neronem, qui, ut ait Sallustius, de supplicio, præsidij additis, referendum esse censuit: ut autem ait Appianus, censuit, eos in custodijs habendos, donec Catilina bello profligatus foret: ut tum tota res accuratius cognosceretur. Caesar autem, ubi ad eum uentum est, morte eos afficiendos negauit: sed publicanda bona, ipsos per municipia dissipandos, & perpetuo in uinculis habendos censuit. addidit alia, quæ hic à Cicerone ponuntur: tantumq; ualuit dicendo, ut non nulli ex ijs, qui priore loco sententiam dixerant, eam, ipsius oratione permoti, mutauerint: inter quos ipse Silanus, si Sallustio credas, pedibus se in sententiam Neronis iturum esse dixit: sin Plutarchum & Suetonium sequare, professus est, se ultimi supplicij nomine, non mortem, sed uincula intelligere. Cesari assensi sunt omnes usque ad Catonem, qui grauissima oratione, ita disseruit, eos morte esse multandos, ut in eandem sententiam reliquos omnes adduxerit. Caesaris & Catonis orationes leguntur illæ quidem apud Sallustium: sed non iisdem, ut puto, uerbis, quibus ab illis habitæ sunt.

Vt autem illud, quasi prateriens, admoneram, illius, qua utitur Cato, principium ad uerbum e Demosthene expressum est. Sallustij uerba sunt: Longe mihi alia mens est P. C. cum res, atque pericula nostra considero, et cum sententias non nullorum ipse mecum reputo. Illi mihi differuisse uidentur de poena eorum, qui patrie, parentibus, aris atque focis suis bellum parauere, res autem monet, cauere ab illis magis, quam, quid in illos statuamus, consultare. Demosthenis autem e principio tertie Olynthiace: Οὐχὶ ταῦτα παρίσταται μοι γινώσκειν, ὃ ἀνδρες Ἀθηναῖοι, ὅταν τε εἰς τὰ πρῶτα ματα ἀποβλέψω, καὶ ὅταν εἰς τὰς λόγους, εἰς ἀκρόασι. Τὰς μὲν γὰρ λόγους ποδὶ τῆς πτωχίστατος Φιλιστων ὁρῶ γινώσκουσας, τὰ δὲ πρῶτα ματα εἰς τὸ το πλεῖστον τα, ὥστε, ὅπως μὴ πεισώμεθα αὐτοὶ πλεόντων κακῶς, σκέψασθαι δεόν.

ALTERAM C. CAESARIS. praetorik designati.

QUI MORTIS POENAM REMOVET. credebatur enim coniurationi affinis esse.

NON ESSE SUPPLICII CAUSA CONSTITUTAM. ita illis temporibus credebatur. at nobis longe aliter persuasum est: qui e diuinis literis accepimus, primi hominis culpa, totum genus humanum, alioqui futurum immortale, morti obnoxium effectum esse.

SED AUT NECESSITATEM NATURAE. qua quicquid compositum est, id aliquando dissoluitur, necesse est.

AVT LABORVM AC MISERIARVM
QVIETEM. τὸ γὰρ θανεῖν

Κακῶν μέγιστον φάρμακον νομίζεται: ait Euripi-
pides.

SAPIENTES NVNQVAM INVITI.
cum enim causas rerum intelligant, non inuiti natura
parent.

FORTES ETIAM. ut Codrus rex Atheniensis,
ut Curtius, ut Decij.

HABERE VIDETVR ISTA RES.
propter poenam, quæ proponebatur: ut, si quis eorum
vincula rupisset, totum municipium in hostium loco
haberetur.

ERIPIT ETIAM SPEM. Spes exules alia:
ait Euripides in Phœnissis. eandem Pindarus senis al-
tricem uocat. circūfertur et uersiculus αἰδέσθαι ποτὶ θάνατον.

APVD INFEROS. plerique ueterum in ea sen-
tentia fuerunt, ut crederent, ea, quæ de inferis dice-
rentur, nihil esse aliud, quàm fabulas ad territandos impe-
ratorum animos confictas. ipsumq; ita sensisse Cicerone-
nem demonstrauius in annotationibus Horatianis. atq;
quæ hac ipsa de re hæc Democriti uerba referuntur:
ἔνιοι θνητῆς φύσεως διέλυσιν ἐκ εἰδότης αἰθ' ὡς ποτὶ θάνατον
σωεῖσθαι δὲ τῆς ἐν τῷ βίῳ κακοπραγμοσύνης, τὸν
τῆς βιοτῆς χρόνον ἐν ταραχαῖς καὶ φόβοις παλαιὰ
πῶρ' ὄντι, φθιδεὰ πόρ' ἢ μετὰ τὴν πλεονηθῶ μνηστῆ
πολαστοῖτες χροῖν.

M. T. C. C. C. E. R. O.

Nunc P. C. ego meâ uideo quid intersit. si eritis secuti sententiam C. Cæsaris; quoniam hanc is in rep. uiam, quæ popularis habetur, secutus est; fortasse minus erunt; hoc monitore & auctore huiusce sententia, mihi populares impetus pertimescendi. sin illam alteram secuti eritis, nescio an amplius mihi negotii contrahatur: sed tamen meorum periculorum rationes utilitas rep. uendicat: habemus enim à C. Cæsare, sicut ipsius dignitas, & maiorum eius amplitudo postulabât, sententiam tanquâ obsidem perpetuæ in rep. uoluntatis. intellectum est, quid interest inter leuitatem concionatorum, & animum uere populari, saluti populi consulentem. uideo, de istis, qui se populares haberi uolunt, abesse non neminem; ne de capite uidelicet ciuium R. sententiam ferat. is & nudius tertius in custodiam ciues R. Cethegum, & P. Lentulum dedit; & supplicationem mihi decreuit; & indices hesterno die maximis præmiis affecti. iam hoc nemini dubium est, qui reo custodiam, quætori gratulationem, indici præmium decreuit, quid de tota re, & causa iudicarit. at uero

C. Cæsar intelligit, legem Semproniam esse de ciuibus R. constitutam; qui autem reip. sit hostis, eum ciuem esse nullo modo posse: denique ipsum latorem legis Sempronie iussu populi poenas reip. dependisse, idem etiam ipsum largitorem Lentulum, & prodigum, non putat, cum de pernicio reip. & exitio huius urbis tam acerbe, tam crudeliter cogitarit, appellari posse popularem. itaque homo mitissimus, atque lenissimus non dubitat P. Lentulum æternis tenebris, uinculisq; mandare: & sancit in posterum, ne quis huius supplicio leuando se iactare, & in perniciem reip. posthac popularis esse possit: adiungit etiam publicationem bonorum; ut omnes animi cruciatus, & corporis, etiam egestas ac mendicitas consequatur. quamobrem siue hoc statueritis, dederitis mihi comitem ad concionem populo R. carum, atque iucundum: siue ~~illam~~ Silani sententiam sequi malueritis; facile me, atque uos à crudelitatis uitupratione defendetis, atque obtinebo eam multo leniorem fuisse.

M V R E T V S

N V N C P. C. Contentio duarum sententiarum inter se: altera popularior; & tutior consuli: altera consuli

*fuli periculofior, sed falutarior reip. Vincat igitur uti-
litas publica.*

**HANC IS IN REP. VIAM, QUAE PO-
PULARIS HABETVR, SECVTVS EST.**

Cicronis ex oratione pro Sextio uerba funt: Duo ge-
nera femper in hac ciuitate fuerunt eorum, qui uerfa-
ri in rep. atque in ea fe excellentius gerere ftuduerunt:

quibus ex generibus alteri fe populares, alteri optima-
tes & haberi, & efle uoluerunt. Qui ea, quae facie-
bant, quaeq; dicebant, multitudini iucunda efle uole-
bant, populares: qui autem ita fe gerebant, ut fua con-
filia optimo cuique probarent, optimates habebantur.

Cefarem autem popularem fuiife, per plurimis e Sue-
tonio locis intelligi poteft.

UTILITAS REIP. VENDICAT. libri ue-
teres, partim uendicat, partim uindicat. mihi, libere
ut loquar, neutrum probatur: planeq; legendum cen-
feo, uincat. ut refpexerit ad illud dictum Curionis in
caufa transpadanorum, Vincat utilitas..

OBSIDEM. quae confirmet, cum ita popularem
fore, ut tamen femper fit bonarum in rep. partium. fic
pro Caelio: Habet a M. Caelio refp. iudices duas accu-
fationes uel obfides periculi, uel pignora uoluntatis.

CONCIONATORVM. eorum qui omnes uen-
tos concionum colligere confueuerunt.

VIDEO DE ISTIS. Notat quempiam e Senato-
ribus, qui, ut popularis haberetur, eo die uenire in fe-
natum noluerat: cuiusq; ftultitiam oftendit, qui uereca-
tur iudicare de ijs, quos multis iam praedicijs con-

demnarit. ei autem ex contentione anteponit Cæsarem, quem reuera popularem esse dicit, id est, studiosum salutis publicæ.

CIVES R. CETHGV M, ET LENTVLVM. Cethegi & Lentuli nomina in plerisque ueteribus libris non leguntur: & sane delenda sunt. non enim magis de his duobus loquitur, quàm de ceteris, qui in custodiam dati erant.

IAM HOC NEMINI DVBIVM EST. argumentum ab antecedentibus.

LEGEM SEMPRONIAM. latam à C. Graccho, ne iniussu populi quisquam ciuis R. morte multaretur. at ea lex nihil pertinet ad coniuratos. amiserunt enim iura ciuium: cum eos hostes iudicaret senatus.

QVI AVTEM REIP. argumentum à repugnantibus.

IVSSV POPVLI. ~~causa seruans, hoc dicit, neque enim populi iussu interfectus est Gracchus.~~

IPSV M LARGITOREM LENTVLVM. hoc uitium largitionis in Lentulo alicubi notat etiam Sallustius.

SE IACTARE. popularem auram captare.

C I C E R O.

Quanquam P.C. quæ potest esse in tanti sceleris immanitate puniendi crudelitas? ego enim de meo sensu iudico. nam ita mihi salua rep. uobiscum perfrui liceat, ut ego; quòd in hac causa uehementior sum,

legendum putat
iniussu populi.
li. nam et
ita habet si
historias veri-
tas: et ipsa
Ciceronis argu-
mentatio ut
ita legamus,
exigere uide-
tur.

non atrocitate animi moueor, (quis enim
 est me mitior ?) sed singulari quadam hu-
 manitate, & misericordia. uideor enim
 t. l. m. mihi hanc urbem uidere, lucem orbis ter-
 rarum, atque arcem omnium gentium su-
 bito uno incendio concidentem : cerno
 animo sepultam patriam, miseros, atque
 insepultos acervos ciuiū: uersatur mihi an-
 te oculos aspectus Cethegi, & furor in ue-
 stra cæde bacchantis. cum uero mihi pro-
 no posui regnantem Lentulum, sicut ipse se
 17. d. ex fati sperasse confessus est, purpuratum
 esse hunc Gabinium, cum exercitu uenisse
 Catilinam, tum lamentationem matrū-
 familias, tum fugam uirginum, atque
 puerorum, ac uexationem uirginum Ve-
 stalium, perhorresco; &, quia mihi uehe-
 menter hæc uidentur misera, atque mise-
 randa, iccirco in eos, qui ea perficere uo-
 luerunt, me seuerum, uehementemq; præ-
 beo. etenim quæro, si quis paterfamilias,
 liberis suis à seruo interfectis, uxore occi-
 sa, incensa domo, supplicium de seruis
 quam acerbissimum sumpserit; utrum is
 clemens, ac misericors, an inhumanus &
 crudelissimus esse uideatur. mihi uero im-
 portunus ac ferreus, qui non dolorem

sepulta
 in patriam
 lib. m. m. c. c.

*lib. Mos.
laneris.
forte, lena
ris.*

suum & cruciatum dolore nocentis, & cruciatu lenierit. sic nos in iis hominibus, qui nos, qui coniuges, qui liberos nostros trucidare uoluerunt, qui singulas uniuscuiusque nostrum domos, & hoc uniuersum reip. domicilium delere conati sunt, qui id egerunt, ut gentem Allobrogum in uestigiis huius urbis, atque in cinere deflagrati imperii collocarent; si uehementissimi fuerimus, misericordes habebimur; si remissiores esse uoluerimus, summæ nobis crudelitatis in patriæ ciuiumq; perniciæ fama subeunda est.

M V R E T V S

QV AN QV AM P. C. quia lenitatis mentionem iniecerat, iccirco reprehendit seipsum: affirmans nullam in tanti sceleris atrocitate uindicanda metuendam esse crudelitatis famam: ac tum demum ipsos in patriâ crudeles fore, si in eis, qui de illius incendio ac uastitate consilia inierunt, puniendis remissi ac misericordes esse uoluerint.

VIDEOR ENIM MIHI. ὡς τὸ πῶτος aptissima ad senatorum animos inflammandos.

PVRPV RATVM. prætorem, aut consulem.

ET ENIM QVAERO. argumentum ab exemplo ficto.

MIHI VERO IMPORTVNVS. non tantum, inquit, adesse mihi uidebitur à crudelitate, si quis ab

*eiusmodi seruo poenas quamacerbissimas sumpserit :
uerumetiam si quis id non fecerit, is mihi demum impor-
tunus ac ferreus esse uidebitur.*

C I C E R O

Nisi uero cuipiam L. Cæsar, uir fortissi-
mus, & amantissimus reip. crudelior nu-
dius tertius est uisus, cum sororis suæ, fœ-
minæ lectissimæ, uirum præsentem, & au-
dientem uita priuandum esse dixit : cuius
aui iussu consularem interfectum, filiumq̃
eius impuberem, legatum à patre missum
in carcere necatum esse dixit. quorum
quod simile fuit factum : quod initum de-
lendæ reip. consilium : largitionis uolun-
tas tum in rep. uersata est, & partium quæ-
dam contentio. atque illo tempore huius
auus Lentuli, clarissimus uir, armatus
Gracchum est persecutus, & graue tum
uulnus accepit, ne quid de summa digni-
tate reip. minueretur : hic ad euertenda
fundamenta reip. Gallos accersuit, serui-
tia concitauit, Catilinam euocauit, attri-
buit nos trucidandos Cethego, ceteros ci-
ues interficiendos Gabinio, urbem inflam-
mandam Cassio, totam Italiam uastandâ,
diripiendamq̃ Catilinæ. uereamini, cen-
seo, ne in hoc scelere tam immani ac nefa

M V R E T V S

rio nimis aliquid seuerè statuisse uideamini : cum multo magis sit uerendum, ne remissione poenæ crudeles magis in patriam, quàm ne seueritate animaduersionis nimis uehementes in acerbissimos hostes fuisse uideamini.

M V R E T V S

NISI VERO CUIPIAM L. CAESAR, hac ipsa de re ita commemorat secunda oratione in Antonium : L. Caesar, auunculus tuus, qua oratione, qua constantia, qua grauitate sententiam dixit in sororis suæ uirum, uitricum tuum?

SORORIS SVÆ VIRVM. P. Lentulum Suam.

CVIVS AVI IVSSV CONSVLAREM INTERFECTVM. locus hic, cum aliter antea legeretur, emendatione indigere uisus est Hieronymo Ferrario, homini erudito imprimis, ac diligenti; qui in eo libro, quo Ciceronis Philippicas emendauit, hunc quoque locum pronunciauit ita scribendum esse, ut in hisce libris legitur. sed ego hanc ipsius correctionem (libere ut loquar) nullo modo probare possum. primū, quod ualde recedit ab antiquorum codicum fide. deinde, quod M. Fuluius Flaccus, de quo hic agi constat, non P. Lentuli eius, qui princeps senatus fuit, sed L. Opimij iussu interfectus est. quod si remp. senatus Opimio commiserat: tamen senatus iussu, non autem P. Lentuli iussu, interfectus hac ratione Fuluius dicere.

tur. præterea uix mihi persuadere possum, Ciceronem
ita locutum esse, CVIVS AVI IVSSV CON
SVLAREM INTERFECTVM dixisset po
tius, ut opinor, hominem consulare. non quin consu
laris aliquando etiam sine adiectione dicatur: sed quia
hoc loco, nescio quo modo, uix satis è Ciceronis consue
tutine dictum uidetur. at hæc in coniectura posita sunt.
illud uero ita firmum, ut conuelli non possit; quod quæ
in omnibus antiquis libris, etiamq; in plerisque impres
sis scriptura est, ea ita præclaram sententiam efficit,
ut uel tacita coarguere possit temeritatem nostram, si
quicquam mutandum, aut monendum putemus. ita igitur
in eis scriptum uideo: Nisi uero cuiquam L. Cæsar,
uir fortissimus, & amantiissimus reip. crudelior nudius
tertius est uisus cum sororis sue, scemine lectissime,
uirum præsentem, & audientem uita priuandum esse
dixit: cum auum iussu consulis interfectum, filiumq;
eius impuberem, legatum à patre missum, in carcere
necatum esse dixit. hic nihil est, cur quisquam, mu
tando, aut corrigendo, ingeniosus uideri uelle debeat.
Dixit enim L. Cæsar, P. Lentulum sororis sue uirum
uita priuandum esse: idq; confirmauit hoc argumento,
quod auus quoque suus, multo minus atroci scelere in
fectus, tamen iussu Optimij consulis interfectus fuisset.
auus autem maternus L. Cæsaris fuerat M. Fuluius Flac
cus: nam eius filiam L. Cæsar, huius Lucij pater, in
matrimonio habuerat. quocirca, reiecta Ferrarij opi
nione, censeo ueterum librorum auctoritatem esse in
sequendam.

*Quod L. Opimius est verba f. de rep. l. 8. a. 12. v. 2. Opimius cos. rom.
Defendantem sentit. f. de verbis, Opimius arripit, aut ipse ad, si ad, tam.
varius enim aut. conuenit p. p. M V R E T V S*

*ordane e.
Murella, enty
A filij consulo
m / p. l. v. 11.
principem fo
ratur complur
alij sumus
dixi, qui co. l.
opimio est. ar
nare groas
in Auctore f. fo
ut sunt!*

FILIVMQVE EIVS IMPVBEREM? *1*
duodeuiginti annos natum, specie excellentem. alter
autem maior natu, dimicans ceciderat. *2*

*principem fo
ratur complur
alij sumus
dixi, qui co. l.
opimio est. ar
nare groas
in Auctore f. fo
ut sunt!*

QVORVM QVOD SIMILE FVIT FA
CTVM? elegantius, ut est in ueteribus libris, detra
cto uerbo: Quorum quod simile factum? ut simile sit
illi ex Adelphis: Nullum huius simile factum.

*quo in publi
in tribus gra
m. vulnus ac
cepit.*

LARGITIONIS VOLVNTAS. cum C.
Gracchus agros diuidere, & frumentum plebi dare in
stitueret.

ET PARTIVM QVAEDAM CONTEN
TIO. Quod alii populares essent, alij optimates?

ATQVE ILLO TEMPORE HVIVS
AVVS LENTVLI. Meminit Cicero octaua
Philippica, & Valerius capite tertio libri quinti.

VIDEAMINI. ueteres libri, Videamur.

C I C E R O

Sed ea quæ exaudio. P. C. dissimulare nō
possum. iactantur enim uoces, quæ perue
niunt ad aures meas, eorum, qui uereri
uidentur, ut habeam satis præsidii ad ea,
quæ uos statueritis hodierno die, transi
genda. omnia prouisa, parata, & consti
tuta sunt P. C. cum mea summa cura, atque
diligentia, tum multo etiam maiore po
puli R. ad summum imperium retinendū,
& ad communes fortunas conseruandas
uoluntate. omnes assunt omnium ordinū

homines, omnium denique ætatum: plenum est forum, pleni omnes aditus huius loci, ac templi: causa enim est post urbem conditam hæc inuenta sola, in qua omnes sentirent unum atque idem, præter eos, qui cum sibi uiderent esse pereundum, cum omnibus potius, quam soli perire uoluerunt. hosce ego homines excipio, & secerno libenter: neque enim in improborum ciuium, sed in acerbissimorum hostium numero habendos puto. ceteri uero, dii immortales, qua frequentia, quo studio, qua uirtute ad communem dignitatem, salutemque consentiunt: quid ego hic equites R. commemorem? qui uobis ita summa ordinis consiliique concedunt, ut uobiscum de amore reip. certent: quos ex multorum annorum dissensione ad huius ordinis societatem, concordiamque reuocatos, hodiernus dies uobiscum, atque hæc causa coniungit: quam coniunctionem si in consulatu confirmatam meo, perpetuam in rep. tenuerimus, confirmo uobis, nullum posthac malum ciuile ac domesticum ad ullam reip. partem esse uenturum. pari studio defendendæ reip. conuenisse uideo tribunos ærarios, fortissimos uiros, scribas

ab item uniuersos; quos cum casu hic dies ad ararium frequentasset, uideo ad expectatione fortis ad communem salutem esse conuersos.

M V R E T V S

SED EA, QVAE EXAUDIO. Erant, qui dicerent, etiam si senatus fortiter decreuisset, uereri se tamen, ne aliquis e cede coniuratorum in urbe tumultus oreretur; ad quem comprimendum Cicero satis praesidij non haberet. eam suspicionem ipse nunc eleuat: ostenditq; tantum omnium aetatum atque ordinum in hac causa esse consensum, nihil ut tale sit extimescendum.

ORDINIS CONSILIIQUE. libri ueteres: Ordinis, auxilij, consilijq;.

EX MVLTORVM ANNORVM DISSENSIONE. propter Sempronias, & Cornelias leges de iudicijs. lege Asconium.

EVOCATOS. lege Aurelij Cottæ.

TRIBVNOS AERARIOS. non magistratus, sed ordinis nomen est: ut ex Asconio colligitur. eorum munus erat, attributam pecuniam militibus dare.

SCRIBAS. horum munus erat, acta publica scribere, & apparere magistratibus. est autem hoc quoque ordinis nomen. Cicero: Quæ pars operæ, aut opportunitatis in scriba est; cur ei non modo merces tanta detur; sed cur cum eo tantæ pecuniæ partitio fiat? Ordo est honestus, quis negat? aut quid ea res ad hanc

rem pertinet? est uero honestus: quòd eorum hominum fidei tabule publicæ periculâq; magistratuum committuntur. Distributi erant in aliquot decurias. quarum in aliqua locum sibi emere consueuerant; qui scribæ fieri uolebant. Aemilius Probus in uita Eumenis ait scribæ munus multo esse apud Graios honorificentius, quàm apud Romanos. nam apud nos, inquit, reuera, sicut sunt, mercenarij scribæ existimantur. at apud illos contra, nemo ad id officium admittitur, nisi honesto loco, & fide, & industria cognita: quòd necesse est, omnium consiliorum eum esse participem.

FREQUENTASSET. ad sortiendas, ut opinor, inter se procurationis suæ partes.

C I C E R O

Omnis ingenuorum adest multitudo etiam tenuissimorum. quis est enim, cui non hæc templa, aspectus urbis, possessio libertatis, lux denique hæc ipsa, & hoc commune patriæ solum cum sit carum, tum uero dulce, atque iucundum? operæ precium est P.C. libertinorum hominum studia cognoscere, qui sua uirtute fortunam ciuitatis consecuti, hanc uere suam patriam esse iudicant: quam quidam hinc nati, & summo nati loco, non patriam suam, sed urbem hostium esse iudicauerunt. sed quid ego huiusce ordinis homines commemorem? quos priuatæ fortunæ, quos

communis resp. quos denique libertas ea, quæ dulcissima est, ad salutem patriæ defendendam excitauit. seruus est nemo, qui modo tolerabili conditione sit seruitutis, qui non audaciam ciuium perditorum perhorrescat, qui non obitare cupiat, qui non tantum, quantum audet, & quantum potest, conferat ad communem salutis uoluntatem. quare si quem uestrum forte commouet hoc, quod auditum est, lenonem quendam Lentuli concurrere circum tabernas, precio sperantem sollicitari posse animos egentium atque imperitorum: est id quidem cœptum, atque tentatū; sed nulli sunt inuenti tā aut fortuna miseri, aut uoluntate perditī, qui non ipsum illum sellæ, atque operis, & quæstus quotidiani locum, qui non cubile, ac lectulum suum, qui denique non cursum hunc ociosum uitæ suæ saluum esse uelint. multo uero maxima pars eorum, qui in tabernis sunt, immo uero (id enim potius est dicendum) genus hoc uniuersum amantissimum est ocii: etenim omne eorum instrumentum, omnis opera, ac quæstus frequentia ciuium sustinetur, alitur ocio: quorum si quæstus occlusis taber-

nis minui solet, quid tandem incensis futurum fuit?

M V R E T V S

SUA VIRTUTE FORTVNAM CIVITATIS. multi libri ueteres: Qui fortuna sua huius ciuitatis ius consecuti: idq; uerum esse arbitror. nam, consequi ius ciuitatis, probe & usitate dicitur: consequi fortunam ciuitatis, nescio, an usquam legatur. CIVITATIS IUS. qui enim iustam, plenamq; libertatem assequebantur, simul & liberi fiebant, & ciues Romani. ut qui manumittebantur uindicta.

QVI MODO TOLERABILI CONDI-
TIONE SIT. seruorum quasi gradus erant: & aliorum melior, aliorum deterior conditio: ut atrien-
sum, & ordinariorum melior, quam uicariorum & mediastinorum.

AD COMMVNEM SALVTIS VOLVN-
TATEM. quidam ueteres libri: Ad communem sa-
lutem uoluntatis.

LENONEM QVENDAM LENTV-
LI. Sallustius: Dum hæc in senatu aguntur, & dum legatis Allobrogum, & T. Vulturcio, compro-
bato illorum indicio, præmia decernuntur: liberti,
& pauci ex clientibus Lentuli, diuersis itineri-
bus, opifices atque seruitia in uicis ad eum eripien-
dum sollicitabant: partim exquirebant duces multitudi-
num, qui precio remp. uexare soliti erant. Cethegus
autem per nuncios, familiam atque liberos suos lectos,

Et exercitatos orabat in audaciam: ut grege facto cum
 telis ad sese irrumperent. Appianus: ΑΥΤῶ δὲ ΛΕΥΤΛΟ
 καὶ ΚΕΘΗΥΘ ΘΕΡΑΨΟΝΤΕΣ ΤΕ καὶ ἔΞΕΛΘΙΘΕΡΟΙ ΧΕΙΡΟ-
 ΤΕΧΝΑΣ ΠΟΛΛΟὺΣ ΠΡΟΣΛΑΒΟΝΤΕΣ, κατ' ὀπισθίαν οὐδὲς
 περιήεσαν ἰδί τὰς τῶν ΣΣΑΤΗΓΩΝ οἰκίαν, ὡς τὰς δὲ
 σπότας Ἰζαρχασμένους. Idem etiam narra- Dig
 OCCLVSIS TABERNIS. ut cum itur ad. sa
 ga: cum tumultus est in ciuitate: in luctu publico.
 INCENSIS. erat autem futurum, ut incende-
 rentur, si coniurati, quod moliebantur, efficere po-
 tuissent.

C I C E R O

Quæ cum ita sint P.C. uobis populi R.
 præsidia non desunt: uos, ne populo R. de-
 esse uideamini; prouidete. habetis consu-
 lem ex plurimis periculis, & insidiis, at-
 que ex media morte non ad uitam suam,
 sed ad salutem uestram reseruatum. om-
 nes ordines ad conseruandam remp. men-
 te, uoluntate, studio, uirtute, uoce con-
 sentiunt. obsessa facibus, & telis impiæ
 coniurationis, uobis supplex manus ten-
 dit patria communis: uobis se, uobis ui-
 tam omnium ciuium, uobis arcem, &
 Capitolium, uobis aras penatium, uobis
 illum ignem Vestæ perpetuum ac sempi-
 ternum, uobis omnia templa deorum, at-

que delubra, uobis muros, atque urbis te-
cta commendat. præterea de uestra uita,
de coniugum uestrarum, ac liberorum ani-
ma, de fortunis omnium, de sedibus, de
focis uestris hodierno die uobis iudican-
dum est. habetis ducem memorem uestri,
oblitum sui: quæ non semper facultas da-
tur. habetis omnes ordines, omnes ho-
mines, uniuersum populum R. id quod in
ciuili causa hodierno die primum uide-
mus, unum atque idem sentientem. co-
gitate, quantis laboribus fundatum impe-
rium, quanta uirtute stabilitam liberta-
tem, quanta deorum benignitate auctas,
exaggeratasque fortunas una nox pene dele-
rit. id ne unquã posthac non modo confi-
ci, sed ne cogitari quidem possit, uobis
hodierno die prouidendum est. atque hæc
non ut uos, qui mihi studio pene præcur-
ritis, excitarem, locutus sum; sed ut mea
uox, que debet esse in rep. princeps, offi-
cio functa consulari uideretur. nunc ante-
quam ad sententiam redeo, de me pau-
ca dicam.

M V R E T V S

OBSESSA FACIBVS. *personæ fictio ad ani-
mos commouendos efficacissima.*

...

M V R E T V S

Ego quanta manus est conjuratorum.

tata manus ita plus valent, quam de
que caris dignitas: metamen meorum

mus Perses honestavit: sit æterna gloria

Order in Ashlar - 1st & 2nd - at Hurk & Sons

Marſus, qui bis Italiam obſidione, & me-
 tu ſeruitutis liberauit: anteponatur omni
 bus Pompeius, cuius res geſta, atque uir-
 tutes iſdem, quibus ſolis curſus, regioni-
 bus, ac terminis continentur. erit profe-
 cto inter horum laudes aliquid loci no-
 ſtræ gloriæ. niſi forte maius eſt patefacere
 nobis prouincias quò exire poſſimus;
 quàm curare, ut etiam illi, qui abſunt, ha-
 beant, quò uiſtores reuertantur. quan-
 quam eſt in uno loco conditio melior ex-
 ternæ uiſtoriæ, quàm domesticæ: quòd ho-
 ſtes alienigenæ aut oppreſſi ſeruiunt, aut
 recepti beneficio ſe obligatos putant; qui
 autem ex numero ciuium dementia ali-
 qua deprauati, hoſtes patriæ ſemel eſſe cœ-
 perunt, eos, cum à perniciæ reip. repuleris,
 neque ui coercere, neque beneficio placare
 poſſis. quare mihi cum perditis ciuibus
 æternum bellum ſuſceptum eſſe uideo:
 quod ego ueſtro bonorumq; omnium au-
 xilio, memoriaq; tantorum periculorum,
 quæ non modo in hoc populo, qui ſerua-
 tus eſt, ſed etiam in omnium gentium ſer-
 monibus, ac mentibus ſemper hærebit, à
 me, atque à meis facile propulſari poſſe
 confido. neque ulla proſecto tanta uis re-

oſ. inq; nulla tributa contulerunt. R
Pinſon.

perietur, quæ coniunctionem uestram
 equitumq; R. & tantam conſpirationem
 bonorum omnium perfringere, & labe-
 factare poſſit. quæ cum ita ſint patres con-
 ſcripti, pro imperio, pro exercitu, pro
 prouincia, quam neglexi; pro triumpho,
 ceteriſq; laudis inſignibus, quæ ſunt a me
 propter urbis, ueſtræq; ſalutis cuſtodiam
 repudiata; pro clientelis, hoſpitiſq; pro-
 uincialibus, quæ tamen urbanis opibus
 non minore labore tueor, quàm compa-
 ro; pro his igitur omnibus rebus, & pro
 meis in uos ſingularibus ſtudiis, proq;
 hac, quam conſpicitis, ad conſeruandam
 remp. diligentia, nihil aliud à uobis, niſi
 huius temporis, totiuſq; mei conſulatus
 memoriam, poſtulo: quæ dum erit ueſtris
 mentibus infixæ, firmiſſimo me muro ſe-
 ptum eſſe arbitrabor. quòd ſi meam ſpen-
 tis improborum ſefellerit, atque ſupera-
 uerit, commendo uobis paruum meum
 filium: cui proſecto ſatis erit præſidii non
 ſolum ad ſalutem, uerum etiam ad digni-
 tatem, ſi eius, qui hæc omnia ſuo ſolus
 periculo conſeruauerit, illum eſſe filium
 memineritis. quapropter de ſumma ſalu-
 te ueſtra populiq; R.P.C. de ueſtris coniu-

gibus ac liberis, de aris, ac focis, de fanis,
ac templis, de totius urbis testis, ac sedi-
bus, de imperio, de libertate, de salute
Italiae, deq; uniuersa rep. decernite diligen-
ter, ut instituis, ac fortiter habetis enim
consulem, qui & parere uestris decretis
non dubitet; & ea, quæ statueritis, quoad
uiuet, defendere, & per se ipsum præstare
possit.

M V R E T V S

OMNIBVS EST PARATA. Euripides.

Ἐστὸς ὅς πασι κατβαρὲν ὀφείλεται.

VESTRIS DECRETIS. *quid intersit senatus
decretum, ac senatusconsultum, c. Sex. Pōpeio cognosces.*

SIT SCIPIO. Africanus superior: de quo uide
Liuium lib. XXX.

IN AFRICAM REDIRE, ATQVE EX
ITALIA DECEDERE. ὕστερον πρότερον.

QVI DVAS VRBES. Vide Florum libro secun-
do. de ijs autem qui postea nominantur, uide Plutar-
chum in parallelis.

ANTEPONATVR OMNIBVS. De eodem
in oratione pro Deiotaro ad Casarem: Tanto ille su-
periores uicerat gloria, quanto tu omnibus præstitisti.

VT ILLI QVI ABSVNT. huc pertinet di-
ctum Pompeij, quod refertur libro primo de officijs.


F I N I S.

R ij



ERRATORVM CORRECTIO.

Delenda,			Reponenda.	
Char.	Pag.	Ver.		
12	1	6	decurrem.	decurrerem,
24	1	12	ἐξα	ἐξα
29	1	8	ὥπως	ὥπως
31	2	2	ἡμᾶς	ἡμᾶς
34	1	24	Εὐ.	Εὐ.
45	2	27	uerus	uerius
48	1	11	obiugationibus	obiurgationibus
68	2	2	siccariorum.	sicariorum.
71	1	2	etatem	etate
72	1	8	θαυματωποιῶν ἀσελεγεῶρες	θαυματωποιῶν ἀσελεγεῖρες
72	1	9	τῶν	τὸν
99	2	12	accidente	occidente
101	2	11	quod:	quod,
110	1	14	omnis	omni





Lib. XII.
Legi Bruti epistolam, eamque tibi remissi, sane non
prudenter rescriptam ad ea, quae requisieras.
sed ipse videris. quanquam illud turpiter igno-
ras. Catonem primam sententiam putat de animad-
versione dixisse: quae antea ante dixerant, propter
Caesarem. Et cum ipsius Caesaris tam senex fuerit,
qui tui praetoris loco dixerit; consularium putat le-
niores fuisse, Catuli, Servilii, Lucullorum, Curio-
rum, Torquatorum, Lepidi, Gellii, Volcatii, Figuli, Cottii,
L. Caesaris, C. Pisonis etiam, M. Atilii Glabrioris,
Silarii, Murenae designatorum consules. Cur ergo
in sententia Catonis? quia verbis luculentioribus, &
pluribus rebus eundem comprehenderat. me autem hic
laudas, quod reaterim, non quod patefecerim, quod cohor-
tator sum, quod denique ante, quam consulere, ipse
iudicaverim. quae omnia quia Cato laudibus exulte-
rat in caelo, perscribenda, censuerat, ideo in
eius sententiam ista facta dycesis.

HENRICVS

Hoc Est Nomen Regi Iuniorum Carolus V. Superarch

Hic ER Noster Rex Junioris Caesaris Vero Successor.

Hoc Est Nomen Regis ~~Imperatoris~~, Candi V. Success

Hoc est nomen Regis ignavi Caesaris viribus superati. Tris

Nov 21 1873

2

ακρυβ

1

$$\begin{array}{r} 437400 \\ 75885 \\ 777 \\ \hline 1348 \end{array}$$

$$\begin{array}{r} 90-70=20 \\ 20 \times 20 = 400 \end{array}$$

1

2

3

4

5

6

7

8

9

10

11

12

13

14

15

16

17

18

19

20

